

Já_g¹ Dse₃ quió'⁵ Diú₄ a₂ca₂tó'² San Mateo ne₄ Si₂

*Dsa₂ can'⁵⁴ quián₅ Jesucristo i₂jme₁chan₂ ma₂lig'²
(Lucas 3:23-38)*

¹ A₂la₂ bá₄ caun₂ lista ja₁le₁ton₅ dsa₂ can'⁵⁴ quián₅
Jesucristo i₂jme₁lín₄ tsi₁jon₂ quián₅ David* quian'⁵⁴
Abraham.

² Abraham ca₂lín₃ jmei₂ Isaac,
Isaac guë'₂ ca₂lín₃ jmei₂ Jacob;
Jacob guë'₂ ca₂lín₃ jmei₂ Judá quian'⁵⁴ riin'⁵⁴.

³ Judá guë'₂ ně₃ ca₂lín₃ jmei₂ Fares quian'⁵⁴ Zara
të₂le₃ quian'⁵⁴ Tamar.

Fares guë'₂ ca₂lín₃ jmei₂ Esrom;
Esrom guë'₂ ca₂lín₃ jmei₂ Aram.

⁴ Aram guë'₂ ca₂lín₃ jmei₂ Aminadab;
Aminadab guë'₂ ca₂lín₃ jmei₂ Na'asón;
Na'asón guë'₂ ca₂lín₃ jmei₂ Salmón;

⁵ Salmón guë'₂ ca₂lín₃ jmei₂ Bo'oz
të₂le₃ quian'⁵⁴ Rahab.

Bo'oz guë'₂ ca₂lín₃ jmei₂ Obed
të₂le₃ quian'⁵⁴ Ruth.

Obed guë'₂ ca₂lín₃ jmei₂ Isaí;

⁶ Isaí guë'₂ ca₂lín₃ jmei₂ Rag⁵⁴ David.

Rag⁵⁴ David guë'₂ ně₃ ca₂lín₃ jmei₂ Salomón,
(të₂le₃ quian'⁵⁴ i₂jme₁lín₄ dsa₂ mí₂
quián₅ Urías le₂jñiá₅).

⁷ Salomón guë'₂ ca₂lín₃ jmei₂ Roboam;

* **1:1** Rag⁵⁴ David i₂ca₂rë₃chán₃ con'₂ co₂mei₅ ñi₂ né'₃ a₂ca₂rë₃chán₃
Jesús.

Roboam guë'₂ ca₂lin₃ jmei₂ Abías;
 Abías guë'₂ ca₂lin₃ jmei₂ Asa;
 8 Asa guë'₂ ca₂lin₃ jmei₂ Josafat;
 Josafat guë'₂ ca₂lin₃ jmei₂ Joram;
 Joram guë'₂ ca₂lin₃ jmei₂ Usías;
 9 Usías guë'₂ ca₂lin₃ jmei₂ Jotam;
 Jotam guë'₂ ca₂lin₃ jmei₂ Acaz;
 Acaz guë'₂ ca₂lin₃ jmei₂ Ezequías;
 10 Ezequías guë'₂ ca₂lin₃ jmei₂ Manasés;
 Manasés guë'₂ ca₂lin₃ jmei₂ Amón;
 Amón guë'₂ ca₂lin₃ jmei₂ Josías;
 11 Josías guë'₂ ca₂lin₃ jmei₂ Jeconías quian'₅₄ riin'₅₄,
 (lia'₂ con'₂ jmi₄ jme₁ca₂i₃lén₂ dsa₂ israelitas
 a₂ca₂tág₃ dsa₂ jui₅ 'uë₃ Babilonia).
 12 Cang₂ jme₁ma₂tág₃ dsa₂ 'uë₃ Babilonia jaun₂,
 ca₂lin₃ Jeconías jmei₂ Salatiel;
 i₂ca₂lin₃ jmei₂ Zorobabel;
 13 Zorobabel ně₃ ca₂lin₃ jmei₂ Abiud;
 Abiud guë'₂ ca₂lin₃ jmei₂ Eliaquim;
 Eliaquim guë'₂ ca₂lin₃ jmei₂ Azor;
 14 Azor ně₃ ca₂lin₃ jmei₂ Sadoc;
 Sadoc guë'₂ ca₂lin₃ jmei₂ Aquim;
 Aquim guë'₂ ca₂lin₃ jmei₂ Eliud;
 15 Eliud guë'₂ ca₂lin₃ jmei₂ Eleazar,
 i₂ca₂lin₃ jmei₂ Matán;
 Matán guë'₂ ca₂lin₃ jmei₂ Jacob;
 16 Jacob ně₃ ca₂lin₃ jmei₂ José, dsi₂i₂gu₂ María;
 María guë'₂ ně₃ ca₂lin₃ chog₅₄ Jesús
 i₂té'₂ dsa₂ Cristo*.†

† 1:16 Co₂rë₂ bá₄ jein₅ jág₁ “Cristo” quian'₅₄ “I₂rë₂'in₁ quián₅ Diú₄,”
 Quian'₅₄ jág₁ jmei₅ hebreo guë'₂ táng₃ juá'₂ dsa₂ Meshíaj: “Mesías”
 quian'₅₄ jág₁ nj'₅₄.

17 Jaun₂ ně₃, con'₂ guia₃-quén₂ tsi₁jon₂ dsa₂ ca₂ŋí₂ ca₂le₃ jme₁chan₂ Abraham ca₂tě₂ jmig₄ jme₁ca₂rě₃chán₃ David, ján₃ bá₄ le₂jaun₂ guia₃-quén₂ tsi₁jon₂ dsa₂ ca₂ŋí₂ ca₂le₃ jme₁chan₂ David, ca₂tě₂ jmig₄ jme₁ca₂tág₃ dsa₂ dsa₂ israelitas jui₅ 'uě₃ Babilonia; cang₂ jaun₂ gué₄ ně₃, con'₂ guia₃-quén₂ tsi₁jon₂ dsa₂ ca₂ŋí₂ ca₂le₃ ca₂tág₃ dsa₂, ca₂tě₂ jmig₄ jme₁ca₂rě₃chán₃ dsa₂ l₂rě₂ 'ín₁ quián₅ Diú₄.‡

*A₂ lia'₂ ca₂lě₃ a₂ca₂rě₃chán₃ Jesús
(Lucas 2:1-7)*

18 Le₂la₂ bá₄ ca₂lě₃ a₂ca₂rě₃chán₃ Jesús: chog₅₄ jme₁chen₂ María jme₁ma₂li'₅₄ jág₁ a₂jéin'₂ gu₂ quian'₅₄ José; la₁ né'₃ gué₄ a₂tiaín'₃, María ně₃ ca₂can₃ guein₂ tě₂le₃ quian'₅₄ jui₅bí₂ quió'₅ Jme₂dsí₂ Jñi₅.

19 José dsa₂ ŋe'₂ quiáin₅ ně₃ jme₁lín₄ jan₂ dsa₂ dsen₃, jaun₂ tsá₃ jme₁'nio₃ chein'₃ o₂guí'₃ María jua'₅₄ le₃ŋi₅ dsa₂ juín₅; jñia'₅₄ lia'₂ a₂jaun₂ bá₄ jme₁dsi₂jio₅ dsí₅ a₂jme₁téi₂ bá₄ con'₂ tsá₃ 'ein₂ ŋi₅.

20 Le₂jaun₂ bá₄ jme₁ma₂ca₂'náu'₃ dsí₅ jmo₃, jme₁ca₂qui₃ a₂ca₂jme₃jnia₅ jan₂ ángel quián₅ Te₁gui'₅₄ ne₅₄ ca₂juá'₂:

—Sě₄, tsi₁jon₂ David, tsá₃ lě₁jmo₂ gang'₃ jua'₅₄ cán'₁ o₂guí'₃ a₂guéng'₄ María a₂léin₂ dsí₂i₂gog'₂, ia₁ guein₂ i₂le₃chan₂ quiáin₅ já₅ ja₁con₂ Jme₂dsí₂ Jñi₅.

‡ 1:17 Co₂rě₂ bá₄ jein₅ jág₁ “Cristo” quian'₅₄ “l₂rě₂'ín₁ quián₅ Diú₄,” Quian'₅₄ jág₁ jmei₅ hebreo guě'₂ táng₃ juá'₂ dsa₂ Meshíaj: “Mesías” quian'₅₄ jág₁ ŋi'₅₄.

21 Jaun₂ le₃chan₂ jan₂ guein₂ dsa₂ ηe'₂ quiáin₅,
jaun₂ quiain'₅₄ 'ne₂ JESÚS.Š Le₃chein₂ le₂në₅ ia₁
a₂lióin₂ dsa₂ juig₂ quiáin₅ 'uig₅₄ dsáu₁.

22 Ca₂lë₃ ca₂le₃jě₃ a₂në₅ ia₁jaun₂ le₃ti₃ ju₁lia'₂
ca₂juá'₂ Te₁gui'₅₄ tē₂le₃ quian'₅₄ dsa₂ i₂jme₁'ě₂ jág₁
quiáin₅, jme₁ca₂juá'₂:

23 Cán₂ jan₂ dsa₂ mi₄ guein₂,

jaun₂ le₃chan₂ jan₂ guein₂ dsa₂ ηe'₂ quiáin₅,
jaun₂ le₃chein₂ Emanuel,*

co₂'nió'₄ a₂juá'₂: Quiong'₅₄ Diú₄ jniog₄.

24 Jaun₂ jme₁ca₂ηé₃ Sě₄ a₂jme₁rě₂güin₃ jaun₂,
le₂jaun₂ bá₄ ca₂jmo₃ lia'₂ con'₂ lě₅ ca₂juá'₂ ángel
quián₅ Te₁gui'₅₄, jaun₂ ca₂guein₃ bá₄ María a₂lén₂ 'éi₂
dsi₂i₂gu₂.

25 La₁ia₁ tsá₃ ca₂tiáin'₂ dsi₂jui₅ jme₁né₄, jua'₅₄
a₂ca₂rě₃cuin₂₃ rin'₅₄, ca₂lia'₂ jme₁ca₂rě₃chán₃
guein₂ i₂le₂'uig₅₄ 'éi₂ quián₅ bá₄ María; jaun₂
ca₂quiain₃ guein₂ Jesús.

2

Ca₂o₃lén₂ dsa₂ can'₅₄ i₂dsi₂jág₁

1 Ca₂rě₃chán₃ Jesús jě₄ juig₂ Belén, ja₁tén₄ 'uě₃
Judea, jmig₄ lia'₂ con'₂ jme₁lín₄ Herodes rag₅₄ 'uě₃
jaun₂. Jaun₂ ca₂o₃lén₂ co₂nió'₃ dsa₂ i₂chan₂ uing₂
tē₂le₃ ja₁'ia₂* 'iog₂, jaun₂ ca₂dsi₃lén₂ juig₂ Jerusalén.

2 Jaun₂ ca₂ηag₃:

Š 1:21 Lia'₂ chen₂ Jesús (hebreo: Yeshua) jein₅ jág₁: Lió₂ bá₄
Te₁gui'₅₄. * 1:23 Isaías 7:14. * 2:1 Co₂'nió'₄ le₃juá'₅₄, caun₂ cosa
a₂tsá₃ 'i₄ jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos
1:25.

—¿Na₅ Rag₅₄ quián₅ dsa₂ judíos i₂ca₂rē₃chán₃?
Ia₁ 'uē₃ tē₂le₃ ja₁'ñia₂ 'iog₂, ma₂nē₂jín₄ jnia'₅₄ nei₅
quián₅, jaun₂ ja₂ná_{u5} jnia'₅₄ a₂jme₁jui_{in}'₂.

³ Jme₁ca₂rē₃ñi₅ Rag₅₄ Herodes jág₁ nē₅, 'ñio₅ lin₃
tsá₃ ma₃tei₄ ca₂'ág₂ dsí₅, ján₃ bá₄ le₂jaun₂ ca₂le₃jín₃
dsa₂ juig₂ Jerusalén.

⁴ Jaun₂ nē₃ ca₂tē'₃ rag₅₄ ca₂le₃jín₃ juig₅₄ jme₂dsa₂
quian'₅₄ ca₂le₃jín₃ tē₅juá'₅ quián₅ dsa₂, jaun₂ ca₂ñag₃
a₂já'₄ dsón'₂ lē₅ jág₁ le₃chan₂ dsa₂ I₂rē₂'ín₁ quián₅
Diú₄.

⁵ Jaun₂ ca₂juá'₂ dsa₂ 'éi₂:

—Juig₂ Belén, ja₁tén₄ 'uē₃ Judea. Ia₁ le₂la₂ ca₂tó'₂
ne₄ si₂ dsa₂ i₂jme₁'ē₂ jág₁ o₄quió'₄ Diú₄:

⁶ Jaun₂ 'ne₂, Belén, juig₂ tén₅ 'uē₃ Judá,

on₃juá'₅₄ 'ne₂ líng'₅ juig₂ i₂me'₂ guē₄

tē₂le₃ ne₄ jui₁lia'₂ dsa₂ i₂qui₂dsi₅ 'éi'₃ 'uē₃ nē₅;

ia₁ ja₁con'₂ 'ne₂ bá₄ o₃'ín₅ jan₂

i₂gon₂, cán₂ ne₄ jui₅,

jmo₃ 'í₁ dsa₂ juig₂ Israel quiáng₃.†

⁷ Jaun₂ Herodes nē₃ ca₂tē'₃ dsa₂ can'₅₄ 'éi₂ con'₂
jē₄ tē₃co'₅₄, jaun₂ ca₂ñag₃ líg'₂ 'e₂ jmig₄ tē₃dsón'₂
ca₂rē₃jniá₂ nei₅ jaun₂.‡

⁸ Jme₁ma₂nē₂ñag₃ dsa₂ 'éi₂ jaun₂ guē₄ ca₂chei₃ jui₅
juig₂ Belén, jaun₂ ca₂tsí'₃ dsa₂:

—O₂nó'₅ 'nia'₂ ja₁jaun₂, o₂quion₂ de'₂ 'nia'₂ 'í₁
rē₂ tē₂le₃ quió'₅ chi'₂ bē'₅₄ i₂'ín'₅ 'nia'₂ nē₅; jaun₂
jē₁ma₂ca₂dsán'₂ 'nia'₂, i₂con'₄ 'nia'₂ jág₁ ia₁jaun₂
nei₅₄ jniá₂ ján₃ i₂jme₁jui_{in}'₂.

† 2:6 Miqueas 5:2. ‡ 2:7 Co₂'nió'₄ le₃juá'₅₄, caun₂ cosa a₂tsá₃ 'i₄
jme₂dsi₂, a₂ca₂jmo₃, Diú₄. 'Nio'₂ ja₁ton₅ Salmo 8:3; Romanos 1:25.

9 Jme₁ma₂ně₂néi₂ dsa₂'éi₂ jág₁ quió'₅ rag₅₄, jaun₂ ca₂i₃lén₂. Jaun₂ ně₃, nei₅ a₂ma₂ca₂jág₃a tē₂le₃ 'uě₃ ja₁'ia₂a 'iog₂, ca₂ŋó₃ ne₄ jui₅ quió'₅, ca₂lia'₂ ca₂'ág₂ tei₄ ne₄ ja₁jme₁'en₅₄ guein₂.

10 Jme₁ca₂jág₃ jaun₂, § ca₂jmo₃ 'io'₂ 'ŋio₅ lín₃;

11 jaun₂ jme₁ca₂i₃toin'₅₄ dsi₂néi₂, ca₂jín₂ guein₂ bē'₅₄ quiaín'₅₄ chog₅₄ i₂chen₂ María. Jaun₂ ně₃, ca₂chi₃jné₃ ca₂jme₃jui_{in}'₂ guein₂. Jaun₂ dsi₂jui₅ le₂jaun₂ qui₂ca₂niá₃ tsi₁gu₅ quió'₅, ca₂cuě₃ cu₄nióg₄, chen₂, no'₅₄ mirra ně₃.

12 Cang₂guě₄ jaun₂ ca₂qui₃ dsa₂'éi₂ a₂ca₂jmo₃ Diú₄ jág₁ a₂tsá₃ ma₃dsi₃lein₃ jui₅ ja₁con₂ Rag₅₄ Herodes, jaun₂ jui₅ siá'₂ bá₄ ca₂i₃lein₃ jui₅ go₅₄.

Ca₂cuing₃ Sě₄ quiaín'₅₄ María jui₅ 'uě₃ Egipto

13 Cang₂guě₄ jaun₂, jme₁ma₂i₂len₃ dsa₂ can'₅₄ 'éi₂, ca₂qui₃ Sě₄ a₂ca₂jme₃jnia₅ jan₂ ángel quiaín₅ Te₁gui'₅₄ ja₁coin₂, a₂ca₂juá'₂:

—Nau₂, jŋia₅ i₂bě'₅₄ quiáng'₂, chog₅₄ ně₃, cuing₅ 'nia'₂ jui₅ 'uě₃ Egipto. Ja₁jaun₂ o₂'ú₅ ca₂lia'₂ ca₂juá'₃ jniá₂. Ia₁ 'nau'₂ Herodes 'nai'₂ guein₂ a₂jŋag'₃.

14 A₂ca₂nau₂ jaun₂ Sě₄, ca₂tág₃ guein₂ quian'₅₄ chog₅₄ a₂'uě₂ jaun₂, ca₂i₃lén₂ jui₅ Egipto.

15 Ja₁jaun₂ ca₂tóin'₂ ca₂lia'₂ ca₂j_{on}₃ Herodes. Ca₂lě₃ le₂ně₅ ia₁jaun₂ le₃tī₃ jág₁ a₂ca₂juá'₂ Te₁gui'₅₄ tē₂le₃ quian'₅₄ dsa₂ i₂jme₁'ě₂ jág₁ o₄quió'₄, jme₁ca₂juá'₂: “Tē₂ Egipto bá₄ ca₂tě₃ jniá₂ jón₃ quiáng₃.”*

Jmo₅ Herodes 'éi'₃ a₂jme₃dsiain₂₃ guein₂

§ 2:10 Co₂'nió'₄ le₃juá'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃ Diú₄, 'Nio'₂ ja₁ton₅ Salmo 8:3; Romanos 1:25. * 2:15 Oseas 11:1.

16 Jme₁ca₂rë₃lí₄ Herodes ca₂jme₃gau₅ dsa₂ can'₅₄
'éi₂ quió'₅, ca₂rë₃'néi₃ 'ñio₅ lin₃. Jaun₂ ca₂chein₃ dsa₂
a₂jme₃dsiain₂₃ ca₂le₃jín₃ guein₂ i₂con'₂ ma₂tion'₅₄
tin₃ ñi₂, guein₂ i₂pí'₁ guë₄ ně₃ i₂chan₂ ma₂quián₅
Belén, lia'₂ con'₂ tí₅ ma₂ne₁ñó₄ jmig₄ a₂ca₂juá'₂ dsa₂
can'₅₄'éi₂.

17 Jaun₂ le₂në₅ ca₂rë₃ti₃ jág₁ a₂ca₂tó'₂ ne₄ si₂
Jeremías i₂jme₁'ě₂ jág₁ o₄quió'₄ Diú₄:

18 Ca₂né'₂ tē₁tsi'₅₄ co₂mi'₅₄ jē₄ juig₂ Ramá,

a₂'o₅ dsa₂ a₂qui'₂ dsí₅ guë₄ lin₃;

Raquel bá₄'éi₂ ca₂'o₃†

o₄quió'₄ chi'₂-guein₂ quián₅,

jaun₂ tsá₃ ca₂gue₃ jua'₅₄ 'ein₂ guë₃ jmo₃ lián'₂ dsí₅,

ia₁ ma₂ca₂dsan₃ bá₄ guein₂.‡

19 La₁ cang₂ guë₄ jaun₂, jme₁ma₂ca₂jon₃ Herodes,
ca₂qui₃ Sě₄ a₂ca₂jme₃nia₅ táng₃ jan₂ ángel quián₅
Te₁gui'₅₄ ja₁coin₂ 'ein₅₄ Egipto,

20 Ca₂juá'₂ ángel:

—Nau₂, jñia₅ táng₃ i₂bë'₅₄ quiáng'₂, chog₅₄
ně₃, jaun₂ o₂nó'₅ táng₃ 'nia'₂ jui₅ 'uë₃ Israel, ia₁
ma₂ca₂dsan₃ bá₄ i₂jme₁'nio₃ jme₁ñi'₃ guein₂.

21 A₂ca₂nau₂ jaun₂ táng₃ Sě₄, ca₂tág₃ chi'₂ quián₅,
quian'₅₄ chog₅₄, jui₅ 'uë₃ Israel.

22 La₁ jme₁ca₂rë₃ñi₅ Sě₄ a₂ma₂lín₅ ta₁ Arquelao
'uë₃ Judea, ta₁ a₂jme₁lín₄ Herodes jmei₂, jaun₂
ca₂rë₃gó'₅ dsó₃ ja₁jaun₂. Ia₁ ca₂'ě₂ táng₃ Diú₄ jág₁ jē₄
qui₂₃, jaun₂ jui₅ 'uë₃ Galilea bá₄ ca₂ñó₃.

23 Jme₁ca₂dsióg₃ ja₁jaun₂, ca₂ñó₃ ca₂i₁gua₂ juig₂
ja₁chei₂ Nazaret. Le₂në₅ bá₄ ca₂rë₃ti₃ jág₁ quió'₅

† 2:18 Raquel: 'io₅₄ quián₅ Jacob, Génesis 29. ‡ 2:18 Jeremías 31:15.

dsa₂ i₂ca₂'ë₂ jág₁ quián₅ Diú₄ ma₂líg'₂: “A₂quiong₃ dsa₂ nazareno.”

3

*'Ē₂ Juan₅₄ jág₁ caun₂ 'uë₃ quein₂ ja₁co₂'ηiog₅
(Marcos 1:1-8; Lucas 3:1-18; Juan 1:19-28)*

¹ Jmíg₄ jaun₂ guan₃ Juan₅₄ i₂chon₅ dsa₂ jmíg₂,
caun₂ 'uë₃ quein₂ co₂'ηiog₅ ja₁tén₄ 'uë₃ Judea, a₂'ë₂
jág₁,

² a₂juá'₂:

—Jein'₅₄ 'nia'₂ 'au'₂, ia₁ ma₂ja₂quián₃ jmíg₄ jë₁gon₃
Diú₄.

³ Juan₅₄ la₂ bá₄ 'éi₂ i₂ca₂'in₃ Isaías i₂jme₁juá'₂
o₄quió'₄ Diú₄ jme₁ca₂tó'₂ ne₄ si₂ a₂juá'₂ le₂la₂:

Né'₂ a₂táun₂ dsa₂ tiá₂ jág₁

caun₂ 'uë₃ quein₂ ja₁co₂'ηiog₅, a₂juá'₂:

“Jmo₄ 'nia'₂ co₂jñia₅₄ jui₅ quió'₅ Te₁gui'₅₄,

nia₄ 'nia'₂ caun₂ jui₅ co₂dsau₅.”*

⁴ Ni₁tsin'₅₄ Juan₅₄ 'éi₂ jme₁lë₄ 'mí'₂ a₂rë₂ta₄ quian'₅₄
jn₁₄ já'₂ camello; a₂jme₁jén'₅ tú'₅ guë'₂ quian'₅₄ lo₄
já'₂; má₃ a₂jme₁guë'₅ guë'₂, jmá'₃ i₁ní'₂ tia₄ quian'₅₄
jmi₁tá'₄ cha₂ja₁nau₂.

⁵ Jme₁ja₂lén₂ dsa₂ chan₂ Jerusalén, quian'₅₄ dsa₂
i₂tián'₅ 'uë₃ Judea quian'₅₄ dsa₂ i₂tián'₅ cau₅ Cuá₃
Jordán në₃, jme₁qui₂ja₂néi₃ jág₁ a₂cuë'₅ 'éi₂.

⁶ Jme₁ma₂ca₂lë₃ jmo₂₃ qui₂ñí₃ quió'₅ ne₄ Diú₄
ca₂le₃jë₃ dso₄ a₂qui₂rë₂cáin'₄, jaun₂ guë'₄ ca₂cho₃
Juan₅₄ jmíg₂† Cuá₃ Jordán.

* **3:3** Isaías 40:3. † **3:6** lit. “ca₂tióg₃ Juan₅₄ jmíg₂.”

7 La₁ jme₁ca₂jág₃ Juan₅₄ juin₅ lin₃ dsa₂ fariseos ja₂lén₂ quian'₅₄ dsa₂ saduceos ně₃, a₂mi₂₃ cho₃ Juan₅₄ jmig₂, ‡ jaun₂ ca₂juá'₂ Juan₅₄:

—i'Nia'₂ tsi₁jon₂ dsi₂mi'₂! ħ'Ein₂ bá₄ ně₂chí'₃ 'nia'₂ a₂cuing'₂ long'₅₄ a₂'i₄ 'nei₂ dsí'₅ Diú₄ a₂ja₂quían'₃?

8 Jmo₄ 'nia'₂ jaun₂ ju₁le₂jniá'₂ a₂lé₄ tē₃dsón'₂ a₂ma₂ca₂jein'₅₄ 'nia'₂ 'au'₂.

9 Tsá₃ o₁len'₂ 'nia'₂ jua'₅₄ lé₂ le₃jua'₅₄ 'nia'₂: “Lág₅ jnia'₅₄ tsi₁jon₂ Abraham”; ia₁ jniá'₂ juá'₅, ca₂tē₂ ni₁cang₁ tio'₅₄ la₂, lé₂ le₃jmo₃ Diú₄ jmói'₂ tsi₁jon₂ Abraham.

10 Ia₁ ma₂lě₅ co₂jnia₅₄ ŋi₁dsi₁ a₂qui₂uín'₂ 'ma₂. Ca₂le₃jě₃ 'ma₂ a₂tsá₃ dse₃ míg₂ 'ag₅, uín'₂ bá₄, dsi₂to'₅₄ si₂.

11 Jniá'₂ ně₃, dsau₅ bá₄ ně₂tiáng₃ 'nia'₂ jmig₂ co₂'nió'₄ a₂jáng'₅ lé₄ a₂jein'₅₄ 'nia'₂ 'au'₂; la₁ i₂já₅ chi₁co'₅₄ quió'₃ ně₃, 'éi₂ bá₄ i₂'uan'₂ guě₄ lia'₂ con'₂ guě₄ jniá'₂, ca₂lia'₂ jnia'₅₄ lau₂ ton₅ tag₅₄ bá₄ tsá₃ ca₂tíng₂ i₁quian₃. 'Éi₂ guě₄ ně₃, tióg₂ Jme₂dsí₂ Jŋiós, dsi₂si₂ ně₃.

12 Ně₂jag₄ bá₄ a₂ma₂chi₁chan'₂ ŋi₁ a₂quió'₅ míg₂ trigo, dsia₃ jma₃quén₅ quian'₅₄ jme₁qui₅. Jmá'₃ míg₂ bá₄ cág'₃, 'ma₃ dsi₂néi₂, la₁ qui₂dsí'₂ bá₄ jme₁qui₅ dsi₂si₂ ja₁tsá₃ ma₃o₁líg'₂ jmig₄ éi₃. §

Ca₂jŋó₂ Jesús jmig₂

(Marcos 1:9-11; Lucas 3:21-22)

13 Jaun₂ ně₃, Jesús, o₂'ín₃ 'uě₃ Galilea, ca₂dsióg₃ tē₂ Cuá₃ Jordán ia₁jaun₂ cho₃ Juan₅₄ jmig₂.*

‡ 3:7 lit. “tióg₂ Juan₅₄ jmig₂.” § 3:12 'Nio'₂ ja₁ton₅ Mateo 13:30.

* 3:13 lit. “ia₁jaun₂ tióg₂ Juan₅₄ jmig₂.”

14 Tsá₃ jme₁gue₅ Juan₅₄ le₂'uig₅₄, jaun₂ ca₂juá'₂ tsí'₅ Jesús:

—Jniá₂ bá₄ i₂'nió'₅ quió₃ tsón'₄ 'ne₂ jmig₂.† ¿'A₂ bá₄ lia'₂ 'ne₂ ñe'₃ ja₁con₂ jniá'₂?

15 La₁ ca₂juá'₂ Jesús:

—Ju_{i1}le₅₄ bá₄ le₂në₅ të₂në₃, ia₁ dsi₂ten₅₄ de'₂ jmó₁ jniog₄ le₂në₅ ia₁jaun₂ jme₁ti₁ ca₂le₃jě₃ a₂dse₃.

Jaun₂ bá₄ ca₂gue₃ Juan₅₄.

16 Jme₁ma₂lë₅ cho₅ Juan₅₄ jmig₂,‡ jaun₂ ca₂o₃'ín₃ Jesús dsi₂jmig₂. Jaun₂ dsi₂jui₅ le₂jaun₂ ca₂niá₃ dsi₄ mi₂güí₃ ca₂lë₃, jaun₂ ca₂jín₂ Jesús Jme₂dsi₂ quián₅ Diú₄ ca₂sión₃ ne₄ quió'₅, i₂lín₅ lia'₂ lín₅ jan₂ i₁ju₂.

17 Jaun₂ ca₂né'₂ jág₁ guei'₅₄ a₂ca₂juá'₂:

—I₂la₂ bá₄ jón₃ quiáng₃ i₂ñí₄ lë₃ 'nióg₃ guë₄ lín₃. 'E₂ bá₄ 'ñio₂ dsi₃ quiain'₅₄.

4

Ca₂caun₃ i₂së₃dsen₃ táu₂ quió'₅ Jesús (Marcos 1:12-13; Lucas 4:1-13)

1 Dsi₂jui₅ jaun₂ ca₂të₃ Jme₂dsi₂ quián₅ Diú₄ ca₂të'₃ Jesús caun₂ 'uë₃ quein₂ co₂'ñiog₅ ia₁jaun₂ ja₁jaun₂ cáun₂ táu₂ i₂së₃dsen₃.

2 Të₂láu₃ jmig₄ të₂láu₃ nei₅, ca₂jme₃'in₅₄ Jesús; cang₂ guë₄ jaun₂ ca₂lë₃ i₁cón'₅ 'ñio₅ lín₃.

3 Jaun₂ ca₂jme₃quián₃ i₂së₃dsen₃ ja₁coin₂, a₂cáun₂ táu₂, jaun₂ ca₂juá'₂ tsí'₅ Jesús:

—Chi₂jua'₂ dsón'₂ líng'₅ Ja₁ñi'₅₄ Diú₄, jmo₄ jui₁le₅₄ i₁ñí'₄ ni₁cang₁ tio'₅₄ në₅.

4 La₁ ca₂ñag₃ Jesús:

† 3:14 lit. “tián'₄ 'ne₂ jmig₂.”

‡ 3:16 lit. “tióg₂ Juan₅₄ jmig₂.”

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ñí'₄ le₃tan₅₄ dsa₂ mi₂güí'₃ le₃chain₂, ján₃ bá₄ 'nió'₅ jme₃tan₅₄ dsa₂ quian'₅₄ ca₂le₃jě₃ jág₁ a₂'uë'₂ mi₂'o₄ Diú₄.”*

⁵ Nó₃ jaun₂, ca₂jio₃g₃ táng₃ i₂sě₃dse₃n₃ tē₂ juig₂ Jerusalén ciudad jñi₅o₅, jaun₂ ca₂jio₃g₃ tē₂ guei'₅₄ guá'₅ templo ja₁ñei₅ 'ñio₅ lín₃.

⁶ Jaun₂ ca₂juá'₂ ca₂tsí'₃ Jesús:

—Chi₂jua'₂ 'ne₂ líng'₅ Ja₁ñi'₅₄ Diú₄, tian'₅₄ ja₁ně₅; ia₁ juá'₂ ne₄ Si₂:

Chen₃ Diú₄ ángeles quiáin₅

ia₁jaun₂ jmo₃ 'í₁;

chó'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ quian'₅₄ cang₄.†

⁷ Jaun₂ ca₂ñag₃ Jesús:

—Ján₃ bá₄ juá'₂ ne₄ Si₂: “Tsá₃ tang'₅₄ Te₁gui'₅₄ Diú₄ quiáng'₂.”‡

⁸ Con'₂ guě₄ siá'₂ táng₃ ca₂jio₃g₃ i₂sě₃dse₃n₃ juí₅ caun₂ má'₂ ja₁ñei₅ 'ñio₅ lín₃. Jaun₂ ca₂'ě₃ le₃jě₃ juig₂ a₂cha₂ mi₂güí'₃ quian'₅₄ ca₂le₃jě₃ a₂jlá'₁ cha₂.

⁹ Jaun₂ ca₂tsí'₃ Jesús:

—Dsia₅₄ jniá₂ gog'₂ 'ne₂ ca₂le₃jě₃ a₂ně₅, nē₁jua'₂ ca₂chi₁jne'₄ ne₃ a₂jme₁juag'₂.

¹⁰ Jaun₂ ně₃ ca₂ñag₃ Jesús:

Guan'₂ Satanás, ia₁ ne₄ Si₂ juá'₂: “Jme₁juin'₂ Te₁gui'₅₄ Diú₄ quiáng'₂, jñia'₅₄ lia'₂ ne₄ 'éi₂ bá₄ jme₁ti₁.”§

¹¹ Jaun₂ ně₃ ca₂ñá'₃ i₂sě₃dse₃n₃, jaun₂ ca₂o₃lén₂ ángeles ca₂jme₃ti₃ ta₁ ne₄ Jesús.

* **4:4** Deuteronomio 8:3. † **4:6** Salmo 91:11-12. ‡ **4:7** Deuteronomio 6:16. § **4:10** Deuteronomio 6:13.

Ca₂jme₃lióg₃ Jesús ta₁ quió'₅, 'uë₃ Galilea
(Marcos 1:14-15; Lucas 4:14-15)

¹² Jme₁ca₂rë₃ñi₅ Jesús a₂'en₅₄ Juan₅₄ né'₃ 'má₃,
 jaun₂ ñó₃ jui₅ 'uë₃ Galilea.

¹³ Tsá₃ ca₂ñia₃ jë₄ juig₂ Nazaret, ñó₃ bá₄ ca₂i₁'i₅ tē₂
 Capernaum, caun₂ juig₂ a₂niog₅ chei'₅₄ jmi₁ñí'₄ 'uë₃
 ja₁tén₄ Zabolón quian'₅₄ Neftalí.

¹⁴ Jaun₂ le₂në₅ ca₂rë₃ti₃ jág₁ a₂ca₂tó'₂ ne₄ si₂ Isaías
 i₂jme₁'ë₂ jág₁ o₄quió'₄ Diú₄:

¹⁵ 'Uë₃ ja₁tén₄ Zabolón quian'₅₄ Neftalí
 a₂niog₅ le₃quióng₄ Cuá₃ Jordán, chei'₅₄ jmi₁ñí'₄,
 'uë₃ Galilea le₃quió'₅ dsi₂nau₂:

¹⁶ dsa₂ i₂jme₁tián'₄ jë₄ qui₁né'₃
 ma₂ca₂jág₃ caun₂ si₂ juë'₂;
 dsa₂ i₂jme₁tián'₄ 'uë₃ ja₁'ei₅ 'én'₁ 'mú₃,
 ne₄ quió'₅ ma₂ca₂'ág₂ si₂.*

¹⁷ Të₂le₃ ne₄ jui₅ jaun₂ ca₂jme₃lióg₃ Jesús ca₂'ë₂
 jág₁, ca₂juá'₂:

—Jein'₅₄ 'nia'₂ 'au'₂, ia₁ ma₂ja₂quián₃ guá₂ 'éi'₃
 quió'₅ Diú₄.

Ca₂të'₃ Jesús quén₂ dsa₂ i₂tsán'₂ ju₄
(Marcos 1:16-20; Lucas 5:1-11)

¹⁸ Co₂ráun₂ ñó₃ Jesús i₁ñi₂ chei'₅₄ jmi₁ñí'₄ Galilea.
 Ja₁jaun₂, ca₂jñin₂ Si₂mu₅₄ i₂të'₂ dsa₂ Pe₄, quain'₅₄
 dsó₂ riin'₅₄ i₂chen₂ Drë₄. Dsa₂ i₂tsán'₂ ju₄ bá₄ 'éi₂,
 jaun₂ hora jaun₂ dé₄ në₃ jme₁tioin'₅₄ táun₂ 'má₅
 dsi₂jmi₂g₂.

¹⁹ Jaun₂ ca₂juá'₂ Jesús:

—'Éin₃ jniá₂, jaun₂ cuë₅₄ ta₁ a₂chi₁liang'₂ dsa₂
 mi₂güig₃, jui₁lia'₂ chi₂liáng'₁ ju₄ në₅.

* **4:16** Isaías 9:1-2.

20 Dsi₂jui₅ le₂jaun₂ bá₄ ca₂dsia₃ cau₅ 'má₅ quió'₅, jaun₂ i₃léin₂ quióng'₅₄.

21 Me'₂ gué₄ ne₄ jui₅ ja₁i₃léin₂ jaun₂, ca₂jín₂ con'₂ gué₄ on₃ dsó₂: Jacobo quian'₅₄ Juan₅₄ riin'₅₄, ja₁ñi'₅₄ Zebedeo. Jme₁tioin'₅₄ 'ñió'₃ tsi₁mu₅ qui₂'méi₅ 'má₅ quió'₅, quiaín'₅₄ jmei₂. Jaun₂ ca₂tě₃ Jesús,

22 jaun₂ dsi₂jui₅ le₂jaun₂ bá₄ ca₂tí₂ tsi₁mu₅ quió'₅ ca₂téin₂ jmei₂, jaun₂ ca₂i₃léin₂ ca₂jme₃quiaín'₅₄ Jesús.

*Ca₂jme₃tín₅ Jesús juín₅ lín₃ dsa₂
(Lucas 6:17-19)*

23 I₂ñi₅₄ Jesús le₂tan₅₄ 'uě₃ Galilea, qui₂jme₂tín₂₃ dsa₂ dsi₂néi₂ guá'₅ sinagogas lia'₂ caun₂ ja₁qui₂ñi₅. Qui₂'ě₂ jág₁ dse₃ ju₁lia'₂ ja₁gon₂ Diú₄, ján₃ bá₄ qui₂jme₂'lióin₂ dsa₂ ca₂le₃jě₃ ne₅₄ dso₄ 'e₂ niog₅ lín₅ dsa₂.

24 Le₂tan₅₄ 'uě₃ Siria ca₂i₃ág₃ jág₁ 'a₂ lia'₂ lě₅ jmo₅ Jesús ñi₂₃, jaun₂ ca₂o₃ñia₃ dsa₂ ca₂le₃jín₃ dsa₂ i₂le₁quian₅ ca₂le₃jě₃ ne₅₄ jmi₁uig₅, quian'₅₄ jui₁'ein₂ guě₃ i₂qui'₂ uig₅ quió'₅. Ca₂i₁quiaín₅₄ ca₂le₃jín₃ dsa₂ i₂tion'₅₄ jme₂dsí₂ je₂na'₅₄, dsa₂ i₂lín₅ dso₄ 'ei₂, quian'₅₄ dsa₂ 'lian'₂ ně₃. Ja₁jaun₂ ca₂jme₃'lión₂ Jesús ca₂le₃jín₃ dsa₂ 'éi₂.

25 Juín₅ lín₃ dsa₂ i₂chan₂ Galilea, dsa₂ i₂chan₂ ta₁guia₃ juig₂ ja₁tě'₂ dsa₂ Decápolis, quian'₅₄ dsa₂ i₂chan₂ Jerusalén, dsa₂ i₂tián'₅ 'uě₃ Judea quian'₅₄ dsa₂ i₂tián'₅ le₂'ño'₅₄ Cuá₃ Jordán ně₃, ca₂jme₃quióng'₅₄ ca₂jme₃quiaín'₅₄ Jesús.

5

*Já_g1 a₂ca₂cuë₃ Jesús má'₂
(Lucas 6:20-23)*

1 Jín₂ Jesús dsa₂ juin₅ 'éi₂, jaun₂ ca₂uíg₂ caun₂ dsi₂con'₂ ja₁ñei₅ guë₄, jaun₂ ca₂guá₂. Jaun₂ ca₂ñi'₂ dsa₂ i₂quaiain'₅₄ le₃lág'₃ quió'₅.

2 Jaun₂ ca₂jme₃lióg₃ ca₂jme₃tñin₂₃ dsa₂, ca₂juá'₂ le₂la₂:

¿'Ein₂ dsa₂ 'éi₂ i₂jmo₅ 'io'₂?

3 —'E₂ guë₄ dsen₃ ju₁lia'₂ dsa₂ i₂rë₂lí'₄ qui₂chi₁quaiain₁₂ jmig₄ o₄quió'₄ jme₂dsí₂ quió'₅, ia₁ i₂le₂'éi₂ bá₄ ca₂tñin₂ ja₁gon₂ Diú₄.

4 'E₂ guë₄ dsen₃ ju₁lia'₂ dsa₂ i₂ta'₂ 'lia'₂ dsí₅, ia₁ cuë₃ bá₄ Diú₄ lián'₂ dsí₅.

5 'E₂ guë₄ dsen₃ ju₁lia'₂ dsa₂ i₂jmo₅ me'₂, ia₁ gua'₅₄ 'uë₃ bá₄ tñin₅₄, cuë₃ Diú₄.

6 'E₂ guë₄ dsen₃ ju₁lia'₂ dsa₂ i₂ñí₄ lë₃ 'ín₅ dsí₅ jmo₃ a₂ñio₂ dsí₅ Diú₄, ia₁ lë₂ dsí₅ në₂jag₄ bá₄ a₂i₁cón'₅, a₂rë₂quein₂ dsí₅ në₃; ia₁ 'ág'₄ bá₄ dsí₅, jmo₃ Diú₄.

7 'E₂ guë₄ dsen₃ ju₁lia'₂ dsa₂ i₂ñéi'₂ dsí₅ dsa₂ sián'₂, ia₁ dsia₃ bá₄ Diú₄ ñéi₂ dsí₅ guioin₅₄.

8 'E₂ guë₄ dsen₃ ju₁lia'₂ dsa₂ i₂qui₂le₁jë₃ dsí₅, ia₁ jñin₂ bá₄ Diú₄.

9 'E₂ guë₄ dsen₃ ju₁lia'₂ dsa₂ i₂quín'₅ bí₂ 'no'₂ ju₁ 'a₂lia'₂ 'ag₃ tei₄, ia₁ quiong₃ Diú₄ chí'₂-guein₂ quiáin₅.

10 'E₂ guë₄ dsen₃ ju₁lia'₂ dsa₂ i₂qui₂co₂'ein₅ dsa₂ 'uíg₅₄ ia₁ a₂jmo₂₃ a₂ñio₂ dsí₅ Diú₄, ia₁ ja₁gon₂ Diú₄ bá₄ ca₂tñin₂.

11 "E₂ gué₄ dsen'₃ 'nia'₂, jë₁ma₂të₂ rë₁qui₃jnaú'₂ dsa₂ jág₁, qui₂co₂jmo₂g'₂, a₂juá'₂ ca₂le₃jë₃ ne₅₄ jág₁ a₂tsá₃ tí₅ ja₁con'₂ 'nia'₂ o₄quió₃jniá₂;

12 jmo₄ 'nia'₂ 'io'₂, ju₁le₁'ág₄ bá₄ dse₃ 'au'₂, ia₁ guéi'₁ 'nia'₂ 'liang'₅₄ jó₄ guei'₅₄ i₂juí₃. Ia₁ le₂në₅ bá₄ ján₃ qui₂ca₂co₃'ein₃ dsa₂ quió'₅ dsa₂ i₂jme₁'ë₂ jág₁ quián₅ Diú₄, i₂ma₂ca₂rë₃chán₃ le₂jniá₅ con'₂ gué₄ 'nia'₂.

Jág₁ a₂jáng'₅ léi₄ ju₁lia'₂ ts₁ñi₁ quián'₅₄ si₂ a₂tág₅ jin₄ dsa₂ mi₂güí₃

(Marcos 9:50: Lucas 14:34-35)

13 'Tén'₅ 'nia'₂ ta₁ ne₄ gua'₅₄ 'uë₃ ju₁lia'₂ jmo₅ ts₁ñi₁ jë₄ má₃. La₁ në₁jua'₂ ma₂ca₂'en₃ ñi'₅₄ ts₁ñi₁, ¿'a₂ bá₄ lia'₂ lé₂ le₃lei₂ táng₃? Tsá₃ ma₃'e₂ ta₁ jmo₃, a₂jñia'₅₄ lia'₂ a₂dsi₃ga'₅₄ bá₄ jaun₂, qui₃tsó'₃ dsa₂.

14 'Ján₃ bá₄ rë₂jniá'₁ 'nia'₂ co₂'nió'₄ a₂líng'₅ si₂ quió'₅ dsa₂ mi₂güí₃. Ju₁lia'₂ caun₂ juí₂ a₂niog₅ ds₁con'₂ tsá₃ lé₂ le₃dsi₃'ma₄,

15 ján₃ bá₄ tsá₃ guí'₅ dsa₂ si₂ caun₂ ni₁tsí₅ a₂chi'₃ né'₃ ts₁igu₅; guei'₅₄ bá₄ chi'₂ dsa₂ ia₁jaun₂ tág'₅ si₂ ja₁con₂ ca₂le₃jín₃ i₂tion'₅₄ ds₁néi₂.

16 Le₂në₅ bá₄ 'nia'₂ në₃, jmo₄ tág₅ si₂ quiáng'₂ jin₄ dsa₂ mi₂güí₃, ia₁jaun₂ të₅₄ ne₄ dsa₂ a₂dse₃ a₂jmo'₂ 'nia'₂, jaun₂ jme₃juin'₂ Néi'₅ 'nia'₂ i₂guá₅ guei'₅₄ i₂juí₃.

Jme₂tag₅ Jesús ju₁lia'₂ 'Éi'₃

17 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂jñiá'₄ Si₂ 'Éi'₃ quió'₅ Moisés, on₃ guë'₂ jág₁ a₂jme₁jme₂tag₅ dsa₂ i₂jme₁'ë₂ jág₁ quián₅ Diú₄. On₃ jua'₅₄ ta₁ jaun₂ guio₃ jniá₂ a₂jñiá'₄, të₂le₃ a₂jme₁'ñia₅ bá₄ jniá₂ guio₃.

18 Ia₁ a₂dsi₂jó'₃ juá'₅ jniá'₂ tē₁lia'₂ niog₅ mi₂güí'₃, tē₁lia'₂ jniá'₂ dsi₄guei'₅₄ nē₅, 'i₁caun₂punto, on₃guē'₂ 'i₁caun₂ letra pí'₁ quió'₅ Si₂ 'Éi'₃ tsá₃ dsi₃'én₂ ca₂lia'₂ ca₂rē₃ti₃ ca₂le₃jě₃ a₂niog₅ lé₂.

19 'Uig₅₄ jaun₂, jui₁lia'₂ i₂jmo₅ cau₅ caun₂ 'Éi'₃ Juá'₅ ne₄ Si₂ 'Éi'₃, o₁jñia'₅₄ lín₂ caun₂ 'éi'₃ tsá₃ lín₄ quen₅, nē₁jua'₂ le₂jaun₂ jme₁tiin₂₃ dsa₂ riin'₅₄, le₂jaun₂ bá₄ lén₂ dsa₂ 'éi₂ jan₂ dsa₂ i₂tsá₃ lín₄ quen₅ ja₁gon₂ Diú₄. La₁ jui₁lia'₂ dsa₂ i₂nag₅ gau₂, jme₂ti₃, le₂jaun₂ jme₂tiin₂₃ i₂sián'₂ nē₃, le₂jaun₂ bá₄ lén₂ dsa₂ 'éi₂ juin'₂ ja₁gon₂ Diú₄.

20 Ia₁ a₂dsi₂jó'₃ juá'₅ jniá'₂ juí'₂ 'nia'₂, nē₁jua'₂ tsá₃ ca₂jmo'₅₄ 'nia'₂ a₂dse₃ gué'₄ con'₂ gué'₄ tē₅juá'₅ quian'₅₄ dsa₂ fariseos, lia'₂ o₁líg'₂ jmig₄ tsá₃ lé₂ dsi₁no'₃ 'nia'₂ ja₁gon₂ Diú₄.

Jme₂tag₅ Jesús jui₁lia'₂ a₂rē₂'ne₂ dsa₂
(Lucas 12:57-59)

21 'Ma₂ñi'₅₄ bá₄ 'nia'₂ 'a₂lia'₂ lē₅ ma₂nág₂ dsa₂ can'₅₄ quián'₂ 'nia'₂: “Tsá₃ jñíg'₄ dsa₂,* ia₁ nē₁jua'₂ 'ein₂ ca₂jñi'₃ rin'₅₄, tion₅₄ tē₃dsi₅₄ bá₄ 'éi'₃ ja₁coin₂.”

22 La₁ jniá'₂ juá'₅ juí'₂ 'nia'₂, chi₂jua'₂ 'ein₂ ca₂rē₃'né₃ quian'₅₄ rin'₅₄,† ján₃ bá₄ le₂jaun₂ jióg'₂ 'í₁ ja₁coin₂, tē₃dsi₅₄ 'éi'₃. Ján₃ bá₄ le₂jaun₂ jui₁lia'₂ i₂tē₂'on₂ rin'₅₄, ne₄ dsi₂tan₅₄ quián₅ guá'₅ bá₄ dsi₁lén₂, la₁ jui₁lia'₂ i₂quian₅ tonto_‡ rin'₅₄, go'₂ 'lián'₃ quióin'₄ dsi₂si₂ ja₁líg'₅₄.

* 5:21 Éxodo 20:13. † 5:22 A₂lin'₅₄ chog₅₄ si₂ juá'₂ ján₃: “on₃jua'₅₄ cha₂'uig₅₄.” ‡ 5:22 griego: raza; caun₂jág, tē₂'o₅₄ arameo co₂'nió'₄ a₂juá'₂: “Tsá₃'e₂ tio'₅₄ mi₂dsei'₂.”

23 'Uig⁵⁴ jaun₂ ně₃, ně₁jua'₂ dsi₂can'⁵⁴ 'e₂ dsi₂can'⁵⁴ ne₄chei₂, a₂jen'⁵⁴ ne₄ Diú₄, ně₁ca₂dsáu'₃ 'au'₂ tsá₃ 'ei₅ caun₂ jág₁ quian'⁵⁴ ríng'₂,

24 ja₁jaun₂ de'₂ dsia₄ a₂jaun₂ cau₅ ne₄chei₂, jaun₂ guě₄ guan'₂ jme₁dsian₅ mi'⁵⁴ o₂'éi₂ caun₂ jág₁ quian'⁵⁴ ríng'₂. Jaun₂ guě₄ ŋe'⁵⁴ táng₃ i₂dsia₄ a₂cuě'⁵⁴ Diú₄.

25 'Chi₂jua'₂ 'ein₂ 'nio₃ 'nag₃ ne₄ dsi₂tan⁵⁴, ŋi'⁵⁴ ta₁ 'nio'₂ jui₅ 'éi₂ caun₂ jág₁ quian'⁵⁴ né'₃ a₂jmo₃ le₂jaun₂, ia₁jaun₂ tsá₃ jáng'₂ ne₄ dsi₂tan⁵⁴ i₂qui₂dsi₅ 'éi'₃; ia₁ dsi₂tan⁵⁴ ně₃, con'₂ tsá₃ ŋó₅ ně₁ca₂jáng'₂ o₄gú₃ chi'₂ 'i'⁵⁴; i₂'éi₂ guě₄ ně₃ 'liog'₃ né'₃ 'má₃.

26 A₂dsi₂jó'₃ juá'₅ jniá₂, tsá₃ a₂jaun₂ o₃'ing'₂ ja₁jaun₂ ca₂lia'₂ ca₂qui'⁵⁴ ca₂le₃jě₃ 'a₂ con'₂ mi₅ dsa₂ quiáng'₂.

Jme₂tag₅ Jesús a₂tsá₃ nió'₃ dsa₂ jág₁ quian'⁵⁴ dsa₂ on₃jua'⁵⁴ dsi₂i₂gu₂

27 'Ma₂ŋi'⁵⁴ bá₄ 'nia'₂ ján₃ 'a₂ lia'₂ lě₅ ma₂juá'₂ dsa₂ le₂ŋiá₅: “Tsá₃ nióg'₄ jág₁ quian'⁵⁴ dsa₂ on₃jua'⁵⁴ dsi₂i₂gog'₂.” Š

28 La₁ jniá₂ guě'₂ juá'₅ juíg₂ 'nia'₂, chi₂jua'₂ 'ein₂ dsi₂jio₅ dsí₅ 'lig'⁵⁴ qui₂jín₂ jan₂ dsa₂ mí₂, co₂'nió'₄ ma₂ně₂'nióg₂ dso₄ quiong'⁵⁴ jui₅ tē₂dsí₅.

29 'Ně₁jua'₂ mi₂ne'⁵⁴ jmo₅ a₂tang'₂ dso₄, co₂dsia₅ dsi₄, tion₂ úing₂; ia₁ dse₃ guě₄ a₂dsi₃'én₂ ca₂jne₄ quiáng'₂, con'₂ guě₄ jme₁o₁'ú'₃ ta₁jang'₂ ja₁'lig'⁵⁴.

30 Já₃ bá₄ le₂ně₅ ně₁jua'₂ mi₂gog'₂ jmo₅ a₂tang'₂ dso₄, co₂dsia₅ ti₄, tion₂ úing₂; ia₁ dse₃ guě₄ a₂dsi₃'én₂ ca₂jne₄ ni₁ŋi'₁ con'₂ guě₄ jme₁o₁'ú'₃ ta₁jang'₂ ja₁'lig'⁵⁴.

Jme₂tag₅ Jesús ju_ilia'₂ dso₄ a₂tén₂ dsa₂ dsi₂i₂gu₂
(Mateo 19:9; Marcos 10:11-12; Lucas 16:18)

31 'Ján₃ bá₄ ma₂juá'₂ dsa₂ le₂jñiá₅: “Chi₂jua'₂ 'ein₂ ca₂tén₂ dsa₂ mí₂ quián₅, ca₂tíin₂ cho₃ caun₂ si₂ a₂jáng'₅ léi₄ a₂ma₂ca₂téin₂ dsón'₂ riin'₅₄.”*

32 La₁ jniá₂ juá'₅ juíg₂ 'nia'₂, chi₂jua'₂ 'ein₂ ca₂tén₂ dsa₂ mí₂ quián₅, on₃jua'₅₄ cha₂ 'uig₅₄, jua'₅₄ a₂ma₂nió'₅ jág₁ quian'₅₄ i₂sián'₂, jmo₂₃ a₂'no₃ 'io₅₄ quiáin₅ dso₄. Ján₃ bá₄ le₂jaun₂ ju_ilia'₂ dsa₂ ñe'₂ i₂cán₂ 'io₅₄ i₂ma₂téi₂ dsa₂, ján₃ bá₄ le₂jaun₂ 'no₂₃ dso₄.

Jme₂tag₅ Jesús ju_ilia'₂ jág₁ a₂'ñ₅ dsa₂ Diú₄

33 'Ma₂nei'₂ bá₄ 'nia'₂ ján₃, 'a₂ lia'₂ lě₅ ca₂nág₂ dsa₂ can'₅₄ ma₂líg'₂: “Tsá₃ jmó'₂ jua'₅₄ a₂tsá₃ jme₁ti'₄ jág₁ quiáng'₂ a₂ma₂cuē'₅₄ a₂'íng'₅ Te₁gui'₅₄.”

34 La₁ jniá₂ juá'₅ juíg₂ 'nia'₂ tsá₃ 'e₂ 'uig₅₄ cha₂ jua'₅₄ a₂'íng'₄ Diú₄; tsá₃ 'ě₁ guei'₅₄ i₂juíg₃, ia₁ ne₄ta₁ quió'₅ Diú₄ bá₄ jaun₂;

35 on₃ guē'₂ 'ě₁ gua'₅₄ 'uē₃, ia₁ co₂'nió'₄ ja₁tióng₂ tag₄ bá₄ Diú₄; on₃ guē'₂ 'nió'₅ 'ě₁ 'nia'₂ Jerusalén, ia₁ juíg₂ quió'₅ Rag₅₄ Juin'₂ bá₄ jaun₂.

36 Tsá₃ lě₁'ě₂ 'nia'₂ mi₂dsei'₂ guiong'₅₄ ně₃, ia₁ 'i₁ca₂mi'₂ ni₁jñi₂ dsei'₂ 'nia'₂ tsá₃ lé₂ le₃jmó'₂ tiog₂, on₃ guē₄ a₂lia'₂ ně₃.

37 Jua'₅₄ bá₄ 'nia'₂ quian'₅₄ ca₂jon₄ jág₁, “ján₅”, o₃ “jan₂'ón₄” 'e₂, ia₁ ně₁jua'₂ 'ein₂ ca₂juá'₂ ñag₅₄ guē₄ con'₂ lě₅ ně₅, já₅ ja₁con₂ i₂sě₃dsen₃ bá₄ jaun₂.

Jme₂tag₅ Jesús jág₁ ju_ilia'₂ a₂con₂ dsa₂ 'ma'₅₄
ja₁con₂ riin'₅₄
(Lucas 6:29-30)

* 5:31 Deuteronomio 24:1.

38 'Ma₂nei'₂ bá₄ 'nia'₂ a₂ma₂juá'₂ dsa₂ le₂jñiá'₅:
 “Në₁jua'₂ 'ein₂ ca₂'én₂ ca₂míg₂ mi₂ne₄ rin'₅₄, le₂jaun₂
 bá₄ lé₂ 'éi'₃ dsi₃'én₂ ca₂míg₂ mi₂ne₄ ju₁lia'₂ i₂ca₂jmo₃
 ján₃; o₃ në₁jua'₂ 'ein₂ ca₂tia'₃ ca₂míg₂ mi₂jan₄ rin'₅₄
 ně₃, le₂jaun₂ bá₄ lé₂ táng₃ 'éi'₃, tiá'₃ ca₂míg₂ quió'₅.”†

39 La₁jniá₂ guë'₂ juá'₅ juíg₂ 'nia'₂, tsá₃ lë₁nau₂ 'nia'₂
 queng'₂ quian'₅₄ dsa₂ 'lin'₅₄. Në₁jua'₂ 'ein₂ ca₂quein₃
 rë₂jog'₂, jein'₅₄ tē₂le₃ ca₂ton₂, ju₁quein₂₃ ta₁tin₃ ton₂.

40 Chi₂jua'₂ 'ein₂ 'nag₅ quiáng'₂, a₂'nio₃ jñiá'₂
 ni₁tsín'₂, le₂jio₅ tsi₁'mi'₂ dsiog₂ qui'₅₄ cuë'₅₄
 ju₁quion₂.

41 Në₁jua'₂ 'ein₂ ca₂chi₃quióng₂ jmig₄ a₂caun'₅₄
 lio₅₄ caun₂ kilómetro, o₂con₄ tin₃ kilómetros.

42 Ju₁'ein₂ guë'₃ mi₅ 'e₂ mi₅ quiáng'₂ a₂dsi₂, cuë'₅₄:
 'a₃ lë₁jein'₅₄ le₃mi₂ca'₅₄ quió'₅.

*Jme₁'nió₄ bá₄ 'nia'₂ ju₁lia'₂ dsa₂ i₂'iog₅₄ quián'₂ 'nia'₂
 (Lucas 6:27-28, 32—36)*

43 'Ján₃ bá₄ ma₂nei'₂ 'nia'₂ a₂ma₂juá'₂ dsa₂ le₂jñiá'₅:
 “Jme₁'nió₄ a₂mei₅₄ quiáng'₂, jme₁'ñia₅₄ ju₁lia'₂ dsa₂
 i₂'iog₅₄.”

44 La₁jniá₂ guë'₂ juá'₅ juíg₂ 'nia'₂: Jme₁'nió₄ bá₄
 'nia'₂ ju₁lia'₂ dsa₂ i₂'iog₅₄, mi₄ ne₄ Diú₄ o₄quió'₄
 ju₁lia'₂ dsa₂ i₂co₂'ein₅.‡

45 Jaun₂ le₂në₅ bá₄ a₂rë₂jniá'₁ 'nia'₂ a₂lín₅ chi'₂-
 guein₂ quián₅ Néi'₅ i₂guá₅ guei'₅₄ i₂juíg₃; ia₁ 'éi₂ bá₄
 cuë'₅ 'iog₂ cuë'₅ lia'₂ dsa₂ 'lin'₅₄ lia'₂ dsa₂ dsen₃; ján₃
 bá₄ chein₁₂ jmí₅ cuë'₅ lia'₂ dsa₂ i₂cuin₅ Diú₄ lia'₂ dsa₂
 i₂tsá₃ Diú₄ cuin₅ ně₃.

† 5:38 Éxodo 21:24; Levítico 24:20; Deuteronomio 19:21. ‡ 5:44
 A₂lin₅₄ chog₅₄ si₂ juá'₂: “Jua'₅₄ a₂dse₃ ja₁con₂ ju₁lia'₂ dsa₂ i₂juá'₂ uig₅,
 jmo₄ a₂dse₃ ja₁con₂ ju₁lia'₂ dsa₂ i₂'iog₅₄.”

46 Ia₁ nē₁jua'₂ 'nió'₃ 'nia'₂ jma'₃ lia'₂ dsa₂ i₂'nio₃ 'nia'₂, ħ'e₂ 'lian'₅₄ 'nia'₂ guéi'₁ le₂jaun₂? Le₂jiog₅ dsa₂ i₂cán₂ 'lia'₅₄ quián₅ dsi₂tan₅₄ tin₂ le₂jaun₂.

47 Chi₂jua'₂ cuín'₅ 'nia'₂ Diú₄ jma'₃ lia'₂ dsa₂ ríng'₂, ħ'e₂ a₂ŋag₅₄ guě₄ a₂dse₃ jmo'₂ 'nia'₂ nē₁jua'₂ le₂jaun₂? Ia₁ le₂ně₅ bá₄ jmo₅ dsa₂ i₂tsá₃ Diú₄ cuín₅ ján₃.

48 Ju₁dsi₂can'₅₄ bá₄ 'nia'₂ a₂dsi₁nóg'₅ léng'₂ dsa₂ dsen₃ ju₁lia'₂ dsen₃ Néi'₅ 'nia'₂ i₂guá₅ guei'₅₄ i₂juíg₃.

6

Jme₂tag₅ Jesús jág₁ ju₁lia'₂ a₂jmo₅ dsa₂ dse₃

1 'Jmo₄ 'nia'₂ 'í₁ tsá₃ lē₁jmo₂ 'nia'₂ a₂líng'₅ dsa₂ dsen₃ ŋja'₅₄ lia'₂ jma'₃ jē₄ jág₃ dsa₂. Nē₁jua'₂ le₂ně₅ jmo'₂ 'nia'₂, Néi'₅ 'nia'₂ i₂guá₅ guei'₅₄ i₂juíg₃ tsá₃ 'e₂ 'lian'₅₄ 'nia'₂ cuě₃ 'i₁caun₂.

2 "U₁g₅₄ jaun₂, jē₁ma₂tě₂ rē₁jme₁'on'₁ 'nia'₂ 'ein₂ jme₁'ong'₁ ju₁lia'₂ i₂'nió'₅ quió'₅, tsá₃ jmó'₂ jua'₅₄ uíng₂ ma₂dsi₂'ag₅ jág₁ ju₁lia'₂ jmo₅ dsa₂ i₂lē₁jmo₅ o₁ne₁ dsi₂néi₂ guá'₅ sinagogas ju₁lia'₂ jē₄ calles ně₃. Jmo₂₃ le₂jaun₂ a₂chein'₂ dse₃ guioin₅₄ ia₁jaun₂ 'ag₃ dsa₂ dse₃; la₁ia₁ a₂tě₃dsón'₂ juá'₅ jniá₂ i₂ma₂gue₃ 'lian'₅₄ bá₄ i₂le₂'éi₂.

3 La₁ 'ne₂ ně₃, jē₁ma₂tě₂ rē₁jme₁'ong'₁ ju₁lia'₂ 'ein₂ jme₁'ong'₁, jmo₄ ca₂lia'₂ ŋja'₅₄ a₂mei₅₄ dsen₃ quiáng'₂ tsá₃ ŋi₅.

4 Ja₂lin₃ guě₄ dse₃ jmó'₂ jē₄ tē₃co'₅₄. Jaun₂ Néi'₅ i₂jág₅ a₂dse₃ jmo'₂ jē₄ tē₃co'₅₄ jaun₂, cuě₃ 'liang'₅₄.*

Jme₂tag₅ Jesús 'a₂ lia'₂ chi₃lén'₂ dsa₂ Diú₄ (Lucas 11:2-4)

* 6:4 Juá'₂ a₂lin₅₄ chog₅₄ si₂ le₂la₂ ján₃: "tē₃ jin₄ juin₅ dsa₂."

5 'Jë₁ma₂të₂ rë₁chi₁len'₄ 'nia'₂ Diú₄, tsá₃ lë₁jmo₂ 'nia'₂ jui₁lia'₂ jmo₅ dsa₂ i₂lë₁jmo₅-dsá_{u5} o₁ne₁, a₂të₅ dsí₅ chi₂lén'₂ Diú₄ të₃ tióin₂ dsi₂néi₂ guá'₅ sinagogas jë₄ calles nê₃, ia₁jaun₂ jág₃ dsa₂. A₂dsi₂jó'₃ juá'₅ jniá'₂, i₂ma₂gue₃ 'lian'₅₄ bá₄ i₂le'₂éi₂.

6 La₁ jë₁ma₂të₂ rë₁mí'₁ 'ne₂ ne₄ Diú₄, jne₅₄ dsi₂néi₂ quiáng'₂. Ja₁jaun₂ chi₁len'₄ 'ne₂ Diú₄ Néi'₅ i₂tsá₃ jniá'₂. Jaun₂ nê₃ Néi'₅ i₂ñi₅ 'e₂ a₂jmo'₂ jë₄ të₃co'₅₄, cuë₃ 'liang'₅₄.

7 'Jë₁ma₂të₂ rë₁juig'₅₄ Diú₄, tsá₃ jmó'₂ 'nia'₂ jua'₅₄ a₂lë₁të₁'í'₁ jág₁ a₂tsá₃ ta₁ tí₄, jui₁lia'₂ jmo₅ dsi₂nau₂ i₂tsá₃ 'én₂, ia₁ lín₂ nag₃ Diú₄ të₂le₃ ia₁ a₂'lióng₂ jág₁ juá'₂.

8 Tsá₃ lë₁o₁len'₅₄ 'nia'₂ jui₁lia'₂ lín₅ dsa₂ le₂'éi₂. Ia₁ i₂ma₂ñi₅ bá₄ Néi'₅ 'nia'₂ 'e₂ a₂'nió'₅ quián'₂ 'nia'₂ né'₃ guë'₄ a₂mí'₁.

9 Jaun₂ nê₃, le₂la₂ bá₄ juig'₅₄ 'nia'₂ Diú₄:
Tia₅₄ quián₂ jniog₄, 'ne₂ i₂ñéi'₂ guei'₅₄ i₂juíg₃,
jui₁jme₂go₃ bá₄ dsa₂ a₂rë₂jñió₄ a₂cheng'₂.

10 Jui₁le₅₄ bá₄ 'éi'₃ quiáng'₂,
jui₁le₅₄ bá₄ a₂'ñio₂ 'au'₂ 'ne₂ ne₄ gua'₅₄ 'uë₃,
jui₁lia'₂ lë₅ guei'₅₄ i₂juíg₃.

11 Cuë₄ a₂'nió'₅ que₅₄ jnia'₅₄ jmig₄ nê₃.

12 'Én₃ dso₄ quián₂ jnia'₅₄,
jui₁lia'₂ 'én₅ jnia'₅₄ dsá_{u1} rín'₅₄.

13 'A₃ cuë₂ jmig₄ jiá₃ jui₅bí₂ a₂cáun₂ táu₂,
të₂le₃ lio₄ bá₄ o₄gú₃ i₂së₃dsen₃.†

† 6:13 A₂lin₅₄ chog₅₄ si₂juá'₂: “lio₄ bá₄ jnia'₅₄ ne₄ a₂'lig'₅₄,” a₂siá'₂ juá'₂ bá₄ ján₃: “ia₁ 'ne₂ bá₄ ca₂tíng'₂ gong'₂, qui₁dsi'₂ 'éi'₃, a₂jme₃juag'₂ dsa₂ nê₃, co₂tan₅₄.”

14 'Ia₁ nē₁jua'₂ 'én'₅ 'nia'₂ dsá_{u1} ríng'₂ jē₁ma₂'ná_{u2}
dso₄ ja₁cong'₂, ján₃ bá₄ le₂jaun₂ Nēi'₅ 'nia'₂ i₂guá₅
guei'₅₄ i₂juíg₃ 'éin₂ dsá_{u2} 'nia'₂ guiong'₅₄.

15 La₁ nē₁jua'₂ tsá₃ 'éng'₅ dsá_{u1} ríng'₂, ján₃ bá₄
le₂jaun₂ tsá₃ 'én₂ Nēi'₅ dsá_{u2} 'nia'₂.

Jme₂tag₅ Jesús jág₁ ju₁lia'₂ a₂jme₂'in₅₄ dsa₂

16 'Jē₁ma₂tě₂ rē₁jme₁'in'₄ 'nia'₂, tsá₃ jme₁tsín₄ 'nia'₂
o₄-ne'₅₄ jua'₅₄ a₂jmo'₂ lē₁'ág₄ 'lia'₂ 'au'₂ ju₁lia'₂ jmo₅
dsa₂ i₂lē₁jmo₅-dsá_{u5} o₁ne₁. Jmo₅ dsa₂ le₂'éi₂ le₂jaun₂
ia₁jaun₂ jág₃ dsa₂ a₂dsón'₂ bá₄ jme₂'iin₅₄. A₂dsi₂jó'₃
juá'₅ jniá₂, i₂ma₂gue₃ 'lian'₅₄ bá₄ 'éi₂.

17 La₁ 'ne₂ ně₃, jē₁ma₂tě₂ rē₁jme₁'ing'₄, sio₅ rē₂
dsei'₂, rang₂ ne'₅₄ ně₃,

18 ia₁jaun₂ tsá₃ 'ein₂ le₃lí'₄ a₂jme₂'ing'₄. Jñia'₅₄ lia'₂
Nēi'₅ i₂tsá₃ jniá₂ bá₄ ñi₅. Jaun₂ Nēi'₅ i₂jág₅ ca₂le₃jě₃
a₂jmo'₂ jē₄ tē₃co'₅₄ jaun₂, 'éi₂ bá₄ cuē₃ 'liang'₅₄.

Ju₁lia'₂ a₂quen₅ lin₃ a₂rē₂'ma₄ guei'₅₄ i₂juíg₃
(Lucas 12:33-34)

19 'Tsá₃ lē₁dsia₂ 'nia'₂ lo'₂ le₁má'₂ a₂jmo'₂ 'nia'₂
a₂quen₅ lin₃ quiáng'₂ ne₄ gua'₅₄ 'uē₃ la₂, ia₁ ja₁lá₃
ja₁lē₁qui₂rē₂ju₁ tón'₅ i₁cá₁ qui₂'éin₂, ján₃ bá₄ ja₁lá₃
ja₁qui₂dsi₂'én₂ qui₂rē₃'áu₁ cosas ně₃; ja₁lá₃ bá₄ chan₂
dsa₂ qui₂ju₁in₂₃ 'e₂ qui₂ju₁in₂₃ a₂tóin'₅ 'ang₂₃.

20 Guei'₅₄ i₂juíg₃ bá₄ 'nió'₅ dsiá'₁ 'nia'₂ lo'₂ quiáng'₂,
ja₁tsá₃ 'e₂ lé₂ jua'₅₄ a₂qui₃'én₂ cá₁, on₃ guē'₂ 'e₂ rē₂'áu₁,
on₃ guē₄ lé₂ dsi₃ton'₅₄ 'ang₂.

21 Ia₁ ju₁lia'₂ jē₁tio'₅₄ a₂quen₅ quiáng'₂, ja₁jaun₂
bá₄ 'i₄ a₂'i₅ 'au'₂.

Ju₁lia'₂ jme₁ne₁ dsa₂
(Lucas 11:34-36)

22 'Lě₅ jme₁ne₁ dsa₂ ju₁lia'₂ lě₅ caun₂ si₂ ni₁tsí₅ quió'₅ ni₁ŋí₁ dsa₂; 'uig₅₄ jaun₂ ně₃, ně₁jua'₂ dse₃ jme₁ne'₁, ján₃ bá₄ le₂jaun₂ co₂'nió'₄ tág₅ bá₄ si₂ ta₁jang'₂;

23 la₁ ně₁jua'₂ tsá₃ dse₃ jme₁ne'₁, ta₁jang'₂ bá₄ lě₅ qui₁né'₃. Ně₁jua'₂ si₂ quiáng'₂ ně₃, chí'₅ chi₁liá'₃, i'e₂ guě₄ 'ŋi₀₅ juě'₂ lě₅ qui₁né'₃ ně₁jua'₂ le₂jaun₂!

Ju₁lia'₂ a₂'nio₃ dsa₂ Diú₄, a₂'ín₅ guě'₂ dsí₅ cu₄ ně₃
(Lucas 16:13)

24 "I₁jan₂ tsá₃ 'ein₂ lé₂ jme₃ti₃ ta₁ ne₄ on₃ juig₅₄; ia₁ jme₃'ŋiai₅₄ jan₂, i₂jan₂ guě'₂ jme₃'nioi₃. O₃ náu₃ tiá₂ quián'₅₄ jan₂, i₂jan₂ guě'₂ tsá₃ le₃jein₅₄. Tsá₃ 'ein₂ lé₂ jme₃ti₃ ne₄ Diú₄, le₂jiog₅ ne₄ a₂'ín₅ dsí₅ cu₄ ně₃.

Jmo₅ Diú₄ 'í₁ chi'₂-guein₂ quiáin₅
(Lucas 12:22-31)

25 'Jaun₂ ně₃ juí₂g₂ jniá₂ 'nia'₂: Tsá₃ lě₁can₂ 'nia'₂ o₂i₁ dsí₅ jua'₅₄ a₂ŋí₄ 'i₅ 'au'₂ 'e₂ quě'₅₄, o₃ 'e₂ 'ag'₅₄ tē₁lia'₂ chang'₂, on₃ guě'₂ o₄quió'₄ ni₁ŋí₁ 'nia'₂, 'e₂ 'mi'₂ a₂qui'₅₄. ¿Tsa₁ quen₅ guě₄ jme₂dsí₂ a₂chan₂ dsa₂ lia'₂ con'₂ guě₄ má₃?

26 Ji₄ de'₂ 'nia'₂ ju₁lia'₂ i₁tan₅ i₂i₂nio₄ guei'₅₄: tsá₃ 'e₂jne₂₃, on₃ guě'₂ 'e₂ cág'₅, jua'₅₄ a₂dsia₂₃ lo'₂; la₁ Néi'₅ 'nia'₂ i₂guá₅ guei'₅₄ i₂juí₃g₃ qui₂jme₂tau₅₄. Jaun₂ ně₃, ¿Tsa₁ quen'₅ guě₄ 'nia'₂ lia'₂ con'₂ guě₄ já'₂ 'éi₂?

27 ¿'Ein₂ 'nia'₂, tē₂le₃ ia₁ a₂ŋí₄ 'i₅ 'au'₂, lé₂ le₃jmó'₂ 'nia'₂ a₂lé₂ le₃chang'₂ caun₂ hora ŋag₅₄ guě₄?‡

28 ¿'E₂ 'uig₅₄ a₂ŋí₄ lě₃ 'i₅ 'au'₂ 'nia'₂ ju₁lia'₂ o₄quió'₄ 'mi'₂ a₂qui'₅₄? Jag₄ de'₂ 'nia'₂ ju₁lia'₂ 'a₂ lia'₂ dsí₂cón₃

‡ 6:27 A₂lin₅₄ chog₅₄ si₂ juá'₂: "a₂lé₂ le₃i₃con'₅₄ 'nia'₂ caun₂ lě₂."

lí₁ a₂cha₂ ja₁nau₂; on₃jua'₅₄ i₂jmo₅ ta₁ 'ua'₂, on₃ guë'₂ 'me₂₃;

29 la₁ juí₂g₂ jniá₂ 'nia'₂, ca₂lia'₂ jñia'₅₄ Rag₅₄ Sa-lomón lia'₂ con'₂ jme₁quí'₅ tsin'₅₄ a₂jlá'₁ guë'₄, tsá₃ ca₂rë₃jláin'₁ jui₁lia'₂ jlá'₁ lí₁.

30 Jaun₂ në₃, chi₂jua'₂ Diú₄ le₂në₅ jmo₂₃ jlá'₁ nau₂ a₂cha₂ jmi₄g₄ në₃, la₁ 'ió₃ guë'₂ dsi₃'én₂ dsi₂si₂, j'ë₂ guë'₄ bá₄ 'nia'₂ dsa₂ tsá₃ lín₄ 'én₂ jmo₃ 'í₁ qui₃chein'₃ 'nia'₂ dse₃!

31 Jaun₂ le₂në₅, tsá₃ lë₁can₂ 'nia'₂ o₂i₁ dsi₅, jua'₅₄ a₂qui₁ñag'₅₄ 'nia'₂: “¿'E₂ que₅₄ jniog₄?” o₃ “¿'E₂ 'ne'₅₄ jniog₄?” o₃ “¿'E₂ 'mí'₂ qui₅₄ jniog₄?”

32 Ia₁ dsa₂ mi₂güí₃ bá₄ i₂nio₄ qui₂'en₅ 'ín₅ dsi₅ ca₂le₃jé₃ a₂në₅. I₂ñi₅ bá₄ Néi'₅ 'nia'₂ i₂guá₅ guei'₅₄, a₂'nió'₅ quián'₂ 'nia'₂ le₃jé₃ a₂në₅.

33 La₁ jmo₄ de'₂ jniá₅ 'nia'₂ 'ín₅ 'au'₂ a₂jia₃'éi'₃ quió'₅ Diú₄ ja₁cong'₂, quian'₅₄ a₂jmo'₂ 'nia'₂ ca₂le₃jé₃ a₂dse₃ a₂të₅ dsi₅ 'éi₂, jaun₂ guë'₄ guéi'₁ 'nia'₂ le₃jé₃ a₂në₅ a₂ñag₅₄ guë'₄.

34 Tsá₃ lë₁can₂ 'nia'₂ o₂i₁ dsi₅ jaun₂, o₄quió'₄ jmi₄g₄ 'ió₃, ia₁ jma₃quén₅ o₂i₁ dsi₅ cha₂ bá₄ lia'₂ co₂jmi₄g₄ lia'₂ co₂jmi₄g₄.

7

Tsá₃ lë₁cáun₂ 'nia'₂ 'í₁ quió'₅ i₂sián'₂
(Lucas 6:37-38, 41—42)

1 'Tsá₃ lë₁cáun₂ 'nia'₂ 'í₁ quió'₅ ríng'₂, ia₁jaun₂ tsá₃ con₂ Diú₄ 'í₁ ja₁con'₂ 'nia'₂ guiong'₅₄.

2 Ia₁ le₂në₅ bá₄ con₂ Diú₄ 'í₁ ja₁con'₂ 'nia'₂ guiong'₅₄ jui₁lia'₂ cáun'₂ 'nia'₂ 'í₁ ja₁con₂ ríng'₂. Quian'₅₄ 'éi'₃ a₂dsia'₂ 'nia'₂, 'éi'₃ jaun₂ bá₄ dsiog₃ Diú₄ quián'₂ 'nia'₂ guiong'₅₄.

3 '¿A₂ lia'₂ jniag'₃ 'ne₂ jag'₅₄ jme₁qui₅ pí'₁ a₂i₄ jme₁ne₁ ríng'₂, ton'₂ tsá₃ leng'₅₄ guë'₂ a₂i₄ ca₂'nau₅₄ ni₁chá₅ pa₁ jme₁ne'₁ 'ñiag'₂?

4 ¿O₃ 'a₂ lia'₂ lé₂ le₃juig'₅₄ ríng'₂: “Cuë₄ jmig₄ dsi₄ jniá₂ jme₁qui₅ pí'₁ a₂i₄ jme₁ne'₁,” ton'₂ nē₅ bá₄ chi₁'i₁ ca₂'nau₅₄ ni₁'ma₂ chá₅ jme₁ne'₁ 'ñiag'₂?

5 ¡Ne₂ dsa₂ i₂lë₁jmo₅ o₁ne!₁ Dsi₄ de'₂ jniá₅ ni₁'ma₂ chá₅ mi₂ne'₅₄ 'ñiag'₂, jaun₂ guë₄ lé₂ le₃jag'₅₄ rē₂, jaun₂ guë₄ lé₂ dsí'₁ qui₅ pí'₁ jme₁ne₁ ríng'₂.

6 'Tsá₃ cuë'₂ 'nia'₂ ju₁lia'₂ dsi₂ji'₅₄ a₂lë₅ a₂jñi₅ quió'₅ jme₂dsi₂, ia₁ con'₂ tsá₃ ñó₅ nē₁jua'₂ ja₂dsi₂in₂ a₂jmo₃ le₁juig₁ quiáng'₂. Ján₃ bá₄ tsá₃ dsia₂ 'nia'₂ ju₁lia'₂ míg₂ jlá'₁ a₂quen₅ quiáng'₂ ne₄ i₁ñí₅, con'₂ tsá₃ ñó₅ nē₁jua'₂ qui₂ca₂tsó'₃, jme₃'ióg₃.

Ju₁lia'₂ dsa₂ i₂mi₅, i₂'no'₂, i₂të₂ nē₃.

(Lucas 11:9-13; 6:31)

7 'Mi₄ 'nia'₂ ne₄ Diú₄, jaun₂ guéi'₁ 'nia'₂; 'nio'₂ 'nia'₂, jaun₂ bá₄ dsiang'₂; té₃ 'nia'₂ o₄'né₄, jaun₂ bá₄ niá₂.

8 Ia₁ ju₁lia'₂ i₂mi₅, gue₃ bá₄; ju₁lia'₂ i₂'no'₂, dsio'₂ bá₄ ján₃; ján₃ bá₄ le₂jaun₂, quió'₅ ju₁lia'₂ i₂të₂ o₄'né₄, niá₂ bá₄.

9 '¿O₃ chan₂ ju₁lia'₂ 'ein₂ 'nia'₂, jme₁mi₅ chi'₂ quiáng'₂ i₁ñí'₄, cuë'₂ 'nia'₂ ca₂mí₂ ni₁cang₁?

10 ¿O₃ chan'₂ 'nia'₂ jë₁ma₂ca₂mi₃ chi'₂ quiáng'₂ quió'₅ ju₄, cuíin'₄ 'nia'₂ dsi₂mi'₂?

11 Jaun₂ nē₃, chi₂jua'₂ 'nia'₂ dsa₂ i₂rë₂cán'₄ dso₄ ting'₂ cuë'₂ cosa dse₃ chi'₂-guein₂ quiáng'₂, i'ë₂ guë₄ bá₄ Néi'₅ 'nia'₂ i₂guá₅ guei'₅₄ cuë₃ a₂dse₃ cuë'₃ ju₁lia'₂ i₂mi₅ ja₁coin₂!

12 "Uig₅₄ jaun₂ nē₃, jmo₄ bá₄ 'nia'₂ quian'₅₄ dsa₂ mi₂güig₃ ríng'₂ ju₁lia'₂ 'e₂ a₂'niog'₂ 'nia'₂ jmo₃ 'éi₂

quian'⁵⁴ 'nia'²; ia₁ a₂në₅ bá₄ ta₁ quí'⁵ ca₂le₃jě₃ Si₂ 'Éi'³,
 quian'⁵⁴ guě₄ Si₂ a₂qui₂ca₂jmo₃ dsa₂ i₂jme₁'ě₂ jág₁
 quián⁵ Diú₄.

O₄ju₅ dsag₂
(Lucas 13:24)

13 'Tión'² 'nia'² të₂le₃ o₄ju₅ dsag₂. Ia₁ a₂'i₂ juë'² bá₄
 ja₁dsi₂ton'⁵⁴ dsa₂ ju₅ a₂jiog₅ ja₁dsi₃'éin₂. Ja₂lin₃ guě₄
 juin₅ dsa₂ i₂dsi₂ton'⁵⁴ ju₅ jaun₂;

14 ia₁ caun₂ o₄ju₅ dsag₂ rě₂quí'⁵ bá₄ ja₁i₂nio₄ dsa₂
 a₂dsi₁lein₅ ja₁le₃chan₂ jme₂dsí₂, jaun₂ tsá₃ lin₄ juin₅
 i₂dso'² ju₅ jaun₂.

Tě₂le₃ quian'⁵⁴ mǐg₂ a₂'ag₅ bá₄ ni₁'ma₂, jáng'⁵ léi₄
(Lucas 6:43-44)

15 'Jmo₄ 'nia'² 'í₁ jaun₂ tsá₃ jme₃gau₅ dsa₂
 i₂i₂nio₄ 'ě₂ jág₁ a₂ju₅gain₂, i₂ja₂lén₂ ja₁con'² 'nia'²
 qui₂rě₂liin₅₄ a₂liin₅ já'² cha'², la₁ të₂le₃ né'³ të₂dsí₅
 liin₅ ju₅lia'² lín₅ dsi₂ji'⁵⁴ ná₂tsau₂ dsí₅.

16 La₁ të₂le₃ 'a₂ lia'² jmo₅-dsá₅ bá₄ le₃cuin'² 'nia'²;
 ia₁ tsá₃ guei'⁵⁴ chi₁uíng₃ taun₅ quin₅ dsa₂ ju₅lia'²
 mǐg₂ uvas. On₃ guě'² lé₂ le₃quin₃ dsa₂ mǐg₂ higos
 guei'⁵⁴ 'ma₂ taun₅ jmi'⁵⁴.

17 Jaun₂ ně₃, ca₂le₃jě₃ 'ma₂ dse₃, mǐg₂ dse₃ bá₄ 'ag₅;
 ján₃ bá₄ le₂jaun₂ ju₅lia'² ni₁'ma₂ 'lig'⁵⁴, mǐg₂ 'lig'⁵⁴ bá₄
 'ag₅.

18 Ju₅lia'² ni₁'ma₂ dse₃, tsá₃ lé₂ le₃'ag₃ mǐg₂ 'lig'⁵⁴;
 ján₃ guě'² le₂jaun₂ tsá₃ lé₂ le₃'ag₃ mǐg₂ dse₃ ju₅lia'²
 ni₁'ma₂ 'lig'⁵⁴.

19 Ca₂le₃jě₃ ni₁'ma₂ a₂tsá₃ 'ag₅ mǐg₂ dse₃, jñia'⁵⁴ lia'²
 a₂uín'² bá₄, dsi'² dsi₂si₂.

20 Jaun₂ le₂ne₅ bá₄ le₃cuin'₂ 'nia'₂: tē₂le₃ 'a₂ lia'₂ lě₅ jmo₂₃.

*Tsá₃ ca₂le₃jín₃ tìn'₄ ja₁gon₂ Diú₄.
(Lucas 13:25-27)*

21 'Tsá₃ ca₂le₃jín₃ i₂tě₂ jniá₂: “Te₁gui'₅₄, Te₁gui'₅₄,” dsi₁lein₅ guei'₅₄ i₂juíg₃ ja₁gon₂ Diú₄; jnia'₅₄ lia'₂ jmá'₃ i₂jmo₅ a₂'nio₂ dsí₅ Ne'₃ i₂guá₅ guei'₅₄ bá₄ dsi₁len₅.

22 Jun₅ dsa₂ lé₂ jmíg₄ jaun₂ i₂juá'₂ tság₃ jniá₂: “Te₁gui'₅₄, Te₁gui'₅₄, ma₂qui₂ca₂'ě₄ jnia'₅₄ jág₁ o₄quián'₂ 'ne₂. Quian'₅₄ bí₂ 'éi'₃ quiáng'₂ ně₃, ma₂qui₂ma₂'uin'₅₄ jnia'₅₄ je₂na'₅₄, ma₂qui₂ma₂jmó₁ jnia'₅₄ 'lióng₂ léi₄ juě'₂ ně₃.”

23 La₁ jaun₂ guě₄ ně₃ juíg₅₄ jniá₂: “O₁líg'₂ tsá₃ 'nia'₂ ca₂rě₃cuíng₅. Cau₅ jnia'₃ 'nia'₂ i₂jmo'₂ a₂'lig'₅₄.”

*Ta₁tín₃ ne₅₄ 'uig'₅₄
(Marcos 1:22; Lucas 6:47-49)*

24 'Jaun₂ ně₃, ca₂le₃jín₃ jui₁lia'₂ dsa₂ i₂nag₅ jág₁ quió₃, jmo₂₃ a₂juíg₂ jniá₂, lín₅ jui₁lia'₂ lín₅ jan₂ dsa₂ i₂ñí'₂ dsí₅ i₂ca₂jmóg'₃ 'ne₄ ne₄ 'lau₂.

25 Ca₂já₃ jmí₅, qui₂ca₂juě'₂ jmíg₂ cuá₃, ca₂'ág₂ dsí₂ tiá₂ lín₃ ca₂jnú₃ 'né₅ jaun₂; la₁ tsá₃ ca₂qui'₃, ia₁ jme₁chí'₄ bá₄ 'uig'₅₄ ne₄ 'lau₂.

26 La₁ ca₂le₃jín₃ jui₁lia'₂ dsa₂ i₂nag₅ jág₁ quió₃, tsá₃ jmo₂₃ guě'₂ a₂juíg₂ jniá₂, lín₅ jui₁lia'₂ lín₅ jan₂ dsa₂ co₄ i₂tsá₃ 'en₅₄ dsí₅, ca₂chi'₃ 'né₅ quió'₅ ne₄ ti₁tsag₁.

27 Jme₁ca₂já₃ jmí₅, ca₂juě'₂ jmíg₂ cuá₃, ca₂'ág₂ dsí₂ tiá₂ ca₂jnú₃ dso'₂ tsi₁'né₅ jaun₂; jaun₂ ca₂qui'₃ ca₂gon₃ gau₂ lín₃.

28 Jme₁ca₂lě₃ juá'₂ Jesús jág₁ le₂ne₅, 'nio₅ lín₃ qui₂dsi₂gó'₃ dsí₅ dsa₂ 'a₂ lia'₂ lě₅ jág₁ a₂jme₂tag₂₃,

29 ia₁ jme₂tag₂₃ jui₁lia'₂ jan₂ i₂quian₅ 'éi'₃ dsón'₂,
on₃jua'₅₄ rē'₂ lia'₂ tē₅juá'₅ quiáin₅.

8

Ca₂jme₃'lión₂ Jesús jan₂ dsa₂ i₂lín₅ 'mé'₅ 'iog₅

(Marcos 1:40; Lucas 5:12-16)

1 Jme₁ca₂sión₃ Jesús má'₂, juin₅ lin₃ dsa₂
jme₂quiong'₅₄.

2 Jaun₂ ca₂jme₃quián₃ jan₂ dsa₂ dso'₅₄ i₂lín₅ 'mé'₅
'iog₅, ca₂chi₃jnë₃ ne₄ Jesús, jaun₂ ca₂juá'₂:

—Chi₂jua'₂ 'niog'₂ 'ne₂, Te₁gui'₅₄, lé₂ bá₄ jme₁'lio'₅₄
jniá'₂.

3 Jaun₂ Jesús ně₃ ca₂néi'₃ gu₂, ca₂jja'₃ quió'₅ dsa₂
'éi'₂, jaun₂ ca₂juá'₂:

—'Nio₃ bá₄ jniá'₂, Jme₁'liong₅₄ 'ne₂.

Dsi₂jui₅ jme₁ca₂juá'₂ le₂ně₅, ca₂'lón₂ dsa₂ 'éi'₂ 'mé'₅
'iog₅ a₂jme₁lín₄.

4 Jaun₂ ca₂juá'₂ Jesús:

—Ně₃ jaun₂, tsá₃ lē₁'ein₂ juig'₂ 'i₁jan₂; jnia'₅₄
lia'₂ guan'₂ o₂jme₁jnia₅ ne₄ jme₂dsa₂, jaun₂ o₂jen'₅₄
a₂'nió'₅ jme₁ti'₄ con'₂ lē₅ 'Éi'₃ quió'₅ Moisés, ia₁jaun₂
le₃ŋi₅ dsa₂ a₂ma₂le₁jíng'₃.*

A₂ lia'₂ jme₁'én₂ jan₂ juig₅₄ 'lióg₂ romano

(Lucas 7:1-10)

5 Jme₁ca₂'í₃ Jesús jē₄ juig₂ Capernaum,
ca₂jme₃quián₃ jan₂ juig₅₄ 'lióg₂ romano coin₂, jaun₂
ca₂mi₃ a₂jme₃'o₅₄ 'éi'₂, ca₂juá'₂:

6 —Te₁gui'₅₄, jan₂ dsó₂ i₂jme₂ti₃ ta₁ ne₃, ron₅ dso'₅₄
ŋág₅ uig₅ ja₁quió₃; a₂'ua'₂ quió'₅, tsá₃ lé₂jē'₂ gu₂-tag₅₄.

7 Jaun₂ ca₂juá'₂ Jesús:

* 8:4 'Í₂ Levítico 14.

—Nei₅₄ bá₄ jniá₂ i₁jme₁'lioín₁₂.

8 Jaun₂ ca₂ηag₃ juig₅₄ 'lióg₂:

—Te₁gui₅₄, tsá₃ ca₂tín₂ jniá₂ jua₅₄ o₁'ú₃ 'ne₂ dsi₂néi₂ quió₃; jñia₅₄ lia₂ a₂jme₁jmó₂ 'éi₃ bá₄, jaun₂ 'lión₂ dsa₂ 'éi₂ quiáng₃.

9 Ia₁ le₂në₅ bá₄ jniá₂ 'ñió₃, chéng₅ a₂jme₂ti₅₄ 'éi₃ quió₅ juig₃, ján₃ bá₄ le₂në₅ te₁neg₅₄ 'lióg₂ i₂nio₃g₅ gu₃, 'e₂ caun₂ 'nio₃ jniá₂ lé₂. Në₁jua₂ ca₂juig₂ jniá₂: “Gua₂ jó₄”, ja₁jaun₂ dsó₃ bá₄; në₁jua₂ ca₂juig₂ jniá₂ i₂sián₂ 'guë₂ 'táng₃: “Ñia₅”, jiá₃ bá₄. Në₁jua₂ ca₂juig₂ jniá₂ dsa₂ sián₂ 'quiáng₃: “O₂jmo₄ a₂la₂ a₂ó₃”, a₂jaun₂ dsi₃jmó₂ bá₄.

10 Jme₁ca₂nág₂ Jesús a₂juá₂ dsa₂ 'éi₂, ca₂i₃gó₃ dsí₅, jaun₂ ca₂tsí₃ dsa₂ i₂jme₁quaiín₅₄:

—A₂dsi₂jó₃ juá₅ jniá₂ juig₂ 'nia₂, ca₂lia₂ 'i₁jan₂ dsa₂ juig₂ Israel, tsá₃ i₂ma₂jñ₄ jniá₂ i₂'én₂ guë₄ lin₃ lia₂ 'én₂ dsa₂ la₂.

11 Jniá₂ juig₂ 'nia₂, juin₅ dsa₂ i₂qui₂ja₃lén₂ ca₂le₂con₂ gua₅₄ 'uë₃, a₂tiain₃ co₂lë₅ guë₃ quian₅₄ Abraham, quian₅₄ Isaac, Jacob në₃ ja₁gon₂ Diú₄ guei₅₄ i₂juig₃;

12 la₁ dsa₂ i₂jme₁ca₂tín₂ tón₃ ja₁gon₂ Diú₄, dsi₃toin₅₄ jë₄ qui₁né₃ uíng₂, qui₂dsi₃'áu₃, quíg₃ jan₅₄.

13 Jaun₂ ca₂juá₂ Jesús ca₂tsí₃ juig₅₄ 'lióg₂:

—Guan₂ dsi₂néi₂ quiáng₂. Lé₂ bá₄ con₂ lë₅ 'éng₂.

Dsón₂ rë₂ hora jaun₂ ca₂'lón₂ dsó₂ mozo quián₅ dsa₂ 'éi₂.

*Ca₂jme₃'lión₂ Jesús ma₂chog₅₄ Pe₄.
(Marcos 1:29-31; Lucas 4:38-39)*

14 Co₂ráun₂ n_ó₃ Jesús ja₁quió'₄ Pe₄. Ja₁jaun₂ jme₁rē₂quian₅ ma₂chog₅₄ Pe₄ a₂dso'₅₄ 'i₄ dséi₂.

15 Jaun₂ ca₂jña'₃ Jesús gu₂ dsa₂ dso'₅₄, jaun₂ dsi₂jui₅ le₂jaun₂ bá₄ ca₂o₃'ág₃ dséi₂. Jaun₂ ca₂nau₂ ma₂chog₅₄ Pe₄ ca₂jme₃lió₃g₃ ca₂jme₃ti₃ ta₁ ne₄ mesa, a₂ag'₃.

*Ca₂jme₃'lión₂ Jesús juin₅ lin₃ dsa₂ dso'₅₄
(Marcos 1:32-34; Lucas 4:40-41)*

16 Le₃ca₂nei₂ jaun₂, juin₅ lin₃ dsa₂ i₂jio₅g₅ jme₂dsí₂ je₂na'₅₄, ca₂o₃jña₃ dsa₂ ne₄ Jesús; jaun₂ quian'₅₄ ca₂jon₄ jág₁ bá₄ ca₂'uín'₂ jme₂dsí₂ 'lin'₅₄. Jaun₂ ca₂jme₃'lióin₂ ján₃ ca₂le₃jín₃ dsa₂ dso'₅₄.

17 Le₂nē₅ bá₄ ca₂rē₃ti₃ jág₁ quió'₅ Isaías i₂jme₁'ě₂ jág₁ o₄quió'₄ Diú₄ jme₁ca₂juá'₂:
'Éi₂ bá₄ ca₂jña'₂ a₂jme₁'uau₅₄ jniog₄,
'éi₂ bá₄ ca₂can₃ guei₂ jmi₁uig₅ quián₂ jniog₄.†

*Dsa₂ i₂jme₁'nio₃ jme₃quian'₅₄ Jesús
(Lucas 9:57-62)*

18 Jme₁ca₂jág₃ Jesús juin₅ lin₃ dsa₂ le₁lio₃, jaun₂ ca₂jmo₃ 'éi'₃ a₂ní₃ dsa₂ quián₅ tē₂le₃ 'ŋo'₅₄ jmi₁ŋí'₄.

19 Jaun₂ ca₂jme₃quián₃ jan₂ tē₅juá'₅ coin₂, jaun₂ ca₂juá'₂:

—Tē₅, nei₅₄ jniá₂ quian'₅₄ 'ne₂ ca₂le₂con₂ ja₁gog'₅₄.

20 Jaun₂ ca₂ŋag₃ Jesús:

—I₂cha₂ tē₂'lau₂ quió'₅ bá₄ ju₁lia'₂ i₁güi₅, ján₃ bá₄ le₂jaun₂ ju₁lia'₂ i₁tan₅ i₂'in₅ guei'₅₄, i₂tio'₅₄ tsag₄ bá₄ 'éi₂. La₁ Jaun₅ dsa₂ mi₂güí₃g₃ ně₃, tsá₃ ja₁cha₂ jua'₅₄ ja₁quió₃g₃ ca₂tiá₂.

21 Jan₂ guē'₂ i₂sián'₂ i₂jme₁ma₂ŋó₅ quiong'₅₄ ca₂juá'₂:

† 8:17 Isaías 53:4.

—Te₁gui'⁵⁴, ʔtsa₁ cuě'₁ jmig₄ a₂nég'₄ i₁'ong₃ de'₂
jnjá₅ ɲe'₃?

²² La₁ ca₂ɲag₃ Jesús:

—'Éin₃ 'ne₂ jniá₂, jui₁ dsi₂'ón₃ bá₄ 'lag₄, 'lag₄ riin'⁵⁴.

*Ca₂jmo₃ Jesús ca₂'ág₂ tei₄ jmi₁ɲí'⁴, ca₂ɲia'₃ dsí₂ ně₃
(Marcos 4:35-41; Lucas 8:22-25)*

²³ Jaun₂ ně₃, ca₂'í₃ Jesús 'ɲió'₃ tsi₁mu₅, quian'⁵⁴
dsa₂ i₂ma₂quaiin'⁵⁴.

²⁴ Jme₁ma₂tioin'⁵⁴ ne₄ jmig₂, ca₂'ág₂ dsí₂ tiá₂ lin₃
con'₂ tsá₃ jáin₅. Ca₂lia'₂ ma₂dsi₂jéin₃ jmig₂ 'ɲió'₃
tsi₁mu₅. La₁ jme₁rě₂güin₃ bá₄ Jesús ɲó₅.

²⁵ Jaun₂ ca₂i₁ɲei₅₄ bá₄ dsa₂ quiáin₅, jaun₂ ca₂juá'₂:

—jTe₁gui'⁵⁴, lio₄! jIa₁ dsi₃'éin₂ jnia'⁵⁴‡ ja₁lá₃!

²⁶ Jaun₂ ca₂ɲag₃ Jesús:

—ʔ'E₂ lě₃ ɲí₄ lě₃ gan'₃ 'nia'₂ dsa₂ i₂tsá₃ lin₄ 'én₂?

Jaun₂ ca₂nau₂ ca₂jéin₂ dsí₂, jmi₁ɲí'⁴ ně₃, jaun₂
co₂ɲei'⁵⁴ ca₂tě₁tsi'⁵⁴ táng₃ tei₄.

²⁷ Jaun₂ ca₂i₃gó'₃ dsí₅ dsa₂, qui₂ca₂ɲí'₃ riin'⁵⁴:

—ʔI₂'ein₂ bá₄ dsa₂ ně₅, le₂jio₅ dsí₂ le₂jio₅ jmi₁ɲí'⁴
nag₅ gau₂ jág₁ quió'⁵?

*Dsa₂ i₂chan₂ Gadara i₂jme₁tion'⁵⁴ je₂na'⁵⁴ tě₂dsí₅
(Marcos 5:1-20; Lucas 8:26-39)*

²⁸ Jme₂ca₂dsióg₃ Jesús le₃ca₂ton₂ jmi₁ɲí'⁴, tě₂le₃
'uě₃ Gadara,§ jaun₂ ca₂'uin₂ on₃ dsa₂ jě₄ le₁'on₅
'lag₄, jaun₂ ca₂jme₃quiáin₃ con₂ Jesús. Le₃on₃ dsa₂
'éi₂ jme₂jio₅ je₂na'⁵⁴, jaun₂ 'ɲio₅ lin₃ jme₁tsau₂ dsí₅,
'i₁jan₂ dsa₂ tsá₃ 'ein₂ lé₂ le₃ɲí₃ jui₅ jaun₂.

²⁹ Jaun₂ ca₂tóin'₂ co₂mí'⁵⁴ ca₂juá'₂ tiá₂:

‡ 8:25 o₃, “jniog₄.” § 8:28 A₂lin₅₄ chog₅₄ si₂juá'₂: “Gerasa”; a₂siá'₂
guě'₂ ně₃, juá'₂: “Gergesa.”

—ǂ'E₂ 'uig₅₄ tián₅ 'ne₂ jë₄ quian'₅₄ jnia'₅₄, Jesús Ja₁ŋi'₅₄ Diú₄? ǂA₂ŋe'₃ 'ne₂ ja₁lá₃ a₂jmog'₅₄ jnia'₅₄ tē₃jniá₅?

30 Me'₂ cau₅ jaun₂, jme₁tion'₅₄ juin₅ i₁ŋí₅ guë'₅;

31 jaun₂ qui₂ca₂mi₃ je₂na'₅₄ ne₄ Jesús, ca₂juá'₂:

—Chi₂jua'₂ 'uag'₅₄ jnia'₅₄ ja₁lá₃, chei₅ jnia'₅₄ dsi₁tió'₄ quió'₅ i₁ŋí₅ 'o₃.

32 Jaun₂ ca₂juá'₂ Jesús:

—O₂nó'₅ 'nia'₂.

Jaun₂ ca₂'uin₂ jme₂dsí₂ 'lin'₅₄ tē₂dsí₅ dsa₂ 'éi₂, jaun₂ ca₂i₃toin'₅₄ tē₂dsí₅ i₁ŋí₅. Dsi₂jui₅ le₂jaun₂ bá₄ ca₂i₁nio₁ co₂chí'₅₄ i₁ŋí₅ cuing₂₃ juí₅ siá₅, jaun₂ ca₂i₁sein'₃ tē₂ jmi₁ŋí'₄. Ja₁jaun₂ ca₂dsain₃ ca₂'in'₃ jmi₂.

33 Dsa₂ i₂jme₁jmo₅ 'í₁ i₁ŋí₅ ně₃ ca₂cuing₃. Jme₁dsi₃lein₃ jë₄ juig₂ ca₂dsia₃ a₂ca₂lë₃ jaun₂, quian'₅₄ a₂ca₂lë₃ quian'₅₄ dsa₂ i₂jme₁tion'₅₄ je₂na'₅₄ ně₃.

34 Ca₂le₃jín₃ dsa₂ chan₂ juig₂ jaun₂ ně₃ ca₂'uin₂ i₃lén₂ ja₁'en₅₄ Jesús. Jaun₂ jme₁ca₂jín₂ Jesús ně₃, ca₂chi₃quióng₂ jmi₂g₄ a₂o₃ 'iin₅ le₂con₂ jaun₂.

9

Ca₂jme₃'lión₂ Jesús jan₂ dsa₂ 'lian'₂

(Marcos 2:1-12; Lucas 5:17-26)

1 Jaun₂ ca₂'í₃ Jesús 'ŋi₃o'₃ tsi₁mu₅, ca₂ŋí₃ le₃ŋo'₅₄ jmi₁ŋí'₄, jaun₂ ca₂dsiáin'₃ juig₂ ja₁jme₁guá₄.

2 Jaun₂ ca₂o₃jŋia₃ dsa₂ jan₂ dsa₂ 'lian'₂, dsíin₂ ne₄ tsi₁jein₁. Jme₁ca₂jág₃ Jesús a₂'én₂ dsa₂ 'éi₂ 'ŋio₅ lin₃, ca₂tsí'₃ dsa₂ dso'₅₄:

—Jmo₄ lían'₂ 'au'₂, jón₃; ma₂rë₂'én₄ bá₄ dsáu'₂.

3 Jaun₂ ca₂i₃jog₅ dsí₅ i₂lin₅₄ tē₅juá'₅: “A₂'in₅ 'lig'₅₄ Diú₄ bá₄ i₂në₅ a₂juá'₂ le₂në₅.”

4 La₁ i₂ŋi₅ rē₂ bá₄ Jesús a₂dsi₂jio₅ dsi₅ dsa₂ 'éi₂, jaun₂ ca₂juá'₂:

—¿'E₂ lē₃ dsi₂jio₅ 'au'₂ 'nia'₂ 'lig'₅₄ le₂nē₅?

5 ¿Na₂ a₂'ua₁ guě₄ ta₁ jua'₅₄ a₂jme₁juig₅₄ jniá₂ dsa₂ la₂: “Ma₂rē₂'én₄ bá₄ dsáu'₂”, o₃ a₂jme₁juig₅₄ 'e₂ jniá₂: “Nau₂, ŋi₄?”

6 Dse₃ jaun₂. La₂ jmo₅₄ jniá₂ jaun₂ le₃ŋi'₅₄ 'nia'₂ a₂'io₅ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ guě₄ ca₂juá'₂ ca₂tsí'₃ dsa₂ 'lian'₂:

—Nau₂, quion₂ tsi₁jein₁ quiáng'₂, guan'₂ ja₁quiáng'₂.

7 Jaun₂ ca₂nau₂ bá₄ dsa₂ 'éi₂, ca₂ŋái'₃ ja₁quió'₄.

8 Jme₁ca₂jág₃ dsa₂ a₂ca₂lē₃ jaun₂, ca₂i₃gó'₃ dsi₅, jaun₂ ca₂jme₃juin'₂ Diú₄ ne₄ 'uig₅₄ ia₁ a₂ma₂cuē₃ bí₂ jaun₂ ma₂cuē'₃ jan₂ dsa₂ mi₂güig₃.

Ca₂tě'₃ Jesús Mateo

(Marcos 2:13-17; Lucas 5:27-32)

9 Ca₂o₃'ín₃ bá₄ Jesús ja₁jme₁'ein₅₄ jaun₂. Ja₁ŋó₄ jaun₂, ca₂jín₂ jan₂ dsa₂ i₂chen₂ Mateo, guá₅ caun₂ dsi₂néi₂ cán₂ 'lia'₅₄ o₄quió'₄ dsi₂tan₅₄. Jaun₂ ca₂juá'₂ Jesús ca₂tsí'₃ 'éi₂:

—'Éin₃ jniá₂.

Jaun₂ ca₂nau₂ bá₄ Tē₅₄, ca₂jme₃quiong'₅₄.

10 Ca₂lē₃ jme₁ma₂'en₅₄ Jesús guě'₅ dsi₂néi₂ quió'₅ Tē₅₄, ca₂dsi₃lén₂ juin₅ guě₄ dsa₂ i₂cán₂ cu₄riin'₅₄, dsa₂ “i₂le₁cán'₄ dso₄” sián'₂ guě₄ ně₃, ca₂i₃toin'₅₄ i₁guē'₂ quaiin'₅₄ Jesús, quaiin'₅₄ dsa₂ i₂ma₂quaiin'₅₄ ně₃.

11 Dsa₂ fariseos ně₃, jme₁ca₂jág₃ a₂nē₅, jaun₂ ca₂ŋí'₃ dsa₂ quián₅ Jesús:

—¿'A₂ lia'₂ guě'₅ tē₅ quián'₂ 'nia'₂ co₂lē₅ quian'₅₄ dsa₂ i₂cán₂ 'lia'₅₄ quián₅ dsi₂tan₅₄, dsa₂ i₂le₁cán'₄ dso₄ ně₃?

¹² Ca₂nág₂ Jesús jág₁ jaun₂, jaun₂ ca₂juá'₂:

—On₃jua'₅₄ dsa₂ i₂qui₂le'₁ág₄ dse₃ dsí₅ i₂'nió'₅ tē₅mí₅ quió'₅; tē₂le₃ ja₁con₂ dsa₂ i₂le₁dso'₅₄ bá₄ 'nió'₅ quió'₅.

¹³ O₂nó'₅ 'nia'₂ o₂jme₁tín₅ 'e₂ jein₅ jág₁ la₂ tio'₅₄ ne₄ Si₂: “A₂'nio₃ jniá₂ dsiá'₁ 'nia'₂ ηéi₂ 'au'₂ dsa₂ mi₂güig₃ ríng'₂, on₃jua'₅₄ rē'₂ a₂ñja'₅₄ qui₁jen'₄ 'nia'₂ 'e₂ qui₁jen'₄ ne₃.”* Ia₁ tsá₃ ta₁ jaun₂ guio₃ jniá₂ jua'₅₄ a₂tē₄ dsa₂ dsen₃; a₂tē₄ dsa₂ i₂le₁cán'₄ dso₄ bá₄ jniá₂ guio₃.

*Ca₂ηí'₃ dsa₂ Jesús jui₁lia'₂ jág₁ a₂jme₂'in₅₄ dsa₂
(Marcos 2:18-22; Lucas 5:33-39)*

¹⁴ Jaun₂ ca₂dsilén₂ dsa₂ i₂jme₁i₂nio₄ quian'₅₄ Juan₅₄ i₂chon₅ dsa₂ jmig₂ ca₂jme₃quiáin₃ ne₄ Jesús, jaun₂ ca₂ñag₃:

—¿'A₂ lia'₂ jme₂'in₅₄ bá₄ dsa₂ fariseos, le₂jaun₂ guě'₂ jnia'₅₄ ně₃, la₁ dsa₂ i₂quian'₅₄ 'ne₂ guě'₂ tsá₃ jme₂'iin₅₄?

¹⁵ Jaun₂ ca₂ñag₃ Jesús:

—¿Lé₂ le₃tón'₃ 'lia'₂ dsí₅ jui₁lia'₂ dsa₂ i₂té₁ ja₁niog₅ jmig₄ ja₁jen'₂ gu₂ dsa₂, chí₂jua'₂ jaun₂ bá₄ guá₅ guě'₂ dsa₂ ηe'₂ i₂jen'₂ gu₂? Já₅ jmig₄ jē₁tsá₃ ma₃dsa₂ i₂jen'₂ gu₂ 'éi₂ chan₂ lé₂; jaun₂ guě₄ tóin'₃ jme₃'in₅₄.

¹⁶ 'Ma₁ tsá₃ 'ein₂ tín₂ tíong₅ tsi₁'mí'₂ gui'₅₄ quian'₅₄ 'nau₅₄ tsi₁'mí'₂ 'mí₂. Ia₁ dsán'₅ tsi₁'mí'₂ 'mí₂, jaun₂ juē'₂ guě₄ ja₁gag₂ lē₂.

* **9:13** Oseas 6:6.

17 Ján₃ bá₄ le₂jaun₂ tsá₃ tia'₂ dsa₂ vino 'mí₂ 'ñi₃o'₃ ni₁lau₂ gui'₅₄, ia₁ ne'₂. Nē₅ bá₄ téin₃ vino, ton'₂ dsí₃'én₂ ni₁lau₂ ně₃ ně₁jua'₂ ca₂jmo₃ dsa₂ le₂jaun₂. Jaun₂ lē₃, 'ñi₃o'₃ lau₂ 'mí₂ bá₄ 'ni₃o'₅ tia'₃ dsa₂ vino 'mí₂, ia₁jaun₂ le₃tin₃ bá₄ lé₂ 'í₁.

*Ja₁mí_g₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús
(Marcos 5:21-43; Lucas 8:40-56)*

18 Tē₃ 'en₅₄ Jesús dsia₂₃ já_g₁, jme₁ca₂dsi₃og₃ jan₂ i₂niog₅ gu₂ guá'₅ sinagoga. Ca₂chi₃jné₃ ne₄ Jesús, jaun₂ ca₂juá'₂:

—Lia'₂ ca₂jon₃† jan₂ chi'₂ dsa₂ mí₂ quiáng₃. La₁ ně₁jua'₂ gog'₅₄ 'ne₂ quian'₅₄ jniá'₂ o₁quiog'₂ gog'₂ ne₄ quió'₅, le₃chain₂ bá₄ táng₃.

19 Jaun₂ ca₂nau₂ Jesús, jaun₂ ca₂ñó₃ quiain'₅₄ dsa₂ 'éi₂, lia'₂ jma₃quiain'₅₄ dsa₂ i₂ma₂ja₂lén₂ quiong'₅₄.

20 Tē₃jē₄ jaun₂, ñó₃ jan₂ dsa₂ mí₂ i₂dso'₅₄ ma₂guia₃-tín₂ ñi₂ a₂tin₂. Ca₂jme₃quiáin₃ tē₂le₃ chi₁co'₅₄ quió'₅ Jesús, jaun₂ ca₂níi'₂ chei'₅₄ tsin'₅₄ 'éi₂.

21 Ia₁ lín₂: “Tsá₃ nag₅₄ ně₁jua'₂ jñia'₅₄ ní_g'₄ ca₂juig₄ tsin'₅₄, jñia₃ quió₃.”

22 Jaun₂ ca₂jén'₃ Jesús, ca₂jín₂ 'io₅₄, jaun₂ ca₂juá'₂:

—Jmo₄ lián'₂ 'au'₂, jón₃. Ma₂'lóng'₂ bá₄, ia₁ 'éng'₂.

Dsi₂jui₅ le₂jaun₂ bá₄ ca₂jñia₃ co₂ñei'₅₄ quió'₅.

23 Jme₁ca₂dsi₃og₃ Jesús ja₁quió'₄ dsa₂ juig₅₄ sinagoga 'éi₂, jaun₂ ca₂jág₃ ma₂tion'₅₄ dsa₂ i₂jmo₅ son₅₄, ma₂tion'₅₄ dsa₂ juin₅ go₂ i₃ ně₃, qui'₂ 'o₂₃.

24 Jaun₂ ca₂juá'₂:

—'Úin'₂ 'nia'₂ ja₁lá₃; tsá₃ rē₂jon₅₄ i₂bē'₅₄ ně₅. Jñia'₅₄ lia'₂ a₂rē₂güin₃ bá₄.

† 9:18 o₃, “ma₂i₁jón₂”, lé₂le₃jein₃ já_g₁.

La₁ jnia'₅₄ ca₂ŋág₂ bá₄ dsa₂.

²⁵ Jme₁ma₂'uin'₂ dsa₂, jaun₂ ca₂'í₃ Jesús dsi₂néi₂,
ca₂jña'₃ mi₂gu₂ i₂bè'₅₄, jaun₂ ca₂nau₂ bá₄ 'éi₂.

²⁶ Ca₂le₂con₂ juig₂ tio'₅₄ 'uë₃ jaun₂, ca₂i₃'ág₃ jág₁
a₂ca₂lë₃ jaun₂.

Ca₂jme₃'lión₂ Jesús on₃ dsa₂ ten₄

²⁷ Jme₁o₂'ín₃ Jesús ja₁jaun₂, ca₂'ein₃ on₃ dsa₂ ten₄,
ja₂lén₂ tě₂ tiá₂:

—jDsia₄ ŋéi₂ 'au'₂ jnia'₅₄, 'ne₂ tsi₁jon₂ David!

²⁸ Jme₁ca₂'í₃ Jesús dsi₂néi₂, ca₂jme₃quián₃ dsa₂
ten₄ 'éi₂ cau₅ quió'₅. Jaun₂ ca₂ŋag₃ Jesús:

—¿'Én'₂ 'nia'₂ a₂lé₂ le₃jme₁'lio₅₄ jniá'₂?

Jaun₂ ca₂ŋag₃:

—'Éin₂ bá₄ jnia'₅₄, Te₁gui'₅₄.

²⁹ Jaun₂ ca₂ní'₃ Jesús gu₂ jme₁ne₁₂ jaun₂ ca₂juá'₂:

—Ju₁le₅₄ bá₄ con'₂ lë₅ 'én'₂ 'nia'₂.

³⁰ Jaun₂ ca₂lág₃ bá₄ mi₂ne₄ dsa₂ 'éi₂. Jaun₂ ca₂jmo₃
Jesús 'éi'₃ ca₂juá'₂:

—Të₃ŋi'₅₄ 'nia'₂ jnag₅₄ tsá₃ 'ein₂ ju₁le₂ŋi₅ a₂në₅.

³¹ La₁ 'éi₂ ně₃, jme₁ca₂'uin₂ jaun₂, ca₂dsia₃
ca₂le₂con₂ ja₁tén₄ 'uë₃ jaun₂ 'e₂ a₂ca₂jmo₃ Jesús.

Ca₂jme₃'lión₂ Jesús jan₂ dsa₂ con₄

³² Jme₁ma₂'uin₂ dsa₂ i₂jme₁ten₄ 'éi₂, ca₂o₃lén₂
i₂sián'₂ táng₃ jniai₂₃ jan₂ dsa₂ con₄ i₂'en₅₄ jme₂dsí₂
je₂na'₅₄.

³³ Dsi₂jui₅ jme₁ca₂dsen₅ Jesús je₂na'₅₄, jaun₂
ca₂jme₃lióg₃ dsa₂ con₄ 'éi₂ ca₂dsia₃ jág₁. Dsa₂ ju₁n₅
i₂jme₁tion'₅₄ ca₂tě₂ ne₅₄, ca₂i₃gó'₃ dsí₅, jaun₂ ca₂dsia₃:

—Ca₂le₂con₂ 'uë₃ Israel la₂, tsá₃ 'ein₂ ma₂ca₂jág₃
a₂le₂në₅.

³⁴ La₁ dsa₂ fariseos guë'₂ ně₃, ca₂juá'₂:

—Tē₂le₃ quian'₅₄ jui₅bí₂ quió'₅ 'ŋiog₅ juig₅₄ je₂na'₅₄
bá₄, jmo₅ i₂nē₅ 'uín'₂ je₂na'₅₄.

Dsia₅ Jesús ŋéi₂ dsí₅ dsa₂

³⁵ Ca₂ŋi₃ Jesús ca₂le₂con₂ juig₂ ca'₅₄, ca₂le₂con₂
juig₂ pí'₁ né₃, jme₂tiin₂₃ dsa₂ dsi₂néi₂ guá'₅ sin-
agogas. Jme₁'ě₂ jág₁ dse₃ ju₁lia'₂ ja₁gon₂ Diú₄.
Jme₁jme₂'lióin₂ dsa₂ ca₂le₃jě₃ ne₅₄ dso₄, quian'₅₄
ca₂le₃jě₃ jmi₁uig₅ a₂jme₁le₁quian'₅₄ dsa₂.

³⁶ Jme₁ca₂jīin₂ dsa₂, ca₂tá'₂ ŋéi₂ dsí₅, ia₁
jme₁chain₂ o₂i₁ dsí₅ ca₂lia'₂ ma₂ja₂'ú'₃ dsí₅ chain₂,
nē₂jag₄ bá₄ já'₂ cha'₂ i₂tsá₃ chan₂ jmo₃ 'í₁.

³⁷ Jaun₂ ně₃ ca₂tsí'₃ dsa₂ i₂jme₁quaiin'₅₄:

—Dson'₂ bá₄ dsau₅ 'lióng₂ a₂ca₂rau₂, la₁ tsá₃ juin'₅
dsa₂ i₂jmo₅ ta₁ ja₁nau₂.

³⁸ Jaun₂ lě₃, mi₄ 'nia'₂ ne₄ juig₅₄ ja₁nau₂ a₂chein₃
guě₄ juin'₅ dsa₂ i₂jmo₃ ta₁ ja₁nau₂ quió'₅.

10

*Ca₂quión'₂ Jesús guia₃-tín₂ dsa₂ jě₄ quió'₅ dsa₂
quiáin₅*

(Marcos 3:13-19; Lucas 6:12-16)

¹ Jaun₂ ca₂tě'₃ Jesús chi'₂ dsi₂guia₃-tín₂ quiáin₅,
jaun₂ ca₂cuě₃ bí₂ 'éi'₃ a₂'uín'₂ jme₂dsí₂ 'lín'₅₄,
a₂qui₂jme₃'lióin₂ ca₂le₃jě₃ ne₅₄ dso₄ a₂niog₅ lín₅
dsa₂, ca₂le₃jě₃ jmi₁uig₅ ně₃.

² Le₂la₂ bá₄ chen₂ ta₁guia₃-tín₂ dsa₂ i₂ca₂quión'₂
Jesús 'éi₂ quiáin₅: Si₂mu₅₄, i₁tě'₂ dsa₂ Pe₄; quaiin'₅₄
Drě₄ riin'₅₄; Jacobo* quian'₅₄ Juan₅₄ riin'₅₄, ja₁ŋí'₄
Zebedeo;

* **10:2** Jacobo: ján₃ bá₄ chein₂ Santiago.

3 Fe₂li₄ quian'₅₄ Bartolomé; To₁má₄ ně₃ quian'₅₄ Tě₅₄ i₂jme₁cán₂ 'lia'₅₄ a₂ca₂tín₂ dsi₂tan₅₄; Jacobo i₂lín₅ ja₁ńí'₄ Alfeo; Tadeo ně₃;

4 Si₂mu₅₄ ně₃ i₂tě'₂ dsa₂ cananista;† Judas Iscariote ně₃, i₂ca₂jín'₂ Jesús.

Ca₂chen₃ Jesús dsa₂ guia₃-tín₂ quiáin₅ a₂ca₂i₁ 'ě₄ jág₁ dse₃

(Marcos 6:7-13; Lucas 9:1-6)

5 Dsa₂ guia₃-tín₂ ně₅ bá₄ ca₂chen₃ Jesús jme₁ma₂ně₂cuě₃ jág₁ la₂:

—Tsá₃ o₁nó'₅ 'nia'₂ ju₁i₅ 'uě₃ go₄ dsi₂nau₂, on₃ guě'₂ o₂ton'₅₄ 'nia'₂ 'i₁caun₂ juig₂ a₂tén₅ 'uě₃ Samaria.

6 Ja₁jaun₂ bá₄ o₂nó'₅ 'nia'₂ ja₁tion'₅₄ dsa₂ i₂lín₅ co₂'nió'₄ já'₂ cha'₂ i₂ma₂i₂cón'₅ i₂chan₂ juig₂ Israel.

7 O₂nó'₅ 'nia'₂ qui₁o₂'ě₃ jág₁ dse₃ la₂ chei'₅₄ 'nia'₂ dsa₂, ma₂ja₂quián₃ 'éi'₃ quió'₅ Diú₄.

8 O₂jmo₄ 'nia'₂ le₁jín₃ dsa₂ i₂lín₅ 'mé'₅ 'iog₅; ca₂le₃jín₃ guě'₂ i₂lín₅ dso₄ siá'₂ ně₃, o₂jme₁'lioin'₅₄; o₂jme₁jen'₅₄ 'nia'₂ 'lag₄; o₂'uin'₅₄ 'nia'₂ je₂na'₅₄ quió'₅ dsa₂ ně₃. Jaun₂ le₂ně₅ ju₁lia'₂ ně₂gue'₅₄ 'nia'₂ bí₂ la₂ on₃jua'₅₄ a₂cha₂ 'lia'₅₄, le₂ně₅ o₂jmo₄ 'nia'₂ ján₃, o₂cuě'₅₄ dsa₂ bí₂ tsá₃ 'lia'₅₄ cán'₁.

9 Tsá₃ 'e₂ cán'₁ 'nia'₂, ju₁lia'₂ a₂'nió'₅ le₂'i₄ ju₁i₅, on₃ guě'₂ cu₄nióg₄, on₃ guě'₂ cu₄tio₂, on₃ guě'₂ ńí₁ guéin₂ tē₂lau₂ quiáng'₂,

10 on₃ guě'₂ tē₂'mí'₂ jua'₅₄ a₂to'₅₄ lio₅₄ cán'₁. Jmá'₃ co₂dsán'₃ tsín'₂ bá₄ 'nia'₂ cán'₁, tsá₃ cán'₁ 'nia'₂ lau₂ ton₂ tag'₅₄ a₂ńag₅₄ guě'₄ con'₂ a₂ma₂le₁ton₅ tag'₅₄, on₃

† 10:4 cananista: partido quió'₅ dsa₂ i₂'nio₃ táun₂ 'uě₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ńí₄ lě₃ mei'₂ tsá₃ ca₂ne₅₄ a₂chein₂.

guë'₂ 'ma₂'₅₄; ia₁ jui₁lia'₂ dsa₂ i₂jmo₅ ta₁, ca₂tíin₂ bá₄
gue₃ má₃ quió'₅.

¹¹ Jë₁ma₂ca₂dsi₃nó'₅ 'nia'₂ lia'₂ caun₂ juig₂ ca'₅₄ o₃
juig₂ pí'₁ 'e₂, ja₁jaun₂ njia₄ 'nia'₂ ja₁quió'₄ dsa₂ i₂léi₄
dsen₃ 'ua₁ dsí₅, quió'₅ 'éi₂ tión'₂ 'nia'₂ ca₂lia'₂ ca₂të'₂
jmig₄ i₁'uíng'₃ táng₃.

¹² Jë₁ma₂të'₂ rë₁tóng'₁ dsi₂néi₂ quió'₅, cuiin₅₄ 'nia'₂
Diú₄ jua'₅₄ 'nia'₂: “Jui₁'ei₅ bá₄ tei₄ dsi₂néi₂ la₂.”

¹³ Në₁jua'₂ dsa₂ dsi₂néi₂ jaun₂ léi₄ gue₂₃ bá₄ lia'₂
i₁rë₂ jág₁, jág₁ quián'₂ 'nia'₂ a₂cuiin₅ Diú₄, jui₁të'₂ njia₄
bá₄ 'ei₅ tei₄ ja₁con₂ dsa₂ 'éi₂ dsi₂néi₂ jaun₂. La₁
në₁jua'₂ léi₄ tsá₃ dse₃ le₁'ág₄ dsí₅ dsa₂ gue₂₃ jág₁
quián'₂ 'nia'₂, jui₁të'₂ njia₄ bá₄ jág₁ 'ei₅ tei₄ jaun₂
ja₁con₂ 'nia'₂ guiong'₅₄.

¹⁴ Në₁jua'₂ cha₂ ja₁lin₅₄ tsá₃ 'nio₃ dsa₂ guein₃ 'nia'₂,
on₃ guë'₂ 'nio₃ nag₃ jág₁ quián'₂ 'nia'₂ ně₃, co₂nej'₅₄
'uín'₂ 'nia'₂ dsi₂néi₂ jaun₂, o₃ juig₂ jaun₂, séi'₃ 'nia'₂
'liog₂ tag'₅₄.

¹⁵ Ia₁ a₂dsi₂jó'₃ juá'₅ jniá₂, jë₁ma₂të'₂ rë₁qui₃dsi₅
Diú₄ 'éi'₃, 'nio₅ guë'₄ uig₅ gue₃ dsa₂ juig₂ jaun₂ con'₂
guë'₄ dsa₂ i₂jme₁chan₂ Sodoma quian'₅₄ Gomorra.‡

Qui₂co₃'ein₃ dsa₂

(Marcos 13:9-13; Lucas 21:12-17)

¹⁶ Tsín₂ jniá₂ 'nia'₂ jaun₂, a₂líng'₅ në₂jag₄ bá₄ já'₂
cha'₂ jin₄ co₂'nió'₄ já'₂ tsau₂ dsí₅. Jmo₄ 'nia'₂ jaun₂
a₂líng'₅ dsa₂ i₂'io₅ mai₅₄ jui₁lia'₂ dsi₂mi'₂, ton'₂ 'ua₁
'au'₂ 'nia'₂ jui₁lia'₂ lín₅ i₁ju₂.

¹⁷ Rë₂ján'₁ 'nia'₂ jaun₂ ia₁ qui₃jáng'₂ dsa₂ ne₄
dsi₂tan₅₄, qui₃bóg₂ dsa₂ ně₃ dsi₂néi₂ guá'₅ sinagogas.

‡ 10:15 Sodoma quian'₅₄ Gomorra: 'Í₂ Génesis 18 - 19.

18 Lia₂' ne₄ dsi₄má'₂ lia₂' ne₄ rag₅₄ ně₃, dsi₁ñia₃
dsa₂ 'nia'₂ 'uig₅₄ quió₃ jniá₂; jaun₂ le₂ně₅ bá₄ lé₂
le₃o₁jang'₄ 'nia'₂ jág₁ dsau₅ ne₄ 'éi₂, quian'₅₄ ja₁con₂
dsi₂nau₂ sián'₂ ně₃.

19 La₁ jē₁ma₂tě₂ rē₁qui₃jáng'₂ dsa₂ ne₄ta₁, tsá₃
lě₁jmo₂ 'nia'₂ 'i₅ 'au'₂ 'e₂ jua'₅₄ o₃ 'a₂ lia'₂ ñag'₅₄; ia₁
jē₁ma₂tě₂ rē₁jua'₅₄ 'nia'₂ jág₁, Diú₄ bá₄ cuē₃ jág₁ a₂ñi'₅₄
'nia'₂ 'a₂ lia'₂ ñag'₅₄ juig'₅₄ dsa₂.

20 Ia₁ on₃jua'₅₄ guion'₅₄ 'nia'₂ jua'₅₄ jág₁; 'ñiog₅ bá₄
Jme₂dsi₂ quián₅ Néi'₅ 'nia'₂ juá'₂ jui₅ tē₂'au'₂.

21 'Ia₁ lé₂ táng₃, ju₁lia'₂ rīn'₅₄ dsa₂ qui₃jīn'₂ rīn'₅₄
jaun₂ ñag'₃ dsa₂, ju₁lia'₂ jmei₂ guē'₂ dsa₂ qui₃jīn'₂
chī'₂ quiáin₅; chī'₂ guē'₂ ně₃ qui₃náu₃ 'nei₂ jmái'₃
chog₅₄-jmei₂, qui₃jáng'₂ a₂jme₃dsiog₅ dsa₂.

22 Ca₂le₃jín₃ ju₁lia'₂ dsa₂ mi₂güig₃ jme₃ñiai₅₄ 'nia'₂
'uig₅₄ quió₃ jniá₂; la₁ia₁ ju₁lia'₂ i₂tión₂ tiá₂ ca₂tě₂
jē₁ca₂tó'₂, i₂'éi₂ bá₄ i₂lión₂.

23 Jē₁ma₂qui₂co₃'ein₃ dsa₂ ju₁lia'₂ caun₂ juig₂,
cuing₅ 'nia'₂ ju₁ juig₂ siá'₂ táng₃; a₂dsi₂jó'₃ juá'₅
jniá₂, tē₃ tsá₃ ma₂lě₅ quen'₄ 'nia'₂ i₁niog'₄ ca₂le₃jě₃
juig₂ ja₁tén₄ 'uē₃ Israel, a₂guan'₂ táng₃ Jaun₅ dsa₂
mi₂güig₃.

24 'Ju₁lia'₂ jan₂ i₂jme₂tīn₅, tsá₃ ju₁in'₂ con'₂ guē₄ tē₅
quiáin₅; ján₃ bá₄ le₂jaun₂ ju₁lia'₂ jan₂ dsa₂ i₂jme₂ti₃,
tsá₃ ju₁in'₂ con'₂ guē₄ juig₅₄.

25 Tió'₅ ju₁lia'₂ i₂jme₂tīn₅ lēin₂ ju₁lia'₂ lín₅ tē₅
quiáin₅; ju₁lia'₂ dsa₂ i₂jme₂ti₃ guē'₂ ně₃, dsi₁lēin₂
ju₁lia'₂ lín₅ juig₅₄. Chi₂jua'₂ 'ñiog₅ dsa₂ ju₁in'₂ caun₂
dsi₂néi₂ ma₂quion₅ dsa₂ Be'elzebú, i'ē₂ guē₄ bá₄ 'in₃
dsa₂, ju₁lia'₂ i₂tion'₅₄ dsi₂néi₂ quió'₅!

'Ein₂ 'nió'₅ jme₃gan₃ dsa₂
(Lucas 12:2-7)

26 "U_ig₅₄ jaun₂, tsá₃ lë₁jmo₂ 'nia'₂ gang'₃ dsa₂
 mi₂güí₃. Ia₁ 'i₁caun₂ ju_ilia'₂ a₂rë₂jlë₅ tsá₃ cha₂ jua'₅₄
 a₂tsá₃ le₃jniá₂, ján₃ bá₄ le₂jaun₂ ju_ilia'₂ a₂rë₂'ma₄
 tsá₃ cha₂ jua'₅₄ a₂tsá₃ le₃ñi₅ dsa₂.

27 Ju_ilia'₂ a₂juí₂ jniá₂ 'nia'₂ la₂ jë₄ të₃co'₅₄, jua'₅₄
 'nia'₂ të₃jín₄ dsa₂ ju_in₅; ján₃ bá₄ le₂jaun₂ ju_ilia'₂
 a₂juí₂ jniá₂ 'nia'₂ con'₂ tei₄, jua'₅₄ 'nia'₂ co₂mí'₅₄
 ju_ilia'₂ ja₁ñei₅.

28 Tsá₃ lë₁jmo₂ 'nia'₂ gang'₃ quian'₅₄ i₂ñí'₃ ni₁ñí₅,
 la₁ tē₂'au'₂ 'nia'₂ tsá₃ 'e₂ lé₂ le₃jmo₃; i₂'éi₂ bá₄ ca₂tín'₂
 'nia'₂ jme₁gang'₃ ju_ilia'₂ i₂lé₂ le₃ñí'₃ ni₁ñí₅ quian'₅₄
 guē₂ tē₂'au'₂ 'nia'₂ a₂jeng'₃ ja₁'lig'₅₄.

29 '¿Tsa₁ 'ni₅ dsa₂ on₃ i₁tan₅ pí'₁ quian'₅₄ caun₂ ñí₁
 guéin₂? La₁ 'i₁jan₂ i₁tan₅ tsá₃ tián'₃ 'uē₃ jua'₅₄ tsá₃ ñi₅
 Néi'₅ 'nia'₂.

30 Ia₁ le₂jio₅ ni₁ñi₂ dsei'₂ 'nia'₂ le₁'í₁ je₂liá'₂ mi'₂ tí₅
 ján₃.

31 Tsá₃ lë₁jmo₂ 'nia'₂ gang'₃, ia₁ 'ñio₅ lin₃ guē₄
 quen'₄ 'nia'₂ lia'₂ con'₂ guē₄ ju_in₅ lin₃ i₁tan₅.

Ju_ilia'₂ i₂jme₂jnia₅ a₂cu_iñ₂₃ Jesucristo jín₄ dsa₂
mi₂güí₃
(Lucas 12:8-9)

32 'Ju_ilia'₂ i₂jme₂jnia₅ tē₂le₃ quió₃ jniá₂ jín₄ dsa₂
 mi₂güí₃, ján₃ bá₄ le₂jaun₂ jniá₂ ně₃ jme₁jniag₅ tē₂le₃
 quió'₅ 'éi₂ ne₄ Ñe'₃ i₂guá₅ guei'₅₄ i₂juí₃;

33 la₁ ju_ilia'₂ i₂jme₂jnia₅ a₂tsá₃ cui_g₂₃ jniá₂ jín₄
 dsa₂ mi₂güí₃, ján₃ bá₄ le₂jaun₂ jme₁jnia₅ jniá₂ a₂tsá₃
 cui_ñ₅ ne₄ Ñe'₃ i₂guá₅ guei'₅₄ i₂juí₃.

Jesús bá₄ i₂'uin₄ a₂lě₂ le₁dson'₅₄ dsa₂
(Lucas 12:51-53; 14:26-27)

³⁴ Tsá₃ o₁len'₂ 'nia'₂ jua'₅₄ a₂guio₃ jniá₂ a₂i₃'ei₃ tei₄
 mi₂güig₃; ia₁ tsá₃ ta₁ jaun₂ guio₃ jniá₂ a₂i₃'ei₃ tei₄.
 Mi'₅₄ 'nei₂ bá₄ a₂quian₄ jniá₂.

³⁵ A₂jaun₂ bá₄ guio₃ jniá₂ a₂i₃dsia₃ mi'₅₄ dsi₂néi₂:
 Chi'₂ jme'₃ 'ñiai₅₄ jmei₂,
 chi'₂ ja₁míg₄ dsa₂ ně₃
 jme'₃ 'ñiai₅₄ chog₅₄;
 i₂lín₅ mi₂lo₅₄ ně₃
 tóin'₃ mi'₅₄ quian'₅₄ ma₂chog₅₄.

³⁶ Dsa₂ i₂lín₅ jmei₂ dsi₂néi₂
 qui₂jme'₃ 'iog₅₄ chi'₂ quiáin₅. §

³⁷ 'Ju₁lia'₂ i₂'nio₃ guě₄ 'ñio₅ lin₃ chog₅₄-jmei₂ lia'₂
 con'₂ guě₄ jniá₂, tsá₃ ca₂tíin₂ lén₂ dsa₂ quiáng₃;
 le₂ně₅ bá₄ ján₃, ju₁lia'₂ i₂'nio₃ 'ñio₅ lin₃ guě₄ ja₁ñi'₅₄
 o₃ ja₁míg₄ 'e₂, lia'₂ con'₂ guě₄ jniá₂, tsá₃ ca₂tíin₂ lén₂
 dsa₂ quiáng₃;

³⁸ ju₁lia'₂ i₂tsá₃ ca₂'ág₂ caun₂ dsí₅ ca₂join₃ chi₂jua'₂
 ca₂join₃, * a₂jia₃ chi₁co'₅₄ quió₃, tsá₃ ca₂tíin₂ lén₂ dsa₂
 quiáng₃.

³⁹ Ju₁lia'₂ i₂ñí₄ lě₃ 'nio₃ lí'₂ le₃chain₂ dse₃, dsi₃'én₂
 quió'₅; ján₃ bá₄ le₂ně₅, ju₁lia'₂ i₂ca₂guen₃ 'mú₃
 o₄quió₃ jniá₂, lí'₂ bá₄.

Co₂'nió'₄ 'lian'₅₄ dsa₂
(Marcos 9:41)

⁴⁰ 'Ju₁lia'₂ i₂guen₅ 'nia'₂, guei₂₃ jniá₂; ju₁lia'₂
 i₂guei₅ jniá₂ guein₂₃ i₂ca₂chei₃ jniá₂ ně₃.

§ 10:36 Miqueas 7:6. * 10:38 lit. "i₂tsá₃ cán₂ cróg₄ quió'₅."

41 I₂guen₅ jui₁lia'₂ jan₂ dsa₂ i₂'ě₂ jág₁ o₄quió'₄ Diú₄
 ia₁ a₂lín₅ i₂chen₄ quián₅ Diú₄, co₂jaun₂ bá₄ 'lia'₅₄
 gue₃ ján₃ jui₁lia'₂ 'lian'₅₄ jan₂ i₂'ě₂ jág₁ quián₅ Diú₄.
 Le₂ně₅ bá₄ ján₃, jui₁lia'₂ i₂guen₅ jan₂ dsa₂ dsen₃
 ia₁ lín₅ dsa₂ dsen₃, gue₃ 'liain'₅₄ ján₃ con'₂ 'lia'₅₄
 a₂ca₂tín₂ jan₂ dsa₂ dsen₃.

42 Jui₁'ein₂guě₃ dsa₂ i₂cuě₅ caun₂ vaso jmi₂g₂güig'₂,
 cuě'₅ jan₂ dsa₂ me'₂ le₂ně₅ quiáng₃ 'uig'₅₄ ia₁ a₂'ein₂₃
 jniá₂, a₂dsi₂jó'₃ juá'₅, tion₅₄ bá₄ gue₃ 'liain'₅₄.

11

Dsa₂ i₂chen₄ quián₅ Juan₅₄ i₂chon₅ dsa₂ jmi₂g₂
(Lucas 7:18-35)

1 Jme₁ca₂dsan₃ cuě₅ Jesús jág₁ ně₅ cuě'₅ chi'₂
 dsi₂guia₃-tín₂ quián₅, ca₂o₃'ín₃ táng₃ ja₁jaun₂, ca₂'í₃
 ju₁5 ca₂l₁'ě₄ jág₁, i₂jme₁tín₂₃ dsa₂ juig₂ tio'₅₄ con'₂
 ma₂quián₅ jaun₂.

2 Juan₅₄ ně₃, tē₃ 'ein₅₄ né'₃ 'má₃, ca₂rě₃ñi₅ 'a₂ lia'₂
 lě₅ jmo₅ I₂rě₂'ín₁ quián₅ Diú₄. Jaun₂ ca₂chein₃ i₂lín₅₄
 dsa₂ i₂jme₁quiain'₅₄

3 a₂ca₂l₁ñag₁₂:

—¿'Ne₂ lín'₅ dsa₂ i₂lě₅ jág₁ jiá₃, o₃ jnia₄ jnia'₅₄
 i₂sián'₂ 'e₂?

4 Jaun₂ ca₂ñag₃ Jesús:

—O₂nó'₅ 'nia'₂ o₂chei'₅₄ Juan₅₄ 'e₂ a₂tě₅ ne'₅₄ 'nia'₂
 la₂, 'e₂ a₂nag'₂ 'nia'₂ ně₃.

5 O₂dsia₄ 'nia'₂ 'a₂ lia'₂ lě₅ qui₂jág₅ dsa₂ ten₄;
 dsa₂ i₂jme₁guian'₅₄ guě'₂ ně₃, ma₂l₂nioi₅₄ rě'₂ táng₃;
 dsa₂ i₂jme₁lín₄ 'mé'₅ 'iog₅ ma₂le₁jín₃ táng₃ dso₄
 a₂jme₁lín₄; dsa₂ i₂jme₁guin₄ guě'₂ ně₃ ma₂nag₂₃;

dsa₂ i₂ ma₂ dsan₃, jein'₅₄ táng₃; ja₁ con₂ dsa₂ te₂ ñé₂ ně₃
dsi₂' ag₅ jág₁ dse₃ la₂ a₂ líón₂ dsa₂.

⁶ 'E₂ guě₄ dsen₃ dsa₂ i₂ tsá₃ 'ag₅ caun₂-tín₃ dsí₅
ja₁ con₂ jniá₂.

⁷ Jme₁ ma₂ i₂ len₃ dsa₂ 'éi₂, jaun₂ ca₂ jme₃ líóg₃ Jesús
ca₂ tsí₃ dsa₂ a₂ 'iin₂₃ Juan₅₄:

—¿'E₂ jme₁ lín'₂ 'nia'₂ jme₁ tē₃ ne'₅₄ lia'₂ con'₂
jme₁ i₁ nóg'₄ 'uē₃ quein₂ co₂ 'ñiog₅ jaun₂? ¿O₃ bá₄
jme₁ lín'₂ 'nia'₂ a₂ jme₁ jing'₄ jan₂ dsa₂ i₂ lín₅ jui₁ lia'₂ lě₅
ca₂ 'nau₂ ni₁ 'ma₂ ta₅ a₂ lē₁ qui₂ bí₂ dsí₂ jui₅ la₂ jui₅ ně₅?

⁸ Chi₂ jua'₂ tsá₃ le₂ jaun₂ ně₃, ¿'e₂ guě'₂ ca₂ i₁ jag'₄
'nia'₂? ¿O₃ bá₄ a₂ jme₁ lín'₂ 'nia'₂ a₂ jme₁ jing'₄ jan₂ dsa₂
i₂ qui₂ ' tsin'₅₄ jlá'₁? La₁ on₃ jua'₅₄ le₂ jaun₂, Ia₁ jui₁ lia'₂
dsa₂ i₂ qui₅ ' tsin'₅₄ jlá'₁, i₂ tón'₅ dsi₂ néi₂ quió'₅ rag₅₄ bá₄
i₂ le₂ 'éi₂.

⁹ ¿'E₂ guě'₂ ca₂ i₁ jag'₄ 'nia'₂ jaun₂ ně₃? ¿O₃ bá₄ jan₂
dsa₂ i₂ 'ě₂ jág₁ quián₅ Diú₄ 'e₂? Dsón'₂ bá₄ jaun₂ juá'₅
jniá₂. I₂ lín₅ tson₂ guě₄ jan₂ dsa₂ i₂ 'ě₂ jág₁ quián₅ Diú₄
bá₄ 'éi₂.

¹⁰ Juan₅₄ 'éi₂ bá₄ i₂ 'in₅ Si₂ quió'₅ Diú₄ ja₁ juá'₂:

Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,
a₂ dsi₃ can₅ jág₁, jmo₃ co₂ jñia₅₄ jui₅.*

¹¹ A₂ dsi₂ jó'₃ juíg₂ jniá₂ 'nia'₂, 'i₁ jan₂ dsa₂ i₂ ma₂ can₅
dsa₂ mí₂ i₂ chan₂ mi₂ güíg₃, tsá₃ 'ein₂ ma₂ lín₅ i₂ juin'₂
guě₄ i₂ 'ě₂ jág₁ o₄ quió'₄ Diú₄, lia'₂ con'₂ guě₄ Juan₅₄
i₂ chon₅ dsa₂ jmíg₂. La₁ ia₁, i₂ lín₅ i₂ me'₂ guě₄ ja₁ gon₂
Diú₄, i₂ 'éi₂ bá₄ lín₅ i₂ juin'₂ guě₄ lia'₂ con'₂ guě₄ Juan₅₄
'éi₂.

* **11:10** Malaquías 3:1.

12 Ca₂le₃ ca₂guan₃ Juan₅₄ i₂chon₅ dsa₂ jmig₂, ca₂të₂ jmig₄ në₃, con'₂ 'i₄ jui₅ bá₄ ma₂já₅ tiá₂ ja₁gon₂ Diú₄.
Jaun₂ dsa₂ con'₂ i₂tiá₂ dsí₅ bá₄ chan'₂ tiá₂ jui₅ jaun₂.†

13 Ca₂le₃jín₃ dsa₂ i₂jme₁'ě₂ jág₁ quián₅ Diú₄,
quian'₅₄ 'Éi'₃ quió'₅ Moisés në₃, a₂ñia'₅₄ con'₂ ca₂'ě₂
jág₁ ja₁gon₂ Diú₄ bá₄ jaun₂, ca₂lia'₂ ca₂të₂ jmig₄
jme₁ca₂guan₃ Juan₅₄.

14 Ján₃ bá₄ chi₂jua'₂ 'niog'₂ 'nia'₂ guéi'₁ jág₁ la₂, Juan₅₄
'éi₂ bá₄ i₂ca₂jme₃ti₃ jág₁ a₂lě₅ a₂jme₁jiá₃ Elías.

15 Jui₁lia'₂ i₂le₁dsi₅₄ rě₂gua₄, jui₁nei₅₄.

16 '¿'E₂ quian'₅₄ lé₂ le₃quíng₄ a₂lín₅ dsa₂ i₂chan₂
jmig₄ në₃? Lín₅ jui₁lia'₂ lín₅ i₂bě'₅₄ i₂tion'₅₄ co₅ jě₄
'ma'₅₄, tioin'₅₄ co₂mi'₅₄ qui₂guió'₅ tsí'₅ riin'₅₄:

17 Ně₂jéi₄ jnia'₅₄ te₁fi₁ o₄quián'₂ 'nia'₂,

la₁ tsá₃ ně₂dsián'₃ guě'₂ 'nia'₂;

ján₃ guě'₂ ně₂jmó₁ jnia'₅₄ son₅₄ quió'₅ 'lag₄

a₂ta'₂ 'lia'₂ dsí₅ dsa₂,

la₁ tsá₃ ca₂tá'₂ guě'₂ qui'₂ 'au'₂ 'nia'₂.

18 Ia₁ ca₂guan₃ Juan₅₄, i₂tsá₃ 'e₂ 'lióng₂ jme₁guě'₅
on₃ guě'₂ 'e₂ jme₁'ín'₂ ně₃, jaun₂ ca₂'ag₃ dsa₂ a₂'ein₅₄
je₂na'₅₄.

19 Ca₂guan₃ guě'₂ táng₃ Jaun₅ dsa₂ mi₂güíng₃ i₂guě'₅
i₂'ín'₂, 'ag₅ táng₃ dsa₂ a₂lín₅ jlé₂ 'í₅ quian'₅₄ má₄ jmíg₃,
a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂
i₂cán₂ 'lia'₅₄ quián₅ dsi₂tan₅₄ ně₃. La₁ tion₅₄ bá₄ le₃lí'₄
dsa₂ a₂dsau₅ jág₁ a₂ñí'₂ dsí₅ Diú₄, 'uig₅₄ ia₁ñí'₂ bá₄ dsí₅
dsa₂ i₂gue₅ jág₁ në₅.

† 11:12 o₃, “ca₂të₃ jmig₄ në₃, ma₂já₅ ja₁gon₂ Diú₄ ně₂jag₄ bá₄ a₂lě₂
'nei₂. Jaun₂ dsa₂ i₂con'₂ qui₂jmo₂₃ 'nei₂ ně₃, 'nio₃ join₅₄ jui₁lia'₂ dsa₂
i₂i₂nio₄ jui₅ jaun₂.”

Juig₂ jë₁ tsá₃ ne'₅₄ dsa₂
(Lucas 10:13-15)

²⁰ Jaun₂ në₃, ca₂ jme₃ lióg₃ Jesús qui₂ ca₂ jéin₂ dsa₂ ja₁ 'lióng₂ guë₄ léi₄ juë'₂ ma₂ qui₂ ma₂ jmo₃, ia₁ tsá₃ ma₂ jéin'₃ dsa₂ dsí₅. Jaun₂ ca₂ juá'₂:

²¹ —i'E₂ guë₄ juí'g'₂ 'nia'₂ dsa₂ juig₂ Corazín! i'E₂ guë₄ juí'g'₂ 'nia'₂ i₂ chan₂ Betsaida! Ia₁ jua'₅₄ mei'₂ guë₃ jniá₂ ma₂ jmo₃ léi₄ juë'₂ në₅ jë₄ juig₂ Tiro quian'₅₄ juig₂ Sidón jui₁ lia'₂ a₂ ma₂ jmo₃ jniá₂ jë₄ quián'₂ 'nia'₂, líg'₂ bá₄ tsá₃ ma₂ ca₂ jéin'₃ dsa₂ 'éi₂ dsí₅, jme₁ cuë₃ léi₄ a₂ qui'₂ dsí₅ jme₁ i₃ nioi₅₄ le₁ qui'₂ 'mi'₂ taun₅ qui₂ le₁ séin₅ ti₁ juá₃ në₃.

²² La₁ juí'g'₂ jniá₂ 'nia'₂, jmíg₄ i₁ qui₃ dsi₅ Diú₄ 'éi'₃, ja₂ lín₃ guë₄ tson₂ uig₅ a₂ guéi'₁ 'nia'₂ con'₂ guë₄ dsa₂ i₂ jme₁ chan₂ Tiro quian'₅₄ Sidón.

²³ 'Nia'₂ guë'₂ dsa₂ i₂ chan₂ juig₂ Capernaum, ¿lín'₂ 'nia'₂ a₂ uig'₅₄ guei'₅₄ lín₃? On₃ jua'₅₄ le₂ jaun₂. Të₂ ja₁ jí'₂ lín₃ ja₁ tion'₅₄ 'lag₄ † bá₄ sén'₂ 'nia'₂. Ia₁ jua'₂ mei'₂ guë₃ jniá₂ ca₂ jmo₃ léi₄ juë'₂ jë₄ juig₂ Sodoma jui₁ lia'₂ a₂ ma₂ ca₂ jmo₃ jniá₂ jë₄ quián'₂ 'nia'₂, a₂ niog₅ bá₄ juig₂ jaun₂ ca₂ të₂ jmíg₄ në₃.

²⁴ Jaun₂ juá'₅ jniá₂, jmíg₄ jë₁ ma₂ të₂ rë₁ qui₃ dsi₅ Diú₄ 'éi'₃, 'nio₅ guë₄ uig₅ guéi'₁ 'nia'₂ con'₂ guë₄ dsa₂ i₂ jme₁ chan₂ juig₂ Sodoma.

Ja₁ jnia₅ dsa₂ i₂ ma₂ 'ú'₃
(Lucas 10:21-22)

²⁵ Jmíg₄ jaun₂ ca₂ juá'₂ Jesús:

—Jme₁ juín'₁ jniá₂ 'ne₂, Tia₅₄, i₂ líng'₅ juig₅₄ gua'₅₄ 'uë₃ quian'₅₄ guei'₅₄ i₂ juí'g'₃, ia₁ ca₂ 'ma'₅₄ a₂ në₅ ja₁ con₂

† 11:23 griego: hades, co₂ nió'₄ a₂ juá'₂, ja₁ quió'₄ 'lag₄.

dsa₂ i₂tin₂ si₂, i₂ŋí'₂ dsí'₅, a₂ma₂ca₂jme₁jniag'₂ ja₁con₂
dsa₂ i₂lín₅ lia'₂ lín₅ guein₂, i₂tsá'₃ 'e₂ cuí'₅.

²⁶ Dsón'₂ bá₄ jaun₂, Tia₅₄, ia₁ le₂ně₅ ca₂rě₃'ŋi₃ó₃
'au'₂.

²⁷ Jaun₂ ca₂tsí'₃ dsa₂:

—O₄gu₃ jniá'₂ ma₂ca₂dsia₃ Ŋe'₃ ca₂le₃jě₃. 'I₁jan₂
tsá'₃ 'ein₂ cuin₅ Ja₁ŋi'₅₄ Diú₄ 'a₂ lia'₂ tē₃dsón'₂ lín₅,
jŋia'₅₄ lia'₂ 'ŋiog₅ bá₄ Jmei₂; ján₃ bá₄ 'i₁jan₂ tsá'₃ 'ein₂
cuin₅ Jmei₂ 'a₂ lia'₂ tē₃dsón'₂ lín₅, jŋia'₅₄ lia'₂ 'ŋiog₅
bá₄ Ja₁ŋi'₅₄ táng₃, ján₃ bá₄ jme₃jniai₂₃ ja₁con₂ i₂'nio₃
le₃ŋi₅.

²⁸ I₂nó'₅ 'nia'₂ ja₁con₂ jniá'₂, ca₂le₃jín'₃ 'nia'₂
i₂qui₂ma₂'ú'₃ dsí'₅, i₂qui₂le₁quian₅ guei₂, jaun₂ cuě₅₄
jniá'₂ ja₁jan'₄ 'nia'₂.

²⁹ Gue₄ 'nia'₂ ta₁ quió'₃ a₂cuě₅ jniá'₂ 'nia'₂, jme₁tin₅
'nia'₂ jmó'₂ ján₃, 'a₂ lia'₂ lín₅ jniá'₂, ia₁ juin'₂ dsi₃ líng₅,
meg'₂ bá₄ lě₅ dsi₃; jaun₂ le₂ně₅ bá₄ dsi₁nó'₅ 'nia'₂
dsiang'₂ ja₁jŋia₃ tē₂'au'₂.

³⁰ Ia₁ ta₁ a₂cuě₅ jniá'₂ 'nia'₂, on₃jua'₅₄ a₂'ua'₂ ta₁; ján₃
bá₄ le₂jaun₂ on₃jua'₅₄ a₂guei₂ cán'₁ 'nia'₂ a₂cuě₅ jniá'₂
'nia'₂.

12

*Jesús bá₄ i₂quian₅ 'éi'₃ ne₄ quió'₅ jmig₄ sa₅₄
(Marcos 2:23-28; Lucas 6:1-5)*

¹ Jmig₄ jaun₂ ca₂ŋi₃ Jesús ja₁lě₄ ja₁nau₂ quió'₅ dsa₂
caun₂ jmig₄ sa₅₄. Dsa₂ i₂quian'₅₄ ně₃ ca₂tá'₂ i₁cón'₅,
jaun₂ qui₂ca₂gág₃ mí'₂ trigo, jaun₂ ca₂guě'₃.

² Jme₁ca₂jág₂ dsa₂ fairseos, jaun₂ ca₂o₃lén₂ ca₂tsí'₃
Jesús:

—Jag₄ 'a₂ lia'₂ tion'₅₄ dsa₂ quiáng'₂ jmo₂₃ ta₁ a₂ tsá₃
'i₄ 'éi'₃ jmo₃ dsa₂ jmig₄ sa₅₄.

³ Jaun₂ ca₂ηag₃ Jesús:

—¿Tsa₁ ma₂ca₂'í'₂ 'nia'₂ ne₄ Si₂ 'a₂ lia'₂ lě₅ ca₂jmo₃
David co₂ráu₂ jme₁ca₂lě₃ i₁cón'₅ quiain'₅₄ rin'₅₄?

⁴ Ca₂'í₃ dsi₂néi₂ quió'₅ Diú₄, ca₂guě'₃ i₁ηí'₄ ηi₁ó₅,
a₂tsá₃jme₁'i₄ 'éi'₃ guě'₃, a₂'i₄ 'éi'₃ guě'₃ jmá'₃ jme₂dsa₂.

⁵ ¿O₃ tsa₁ ma₂ca₂'í'₂ 'nia'₂ ne₄ Si₂ 'Éi'₃ quió'₅ Moisés,
jui₁lia'₂ jme₂dsa₂ tsá₃ jme₂gó'₃ jmig₄ sa₅₄? La₁ tsá₃
'ein₂ bón'₂ guě'₂ dso₄ 'éi'₂ ně₃.

⁶ Juí₂ jniá₂ 'nia'₂, ja₁lá₃ chén'₅ jan₂ i₂juin'₂ guě₄
con'₂ guě₄ guá'₅ templo.

⁷ Jua'₅₄ mei'₂ guě₃ ma₂ηí'₂ 'nia'₂ 'e₂ jein₅ jág₁ la₂:
“A₂'nio₃ jniá₂ a₂dsiá'₁ 'nia'₂ ηéi₂ 'au'₂, on₃jua'₅₄ rě'₂
a₂jnia'₅₄ qui₁jen'₅₄ 'nia'₂ 'e₂ qui₁jen'₅₄ ne₃”, * tsá₃ jua'₅₄
jme₁bong'₅₄ dso₄ dsa₂ i₂tsá₃ 'e₂ dso₄ rin₂.

⁸ Ia₁ le₂ně₅ jaun₂, jniá₂, Jaun₅ dsa₂ mi₂güí₃, jmo₂₃
'éi'₃ jui₁lia'₂ jmig₄ sa₅₄.

Jan₂ dsa₂ jle₅ caun₂ gu₂

(Marcos 3:1-6; Lucas 6:6-11)

⁹ Ca₂o₃'ín₃ bá₄ Jesús ja₁jaun₂, jaun₂ ca₂'í₃ táng₃
dsi₂néi₂ guá'₅ sinagoga.

¹⁰ Ja₁jaun₂ jme₁'en₅₄ jan₂ dsa₂ i₂jle₅ caun₂ mi₂gu₂.
Dsa₂ fariseos ně₃ jme₁'nio₃ 'no'₂ jui₅ bóin'₂ dso₄
Jesús, jaun₂ ca₂ηag₃:

—¿'I₄ 'éi'₃ jme₃'lión₂ dsa₂ jan₂ dsa₂ dso'₅₄ jme₁jmig₄
sa₅₄?

¹¹ Jaun₂ ca₂ηag₃ Jesús:

* 12:7 Oseas 6:6.

—ǂ'Ein₂ 'nia'₂, i₂ŋio₅ jan₂ já'₂ cha'₂, nē₁jua'₂
ca₂bain₃ siá₅ jui₁lia'₂ caun₂ jmig₄ sa₅₄, tsa₁ dsó₅
dsi₃dsein₂₃ já'₂ quiáin₅?

12 i'Ē₂ guě₄ bá₄ quen₅ jan₂ dsa₂ con'₂ guě₄ jan₂ já'₂
cha'₂! Jaun₂ lē₃, 'i₄ bá₄ 'éi'₃ jmo₃ dsa₂ a₂dse₃ jui₁lia'₂
jmig₄ sa₅₄.

13 Jaun₂ guě₄ ca₂tsí'₃ dsa₂ dso'₅₄ 'éi₂:

—Nei'₅₄ gog'₂.

Jaun₂ ca₂nēi'₃ 'éi₂ gu₂, ca₂ŋia₃ quió'₅, jaun₂ ca₂lē₃
co₂rē₂ quián'₅₄ a₂caun₂.

14 Ca₂'uin₂ bá₄ dsa₂ fariseos 'éi₂ ně₃, jaun₂ ca₂jmo₃
jág₁ a₂ŋi'₃ Jesús.

*Jui₁lia'₂ dsa₂ i₂ca₂quión'₂ Diú₄ a₂jme₃ti₃ ta₁ ne₅₄, jág₁
a₂ca₂'ě₂ dsa₂ i₂ca₂juá'₂ o₄quió'₄ Diú₄*

15 Jme₁ca₂rē₃ŋi₅ Jesús jág₁ jaun₂, ca₂o₃'iin₃ bá₄.
Jaun₂ juin₅ lín₃ dsa₂ i₃lén₂ chi₁co'₅₄ quió'₅ 'ein₂₃.
Jme₁jme₂'lión₂ Jesús ca₂le₃jín₃ dsa₂ i₂le₁dso'₅₄,

16 jaun₂ ca₂juá'₂ a₂tsá₃ 'e₂ dsia₃ dsa₂ jua'₅₄ a₂'ag₃
'ein₂ lín₅.

17 Le₂ně₅ bá₄ ca₂lē₃ ia₁jaun₂ le₃ti₃ jág₁ a₂ca₂'ě₂
Isaiás, dsa₂ i₂jme₁'ě₂ jág₁ quián₅ Diú₄, jme₁ca₂juá'₂
le₂la₂:

18 I₂la₂ bá₄ dsa₂ i₂jme₃ti₃ ta₁ ne₃,

i₂ma₂ca₂quiong'₅₄, i₂'nióg₃ guě₄ lín₃,

jaun₂ 'io'₂ jéin₅ jniá₂ quiain'₅₄.

Tón'₁ jniá₂ Jme₂dsí₂ quiáng₃ tē₂dsí₅,

jaun₂ jme₃jniái₂₃ ca₂le₃jě₃ juig₂

jín₄ dsi₂nau₂ 'ě₃ jui₅ dsau₅ tē₃dsón'₂.

19 Tsá₃ quein₅ náu₃, on₃ guě'₂ guió'₃,

on₃ guě'₂ né'₂ jág₁ quió'₅ jě₄ calle,

20 Lia'₂ 'i₁ca₂tag₄ ni₁'ma₂ ta₅ tsá₃ jio₃,

on₃ guë'₂ ei₃ ni₁mecha a₂ca₂juig₄ 'ia₂ guë'₄
 jme₁ŋi₁.
 Jmo₃ le₂në₅ ca₂lia'₂ ca₂tió'₃
 a₂lí'₂ a₂dsi₂ten₅₄ dsón'₂.
 21 Jaun₂ caun₂ ja₁con₂ 'éi₂ bá₄
 'ag₃ dsa₂ caun₂ dsí₅
 ca₂le₃jín₃ dsa₂ i₂chan₂ ca₂le₃jě₃ juig₂.†

*Juá'₂ dsa₂ a₂'io₅ Jesús jui₅bí₂ quió'₅ Be'elzebú
 (Marcos 3:19-30; Lucas 11:14-23, 12:10)*

22 Jaun₂ ca₂o₃jñia₃ dsa₂ ja₁coin₂ jan₂ dsa₂ ten₄
 i₂con₄ në₃ i₂jme₁'en₅₄ jan₂ jme₂dsí₂ je₂na'₅₄. Jesús në₃
 ca₂jme₃'lió₂, ca₂jág₃ táng₃ dse₃, ca₂dsia₃ dse₃ jág₁ në₃.

23 Ca₂i₃gó'₃ dsí₅ ca₂le₃jín₃ dsa₂, jaun₂ ca₂juá'₂:

—¿On₁jua'₅₄ i₂në₅ lín₅ tsí₁jon₂ David?

24 La₁ jme₁ca₂nág₂ dsa₂ fariseos jág₁ jaun₂,
 ca₂dsia₃ jág₁ quian'₅₄ riin'₅₄:

—A₂'uin'₂ i₂në₅ je₂na'₅₄ quió'₅ dsa₂ tē₂le₃ quian'₅₄
 jui₅bí₂ quió'₅ Be'elzebú, juig₅₄ je₂na'₅₄ bá₄.

25 La₁ i₂ŋi₅ rē₂ bá₄ Jesús 'e₂ dsi₂jio₅ dsí₅ dsa₂ 'éi₂,
 jaun₂ ca₂juá'₂:

—Ju₁lia'₂ dsi₂tan₅₄ tion'₅₄ le₁dsoin'₅₄, nió'₅ mi'₅₄,
 tsá₃ uë₂ tió'₅ jua'₅₄ tsá₃ dsi₃'én₂ 'éi'₃ quió'₅. Le₂në₅
 bá₄ ján₃ ju₁lia'₂ dsa₂ caun₂ dsi₂néi₂, në₁jua'₂ lě₅
 le₁dsoin'₅₄, niog₅ mi'₅₄, ján₃ bá₄ tsá₃ uë₂ tió'₅.

26 Ján₃ bá₄ le₂në₅, në₁jua'₂ ca₂jmo₃ Satanás mi'₅₄
 dsein₂₃ jan₂ i₂quiáin₅ 'ŋiog₅, co₂'nió'₄ 'ŋiog₅ bá₄ jmo₂₃
 le₁dsoin'₅₄. ¿'A₂ lia'₂ lé₂ le₃'io₃ guë'₄ bí₂ 'éi'₃ quió'₅,
 chi₂jua'₂ le₂jaun₂?

27 Chi₂jua'₂ jniá₂ 'uিং'₅₄ je₂na'₅₄ quian'₅₄ bí₂ quió'₅
 Be'elzebú ju₁lia'₂ juá'₂ 'nia'₂, ¿'ein₂ bá₄ guë'₂ cuë₅ bí₂

† 12:21 Isaías 42:1-4.

cuē'₅ dsa₂ quián'₂ 'nia'₂ a₂'uín'₂ je₂na'₅₄ jaun₂ ně₃?
'Uig₅₄ jaun₂, guion₅₄ bá₄ dsa₂ quiáng'₂ jme₃li₅₄ a₂lín'₅
'nia'₂ guiong'₅₄.

28 La₁ jniá₂ ně₃ ně₂'uing'₅₄ je₂na'₅₄ tē₂le₃ quian'₅₄
bí₂ quió'₅ Jme₂dsí₂ quián₅ Diú₄. Jaun₂ ně₃ le₂ně₅
bá₄ cuē₅ jniá₂ léi₄ a₂ma₂gua₅ 'éi'₃ quió'₅ Diú₄ ja₁con'₂
'nia'₂.

29 'Jaun₂ ně₃, ħ'a₂ lia'₂ lé₂ le₃'í₂ jan₂ dsa₂ dsi₂néi₂
quió'₅ juīlia'₂ jan₂ dsa₂ i₂'uan'₂, a₂jñiá'₃ a₂te₁'i₁
quió'₅, chi₂jua'₂ le₂'uig₅₄ tsá₃ ma₂ně₂'nei'₂ de'₂ dsa₂?
Jñia'₅₄ lia'₂ le₂jaun₂ bá₄ lé₂ le₃jñiá'₃ a₂cha₂ quió'₅.

30 'I₂tsá₃ tión₂ le₃quió₃ jniá₂, dsa₂ i₂'iog₅₄ jniá₂ bá₄
'éi₂; le₂jaun₂ guē'₂ i₂tsá₃ quian'₅₄ jniá₂ cág'₅, jñia'₅₄
jmo₂₃ tsi₁rē₂ja₅₄ bá₄.

31 Juíg₂ jniá₂ 'nia'₂ jaun₂ ně₃, a₂lé₂ le₃'én₂ bá₄
ca₂le₃jě₃ dsáu₁ dsa₂, ca₂le₃jě₃ 'e₂ a₂'lig'₅₄ juá'₂ ně₃.
La₁ ně₁jua'₂ ca₂'iin₃ 'lig'₅₄ Jme₂dsí₂ quián₅ Diú₄, a₂ně₅
guē₄ tsá₃ ma₃o₂'én₂ dso₄ cha₂.

32 La₁ ně₁jua'₂ chan₂ i₂ca₂'in₃ 'lig'₅₄ Jaun₅ dsa₂
mi₂güí₃, lé₂ bá₄ le₂'én₂ dsáu₁; la₁ juīlia'₂ i₂'in₅
'lig'₅₄ Jme₂dsí₂ Jñiós, tsá₃ ma₃o₂'én₂ dso₄ cha₂ quió'₅,
mi₂güí₃ la₂, on₃ guē'₂ mi₂güí₃ caun₂ ně₃.

*Tē₂le₃ 'a₂ lia'₂ lě₅ míg₂ a₂'ag₅ bá₄ ni₁'ma₂, jáng'₅ léi₄
(Lucas 6:43-45)*

33 'Chi₂jua'₂ jmo'₂ 'nia'₂ a₂le₃dse₃ ni₁'ma₂, míg₂ dse₃
bá₄ 'ag₃; la₁ chi₂jua'₂ jmo'₂ 'nia'₂ a₂le₃'lig'₅₄ ni₁'ma₂,
míg₂ 'lig'₅₄ bá₄ 'ag₃ ján₃. 'Uig₅₄ jaun₂, tē₂le₃ quian'₅₄
míg₂ a₂'ag₅ bá₄ ni₁'ma₂, jáng'₅ léi₄ chi₂jua'₂ dse₃ o₃
a₂'lig'₅₄ 'e₂.

34 'Nia'₂ tsi₁jon₂ dsi₂mi'₂! ħ'A₂ bá₄ lia'₂ lé₂ le₃dsiá'₁
'nia'₂ jág₁ dse₃, ton'₂ 'lín'₅₄ bá₄ guē'₂ 'nia'₂ guiong'₅₄?

Ia₁ lia'₂ con'₂ lě₅ a₂'lióng₂ ηag₅₄ cha₂ tē₂dsí₅ dsa₂,
a₂jaun₂ bá₄ 'uē₂ mi'₂o₅₄.

³⁵ Ju₁lia'₂ dsa₂ dsen₃, jág₁ dse₃ bá₄ dsia₂₃, ia₁ jmá'₃
lia'₂ a₂dse₃ bá₄ rē₂'ma₄ tē₂dsí₅; le₂ně₅ bá₄ ju₁lia'₂ dsa₂
'lin'₅₄, jág₁ 'lig'₅₄ bá₄ dsia₂₃, ia₁ jmá'₃ lia'₂ a₂'lig'₅₄ bá₄
rē₂'ma₄ tē₂dsí₅.

³⁶ Jaun₂ juá'₅ jniá₂, jáng'₃ bá₄ dsa₂ mi₂güig₃ cuenta
quió'₅ jē₁ma₂tē₂ jmig₄ i₁con₂ Diú₄ 'í₁, qui₃dsi₂₃ 'éi'₃
ne₄ ca₂le₃jě₃ jág₁ a₂tsá₃ ta₁ tí₄.

³⁷ Ia₁ tē₂le₃ 'a₂ lia'₂ lě₅ jág₁ quián'₂ bá₄ 'nia'₂, jióg'₂
'í₁, ring'₂ o₃ tsá₃ ring'₂.

*Mi₅ dsa₂ fariseos a₂jmo₃ Jesús caun₂ léi₄ juē'₂
(Marcos 8:12; Lucas 11:29-32)*

³⁸ Jaun₂ ně₃ i₂lin₅₄ dsa₂ fariseos quián'₅₄ tē₅juá'₅
ca₂tsí'₃ Jesús:

—Tē₅, 'niog₂ jnia'₅₄ jag₅₄ caun₂ léi₄ juē'₂ a₂jmó'₂
'ne₂.

³⁹ Jaun₂ ca₂ηag₃ Jesús:

—Tsi₁jon₂ dsa₂ 'lin'₅₄ i₂tsá₃ nag₃ la₂ mi₂₃ a₂jmo₅₄
jniá₂ caun₂ léi₄ juē'₂. La₁ tsá₃ ma₃'e₂ léi₄ lé₂ le₃cuē₅₄
jniá₂ ja₁con'₂ 'nia'₂, jñia'₅₄ lia'₂ con'₂ léi₄ ju₁lia'₂
a₂ca₂i₃ñí₂ Jonás i₂jme₁'ě₂ jág₁ o₄quió'₄ Diú₄ bá₄.

⁴⁰ Ia₁ ju₁lia'₂ ca₂'í₃ Jonás 'ni₅ jmig₄, 'ni₅ nei₅ tē₂dsí₅
já'₂ jmig₂ pan₅₄ 'éi₂, le₂jaun₂ bá₄ 'í₂ Jaun₅ dsa₂
mi₂güig₃ né'₃ 'uē₃ 'ni₅ jmig₄, 'ni₅ nei₅.

⁴¹ Jmig₄ jē₁ma₂tē₂ rē₁con₂ Diú₄ 'í₁, dsa₂
i₂jme₁chan₂ juig₂ ciudad Nínive, dsa₂ 'éi₂ bá₄ náu₃
qui₃dsi₂₃ 'éi'₃ ján₃ ja₁con'₂ 'nia'₂ dsa₂ chang'₂ jmig₄
ně₃. Ia₁ dsa₂ 'éi₂ ca₂jéin'₃ dsí₅ lia'₂ con'₂ jme₁ca₂'ě₂
Jonás jág₁ quió'₅ Diú₄. La₁ ně₃ ně₃ la₂ chén'₅ jan₂
i₂juin'₂ guē₄ lia'₂ con'₂ guē₄ Jonás 'éi₂.

42 'Io₅₄ rag₅₄ i₂jme₁gon₂ 'uë₃ tē₂le₃ sur, já₃ bá₄ ná₃ 'éi₂ jmi₄g₄ i₁qui₃dsi₅ Diú₄ 'éi₃, já₃ guē₂ 'liog'₃ 'éi₂ 'liain'₃ 'nia'₂ i₂chang'₂ jmi₄g₄ ně₃. Ia₁ 'éi₂ ně₃ ca₂já₃ uíng₂ lín₃ ca₂'í₃ jui₅ a₂ca₂o₃néi₃ já₁ quió'₅ Salomón 'a₂ lia'₂ jme₁ñí'₂ dsi₅ 'éi₂ a₂ñí₄ lē₃ jme₁tiin₂;† la₁ ně₃ ně₃, la₂ chén'₅ jan₂ i₂juin'₂ guē₄ con'₂ guē₄ Salomón 'éi₂.

Jme₂dsi₂ 'lin'₅₄ i₂jón'₂ táng₃

(Lucas 11:24-26)

43 'Jē₁ma₂o₂'ín₃ jan₂ jme₂dsi₂ 'lin'₅₄ quió'₅ jan₂ dsa₂, jaun₂ dsi₂ñí₃ le₂tan₅₄ ja₁quein₂ 'no'₂ ja₁jñia₃. Nē₁jua'₂ tsá₃ ca₂dsó'₂ ja₁jñia₃ ně₃, jaun₂ 'no'₂ táng₃ dsi₅:

44 “Nég'₄ táng₃ dsi₂néi₂ quió₃ ja₁ca₂o₃'íng₃.” Jē₁ma₂ca₂dsiáin'₃ jaun₂, dsain'₂ táng₃ dsa₂ 'éi₂ lín₅ co₂'nió'₄ bá₄ caun₂ dsi₂néi₂ a₂rē₂jē₄, rē₂'ia'₅₄, rē₂ chí'₅.

45 Jaun₂ ně₃ o₂'iin₅₄ táng₃ dsó₅ chi₂liain'₂ con'₂ guē₄ guion₃ jme₂dsi₂ 'lin'₅₄ rñin'₅₄ i₂lē₁ 'ñio₅ guē₄ con'₂ guē₄ 'ñiog₅. Dsi₂lein₅ dsi₂tiain'₂ tē₂dsi₅ dsa₂ 'éi₂. Jaun₂ dsa₂ 'éi₂ ně₃, dsióg₄ lēin₂ le₃ 'lín'₅₄ guē₄ lín₃ guē₄ con'₂ guē₄ jme₁lín₄ le₂'uig₅₄. Š Le₂nē₅ bá₄ dsi₃ñí₂ tsi₁jon₂ 'lin'₅₄ i₂chan₂ rē₂nē₃.

Chi'₂ rñin'₅₄ Jesús quian'₅₄ chog₅₄

(Marcos 3:31-35; Lucas 8:19-21)

46 Tē₃ 'en₅₄ Jesús dsia₂₃ já₁ tsí'₅ dsa₂, jme₁ca₂dsi₃lén₂ chí'₂ rñin'₅₄ quian'₅₄ chog₅₄ ně₃. Ca₁'né₄ bá₄ ca₂tiáin'₂ a₂'nio₃ dsia₃ já₁ quian'₅₄ Jesús.

47 Jaun₂ ca₂i₁con₂ jan₂ já₁, ca₂juá'₂:

† 12:42 'Í₂ 1 Reyes 10; 2 Crónicas 9:1-12. Š 12:45 'Nio'₂ ja₁ton₅ 2 Pedro 2:20.

—Chog'₂ quian'₅₄ chi'₂ ríng'₂ tiáin'₅ ca₁'né₄, a₂'nio₃
dsia₃ jág₁ quian'₅₄ 'ne₂.*

48 Jaun₂ ca₂ŋag₃ Jesús:

—ǂ'Ein₂ 'éi₂ cha₃ jniá₂, 'ein₂ 'éi₂ rín'₃ jniá₂ ně₃?

49 Jaun₂ ně₃ ca₂'iin₃ chi'₂ dsi₂guia₃-tín₂ quiáin₅,
jaun₂ ca₂juá'₂:

—I₂la₂ bá₄ lín₅ co₂'nió'₄ cha₃ jniá₂, quian'₅₄ ríng'₃
ně₃.

50 Ia₁ juí₁'ein₂ guě₃ i₂jmo₅ a₂'ŋio₂ dsí₅ Ne'₃ jniá₂
i₂guá₅ guei'₅₄ i₂juíg₃, i₂'éi₂ bá₄ lín₅ juí₁'lia'₂ dsó₂ ríng'₃,
'io₅₄ ríng'₃, cha₃ ně₃.

13

Jág₁ a₂jáng'₅ léi₄ juí₁'lia'₂ dsa₂ i₂séi₂ míg₂ jon₂
(*Marcos 4:1-9; Lucas 8:4-8*)

1 Jmí₄ jaun₂ ca₂o₃'ín₃ Jesús dsi₂néi₂ ja₁jme₁'ein₅₄,
ca₂ŋó₃ ca₂i₁gua₂ chei'₅₄ jmí₁'ŋí'₄.

2 Ia₁ ca₂ŋi'₂ táng₃ juin₅ lín₃ dsa₂ le₃lág'₃ quió'₅
ja₁guá₄, jaun₂ ca₂'í₃ 'ŋió'₃ tsi₁mu₅, jaun₂ ca₂guá₂.
Jaun₂ dsa₂ guě'₂ ně₃ ca₂tóin'₂ ca₂le₃jín₃ chei'₅₄ jmí₂.

3 Jaun₂ ně₃ ca₂jme₃tiin₂₃ dsa₂ 'lióng₂ lín₃ jág₁ tē₂le₃
quian'₅₄ jág₁ a₂jáng'₅ léi₄.

Ca₂juá'₂:

—Jan₂ dsa₂ ca₂ŋe₄ ja₁nau₂ ca₂i₁séi₄ míg₂ jon₂;

4 jme₁ma₂'ein₅₄ séi₂ ně₃, a₂lín₅₄ míg₂ jon₂ ca₂l₃ga'₅₄
le₂'í₄ juí₅, jaun₂ ně₃ i₁tan₅ bá₄ ca₂o₃lén₂ ca₂cág'₃.

5 A₂lín₅₄ guě'₂ míg₂ jon₂ ca₂i₂to'₅₄ jē₄ ni₁cang₁,
ja₁tsá₃ lín₄ gua'₅₄ lē₅. A₂jaun₂ ně₃ tsá₃ uě₂ ca₂rē₃'ag₄
ca₂'ia₂, ia₁ tsá₃ jí'₂ gua'₅₄ ja₁i₃to'₅₄.

* 12:47 A₂lín₅₄ chog₅₄ si₂ tsá₃ chi₁ton₅

6 La₁ jme₁ca₂tě₂ 'iog₂, ca₂rě₃juing₅, ca₂cáu₂ bá₄ a₂jaun₂, ia₁ tsá₃ jmú₄ 'lióng₂ jme₁ma₂cha₂.

7 A₂lin₅₄ guě'₂ i₃ga'₅₄ ja₁lě₄ ni₁taun₅. Jme₁ca₂i₃cón₃ ni₁taun₅ ně₃, ca₂jlě₃ bá₄ jon₂ jaun₂ táng₃.

8 La₁ a₂lin₅₄ guě'₂ ně₃ ca₂tín₂ ja₁'o'₅₄ 'uě₃; a₂jaun₂ ca₂rau₂ dse₃; a₂lin₅₄ míg₂ jon₂ ca₂'ág₂ jma₃cáun₃ 'ñiá₂-láu₂ míg₂ lia'₂ ca₂míg₂ jon₂ a₂i₃jnia₄; a₂lin₅₄ guě'₂ jma₃'nag'₂ ne₂guióg₂ míg₂, a₂lin₅₄ guě'₂ jma₃guióg₂-guiá₂ míg₂.

9 Chi₂juá'₂ 'ein₂ 'nia'₂ i₂dsi₅₄ rě₂gua₄, nei₂ 'nia'₂.

Ta₁ qui'₅ jág₁ a₂jáng'₅ léi₄

(Marcos 4:10-12; Lucas 8:9-10)

10 Jaun₂ ca₂jme₃quián₃ chi'₂ dsi₂guia₃-tín₂ con₂ Jesús, jaun₂ ca₂ñag₃:

—¿'E₂ lě₃ jme₂tíng'₁ dsa₂ jmá'₃ lia'₂ quian'₅₄ jág₁ a₂jáng'₅ léi₄?

11 Jaun₂ ně₃ ca₂ñag₃ Jesús:

—Diú₄ bá₄ jmo₅ a₂rě₃ñí'₂ 'au'₂ 'nia'₂ jág₁ rě₂'ma₄ ju₁lia'₂ 'a₂ lia'₂ lě₅ ja₁goin₂ guei'₅₄ i₂juíg₃. La₁ ja₁con₂ dsa₂ ně₅ ně₃, tsá₃ le₂jaun₂.

12 Ia₁ ju₁lia'₂ dsa₂ i₂ñí'₂ dse₃, Diú₄ bá₄ jmo₃ le₃ñí'₂ guě₄ 'lióng₂, jaun₂ dsi₁lén₂ lén₂ dsa₂ i₂niog₅ dsi₄. La₁ ju₁lia'₂ i₂tsá₃ 'nio₃ le₃ñí'₂ ně₃, Diú₄ bá₄ jmo₃ co₂dsia₅ tsá₃ le₃ñí'₂ co₂ñei'₅₄.

13 'Uig₅₄ jaun₂ bá₄ a₂jme₂tín₂ jniá₂ dsa₂ tē₂le₃ quian'₅₄ jág₁ a₂jáng'₅ léi₄:

Ia₁jaun₂ i₂jág₃,

la₁ tsá₃ le₃lí'₄ 'e₂ a₂ně₂jág₃;

i₂ně₂néi₂ guě'₂ ně₃,

la₁ tsá₃ ca₂rě₃lí'₄ 'e₂ a₂ně₂néi₂,

on₃ guě₄ ca₂ŋí'₂.

14 Jaun₂ le₂ně₅ rě₂ti₃ tē₂le₃ quió'₅ dsa₂ ně₅ jui₁lia'₂
ca₂juá'₂ Isaías i₂ca₂'ě₂ jág₁ quián₅ Diú₄:

Dsón'₂ bá₄ nág'₁ 'nia'₂,

la₁ tsá₃ le₃ŋíg'₂ 'e₂ a₂nág'₁;

Caun₂ qui₁jag'₅₄ 'nia'₂ ně₃,

la₁ tsá₃ le₃len'₅₄ 'nia'₂.

15 Ia₁ a₂ma₂'ua'₂ dsi₄ bá₄ dsa₂ la₂,

ja₂lag₃ bá₄ nag₂₃,

ně₂jag₄ bá₄ i₂ma₂rě₂jni₅ rě₂gua₄;

ján₃ bá₄ le₂ně₅, ně₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guě'₂ nag₃ quian'₅₄ rě₂gua₅₄,

on₃ guě₄ le₃ŋí'₂ dsí₅,

ia₁jaun₂ tsá₃ jéin'₃ dsí₅ ja₁con₂ jniá₂

ia₁jaun₂ jme₁'lioin₁₂ jniá₂.*

16 'La₁ 'e₂ guě₄ dsen'₃ 'nia'₂ ia₁ jniá₂ mi₂ne'₅₄, nag'₂
bá₄ 'nia'₂ ně₃ quian'₅₄ rě₂guá'₂.

17 A₂dsi₂jó'₃ juíg₂ jniá₂ 'nia'₂, juin₅ dsa₂ i₂jme₁'ě₂
jág₁ quián₅ Diú₄ ma₂líg'₂, juin₅ dsa₂ dsen₃, jme₁'nio₃
tē₃ ne₅₄ a₂jág'₂ 'nia'₂ rě₂ně₃, la₁ tsá₃ ca₂jág₃; jme₁'nio₃
nag₃ ně₃ jui₁lia'₂ a₂nag'₂ 'nia'₂ rě₂ně₃, la₁ tsá₃ ca₂nág₂.

*Juá'₂ Jesús tsí'₅ dsa₂ lia'₂ tí₅ jág₁ 'e₂ jág₁ dsau₅ jáng'₅
jui₁lia'₂ jág₁ quió'₅ dsa₂ i₂séi₂ mi₂jon₂*

(Marcos 4:13-20; Lucas 8:11-15)

18 'Nei₂ 'nia'₂ jaun₂, 'e₂ jág₁ dsau₅ jáng'₅ jui₁lia'₂ jág₁
quió'₅ dsa₂ i₂séi₂ mīg₂ jon₂.

19 Jui₁lia'₂ dsa₂ i₂nag₅ jág₁ dse₃ a₂já₅ guei'₅₄ i₂juíg₃
ja₁gon₂ Diú₄, ně₁jua'₂ tsá₃ ŋí'₂, lín₅ jui₁lia'₂ mīg₂ jon₂

* 13:15 Isaías 6:9-10.

a₂ca₂séi'₂ dsi₂jui₅. I₂së₃dsen₃ bá₄ ja₂ ja₁coin₂, jaun₂ jniá'₂ táng₃ jág₁ dse₃ a₂jme₁ma₂jnia₄ të₂dsí₅.

²⁰ Míg₂ jon₂ a₂ca₂séi'₂ guë'₂ jë₄ ni₁cang₁, lë₅ jui₁lia'₂ lín₅ dsa₂ i₂gue₅ 'ŋio₂ dsí₅ jág₁ dse₃ a₂nag₂₃,

²¹ la₁ia₁ tsá₃ cha₂ guë'₂ jë₁dsi₃'má₂ jmú₄ né'₃ 'uë₃, tsá₃ uë₂ tió'₅; jaun₂ jë₁ma₂já₅ o_{2i}₁ dsi₅ a₂dsi₂ŋí₂ 'e₂ dsi₂ŋí₂, o₃ qui₂co₂'ein₅ dsa₂ o₄quió'₄ jág₁ quió'₅ Diú₄, guein₂₃ tí₂ bá₄ táng₃ jág₁.

²² Jui₁lia'₂ mīg₂ jon₂ a₂i₃ga'₅₄ jë₄ ni₁taun₅ guë'₂ táng₃, jáng'₅ jág₁ dsau₅ jui₁lia'₂ dsa₂ i₂nag₅ jág₁ dse₃, la₁ia₁ 'ŋio₅ lín₃ guë'₄ 'i₅ dsí₅ o₂me'₅₄ dsi₅ a₂cha₂ mi₂güig₃ la₂, a₂ín₅ dsí₅ a₂le₃cha₂ cu₄ a₂le₃chain₂ dse₃ ně₃, a₂në₅ bá₄ a₂jme₂gau₅ táng₃ quió'₅. Ca₂le₃jë₃ a₂në₅ jlë₂ bá₄ táng₃ jág₁ dse₃ a₂jme₁ma₂nág₂, jaun₂ tsá₃ ma₂'e₂ a₂dse₃ ráu₃ ja₁con₂ dsa₂ 'éi₂.

²³ La₁ jui₁lia'₂ mīg₂ jon₂ a₂ca₂séi'₂ ja₁dse₃ gua'₅₄, jáng'₅ táng₃ jág₁ dsau₅ të₂le₃ ja₁con₂ dsa₂ i₂nag₅ jág₁, ton'₂ ŋí'₂ ně₃; jaun₂ jmá'₃ lia'₂ ca₂ne₅₄ a₂dse₃ bá₄ rau₂ ja₁coin₂. I₂lín₅₄ guë'₂ dsa₂ 'éi₂ të₂le₃ quian'₅₄ a₂dse₃ rë₂jniá₂ a₂jmo₂₃, lín₅ jui₁lia'₂ lë₅ lia'₂ ca₂cho'₅₄ mīg₂ a₂ca₂i₃jnia₄, rau₂ caun₂ 'ŋiá₂-láu₂ mīg₂ lia'₂ ca₂mīg₂; i₂lín₅₄ guë'₂ jma₃'nag'₂ co₂ne₂guió₂; i₂lín₅₄ guë'₂ jma₃guió₂-guiá₂ mīg₂.

Jág₁ a₂jáng'₅ léi₄ jui₁lia'₂ ni₁nau₂ 'lig'₅₄ a₂ca₂'ia₂ jë₄ trigo

²⁴ Ca₂juá'₂ Jesús táng₃ ca₂tsí'₃ dsa₂ caun₂ jág₁ a₂jáng'₅ léi₄ siá'₂:

—A₂lë₅ guei'₅₄ i₂juig₃ ja₁gon₂ Diú₄ lia'₂ lín₅ jan₂ dsa₂ i₂ca₂séi₂ ca₂ne₅₄ mīg₂ jon₂ dse₃ 'uë₃ quió'₅;

25 la₁ caun₂ 'uë₂ jme₁ma₂le₁güin₃ dsa₂ le₃jín₃,
ca₂guan₃ jan₂ dsa₂ 'lín'₅₄ i₂'iog₅₄ ca₂jmo₃ uig₅ dsí₅
ca₂guia'₃ jon₂ ni₁nau₂ 'lig'₅₄ jë₄ trigo, jaun₂ ca₂ñái'₃
táng₃.

26 Jme₁ca₂i₃cón₃ trigo, jme₁ma₂tio'₅₄ mí'₂ ně₃, jë₄
jaun₂ ca₂'ia₂ ni₁nau₂ 'lig'₅₄ ján₃.

27 Jaun₂ ně₃, dsa₂ i₂jme₂tí₃ ta₁ ne₄ juig₅₄ ja₁nau₂,
ca₂i₁con₂ jág₁ ne₄ juig₅₄, ca₂juá'₂: “Gui'₅₄, ¿on₁jua'₅₄
jmá'₃ ca₂ne₅₄ míg₂ jon₃ dse₃ ca₂jñí'₂ ja₁nau₂ quiáng'₂
jme₁ca₂jñí'₂? ¿'A₂ guë'₂ lia'₂ ca₂lë₃ a₂ca₂'ia₂ ni₁nau₂
'lig'₅₄ jaun₂ ně₃?”

28 Jaun₂ ca₂ñag₃ dsa₂ juig₅₄: “An₁ jan₂ dsa₂
'lín'₅₄ i₂'iog₅₄ bá₄ ca₂jmo₃ a₂në₅.” Jaun₂ ca₂ñag₃
dsa₂ i₂jme₂tí₃ ta₁ ne₅₄: “¿Tsa₁ 'niog'₂ jua'₅₄ co₂dsia₅
dsi₁guéi₁ jnia'₅₄ ni₁nau₂ 'lig'₅₄ jaun₂?”

29 Jaun₂ ca₂ñag₃ táng₃ 'éi₂, ca₂juá'₂: “Jan₂'ón₄. Tió'₅
bá₄. Ia₁ con'₂ tsá₃ ñó₅ ně₁jua'₂ le₂jio₅ tag₄ trigo dse₃
bá₄ ca₂cang₅.

30 Ja₂lín₃ guë₄ dse₃ ju₁le₁dsi₅₄ me'₂ jaun₂,
ju₁dsi₂cón₃ bá₄ co₂lë₅, ca₂lia'₂ ca₂të₂ jmig₄ i₁ráu₃;
jaun₂ guë₄ tsing₅₄ dsa₂ a₂dsi₃cang₅₄ de'₂ le₂'uig₅₄
ni₁nau₂ 'lig'₅₄, jaun₂ cág'₃ jmá'₃ co₂dsong'₅₄ ia₁jaun₂
'nei₃, dsí'₂, jaun₂ guë₄ cág'₃ trigo tó'₃ caun₂ ja₁tó'₃
dsi₂néi₂ quió₃.”

*Jág₁ a₂jáng'₅ léi₄ ju₁lia'₂ míg₂ jon₂ quió'₅ ni₁'ma₂
mostaza*

(Marcos 4:30-32; Lucas 13:18-19)

31 Ca₂dsia₃ Jesús ján₃ caun₂ jág₁ a₂jáng'₅ léi₄ le₂la₂:

—Ja₁gon₂ Diú₄ guei'₅₄ i₂juí₃, lë₅ ju₁lia'₂ lë₅ míg₂

jon₂ quió'₅ ni₁'ma₂ mostaza[†] a₂ca₂jné₂ jan₂ dsa₂
ja₁nau₂ quió'₅.

³² Dsón'₂ míg₂ jon₂ jaun₂ lě₅ míg₂ a₂pí'₁ tei₄ guě₄
'ñio₅ lin₃ lia'₂ con'₂ guě₄ míg₂ jon₂ siá'₂; la₁ia₁
jě₁ma₂ca₂l₃cón₃ ně₃, lě₂ caun₂ ni₁'ma₂ pa₁ guě₄ lia'₂
con'₂ guě₄ rin'₅₄ a₂cha₂ ja₁nau₂ quió'₅, ca₂tě₂ i₁tan₅
lé₂ le₃tiain'₃ gu'₂ nei'₅₄.

Jág₁ jáng'₅ léi₄ ju₁lia'₂ 'a₂ lia'₂ rón'₂ i₁ñí'₄

(Lucas 13:20-21)

³³ Ca₂dsia₃ Jesús jág₁ a₂jáng'₅ léi₄ le₂la₂ táng₃:

—Lě₅ guei'₅₄ i₂juíg₃ ja₁gon₂ Diú₄, ju₁lia'₂ lě₅
levadura a₂co₂güín'₂ jan₂ 'io₅₄ quian'₅₄ 'ni₅ tio'₅₄
ñí₁ ca'₅₄† ti₁jui₁ harina, ia₁jaun₂ ron'₂ dse₃ ca₂le₃jě₃
ti₁can₁.

Ta₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús

(Marcos 4:33-34)

³⁴ Ca₂le₃jě₃ jág₁ la₂ ca₂juá'₂ Jesús ca₂tsí'₃ dsa₂
tě₂le₃ quian'₅₄ jág₁ a₂jáng'₅ léi₄; 'i₁co₂ráun₂ tsá₃
jme₁jme₂tag₂₃ jua'₅₄ tsá₃ tě₂le₃ quian'₅₄ jág₁ a₂jáng'₅
léi₄.

³⁵ Le₂ně₅ ca₂jmo₃ ia₁jaun₂ le₃ti₃ jág₁
a₂jme₁ma₂rě₂'ě₂ quió'₅ dsa₂ i₂jme₁'ě₂ jág₁ quián₅
Diú₄ ma₂líg'₂ jme₁ca₂juá'₂:

'Uě'₅₄ jniá₂ jág₁ 'o₃

tě₂le₃ quian'₅₄ jág₁ a₂jáng'₅ léi₄;

dsia₅₄ jniá₂ jág₁ a₂tsá₃ ma₂ca₂rě₃jniá₂

ca₂le₃ ca₂jmo₃ Diú₄ mi₂güíg₃.Š

† **13:31** mostaza: On₃jua'₅₄ mi₁ján'₅ a₂cuí'₅ dsa₂ go₄ jniog₄; caun₂
ni₁'ma₂ dsón'₂ jaun₂ a₂tě₂ tě₅sí₃ Brassica nigra. ‡ **13:33** griego: “'ni₅
tio'₅₄ ñí₁ sata”, a₂tio'₅₄ con'₂ 22 litros le₂caun₂ ñí₁. Š **13:35** Salmo
78:2.

Dsia₅ Jesús lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ ni₁nau₂ 'lig'₅₄ a₂ca₂'ia₂ jë₄ trigo

36 Jaun₂ ně₃, ca₂o₃'ín₃ Jesús jin₄ dsa₂ juin₅ ja₁jme₁'ein₅₄ jaun₂ ca₂'í₃ táng₃ caun₂ dsi₂néi₂. Jaun₂ ca₂o₃lén₂ táng₃ chi'₂ dsi₂guia₃-tín₂ ja₁coin₂, ca₂juá'₂:

—Dsia₅ lia'₂ tí₅ jág₁ 'e₂ jág₁ dsau₅ jáng'₅ ju₁lia'₂ jág₁ quió'₅ ni₁nau₂ 'lig'₅₄ a₂ca₂'ia₂ jë₄ trigo.

37 Jaun₂ ca₂ŋag₃ Jesús:

—Dsa₂ i₂ŋi₅ séi₂ míg₂ jon₂ dse₃, Jaun₅ dsa₂ mi₂güig₃ bá₄ 'éi₂;

38 ja₁nau₂ guë'₂ lě₅ co₂'nió'₄ mi₂güig₃ la₂. Jon₂ dse₃ guë'₂ ně₃, co₂'nió'₄ lín₅ chi'₂-guein₂ i₂tion'₅₄ 'éi'₃ quió'₅ Diú₄. Ni₁nau₂ 'lig'₅₄ guë'₂ ně₃, co₂'nió'₄ dsa₂ i₂tion'₅₄ ju₁i₅ 'éi'₃ quió'₅ i₂sě₃dsen₃.

39 Dsa₂ 'lín'₅₄ i₂'iog₅₄ i₂ca₂jné₂ jon₂ ni₁nau₂ 'lig'₅₄, i₂sě₃dsen₃ bá₄ 'éi₂. I₁ráu₃ guë'₂ ně₃, lě₅ jmi₂g₄ jë₁ca₂tó'₂; i₂ja₃lén₂ ja₃cag'₅₄ guë'₄ ně₃, ángeles quián₅ bá₄ Diú₄.

40 Jaun₂, ju₁lia'₂ cág'₅ dsa₂ ni₁nau₂ 'lig'₅₄, a₂tó'₅ dsi₂si₂, le₂ně₅ bá₄ lé₂ ján₃ jmi₂g₄ jë₁ca₂tó'₂ mi₂güig₃ la₂.

41 Chen₃ Jaun₅ dsa₂ mi₂güig₃ ángeles quián₅ ia₁jaun₂ 'u₁ín'₂ jë₄ quió'₅ dsa₂ quián₅ ca₂le₃jín₃ i₂jmo₅ qui₂sén'₂ rín'₅₄ a₂'no₂₃ dso₄, ca₂le₃jín₃ guë'₄ i₂ca₂rě₃chán₃ i₂tsá₃ ca₂tí₂ ju₁i₅ 'lig'₅₄.

42 Jaun₂ to'₂ ja₁néi'₅ tsi'₄ si₂, ja₁tóin'₃ qui₂'-o₂₃, qui₃quí₃'₃ jan₅₄ ně₃.

43 Jaun₂, dsa₂ dsen₃ quián₅ Diú₄ guë'₂ dsi₃lein₅ dsi₃tian'₂ ja₁jniai₅₄ tág₅ ju₁lia'₂ jniá₂ 'iog₂ ja₁jmo₅ Diú₄ Jmei₂ 'éi'₃. Chi₂jua'₂ 'ein₂ 'nia'₂ i₂dsi₅₄ rě₂gua₄, rě₂ nei₂ 'nia'₂.

Jág₁ a₂jáng'₅ léi₄ jui₁lia'₂ caun₂ a₂quen₅ guě₄ 'ŋio₅ lín₃ a₂rě₂'ma₄

44 'Guei'₅₄ i₂juíg₃ ja₁gon₂ Diú₄ ján₃ bá₄ lě₅ jui₁lia'₂ caun₂ a₂quen₅ 'ŋio₅ lín₃ a₂rě₂'ma₄ rě₂'o₅ né'₃ 'uě₃. La₁ jui₁lia'₂ jan₂ dsa₂ i₂dso'₂ ně₃, ja₁jaun₂ bá₄ 'ma₂₃ táng₃; ia₁ a₂ŋí₄ lě₃ 'io'₂ jén'₅, jaun₂ dsáin'₅ dsi₂'nág₂ ca₂le₃jě₃ 'e₂ a₂cha₂ quió'₅, jaun₂ lá₅ 'uě₃ jaun₂.

Jág₁ a₂jáng'₅ léi₄ jui₁lia'₂ mīg₂ perla a₂quen₅ lín₃

45 'Ján₃ bá₄ lě₅ guei'₅₄ i₂juíg₃ ja₁gon₂ Diú₄ jui₁lia'₂ lín₅ jan₂ dsa₂ i₂ŋí₅ 'no'₂ perlas jlá'₁ ia₁jaun₂ jmo₃ 'ma'₅₄.

46 Jě₁ma₂ca₂dsó'₂ ca₂mīg₂ a₂quen₅ lín₃, dsáin'₅ dsi₂'nág₂ ca₂le₃jě₃ 'e₂ a₂cha₂ quió'₅, jaun₂ lá₅ mīg₂ jlá'₁ jaun₂.

Jág₁ a₂jáng'₅ léi₄ jui₁lia'₂ tsi₁'má₅

47 'Ján₃ bá₄ le₂jaun₂ lě₅ guei'₅₄ i₂juíg₃ ja₁gon₂ Diú₄ jui₁lia'₂ lě₅ caun₂ tsi₁'má₅ a₂táun₂ dsa₂ ne₄ jmi₁ŋí'₄ jaun₂ 'uíin'₂ ca₂le₃jín₃ ne₅₄ já'₂.

48 Jě₁ma₂ca₂rín₅ tsi₁'má₅, dsa₂ně₃ 'íin₅ tě₂le₃ chei'₅₄ jmi₁ŋí'₄; jaun₂ quióin'₂ jmá'₃ lia'₂ ju₄ dsen₃ caun₂ ja₁to'₂, jaun₂ guiain'₂ bá₄ jui₁lia'₂ já'₂ i₂tsá₃ dsen₃.

49 Ján₃ bá₄ le₂jaun₂ lě₂ jmi₁g₄ jě₁ca₂tó'₂ mi₂güí₃ la₂: 'uíin₃ ángeles ja₃jmó₂ jma₃quén₅ dsa₂ 'lín'₅₄ jě₄ quió'₅ dsa₂ dsen₃

50 jaun₂ toin'₂ i₂'lín'₅₄ ja₁néi'₅ tsi'₄ si₂ ja₁dsi₃toin'₅₄ qui'₂'o₂₃ qui₃quí₃ jan₅₄ ně₃.”

Jui₁lia'₂ cu₄nióg₄ 'mí₂ quian'₅₄ cu₄nióg₄ gui'₅₄

51 Jaun₂ ca₂ŋí'₃ Jesús chi'₂ dsi₂guia₃-tín₂ quiáin₅:
—¿ŋíg'₂ 'nia'₂ ca₂le₃jě₃ jág₁ a₂juá'₅ jniá₂ ně₅?

Jaun₂ ca₂ŋag₃:

—Nág'₂ bá₄ jnia'₅₄.

⁵² Jaun₂ ca₂juá'₂ Jesús ně₃:

—Ju_{i1}lia'₂ jan₂ tē₃juá'₅ i₂ma₂ca₂jme₃tin₅ 'a₂ lia'₂ lē₅ guei'₅₄ i₂juíg₃ ja₁gon₂ Diú₄, lín₅ ju_{i1}lia'₂ lín₅ jan₂ juig₅₄ tsi_{i1}'né₅ i₂'uē'₅ a₂quen₅ a₂te₁'i₁ le₁'ma₁ dsi₂néi₂ quió'₅, lia'₂ cosas 'mí₂ lia'₂ cosas gui'₅₄ ně₃.

'En₅₄ Jesús jē₄ juig₂ Nazaret

(Marcos 6:1-6; Lucas 4:16-30)

⁵³ Jme₁ca₂dsan₃ jme₂tin₅ Jesús dsa₂ jág₁ a₂jáng'₅ léi₄ ně₅, ca₂o₃'iín₃ bá₄ ja₁jaun₂, ŋái'₃ juig₂ go₅₄.

⁵⁴ Jme₁ca₂dsiáin'₃ jaun₂ ně₃, ca₂jme₃lióg₃ ca₂jme₃tin₂₃ dsa₂ jág₁ dse₃ quió'₅ Diú₄ dsi₂néi₂ guá'₅ sinagoga quió'₅ dsa₂ ja₁jaun₂, jaun₂ dsa₂ ně₃, ca₂i₃gó'₃ dsí₅ jág₁ a₂ca₂nág₂, jaun₂ ca₂dsia₃:

—¿A₂já'₄ ca₂i₁jme₁tin₅ i₂nē₅ jág₁ a₂ŋí₄ lē₃ tin₂₃ ně₅?
¿'A₂ bá₄ lia'₂ 'io₂₃ bí₂ a₂tin₂ jmo₃ o₂dsain₂ ně₃?

⁵⁵ ¿On₁jua'₅₄ i₂nē₅ ja₁ŋi'₅₄ tē₅'má₃? ¿On₁jua'₅₄ chog₅₄ i₂chen₂ María? ¿On₁jua'₅₄ i₂nē₅ i₂lín₅ rín'₅₄ Santiago* quián'₅₄ Sē₄, Si₂mu₅₄, Judas ně₃?

⁵⁶ ¿On₁jua'₅₄ jē₄ quián₂ jniog₄ la₂ tián'₅ 'io₅₄ rín'₅₄ ně₃? ¿'A₂ bá₄ já'₄ já₅ a₂ŋí₄ lē₃ cui'₅ i₂nē₅ ca₂le₃jē₃ jág₁ a₂tin₂ ně₅?

⁵⁷ Jaun₂ tsá₃ dse₃ ca₂tín₂ dsa₂ jág₁ jaun₂ quió'₅, tsá₃ ju_{i5} ca₂tón'₃ dsa₂. La₁ ca₂juá'₂ Jesús:

—Ca₂le₂con₂ bá₄ juig₂ siá'₂ jme₂gan₃ dsa₂ ju_{i1}lia'₂ jan₂ dsa₂ i₂'ē₂ jág₁ quián₅ Diú₄; ŋnia'₅₄ lia'₂ dsa₂ go₅₄ bá₄, tsá₃ jei₅₄, quián'₅₄ dsa₂ dsi₂néi₂ quió'₅ 'ŋiog₅ ně₃.

⁵⁸ Jaun₂ tsá₃ ma₁léi₄ juē'₂ lín₅₄ ca₂jmo₃ ja₁jaun₂, ia₁ tsá₃ guē'₂ 'én₂ dsa₂.

* **13:55** Santiago: ján₃ bá₄ chein₂ Jacobo.

14

*Ca₂jon₃ Juan₅₄ i₂chon₅ dsa₂ jmig₂
(Marcos 6:14-29; Lucas 9:7-9)*

¹ Jmig₄ jaun₂ Herodes, i₂jme₁lín₄ dsi₄má'₂ 'uë₃
Galilea, ca₂rë₃ñi₅ jág₁ a₂ñi₅ Jesús le₂con₂ jaun₂.

² Jaun₂ dsia₂₃ tsí'₅ dsa₂ i₂jme₂ti₃ ta₁ ne₅₄:

—Juan₅₄ i₂chon₅ dsa₂ jmig₂ bá₄ nē₅ ñi₅;
ma₂ca₂jein'₅₄ táng₃. 'Uig₅₄ jaun₂ 'io₂₃ jui₅bí₂ a₂jmo₂₃
léi₄ jué'₂.

³ Ia₁ le₂jñiá₅ ma₂ca₂jña'₃ dsa₂ Juan₅₄ 'éi'₃ quió'₅
Herodes, ca₂'nei'₂, ca₂to'₂ dsa₂ né'₃ 'má₃ nē₃.
Ca₂jmo₃ le₂nē₅ 'uig₅₄ quió'₄ 'io₅₄ Herodías i₂jme₁lé₄
dsa₂ mí₂ quián₅ Fe₂li₄ riin'₅₄.

⁴ Ia₁ 'lióng₂ ráun₂ ma₂qui₂ma₂juá'₂ Juan₅₄
ma₂qui₂ma₂tsi'₃ Herodes: “Tsá₃ 'i₄ 'éi'₃ cáng'₄ 'io₅₄
nē₅.”

⁵ 'Uig₅₄ jág₁ jaun₂, jme₁'nio₃ Herodes ñi₅'₃ Juan₅₄,
la₁ tsá₃ tiá₂ dsí₅, ia₁ jme₁gain₃ dsa₂; ia₁ ca₂le₃jín₃ bá₄
dsa₂ jme₁'éin₂ a₂lín₅ Juan₅₄ jan₂ dsa₂ i₂'ë₂ jág₁ quián₅
Diú₄.

⁶ La₁ caun₂ jmig₄ nē₃, jme₁ca₂dsí'₃ Herodes ñi₂,
ca₂o₃'ín₃ ja₁míg₄ 'io₅₄ Herodías, ca₂dsáin₂ jin₄ dsa₂
i₂té₁ jmig₄. A₂nē₅ nē₃ ca₂të₂ dsí₅ 'ñio₅ lin₃ Herodes,

⁷ ca₂lia'₂ ca₂cuë₃ jág₁ quió'₅, ca₂le₃jě₃ 'iin₂₃ Diú₄
a₂cuë₃ 'e₂ caun₂ a₂mi₃ 'io₅₄ bë'₅₄ 'éi₂.

⁸ Jaun₂ nē₃, jme₁ma₂nē₂tio'₂ chog₅₄ jág₁, ñó₃,
ca₂juá'₂:

—Cuë₄ mi₂dsi₄ Juan₅₄ i₂chon₅ dsa₂ jmig₂, të₂nē₃, 'i₄
'ñió'₃ uing₅.*

* 14:8 lit. “rë₂dsí₂ ne₄ caun₂ ñi₅ñí₁ charola.”

9 Jaun₂ ca₂tá'₂ 'lia'₂ dsí₅ rag₅₄ jme₁ca₂nág₂ le₂ně₅,
la₁ tsá₃ ma₃'e₂ ŋi₅ jmo₃, ia₁ ma₂ně₂cuě₃ jág₁ quió'₅
a₂'i_{in}₂₃ Diú₄, tē₃nag₅ dsa₂ i₂tion'₅₄ dsi₂nei₂ ja₁niog₅
jmig₄.

10 Jaun₂ lē₃, ca₂jmo₃ 'éi'₃ a₂ca₂i₁qui'₂ dsa₂ mi₂dsi₄
Juan₅₄ dsi₂nei₂ tsi₁'né₅ 'má₃.

11 Dsi₂ju_{i5} jaun₂ bá₄ ca₂o₃can₅ dsa₂ mi₂dsi₄ Juan₅₄
rē₂'i₄ 'ñi_ó'₃ uing₅,† jaun₂ ca₂cuě'₃ 'io₅₄ bē'₅₄ 'éi₂, jaun₂
'éi₂ ně₃ ca₂i₁con₂ ne₄ chog₅₄.

12 Jme₁co₂lág₂ jaun₂ ně₃, ca₂o₃lén₂ dsa₂
i₂jme₁quian'₅₄ Juan₅₄, jaun₂ ca₂tág₃ 'lag₄ 'éi₂ ca₂i₁'ó₄.
Jaun₂ guě₄ ca₂i₁lein₅₄ ca₂i₁chi'₄ Jesús.

Ca₂jme₃tan₅₄ Jesús 'ñiá₂ mei₅ dsa₂

(Marcos 6:30-44; Lucas 9:10-17; Juan 6:1-14)

13 Jme₁ca₂rē₃ŋi₅ Jesús jág₁ ně₅, ca₂o₃'i_{in}₃
ja₁jme₁'ein₅₄, ca₂'í₃ 'ñi_ó'₃ caun₂ tsi₁mu₅, a₂jme₁i₂'i₅
caun₂ ja₁co₂'ŋiog₅. La₁ ju_{i5} dsa₂ juig₂ te₁'i₁
con'₂ ma₂quián₅ jaun₂ ca₂rē₃ŋi₅, jaun₂ ca₂'u_{iin}₂,
ca₂i₁lein₅₄ ca₂i₁'ein₂₃ Jesús ju_{i5} tag₅₄.

14 Jme₁ca₂dsi_ó₃ Jesús le₂'ŋo'₅₄ jmig₂, ca₂jág₃ ju_{i5}
lin₃ dsa₂ ma₂ti_{ón}₂ le₁ŋiog₅. Jaun₂ ca₂dsia₃ ŋéi₂
dsí₅ dsa₂ 'éi₂, ca₂jme₃'li_{óin}₂ dsa₂ i₂jme₁qui₂le₁dso'₅₄
quián₅ dsa₂.

15 Tē₂le₃ ca₂'láu₂ jaun₂, ca₂o₃lén₂ chi'₂ dsi₂guia₃-
tín₂ ca₂juá'₂ ca₂tsí'₃ Jesús:

—Ca₂'láu₂ bá₄ la₂, ton'₂ caun₂ ja₁co₂'ŋiog₅ bá₄
la₂ ja₁tsá₃ 'ein₂ tián'₅. 'Ei'₂ jág₁ dsa₂ ia₁jaun₂
dsi₃lén₂ le₂con₂ juig₂ ma₂quián₅ ně₅, qui₂dsi₃lia₅
ca₂la₂ a₂guě'₃.

16 Jaun₂ ca₂ŋag₃ Jesús:

† 14:11 lit. “rē₂dsí₂ ne₄ caun₂ ni₁ñí₁ charola.”

—Tsá₃ tion₅₄; cuë'₅₄ 'nia'₂ dsa₂ guiong'₅₄ a₂guë'₃.

17 Jaun₂ ca₂ṇag₃ chi'₂ dsi₂guia₃-tín₂:

—Tsá₃ 'e₂ a₂siá'₂ cha₂ ja₁lá₃, jñia'₅₄ lia'₂ 'ñiá₂ i₁ñí'₄ bá₄, quian'₅₄ on₃ i₁ju₁.

18 Jaun₂ ca₂juá'₂ táng₃ Jesús:

—O₂quian₂ 'nia'₂ ja₁lá₃.

19 Jaun₂ ně₃, ca₂tsí'₃ dsa₂ a₂tiaín'₃ ne₄ 'uë₃. Jaun₂ ca₂jña'₃ ta₁'ñiá₂ i₁ñí'₄ quian'₅₄ le₃on₃ i₁ju₁, jaun₂ ca₂chóg'₃ ne₅₄ guei'₅₄ i₂juíg₃, ca₂cuë'₃ ti₁'mag'₄ Diú₄. Jaun₂ ca₂dsioín₃ le₂caun₂ le₂caun₂ i₁ñí'₄, ca₂cuë'₃ chi'₂ dsi₂guia₃-tín₂. Jaun₂ 'éi₂ guë'₄ ně₃ ca₂dsió'₃ jin₄ dsa₂.

20 Ca₂le₃jín₃ bá₄ dsa₂ ca₂guë'₃ ca₂lia'₂ ca₂'ág'₃ dsí'₅. Jme₁ca₂lë₃ guë'₅, jaun₂ ca₂cág'₃ bá₄ guë'₄ guia₃-tín₂ tsi₁mí'₂ 'nau₅₄ a₂ca₂chóng₃.

21 Dsa₂ i₂ca₂guë'₃ 'éi₂ jme₁tén₄ 'ñiá₂ mei₅ jmá'₃ lia'₂ dsa₂ ñe'₂, i₂sián'₂ bá₄ dsa₂ mí₂, chí'₂ ně₃.

Ca₂ñi₃ Jesús ne₄ jmi₁ñí'₄

(Marcos 6:45-52; Juan 6:16-21)

22 Dsi₂juí₅ jme₁ca₂lë₃ jaun₂, ca₂jmo₃ Jesús 'éi'₃ a₂tón'₃ chí'₂ dsi₂guia₃-tín₂ 'ñió'₃ tsi₁mu₅, a₂ñí₃ de'₂ 'éi₂ jmi₂ le₁jñiá₄ lia'₂ con'₂ guë'₄ 'ñiog₅ a₂dsi₃lein₃, tē₁lia'₂ 'í₂ 'ñiog₅ 'ág'₅ jág₁ dsa₂.

23 Jme₁ca₂lë₃ 'ág'₅ jág₁ dsa₂, ca₂ñó₃ jui₅ má'₂ i₁chi₂i₁lein'₄ Diú₄. Ca₂tó'₂ nei₂ jme₁ca₂tó'₂, jaun₂ bá₄ 'ein₅₄ 'ñiog₅.

24 Tsi₁mu₅ a₂tion'₅₄ chí'₂ dsi₂guia₃-tín₂ ně₃, jme₁ma₂dsióg'₃ dsi₂jo₂ jmi₁ñí'₄. Jmi₂ ně₃, qui₂jná'₅ tiá₂ lín₃ dso'₂ tsi₁mu₅, ia₁ 'ei₅ tiá₂ dsí₂ 'liog'₂ le₃ca'₃.

25 Le₁né₃ tē₂le₃ ca₂jnia₃ jaun₂, ca₂jme₃quián₃ Jesús ja₁ñáu'₄ tsi₁mu₅ tioín'₅₄.

26 Jaun₂ ně₃ jme₁ca₂jág₂ chi'₂ dsi₂guia₃-tín₂ jóin'₅ ŋi₂₃ ne₄ jmi₁ŋí'₄, ca₂juin'₂ ca₂tóin'₂ co₂mi'₅₄ ca₂guió'₃ ca₂juá'₂:

— ¡Jme₂dsí₂ 'lin'₅₄† bá₄ ó₃!

27 La₁ dsi₂jui₅ bá₄ ca₂juá'₂ Jesús ně₃:

— ¡Dsia₄ 'nia'₂ tiá'₂ 'au'₂! ¡Jniá₂ bá₄ la₂; tsá₃ lë₃juin'₂ 'nia'₂!

28 Jaun₂ Pe₄ ně₃ ca₂ŋag₃:

— Te₁gui'₅₄, chi₂jua'₂ 'ne₂ ně₅, jmo₄ 'éi'₃ a₂nei₅₄ ŋi₅₄ ne₄ jmi₂ a₂dsióg₄ tē₂ ja₁chéng'₄ ně₅.

29 — Ŋia₅ jaun₂ — ca₂juá'₂.

Jaun₂ ca₂sión₃ Pe₄ 'ŋió'₃ tsi₁mu₅, ca₂ŋi₃ ne₄ jmi₂ jme₁ŋó₄ ja₁chén'₄ Jesús.

30 La₁ jme₁ca₂tón'₃ jui₅ ca₂jág₃ 'a₂ lia'₂ 'ei₅ tiá'₂ dsí₂, ca₂ja₃gó'₃ dsí'₅, jaun₂ guě₄ ca₂rë₃lióg₃ ca₂i₃'óin'₅ jmi₂. Ca₂guió'₃ tiá'₂, ca₂juá'₂:

— ¡Lio₄ jniá₂, Te₁gui'₅₄!

31 Dsi₂jui₅ jaun₂ ca₂néi'₃ Jesús gu₂, ca₂tíin₂ quió'₅ Pe₄, jaun₂ juá'₂:

— ¡'E₂ guě₄ ca₂juig₄ 'én'₂ 'ne₂! ¿'E₂ lë₃ ně₂ 'éi'₂ caun₂-tín₃ 'au'₂?

32 Jme₁ca₂i₃toin'₅₄ 'ŋió'₃ tsi₁mu₅, ca₂'ág₂ táng₃ tei₄ dsí₂.

33 Jaun₂ i₂jme₁tion'₅₄ 'ŋió'₃ tsi₁mu₅ ca₂jmo₃ i₁'áin₃ ne₄ Jesús, ca₂jme₃juag'₂. Jaun₂ ca₂juá'₂:

— Dsón'₂ bá₄ líng'₅ Ja₁ŋi'₅₄ Diú₄.

*Ca₂jme₃'lión₂ Jesús dsa₂ dso'₅₄ 'uě₃ Genesaret
(Marcos 6:53-56)*

34 A₂ca₂'ain₂ jmi₂ jaun₂, ca₂dsi₃lein₃ 'uě₃ Gene-saret.

† 14:26 griego: fantasma.

35 Dsa₂ chan₂ ja₁jaun₂ ně₃, jme₁ca₂rě₃cu₁in₂₃
 Jesús, jaun₂ ca_{2i}ni_{oi}₁₂ ca_{2i}can₅ jág₁ ca₂le_{3jě}₃ ju_{ig}₂
 te₁'i₁ le₃lág'₃ jaun₂, jaun₂ ca_{2o}₃jñia₃ dsa₂ ca₂le_{3jín}₃
 dsa₂ i₂jme₁le₁dso'₅₄ ja₁'en₅₄ Jesús.

36 Jaun₂ ca₂mi₃ tsá₃ a₂nag₅₄ o₁jñia'₅₄ 'ág₃ tag₄
 tsin'₅₄ bá₄ cuě₃ jmig₄ ní'₃ dsa₂ i₂le₁dso'₅₄; jaun₂
 ně₃, ca₂le_{3jín}₃ dsa₂ dso'₅₄ i₂qui₂ca_{2n}'₃ tsin'₅₄ Jesús,
 ca₂'lói_n₂ co₂ñei'₅₄ dso₄ a₂jme₁lín₄.

15

*Jme₂tag₅ Jesús ju_ilia'₂ 'e₂ jaun₂ a₂jmo₅ a₂rě₂'ñio₅
 dsa₂*

(Marcos 7:1-23)

1 Jaun₂ ně₃ ca_{2o}₃lén₂ i₂lin₅₄ dsa₂ fariseos quian'₅₄
 tē₅juá'₅ i₂ja₂lén₂ Jerusalén, ca₂jme₃quiáin₃ ja₁con₂
 Jesús, jaun₂ ca₂ñag₃:

2 —¿'E₂ lě₃ tsá₃ jme₂ti₃ dsa₂ i₂qui_{ang}'₅₄ tag₄ 'éi'₃
 a₂chí'₅ quió'₅ dsa₂ can'₅₄? Tsá₃ rang₂₃ gu₂ né'₃ gué₄
 a₂gué'₃.

3 Jaun₂ ca₂ñag₃ Jesús:

—'Nia'₂ gué'₂ ně₃, ¿'E₂ lě₃ qui₂tsó'₂ 'nia'₂ 'éi'₃ quió'₅
 Diú₄ a₂jme₂tí'₁ 'nia'₂ jmá'₃ lia'₂ tag₄ quián'₂ 'nia'₂
 guiong'₅₄?

4 Ia₁ ca₂juá'₂ Diú₄: “Jme₁gan₃ 'nia'₂ chog'₂-ñéi'₅.”*
 Ján₃ bá₄ ca₂juá'₂: “I₂tě₂'on'₂ jmei₂, o₃ i₂tě₃'on'₂ chog₅₄,
 ca₂tíin₂ jóin₂.”†

5 La₁ 'nia'₂ ně₃ jme₂tíng'₁ dsa₂, ně₁'ein₂ cha₂ quió'₅
 a₂lé₂ le₃jme₃'oin₅₄ chog₅₄-jmei₂, la₁ lag₃ ně₁ca₂tsí'₃
 dsa₂ chog₅₄-jmei₂: “A₂ma₂rě₂jen'₅₄ ne₄ Diú₄ bá₄
 a₂jaun₂”,

* 15:4 Éxodo 20:12; Deuteronomio 5:16. † 15:4 Éxodo 21:17;
 Levítico 20:9.

6 jaun₂ ně₃, jme₂tín'₂ 'nia'₂ dsa₂ 'éi'₃ a₂tsá₃ ma₃tion₅₄ 'nió'₅ jme₃on₅₄ dsa₂ chog₅₄-jmei₂. O₄quió'₄ tag₄ quián'₂ 'nia'₂ guiong'₅₄ bá₄ ma₂ja₂nó'₅ 'nia'₂ jmo'₂ tsá₃ ma₃e₂ quen₅ 'éi'₃ quió'₅ Diú₄.

7 ¡'Nia'₂ dsa₂ i₂lë₁jmo₅-dsáu₅ o₁ne₁ a₂jmo'₂ 'nia'₂ a₂jme₂juíng'₁ Diú₄ quian'₅₄ tag₄ quiáng'₂ ja₂nóg'₅! Dsón'₂ bá₄ dsau₅ a₂ca₂juá'₂ Isaías i₂jme₁'é₂ jág₁ quián₅ Diú₄, jme₁ca₂tióng₃ ne₄ si₂, 'in₂₃ 'nia'₂, jme₁ca₂juá'₂:

8 Dsa₂ juig₂ la₂ jme₂juag'₂ jniá₂
 jmá'₃ lia'₂ quian'₅₄ mi₂'o₅₄ bá₄,
 la₁ia₁ uíng₂ bá₄ 'i₄ dsí₅
 ja₁con₂ jniá₂.

9 La₁ tsá₃ 'e₂ ta₁ tí₄ a₂jme₂juag'₂,
 ia₁ jág₁ a₂jme₂tag₂₃

jmá'₃ 'éi'₃ quió'₅ dsa₂ mi₂güíng₃ bá₄ jaun₂.‡

10 Jaun₂ ca₂tě'₃ Jesús dsa₂ juín₅ i₂ma₂quiain'₅₄
 a₂jme₃quián₃ 'éi₂ ja₁coin₂, jaun₂ ca₂juá'₂:

—Rë₂ nei₂ 'nia'₂ a₂la₂; ju₁le₂ñí'₂ 'nia'₂:

11 Ju₁lia'₂ a₂dsi₂to'₅₄ ju₁ mi₂'o₄ dsa₂, on₃jua'₅₄
 a₂jaun₂ jmo₅ a₂rë₃'iog₅ jme₂dsí₂ quió'₅ dsa₂.
 Ca₂le₃jě₃ a₂'uë₂ ju₁ mi₂'o₄ dsa₂, a₂jaun₂ bá₄ jmo₅
 a₂rë₂'iog₅ jme₂dsí₂ quió'₅ dsa₂.

12 Jaun₂ ca₂jme₃quián₃ chi'₂ dsi₂guia₃-tín₂, jaun₂
 ca₂juá'₂:

—¿Tsa₁ñi'₅₄, ñio₅ lin₃ tsá₃ dse₃ ca₂tín₂ dsa₂ fariseos
 jág₁ a₂në₂chei'₅₄?

13 La₁ ca₂ñag₃ Jesús:

—Ca₂le₃jě₃ ni₁'ma₂ a₂tsá₃ ca₂chéin'₃ Ne'₃ jniá₂
 i₂guá₅ guei'₅₄ i₂juíng₃, guéi₃ le₂jiog₅ jmú₄.

‡ 15:9 Isaías 29:13.

14 O₁lě₄ me'₂; ia₁ dsa₂ ten₄ bá₄ nē₅ quian₅ ne₄ jui₅, §
Ia₁ nē₁jua'₂ jan₂ dsa₂ ten₄ jñia₂₃ dsa₂ ten₄ riin'₅₄,
le₃oin₃ bá₄ tsi₃séin'₂ síá₅.

15 Jaun₂ ca₂juá'₂ Pe₄ ca₂tsí'₃ Jesús:

—Jua'₅₄ 'e₂ jág₁ dsau₅ jáng'₅ jág₁ nē₅.

16 Jaun₂ ca₂ŋag₃ Jesús:

—ǰán₃ bá₄ tsá₃ ŋí'₂ 'au'₂ 'nia'₂?

17 Ia₁, ǰtsa₁ ŋí'₂ 'nia'₂, ju₁lia'₂ ca₂le₃jě₃ a₂dsi₂to'₅₄
ju₁ rē₂'o₄ dsa₂, dsi₂lé₂ rē₂tú'₅ bá₄ dsa₂, cang₂ jaun₂
'uē₂ táng₃?

18 La₁ ju₁lia'₂ a₂'uē₂ ju₁ mi₂'o₄ dsa₂, a₂jaun₂ a₂já₅
tē₂dsí₅ bá₄ dsa₂. A₂jaun₂ bá₄ jmo₅ a₂rē₂'iog₅ jme₂dsí₂
quíó'₅ dsa₂.

19 Ia₁ tē₂dsí₅ bá₄ dsa₂ já₅ ca₂le₃jě₃ a₂'lig'₅₄ a₂dsi₂jio₅
dsí₅: ju₁lia'₂ a₂jme₂dsian₅ dsa₂ dsa₂ mi₂gü₃g₃ riin'₅₄:
ju₁lia'₂ a₂nió'₅ dsa₂ jág₁ quian'₅₄ dsa₂ i₂tsá₃ lín₅
dsi₂i₂gu₂, ju₁lia'₂ a₂lē₁i₂nió₄ dsa₂ tián'₅, tsá₃ gu₂
le₁jen'₂; ju₁lia'₂ a₂'ang₅ dsa₂; ju₁lia'₂ a₂nau₂ dsa₂
a₂jáng'₅ jág₁ dsau₅ a₂jmo₂₃ tē₂jíin₁; ju₁lia'₂ a₂jmo₅
dsa₂ a₂lē₁bóin'₂ dso₄ riin'₅₄ nē₃.

20 Ca₂le₃jě₃ a₂nē₅ bá₄ jmo₅ a₂rē₂'iog₅ jme₂dsí₂
quíó'₅ dsa₂; la₁ a₂guě'₅ dsa₂ tē₃ tsá₃ ma₂nē₂jme₃ti₃
'éi'₃ tag₄ a₂chí'₅ a₂rang₂₃ gu₂, on₃jua'₅₄ a₂jaun₂ jmo₅
a₂rē₂'ŋio₅ dsa₂.

Jan₂ i₁ná₃ i₂ca₂rē₃ 'én₂ tē₂le₃ quió'₅ Jesús
(Marcos 7:24-30)

21 O₂'ín₃ bá₄ Jesús ja₁jaun₂, ca₂ŋó₃ táng₃ ju₁ juig₂
Tiro quian'₅₄ Sidón.

§ 15:14 A₂lin₅₄ chog₅₄ si₂juá'₂: “ia₁ i₂jñia₅ dsa₂ ten₄ bá₄ nē₅.”

22 Ja₁jaun₂ jan₂ 'io₅₄ cananea i₂guá₅ jë₄ juig₂ jaun₂, ca₂guain₃ con₂ Jesús 'o₂₃ co₂mi'₅₄, juá'₂ tiá'₂:

—iTe₁gui'₅₄, jaun₅ David, dsia₄ njei₂ 'au'₂ jniá'₂! Jan₂ chi'₂ ja₁míg₄ jniá'₂ 'en₅₄ jan₂ jme₂dsí₂ je₂na'₅₄ tē₂dsí₅, 'nio₅ lin₃ nág₅ uig₅.

23 La₁ tsá₃ 'e₂ ca₂nag₃ Jesús 'i₁caun₂. Jaun₂ o₃lén₂ chi'₂ dsí₂guia₃-tín₂ quián₅, jaun₂ ca₂juá'₂:

—Chei'₅₄ i₂nē₅ jui₁dsiain'₅₄, ia₁ já₅ guió'₅ co₂mi'₅₄ chi₁co'₅₄ quián₂ jniog₄.

24 Jaun₂ ca₂nag₃ Jesús ca₂tsí'₃ 'io₅₄ 'éi₂:

—Ca₂chei₃ Diú₄ jniá'₂ a₂guio₃ jmá'₃ lia'₂ ca₂ne₅₄ o₄quió'₄ já'₂ cha'₂ i₂ma₂i₂cón'₅ chan₂ juig₂ Israel.

25 La₁ caun₂ já₅ bá₄ 'io₅₄ 'éi₂, ca₂chi₃jnë₃ ne₄ Jesús, ca₂juá'₂:

—iTe₁gui'₅₄, jme₁'o₄ jniá'₂!

26 Jaun₂ ca₂nag₃ Jesús:

—Tsá₃ dsí₂ten₅₄ jua'₅₄ a₂jniá'₄ jniá'₂ i₁ní'₄ quió'₅ chi'₂-guein₂ a₂cué'₄ dsí₂ji'₅₄.

27 Jaun₂ ca₂nag₃ táng₃ 'io₅₄:

—Dsón'₂ bá₄ dsau₅, Te₁gui'₅₄; la₁ cág'₅ bá₄ dsí₂ji'₅₄ ni₁jne₁ a₂tsí₂séi'₂ ne₄ mesa ja₁gué'₅ juig₅₄.

28 Jaun₂ ca₂nag₃ táng₃ Jesús:

—i'E₂ gué'₄ tson₂ 'én'₂ 'ne₂, dsa₂ mí₂! Jui₁le₅₄ bá₄ lia'₂ con'₂ lē₅ a₂mi'₂ nē₅.

Dsí₂jui₅ le₂jaun₂ bá₄ ca₂'lón₂ chi'₂ ja₁míg₄ 'io₅₄ 'éi₂.

Ca₂jme₃'lión₂ Jesús juin₅ dsa₂ dso'₅₄

29 O₂'ín₃ bá₄ táng₃ Jesús ja₁jaun₂, jaun₂ ca₂nji₃ jui₅ chei'₅₄ jmí₁ní'₄ Galilea; jaun₂ ca₂uíg₂ jui₅ ne₄ má'₂, jaun₂ ca₂guá₂ jme₁dsióg₃.

30 Juin₅ dsa₂ ca₂dsí₃lén₂ táng₃ cau₅ quió'₅ ja₁jaun₂, le₁nji_{ai}₂₃ dsa₂ guian'₅₄, dsa₂ i₂le₁já'₂ gu₂-tag₄, dsa₂

ten₄, dsa₂ con₄, juin₅ guě₄ dsa₂ sián'₂ i₂jme₁le₁dso'₅₄ ně₃. Qui₂ca₂dsiog₃ ja₁chén'₄ Jesús, jaun₂ ca₂jme₃'lió₂ 'éi₂.

31 Jaun₂ guě₄ ca₂i₃gó'₃ dsí₅ dsa₂ jme₁ca₂tě₂ ne₅₄ ma₂dsia₅ jág₁ dsa₂ i₂jme₁con₄, ma₂i₂nio₄ dsa₂ i₂jme₁qui₂le₁já'₂ quió'₅, quian'₅₄ dsa₂ guian'₅₄ ně₃; dsa₂ ten₄ ně₃ qui₂ca₂jág₃. Jaun₂ ca₂tón'₂ dsa₂ ca₂jme₃juin'₂ Diú₄ quián₅ dsa₂ Israel.

*Ca₂jme₃tan₅₄ Jesús quén₂ mei₅ dsa₂
(Marcos 8:1-10)*

32 Jaun₂ ca₂tě'₃ Jesús chi'₂ dsí₂guia₃-tín₂ quián₅, jaun₂ ca₂juá'₂:

—'Njio₅ njéi₂ dsí₃ jing₅₄ dsa₂ ně₅, ia₁ ma₂'ni₅ jmig₄ tioin'₅₄ ja₁lá₃ quian'₅₄ jniá₂, 'i₁ca₂juig₄ tsá₃ 'e₂ cha₂ a₂guě'₃ ja₁lá₃. Jaun₂ ně₃, tsá₃ 'nio₃ jniá₂ dsian'₅₄ tě₃ tsá₃ ma₂ně₂guě'₃, ia₁ con'₂ tsá₃ njó₅ ně₁ca₂'uáin₂ le₂'i₄ ju₅.

33 Jaun₂ ca₂juá'₂ chi'₂ dsí₂guia₃-tín₂ quián₅:

—¿A₂já'₄ lé₂ dsí₁liá₄ i₁nj'₄ ja₁co₂'njog₅ la₂ a₂guě'₃ dsa₂ juin₅ ně₅?

34 Jaun₂ ca₂nag₃ Jesús ca₂njí'₃ chi'₂ dsí₂guia₃-tín₂:

—¿Je₂liá'₂ i₁nj'₄ 'i₄ guě₄ quián'₂ 'nia'₂?

Jaun₂ ca₂nag₃ 'éi₂:

—Guio₃ i₁nj'₄ bá₄ 'i₄, quian'₅₄ guě'₂ on₃-ún₂ ju₄ pí'₁.

35 Jaun₂ ca₂jmo₃ 'éi'₃ a₂tian'₃ dsa₂ 'uě₃,

36 jaun₂ ca₂nja'₃ ta₁guio₃ i₁nj'₄ quian'₅₄ i₁ju₁ ně₃, ca₂cuě'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁nj'₄, ca₂cuě'₃ chi'₂ dsí₂guia₃-tín₂ quián₅, jaun₂ 'éi₂ guě₄ ně₃ ca₂dsió'₃ jin₄ dsa₂.

37 Ca₂le₃jín₃ bá₄ dsa₂ 'éi₂ ca₂guě'₃ ca₂lia'₂ ca₂'ág'₃ dsí₅. Jaun₂ ca₂cág'₃ chí'₂ dsi₂guia₃-tín₂ guio₃ tsi₁mi'₂ jmá'₃ ni₁jne₁ a₂ca₂chóng₃.

38 Dsa₂i₂ca₂guě'₃ 'éi₂jme₁lě₂ quén₂ mei₅jmá'₃ dsa₂ ηe'₂, i₂sián'₂ bá₄ dsa₂ mí₂ quian'₅₄ chí'₂ ně₃.

39 Jme₁ca₂lě₃ jaun₂, ca₂'ág'₃ Jesús jág₁ dsa₂, jaun₂ ca₂'í₃ 'ηió'₃ tsi₁mu₅ a₂ηó₃ juí₅ jě₄ juig₂ Magadán.*

16

Dsa₂ fariseos quian'₅₄ dsa₂ saduceos mi₂₃ ne₄ Jesús a₂jmo₃ 'éi₂ caun₂ léi₄ juě'₂

(Marcos 8:11-13; Lucas 12:54-56)

1 Dsa₂ fariseos quian'₅₄ dsa₂ saduceos i₁lein₅₄ i₁jín₅₄ Jesús, ia₁ a₂'no'₂ juí₅ 'a₂ lia'₂ tiain'₃ Jesús quian'₅₄ jág₁; jaun₂ ca₂mi₃ a₂jmo₃ 'éi₂ caun₂ léi₄ a₂já₅ guei'₅₄ i₂juig₃.

2 La₁ ca₂ηag₃ Jesús:

—['Nia'₂ ting'₂ jág'₁ tē₂le₃ ca₂'láu₂ jme₁lin₅₄, juá'₂ 'nia'₂: “Dse₃ bá₄ 'ei₅ táng₃ 'ióg₃, ia₁ guéin₂ bá₄ jniá₂ guei'₅₄ mi₂güig₃.”

3 Já₃ bá₄ juá'₂ 'nia'₂ jme₁lin₅₄ juí₁lia'₂ tē₃ o₃'iog₂, “Tiá'₃ jmí₅ ně₃, ia₁ guéin₂ jniá₂ jnei₅ tio'₅₄ guei'₅₄.” Ní'₅₄ bá₄ 'nia'₂ 'a₂ lia'₂ jua'₅₄ 'e₂ jein₅ jág₁ 'a₂ lia'₂ jniá₂ guei'₅₄, ηjia'₅₄ lia'₂ 'e₂ a₂tē₅ ne'₅₄ 'nia'₂ jmig₄ ně₃ bá₄, tsá₃ ηi'₅₄ 'nia'₂ 'e₂ jein₅ jág₁.]*

4 Tsi₁jon₂ dsa₂ 'lin'₅₄ i₂tsá₃ nag₃ la₂, mi₂₃ a₂jmo₅₄ jniá₂ caun₂ léi₄ a₂o₂dsang₂. La₁ 'i₁caun₂ léi₄ siá'₂ tsá₃

* 15:39 o₃, Magdala, ja₁chan₂ María Magdalena. * 16:3 A₂lin₅₄ chog₅₄ si₂ gui'₅₄ guě₄ tsá₃ chí₁ton₅ jág₁ a₂tio'₅₄ 'ηió'₃ corchetes [le₂la₂].

'e₂ ŋe'₂ 'nia'₂, ŋjia'₅₄ lia'₂ caun₂ léi₄ jui₁lia'₂ a₂ca₂i₃ŋí'₂
Jonás bá₄.

Jaun₂ ca₂tén₂ bá₄ Jesús dsa₂ 'éi₂, ca₂ŋái'₃.

Levadura quió'₅ dsa₂ fariseos
(Marcos 8:14-21)

⁵ Jme₁ca₂'an₂ chi'₂ dsi₂guia₃-tín₂ jmi₁ŋí'₄, ca₂dsáu'₃
dsí'₅ tsá₃ 'e₂ i₁ŋí'₄ le₁quian₅ guě'₃.

⁶ Jaun₂ ca₂juá'₂ Jesús:

—Jmo₄ 'nia'₂ 'í₁ jaun₂ tsá₃ le₃tín₂ 'nia'₂ juá'₅
a₂jme₂tag₅ dsa₂ fariseos, dsa₂ saduceos ně₃. Ia₁
juá'₅ quió'₅ lě₅ lia'₂ lě₅ jui₁ levadura.

⁷ Jaun₂ ca₂dsia₃ chi'₂ dsi₂guia₃-tín₂ jág₁ tsí'₅ riin'₅₄:

—Ia₁ tsá₃ i₁ŋí'₄ le₁quian₁ bá₄ jniog₄, jaun₂ bá₄ juá'₂
le₂ně₅.

⁸ La₁ ca₂rě₃lí'₄ bá₄ Jesús 'e₂ jág₁ dsia₂₃, jaun₂
ca₂juá'₂:

—¿'E₂ lě₃ juá'₂ 'nia'₂ tsá₃ le₁quian'₄ i₁ŋí'₄? ¡'E₂ guě₄
ca₂juig₄ 'én'₂ 'nia'₂!

⁹ ¿'E₂? ¿Tsa₁ ma₂ca₂rě₃ŋí'₂ 'nia'₂? ¿Tsa₁ ma₃dsá₂
'au'₂ 'nia'₂ lia'₂ con'₂ ca₂dsio'₄ jniá₂ 'ŋiá₂ i₁ŋí'₄ ca₂lín₅
quió'₅ 'ŋiá₂ mei₅ dsa₂, on₃ guě'₂ dsá₂ 'au'₂ 'nia'₂
je₂liá'₂ tsi₁mí'₂ 'nau₅₄ a₂ca₂cag'₅₄ táng₃ 'nia'₂?

¹⁰ ¿On₃ guě'₂ dsá₂ 'au'₂ 'nia'₂ lia'₂ con'₂ ca₂dsio'₄
jniá₂ guio₃ i₁ŋí'₄ ca₂lín₅ quió'₅ quén₂ mei₅ dsa₂,
on₃ guě'₂ dsá₂ 'au'₂ 'nia'₂ je₂liá'₂ tsi₁mí'₂ 'nau₅₄
a₂ca₂chóng₂ a₂ca₂cag'₅₄ 'nia'₂ ně₃?

¹¹ ¿'A₂ bá₄ lia'₂ ŋí₄ tsá₃ rě₂len'₅₄ 'nia'₂? On₃jua'₅₄
i₁ŋí'₄ 'ě₅ jniá₂ jme₁ně₂juá'₃ jmo₄ 'nia'₂ 'í₁ quian'₅₄
levadura quió'₅ dsa₂ fariseos quian'₅₄ dsa₂ sa-
duceos.

12 Jaun₂ guě₄ ca₂ŋí'₂ dsí₅ 'éi₂ a₂ě₅ Jesús jaun₂, on₃jua'₅₄ a₂ca₂tíin₂ jmo₃ 'í₁ jui₁lia'₂ juí₁ levadura a₂cón'₂ dsa₂ i₁ŋí'₄, a₂ca₂tíin₂ jmo₃ 'í₁ 'a₂ lia'₂ lě₅ juá'₅ a₂jme₂tag₅ dsa₂ fariseos quian'₅₄ dsa₂ saduceos bá₄.

Ca₂juá'₂ Pe₄ lia'₂ tí₅ jág₁ dsau₅ a₂lín₅ Jesús dsa₂ I₂rě₂ 'ín₁ quián₅ Diú₄

(Marcos 8:27-30; Lucas 9:18-21)

13 Jme₁ca₂dsióg₃ Jesús ma₂quián₅ juig₂ Cesarea ja₁tén₄ Filipo, jaun₂ ca₂ŋí'₃ chi'₂ dsí₂guia₃-tín₂ quián₅:

—¿'Ein₂ lín₅ Jaun₅ dsa₂ mi₂güí₃, juá'₂ dsa₂?

14 Jaun₂ ca₂ŋag₃ 'éi₂:

—I₂lín₅₄ dsa₂ juá'₂ a₂lín₅ Juan₅₄ i₂chon₅ dsa₂ jmig₂; i₂sián'₂ guě'₂ juá'₂ a₂lín₅ Elías; i₂lín₅₄ guě'₂ juá'₂ táng₃ a₂lín₅ Jeremías, o₃ jan₂ i₂sián'₂ i₂já₅ 'ě₂ jág₁ quió'₅ Diú₄.

15 Jaun₂ ca₂ŋag₃ Jesús:

—¿'Nia'₂ guě'₂ ně₃? ¿'E₂ juá'₂ 'nia'₂ 'ein₂ lín₅ jniá₂?

16 Jaun₂ ca₂ŋag₃ Si₂mu₅₄ Pe₄:

—'Ne₂ lín₅ dsa₂ I₂rě₂ 'ín₁, Ja₁ŋi'₅₄ Diú₄ jén'₃.

17 Jaun₂ ca₂ŋag₃ Jesús:

—'E₂ guě₄ dsen'₃ 'ne₂, Si₂mu₅₄, ja₁ŋi'₅₄ Jonás, ia₁ 'i₁jan₂ dsa₂ mi₂güí₃ tsá₃ ně₂jme₃nia₅ ne'₅₄ a₂ně₅, ŋŋia'₅₄ lia'₂ Ne'₃ jniá₂ i₂guá₅ i₂juí₃ bá₄.

18 Jaun₂ juá'₅ jniá₂ juí₂ 'ne₂, a₂ma₂cheng'₂ Pedro, † jaun₂ ne₄ ni₁ 'lau₂ la₂ ‡ jmóg'₄ jniá₂ guá'₅ quió₃, jaun₂ ca₂lia'₂ ŋŋia'₅₄ i₂'io₅ bí₂ 'mú₃ tsá₃ le₃qui'₅₄ jmig₄ jua'₅₄ a₂tió'₃ quiong'₅₄ quian'₅₄ mai₅₄ quió'₅.

† 16:18 griego: Petros, co₂'nió'₄ le₃jua'₅₄ ni₁cang₁. ‡ 16:18 'Nio'₂ ja₁ton₅ 1 Pedro 2:7.

19 Jaun₂ o₄gog'₂ 'ne₂ dsia₅₄ jniá₂ jág₁ dse₃ quió₃ a₂lě₅ co₂'nió'₄ ŋí₁ llave a₂niá₃ ja₁dsi₃tion'₅₄ dsa₂ ja₁gon₂ Diú₄. Ca₂le₃jě₃ 'e₂ a₂tsá₃ cué'₂ 'ne₂ jmig₄ ne₄ gua'₅₄ 'uě₃ la₂ lia'₂ con'₂ lě₅ jág₁ quió₃, ján₃ bá₄ le₂jaun₂ tsá₃ lé₂ guei'₅₄ i₂juíg₃; ján₃ bá₄ le₂jaun₂ ju₁lia'₂ a₂cué'₂ 'ne₂ jmig₄ gua'₅₄ 'uě₃ la₂ lia'₂ con'₂ lě₅ jág₁ quió₃, a₂jaun₂ bá₄ lé₂ guei'₅₄ i₂juíg₃ ján₃.

20 Jaun₂ ca₂tsí'₃ chi'₂ dsi₂guia₃-tín₂ quiáin₅ a₂tsá₃ 'ein₂ tsí'₃ 'i₁jan₂ a₂lín₅ I₂rě₂'ín₁ quián₅ Diú₄.

*Ca₂'ě₂ Jesús jág₁ a₂jóin₂
(Marcos 8:31--9:1; Lucas 9:22-27)*

21 Tě₂le₃ ne₄ juí₅ ja₁ŋó₄ jaun₂, ca₂jme₃lióg₃ Jesús ca₂'ě₂ jág₁ ca₂tsí'₃ chi'₂ dsi₂guia₃-tín₂ quiáin₅, a₂tion₅₄ dsó₃ juí₅ Jerusalén, ja₁dsi₃ŋí₂ 'lióng₂ ne₅₄ jmí₁uig₅ a₂jmóg'₂ dsa₂ can'₅₄ quián₅ guá'₅, quian'₅₄ juig₅₄ jme₂dsa₂, tě₅juá'₅ ně₃. Jaun₂ ca₂juá'₂ a₂ŋag'₃ dsa₂, la₁ a₂'ni₅ jmig₄ jaun₂, jein'₅₄ bá₄ táng₃.

22 Jaun₂ Pe₄ ně₃ ca₂jio₃ le₃cau₅, jaun₂ ca₂jme₃lióg₃ a₂tě₂néi'₂ a₂jme₁ŋéi₂ juí₅, ca₂juá'₂:

—i₁Tsá₃ o₁le₅₄ le₂ně₅, Te₁gui'₅₄! i₀líg'₂ bá₄ tsá₃ juí₁dsi₂ŋí'₂ 'ne₂ le₂ně₅!

23 La₁ Jesús ně₃, ca₂jéin'₃ le₂ca'₃, jaun₂ ca₂juá'₂ ca₂tsí'₃ Pe₄:

—i₁ŋiag'₃ cau₅ quió₃, Satanás! Ŋnia'₅₄ jni'₂ bá₄ 'ne₂ juí₅ quió₃, ia₁ tsá₃ le₂jaun₂ dsi₂jio₅ 'au'₂ juí₁lia'₂ dsi₂jio₅ dsí₅ Diú₄. Ia₁ lia'₂ dsi₂jio₅ dsí₅ dsa₂ mí₂güíg₃ bá₄ dsi₂jio₅ 'au'₂.

24 Jaun₂ ca₂juá'₂ Jesús ca₂tsí'₃ ca₂le₃jín₃ chi'₂ dsi₂guia₃-tín₂ quiáin₅:

—Chi₂jua'₂ 'ein₂ 'nio₃ 'éin₃ jniá₂, co₂dsia₅ ju_{i1}dsi'₂én₂ dsí₅ guoin₅₄, ju_{i1}jmo₁₂ co₂jñiai₅₄ a₂jóin₂, § ju_{i1}jia₂ chi₁co'₅₄ quió'₃.

²⁵ Ia₁ ju_{i1}'ein₂ guě₃ i₂tsá₃ 'nio₃ jón₂ ia₁ a₂'ín₅ dsí₅ le₃chain₂ dse₃ mi₂güí₃ la₂, dsi₂'én₂ quió'₅. La₁ ju_{i1}'ein₂ guě₃ i₂tén'₂ dsí₅ gue₃ 'mú₃ 'uig₅₄ quió'₃ jniá₂, le₃chain₂ dse₃ mi₂güí₃ caun₂.

²⁶ Ia₁, ¿'e₂ bá₄ ta₁ jmo₃ a₂lí'₂ dsa₂ 'ñio₅ lin₃ ne₄ gua'₅₄ 'uě₃ la₂, ně₁jua'₂ dsi₃'én₂ bá₄ guě'₂ jme₂dsi₂ quió'₅ mi₂güí₃ caun₂? ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tín'₄ jme₂dsi₂ quió'₅?

²⁷ Ia₁ Jaun₅ dsa₂ mi₂güí₃ jñiói'₂ quian'₅₄ ju_{i5}bí₂ jlá'₁ quió'₅ Jmei₂, quian'₅₄ ángeles quiáin₅, ja₃qui₅ 'lian'₅₄ dsa₂ 'a₂ con'₂ jñia'₅₄ niog₅ ca₂jmo₃.

²⁸ A₂dsi₂jó'₃ juá'₅ jniá₂ juí₂ 'nia'₂, chan₂ i₂lin₅₄ ju_{i1}lia'₂ i₂tion'₅₄ ja₁lá₃ tsá₃ dsián₃ ca₂lia'₂ ca₂tě₂ ne₅₄ jín₂ Jaun₅ dsa₂ mi₂güí₃ a₂jñiói'₂ lín₅ rag₅₄ a₂qui₃dsi₂₃ 'éi'₃.

17

Ca₂rě₃tsín₃ 'a₂ lia'₂ jniá₂ Jesús (Marcos 9:2-13; Lucas 9:28-36)

¹ Jñé₂ jmi₂g₄ cang₂ jaun₂, ca₂jñia₃ Jesús Pe₄, Jacobo,* quian'₅₄ Juan₅₄ rin'₅₄ Jacobo ně₃, ca₂l₃lén₂ con'₂ guoin₅₄ caun₂ má'₂ ñei₅.

² Ja₁jaun₂ ca₂rě₃tsín₃ 'a₂ lia'₂ jniá₂ Jesús tē₃ jág₅ 'éi₂. Ne₄ Jesús ca₂jñia₃ tá₂g₅ ju_{i1}lia'₂ jniá₂ 'iog₂; tsin'₅₄ guě'₂ ně₃ ca₂jñia₃ tiog₂ jau₂ ca₂lia'₂ tá₂g₅ lin₃.

§ 16:24 lit. “ju_{i1}quian₅₄ cróg₄ quió'₅.”

* 17:1 ján₃ bá₄ chein₂

Santiago.

3 Jaun₂ dsi₂jui₅ jaun₂ ca₂jnia₃ Moisés quian'₅₄ Elías, tióin₂ dsia₂₃ jág₁ quiaín'₅₄ Jesús.

4 Jaun₂ ca₂juá'₂ Pe₄ ca₂tsí'₃ Jesús:

—Te₁gui'₅₄, i'e₂ guě₄ dse₃ lia'₂ tio'₅₄ jniog₄ ja₁lá₃! Chi₂jua'₂ niog'₂, jmo₅₄ jniá₂ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guě'₂ quió'₅ Elías ně₃.

5 Tě₃jě₄ dsia₅ Pe₄ jág₁ jaun₂, ca₂lioin₂ caun₂ jnei₅ tág₅; jaun₂ jě₄ jnei₅ jaun₂ ca₂né'₂ jág₁ a₂juá'₂:

—I₂la₂ bá₄ jón₃ quiáng₃, i₂ńí₄ lě₃ 'nióg₃ guě₄ lin₃. 'E₂ bá₄ 'ńio₂ dsi₃ quiaín'₅₄. Nei₂ 'nia'₂ jág₁ quió'₅.

6 Jme₁ca₂nág₂ chi'₂ dsi₂guia₃-tín₂ jág₁ jaun₂, ca₂rě₃gó'₅ ca₂le₃jě₃ ca₂i₃gain'₅₄ 'uě₃ le₁'éin₂,

7 Jaun₂ ca₂guán'₃ táng₃ Jesús cau₅ quió'₅, ca₂jñau'₃, jaun₂ ca₂juá'₂:

—Nau₂ 'nia'₂; Tsá₃ lě₁jmo₂ 'nia'₂ gang'₃.

8 Jaun₂ jme₁ca₂jág₃ táng₃, tsá₃ ma₂'ein₂ i₂sián'₂ ca₂jín₂; jñia'₅₄ lia'₂ 'ńiog₅ bá₄ Jesús ma₂chén'₅.

9 Jme₁ja₂lein₃ sióin₅ táng₃ má'₂ jaun₂, ca₂jmo₃ Jesús 'éi'₃, ca₂juá'₂:

—Tsá₃ 'ein₂ juig'₅₄ 'nia'₂ a₂ně₂jag'₅₄ 'nia'₂ ně₅, ca₂lia'₂ ca₂tě₂ jmig₄ jě₁ma₂ca₂jen'₅₄ táng₃ Jaun₅ dsa₂ mi₂güí₃ ne₄ 'mú₃.

10 Jaun₂ ca₂ñag₃ chi'₂ dsi₂guia₃-tín₂ ca₂ńí'₃ Jesús:

—Chi₂jua'₂ le₂ně₅, ¿'E₂ lě₃ juá'₂ tě₅juá'₅, Elías bá₄ i₂jiá₃ le₂'uig₅₄?

11 Jaun₂ ca₂ñag₃ Jesús:

—Dsón'₂ Elías bá₄ jiá₃ le₂'uig₅₄, jaun₂ 'éi₂ bá₄ jme₃rě₃ ca₂le₃jě₃.

12 La₁juá'₅ jniá₂, i₂ma₂guan₅ bá₄ Elías, la₁ tsá₃ 'ein₂ ca₂rě₃cuig₅. Jaun₂ qui₂ca₂j móg'₂ dsa₂ lia'₂ lě₂ dsí₅

ca₂le₃jě₃ guě₄ 'a₂ lia' ₂ 'nio₃ jmóg'₂. Ján₃ bá₄ le₂ně₅,
Jaun₅ dsa₂ mi₂güig₃ dsi₃ñí₂ uig₅ o₄gú₃ dsa₂ 'éi₂.

13 Jaun₂ guě₄ ca₂rě₃lí' ₄ chi' ₂ dsi₂guia₃-tín₂, Juan₅₄
i₂ca₂chon₃ dsa₂ jmig₂ bá₄ 'in₅ Jesús, a₂juá' ₂ le₂jaun₂.

*Ca₂jme₃'lión₂ Jesús jan₂ chi' ₂ i₂'en₅₄ jme₂dsí₂ 'lín'₅₄
dsí₅*
(*Marcos 9:14-29; Lucas 9:37-43*)

14 Jme₁ca₂dsi₃lein₃ ja₁tion' ₅₄ dsa₂ juin₅, jaun₂
ca₂jme₃quián₃ jan₂ dsa₂ ja₁chén' ₄ Jesús, jaun₂
ca₂chi₃jnë₃ ne₅₄, jaun₂ ca₂juá' ₂:

15 —Te₁gui' ₅₄, dsia₄ ñéi₂ 'au' ₂ chi' ₂ quiáng₃, 'ñio₅
lín₃ ñág₅ uig₅ lín₅ dso₄ 'ei₂; 'lióng₂ ráun₂ ma₂ca₂táin' ₂
dsi₂si₂, dsi₂jmig₂ ně₃.

16 Ma₂i₁ñjiaí' ₅₄ jniá₂ ne₄ chi' ₂ dsi₂guia₃-tín₂
quiáng' ₂, la₁ tsá₃ ca₂tió' ₃ jme₃'lió₂.

17 Jaun₂ ca₂ñag₃ Jesús:

—i'En₁ jmá' ₃ tsá₃ 'e₂ 'én' ₂ 'nia' ₂! ¿Je₂liá' ₂ jmig₄ jmá' ₃
'nió' ₅ 'ú₄ quian' ₅₄ 'nia' ₂? ¿Je₂liá' ₂ jmig₄ jmá' ₃ 'nió' ₅
jmo₅₄ tió' ₅ dsi₃ quian' ₅₄ 'nia' ₂? I₂ñjia₅ chi' ₂ ja₁lá₃.

18 Jaun₂ ca₂jí₂ Jesús ca₂jéin₂ je₂na' ₅₄. Jaun₂
ca₂o₃'íin₃ tē₂dsí₅ chi' ₂ 'éi₂, jaun₂ guě₄ ně₃ ca₂'lóin₂
dsi₂jui₅ le₂jaun₂.

19 Jme₁co₂lág₂ jaun₂ ca₂dsia₃ chi' ₂ dsi₂guia₃-tín₂
jág₁ quian' ₅₄ Jesús jě₄ con' ₂ guioin₅₄, jaun₂ ca₂ñí' ₃
'éi₂:

—¿'E₂ 'uig₅₄ tsá₃ ca₂tián₃ jnia' ₅₄ dsén₄ i₂'lín' ₅₄?

20 Jaun₂ ca₂ñag₃ Jesús:

—Ne₄ ia₁ a₂ñí₄ lě₃ ca₂juig₄ 'én' ₂ bá₄ 'nia' ₂. A₂dsi₂jó' ₃
juá' ₅ jniá₂, jua' ₅₄ mei' ₂ guě₃ 'én' ₂ 'nia' ₂, tsá₃ a₂nag₅₄

o₁jñia'₅₄ con'₂ tí₅ ca₂míg₂ mi₂jon₂ mostaza,[†] lé₂
le₃jme₁juig'₅₄ 'nia'₂ jui₁lia'₂ má'₂ ó₃: “Jñiag'₃ ja₁ně₅,
gua₂ të₂le₃ ca₂taun₂”; má'₂ jaun₂ ně₃ jñióg'₃ ja₁'ě'₂
'nia'₂. 'I₁caun₂ tsá₃ 'e₂ cha₂ jua'₅₄ a₂tsá₃ lé₂ le₃jmó'₂
'nia'₂ jua'₅₄ mei'₂ guě₃ le₂jaun₂.[‡]

Ca₂'ě₂ táng₃ Jesús jág₁ a₂jóin₂
(*Marcos 9:30-32; Lucas 9:43-45*)

²² Të₁lia'₂ i₂nioi₅₄ co₂lě₅ le₂con₂ ja₁tén₄ 'uě₃ Galilea,
jaun₂ ca₂juá'₂ táng₃ Jesús a₂jáng'₂ dsa₂ jíin'₂ Jaun₅
dsa₂ mi₂güig'₃ o₄gú₃ dsa₂ mi₂güig'₃.

²³ Jaun₂ jñag'₃ dsa₂, la₁ a₂'ni₅ jmig₄ jaun₂, jein'₅₄
bá₄ táng₃. Ca₂tá'₂ 'lia'₂ bá₄ dsí₅ chi'₂ dsi₂guia₃-tín₂
jme₁ca₂nág₂ jág₁ jaun₂.

Ca₂quí₅ 'lia'₅₄ ja₁con₂ dsi₂tan₅₄ quián₅ guá'₅

²⁴ Jme₁ca₂dsióg₃ Jesús juig₂ Capernaum quiain'₅₄
chi'₂ dsi₂guia₃-tín₂, jaun₂ ca₂o₃lén₂ dsa₂ i₂cág'₅
jma₃tín₃ 'éi'₃ cu₄ dracma a₂'nió'₅ quió'₅ guá'₅
templo, jaun₂ dsa₂ 'éi₂ ca₂jme₃quiáin₃ con₂ Pe₄,
ca₂jag₃:

—¿Tsa₁ qui₅ të₅ quián'₂ 'nia'₂ 'lia'₅₄ quió'₅ guá'₅?

²⁵ Jaun₂ ca₂jag₃ Pe₄:

—Ján₅. Qui₅ bá₄.

Jme₁ca₂'i₃ Pe₄ dsi₂néi₂, jaun₂ 'ñiog₅ Jesús de'₂ jñiá₅
ca₂juá'₂ ca₂tsí'₃ Pe₄:

[†] **17:20** mostaza: On₃jua'₅₄ mi₁ján'₅ a₂cuí'₅ dsa₂ go₄ jniog₄; caun₂
ni₁'ma₂ dsón'₂ bá₄ jaun₂ a₂tě'₂ të₅sí₃ Brassica nigra. [‡] **17:20** A₂lin₅₄
chog₅₄ si₂ chi₁ton₅ versículo 21 bá₄ ján₃, a₂juá'₂ le₂la₂: “La₁ jui₁lia'₂
i₂'lin'₅₄ le₂ně₅, tsá₃ o₂'iin₅ ně₁jua'₂ tsá₃ chi₂lén'₂ dsa₂ Diú₄ a₂jme₂'iin₅₄.”

—¿'A₂ lia'₂ lín'₂ 'ne₂, Si₂mu₅₄? Jui₁lia'₂ jan₂ rag₅₄
dsa₂ mi₂güig₃, ¿'Ein₂ quió'₅ mi₂₃ 'lia'₅₄? ¿Quió'₅ dsa₂
go₅₄, o₃ quió'₅ jmá'₃ dsi₂nau₂ 'e₂?

²⁶ Jaun₂ ca₂ḡag₃ Pe₄:

—Quió'₅ dsi₂nau₂ bá₄.

Jaun₂ ca₂juá'₂ táng₃ Jesús ca₂tsí'₃ 'éi₂:

—Tsá₃ ca₂tín₂ dsa₂ go₅₄ qui₃ jaun₂ ně₃.

²⁷ La₁, jaun₂ tsá₃ tiin₃ 'lig'₅₄, gua₂ o₂'éi₂ mi₂cu₄
dsi₂jmig₂, O₂dsen₅₄ i₁ju₁ i₂nág'₃ le₂'uig₅₄ mi₂cu₄.
Mi₂'o₄ i₁ju₁ 'éi₂, dsiang'₂ caun₂ cu₄ 'ua'₂. A₂jaun₂
qui'₅₄ quián₂ jniog₄ le₃ó₃.

18

'Ein₂ lín₅ i₂dsen₅₄ guě₄ ja₁gon₂ Diú₄

(Marcos 9:33-37; Lucas 9:46-48)

¹ Ján₃ bá₄ jmig₄ jaun₂ táng₃ ca₂jme₃quián₃ chi'₂
dsi₂guia₃-tín₂ con₂ Jesús jaun₂ ca₂ḡag₃:

—¿'Ein₂ lín₅ i₂dsen₅₄ guě₄ guei'₅₄ i₂juig₃ ja₁gon₂
Diú₄?

² Jaun₂ ca₂tě'₃ Jesús jan₂ i₂bě'₅₄, jaun₂ ca₂chei'₃
dsi₂jo₂ ja₁tián'₄,

³ jaun₂ ca₂juá'₂:

—A₂dsi₂jó'₃ juig₂ jniá₂ 'nia'₂, ně₁juá'₂ tsá₃
ca₂jme₁tsín'₄ 'nia'₂ 'au'₂, a₂léng'₂ lia'₂ lín₅ jan₂ i₂bě'₅₄,
o₁lig'₂ jmig₄ tsá₃ lé₂ le₃dsi₁no'₃ 'nia'₂ guei'₅₄ i₂juig₃.

⁴ Jaun₂ ně₃, i₂'éi₂ bá₄ i₂lén₂ i₂dsen₅₄ guě₄ guei'₅₄
i₂juig₃ ju₁lia'₂ i₂jmo₅ me'₂ lia'₂ lín₅ chi'₂ bě'₅₄ la₂.

⁵ Con'₂ siá'₂ táng₃, ju₁lia'₂ dsa₂ i₂guen₅ jan₂ guein₂
o₄quió'₃ jniá₂ ju₁lia'₂ i₂la₂, jniá₂ bá₄ guei₂₃.

A₂go'₂ tsi₃sén'₂ dsa₂ dso₄

(Marcos 9:42-48; Lucas 17:1-2)

6 'Ju_{i1}'ein₂ guě₃ i₂jmo₅ tsi₂sén'₂ ju_{i1}lia'₂ chi'₂ bē'₅₄
i₂le₂la₂ i₂én₂ tē₂le₃ quió₃ jniá'₂, ja₂lin₃ guě₄ co₂ñei'₅₄
dse₃ tón₂ dsa₂ ne₄ jmi₁ñí'₄ rē₂quein₅ ca₂míg₂ ni₁to₂
dsi₂lag₅₄.

7 |'E₂ guě₄ juíg₂ dsa₂ mi₂güig₃ ia₁ tsá₃ caun₂ a₂ja₂lé₂
ja₁coi₂ a₂jmo₅ a₂tsi₂sén'₂! La₁ le₂jaun₂ dsón'₂
dsi₃ñí₂ bá₄, la₁ 'e₂ guě₄ juíg₂ ju_{i1}lia'₂ dsa₂ i₂ton'₂ já_{g1}
rin'₅₄ jaun₂ jén'₃ dsi₅'éi₂ a₂'no₃ dso₄.

8 "Uig₅₄ jaun₂, chi₂jua'₂ mi₂gog'₂ o₃ mi₂tag'₅₄ 'e₂,
jmo₅ a₂tang'₂ dso₄, co₂dsia₅ dse₃ 'nia₄, tiong₂ uing₂;
ia₁ ja₂lin₃ guě₄ dse₃ a₂dsiáng'₄ ja₁le₃chang'₂ co₂tan₅₄
a₂rē₂'liáng'₃, con'₂ guě₄ a₂jme₁o₁'ú'₃ a₂rē₂'ñia₅ gog'₂-
tag'₅₄ dsi₂si₂ ja₁tsá₃ ton₅ jmig₄ éi₃.

9 Nē₁jua'₂ mi₂ne'₅₄ jmo₅ a₂tang'₂ dso₄, dsi₄
ján₃, tiong₂ uing₂: ia₁ ja₂lin₃ guě₄ dse₃ a₂dsiáng'₄
ja₁le₃chang'₂ co₂tan₅₄ a₂teng'₅₄ ca₂míg₂ mi₂ne'₅₄,
lia'₂ con'₂ guě₄ a₂jme₁gog'₅₄ a₂rē₂'ñia₅ ta₁tin₃ míg₂
mi₂ne'₅₄ dsi₂si₂ guio₃-juíg₃.

*Já_{g1} a₂jang'₅ léi₄ ju_{i1}lia'₂ jan₂ já'₂ cha'₂ i₂ca₂i₃cón'₅
(Lucas 15:3-7)*

10 'Tsá₃ jmo₂ 'nia'₂ jua'₅₄ a₂tsá₃ jen'₅₄ ju_{i1}lia'₂ jan₂
chi'₂ bē'₅₄ le₂la₂. Ia₁ juíg₂ jniá'₂ 'nia'₂, ia₁ ángeles
i₂jmo₅ 'í₁ quiáin₅ co₂tan₅₄ bá₄ jíin₂ Ñe'₃ i₂guá₅ guei'₅₄
i₂juíg₃.*

12 '¿'A₂ lia'₂ lín'₂ 'nia'₂? Jua'₅₄ mei'₂ guě₃ jan₂ dsa₂
'ñio₅ caun₂ 'ñiá₂-lón₂ já'₂ cha'₂, nē₁jua'₂ ca₂i₃cón'₅
jan₂, ¿tsa₁ ja₁jaun₂ chein'₂ ne₄ dsi₂con'₂ i₂quién'₂

* **18:10** A₂lin₅₄ chog₅₄ si₂ chi₁ton₅ versículo 11 a₂juá'₂ le₂la₂: "Ta₁
jaun₂ bá₄ já₅ Jaun₅ dsa₂ mi₂güig₃, a₂ja₂'niai'₂ dsa₂ i₂ma₂i₂cón'₅."

co₂ne₂guión₂ rē₂dsí₂ guía₃-né₂ (99) con'₂ i₂te₂ 'éi₂,
jaun₂ dsó₅ táng₃ dsi₂'niai'₂ i₂tsá₃ chan₂ 'éi₂?

13 Jē₁ma₂ca₂dsáu'₂ ně₃, a₂dsi₂jó'₃ juá'₅ jniá₂, 'ŋio₅
lín₃ guě₄ 'io'₂ jmo₂₃ o₄quió'₄ i₂jan₂ 'éi₂ con'₂ guě₄
i₂quén'₂ co₂ne₂guióg₂ rē₂dsí₂ guía₃-né₂ i₂tsá₃ i₂cón'₅.

14 Le₂ně₅ bá₄ ján₃, Nēi'₅ 'nia'₂ i₂guá₅ guei'₅₄ i₂juíg₃
tsá₃ 'nio₃ jua'₅₄ dsi₃cón'₅ ca₂lia'₂ 'i₁jan₂ i₂lín₅ guein₂
bē'₅₄ jui₁lia'₂ i₂la₂.

'A₂ lia'₂ 'nió'₅ 'én₂ dsa₂ dsáu₁ riin'₅₄
(Lucas 17:3)

15 'Chi₂jua'₂ 'e₂ caun₂ a₂ca₂j móg'₂ jan₂ ríng'₂, dsia₄
de'₂ 'nia'₂ jág₁ ja₁con'₂ guiong'₅₄, ja₁jaun₂ jme₁jniag'₂
ne₅₄ 'e₂ a₂ca₂j móg'₂. Nē₁jua'₂ ca₂tón'₃ jui₅ jág₁
quiáng'₂, ja₁jaun₂ ca₂dsan₃ bá₄ mi'₅₄, ca₂lě₃ bá₄ táng₃
ríng'₂ quiaín'₅₄.

16 La₁ ně₁jua'₂ tsá₃ ca₂tón'₃ jui₅ jág₁ quiáng'₂ ně₃,
te'₂ on₃-ún₂ dsa₂ sián'₂ ia₁jaun₂ "ca₂le₃jě₃ 'e₂ niog₅
lé₂ jióg'₂ 'í₁ quian'₅₄ on₃-ún₂ dsa₂ i₂jáng'₃ jág₁ dsau₅,
ně₁jua'₂ tí₅ jág₁ jaun₂."†

17 Nē₁jua'₂ tsá₃ ca₂tón'₃ jui₅ jág₁ quió'₅ dsa₂ 'éi₂,
chei'₅₄ guá'₅; ně₁jua'₂ tsá₃ ca₂tón'₃ jui₅ on₃ guě'₂ jág₁
quió'₅ guá'₅ ně₃, tē₂le₃ ja₁ŋó₄ jaun₂, jmo₄ 'au'₂ jīn'₅₄
lia'₂ ja₁jíng'₄ jan₂ dsi₂nau₂, o₃ jui₁lia'₂ jan₂ i₂cág'₅ cu₄
a₂ca₂tín₂ dsi₂tan₅₄ 'e₂.

18 'A₂dsi₂jó'₃ juíg₂ jniá₂ 'nia'₂, ca₂le₃jě₃ 'e₂ a₂tsá₃
cuě'₂ 'nia'₂ jmíg₄ ne₄ gua'₅₄ 'uě₃ la₂, lia'₂ con'₂ lě₅ jág₁
quió₃, ján₃ bá₄ tsá₃ lé₂ guei'₅₄ i₂juíg₃; ján₃ bá₄ le₂jaun₂
jui₁lia'₂ a₂cuě'₂ 'nia'₂ jmíg₄ ne₄ gua'₅₄ 'uě₃ la₂, lia'₂
con'₂ lě₅ jág₁ quió₃, a₂jaun₂ bá₄ lé₂ guei'₅₄ i₂juíg₃.

† 18:16 Deuteronomio 19:15.

19 'Ján₃ bá₄ juá'₅ jniá'₂, ně₁jua'₂ on'₃ 'nia'₂ jmo'₂ caun₂ jág₁ ne₄ gua'₅₄ 'uě₃ la₂, a₂mí'₁ 'nia'₂ 'e₂ a₂'niog'₂ mí'₁, cuě₃ bá₄ Ńe'₃ jniá'₂ i₂guá'₅ guei'₅₄ i₂juíg₃.

20 Ia₁ jě₁le₁ŋi'₂ on₃-ún₂ o₄quió'₃ jniá'₂, jě₄ jaun₂ bá₄ 'eng₅₄.

21 Jaun₂ Pe₄ ně₃ ca₂ŋag₃:

—Te₁gui'₅₄, ĩcon'₂ je₂liá'₂ ráun₂ 'nió'₅ 'én₄ jniá'₂ dsáu₁ ríng'₃ ně₁jua'₂ 'e₂ caun₂ a₂ca₂jmo'g'₂? ĩ'A₂ lia'₂? ĩGuió₃ ráun₂?

22 Jaun₂ ca₂ŋag₃ Jesús:

—Ma₁ tsá₃ juá'₅ jniá'₂ jŋia'₅₄ guio₃ ráun₂. Ta₁'nag'₂ co₂ne₂guió'g₂ rě₂dsí'₂ guia₃ ráun₂ a₂jma₃guio₃ (70 X 7 = 490)‡ bá₄ juá'₅ jniá'₂.

Jág₁ a₂jáng'₅ léi₄ ju₁lia'₂ jan₂ dsa₂ i₂tsá₃ ca₂'én₂ dsáu₁ rin'₅₄

23 'Uig₅₄ jaun₂, lě₅ guei'₅₄ i₂juíg₃ ju₁lia'₂ lín₅ jan₂ rag₅₄ i₂ca₂mág₃ cuentas quió'₅ ca₂le₃jín₃ dsa₂ i₂jme₂tí₃ ta₁ ne₅₄.

24 Jaun₂ jme₁ma₂jme₂lió'g₃ chein'₂ cuentas, jme₁ca₂dsi₃lén₂ dsa₂ le₁jŋiai₂₃ jan₂ dsa₂ i₂rin₅ guia₃ mei₅ talentos.

25 La₁, ia₁ tsá₃ 'e₂ cha₂ quian'₅₄ a₂quí₃, jaun₂ ca₂jmo₃ rag₅₄ 'éi'₃ a₂dsi₃'ni₄ dsa₂ 'éi₂ lia'₂ jma₃quian'₅₄ 'io₅₄ quiáin₅, chi'₂ quiáin₅ ně₃, ca₂le₃jě₃ 'e₂ a₂jme₁cha₂ quió'₅ ně₃, ia₁jaun₂ le₂jaun₂ jme₁dsian₅ a₂rin₂.

26 La₁ dsa₂ 'éi₂ ně₃, ca₂já₃ ca₂chi₃jné₃ ne₄ rag₅₄ juig₅₄, jaun₂ ca₂mi₃ tion₅₄ ca₂juá'₂: “Gui'₅₄ quiáng₃, jmo₄ juin'₂ 'au'₂ quian'₅₄ jniá'₂, a₂quí₄ bá₄ jniá'₂ quiáng'₂, ca₂le₃jě₃.”

‡ 18:22 o₃, “ta₁'nag'₂ co₂ne₂guió'g₂ rě₂dsí'₂ guia₃-guio₃ (77) ráun₂”.

27 Jaun₂ juig₅₄ ně₃ ca₂dsia₃ bá₄ ηéi₂ dsí₅ ja₁coin₂,
jaun₂ ca₂'éin₂ bá₄ ca₂le₃jě₃ a₂jme₁riin₂, jaun₂ ca₂lió₂
bá₄.

28 'La₁ dsi₂jui₅ jme₁o₂'iin₃ jaun₂ ně₃, ca₂jein'₂ jan₂
dsa₂ i₂jme₂ti₃ riin'₅₄ i₂riin₂ caun₂ 'ηiá₂-láu₂ cu₄ denar-
ios quió'₅. Jaun₂ ca₂tíin₂ dsi₂lag₄ riin'₅₄, ca₂güi'₃ tiá₂,
ca₂juá'₂: “¡Qui₄ a₂ring'₂ quió'₃!”

29 Jaun₂ riin'₅₄ 'éi₂ ně₃ ca₂chi₃jné₃ ne₅₄, jaun₂
ca₂mi₃ tion₅₄ ca₂juá'₂: “Jmo₄ juin'₂ 'au'₂ quian'₅₄
jniá₂, a₂quí₄ bá₄ jniá₂ quiáng'₂, ca₂le₃jě₃.”

30 La₁ i₂jan₂ ně₃ tsá₃ ca₂gue₃, jaun₂ jui₅ 'né₅ 'má₃
bá₄ ca₂i₁tio'₂. Ca₂lia'₂ jaun₂ ca₂'mag'₂ dsí₅ ca₂lia'₂
ca₂quí₃ riin'₅₄ ca₂le₃jě₃.

31 Jaun₂ jme₁ca₂jág₃ riin'₅₄ i₂jme₂ti₃ ta₁ sián'₂,
ca₂tá'₂ 'lia'₂ dsí₅, jaun₂ ca₂i₁con₂ jág₁ ne₄ juig₅₄
ca₂i₁jua'₄ ca₂le₃jě₃ a₂ca₂lě₃ jaun₂.

32 Jaun₂ ca₂jmo₃ juig₅₄ 'éi'₃ ca₂i₁quiong₅₄ táng₃
dsa₂, jaun₂ ca₂tě₃ juig₅₄ dsi₂néi₂ quió'₅, jaun₂
ca₂juá'₂: “‘Ne₂ i₂jme₂ti₃ ta₁ ne₃, i'e₂ guě₄ 'ηio₅
'lin'₅₄ 'ne₂ ca₂'uǐng'₂! Jua'₂ ně₂'én₃ bá₄ jniá₂ ca₂le₃jě₃
a₂jme₁ring'₂ quió'₃, ia₁ ně₂mi'₅₄ tion₅₄-jan₃.”

33 ¿Tsa₁ dse₃ jua'₅₄ le₂jaun₂ bá₄ ně₂dsia'₅₄ ηéi₂ 'au'₂
ring'₂, ju₁lia'₂ ně₂dsia₃ jniá₂ ηéi₂ dsi₃ 'ηiag'₂?”

34 Tě₃ ma₂'ne₂ jaun₂ juig₅₄, ca₂jíin'₂ dsa₂ 'éi₂ o₄gú₃
dsa₂ i₂nio₅ ne₄ 'né₅ 'má₃, ca₂jmo₃ ca₂lia'₂ ca₂quí₃ jě₂
a₂jme₁riin₂.

35 Jaun₂ ca₂juá'₂ Jesús guě₄ ně₃:

—Ján₃ bá₄ le₂ně₅ jmo₃ Ne'₃ jniá₂ i₂guá₅ guei'₅₄
i₂juig₃ quian'₅₄ 'nia'₂ le₂jang'₂ le₂jang'₂ ně₁jua'₂ tsá₃
ca₂'én'₃ 'nia'₂ ca₂le₃jě₃ 'au'₂ dsáu₁ ring'₂.

19

Jme₂tag₅ Jesús ju₁lia'₂ 'a₂ lia'₂ lě₅ a₂tén₂ dsa₂ dsi₂i₂gu₂

(Marcos 10:1-12; Lucas 16:18)

¹ Jme₁ca₂dsan₃ juá'₂ Jesús jág₁ ně₅, jaun₂ ca₂o₃'íin₃ 'uě₃ Galilea, jaun₂ ca₂dsióg₃ tě₂le₃ quióng₄ Cuá₃ Jordán.

² Juin₅ lin₃ dsa₂ ca₂jme₃quiong'₅₄, jaun₂ ca₂jme₃lióin₂ dsa₂ i₂qui₂le₁dso'₅₄.

³ Jaun₂ ně₃, i₂lin₅₄ dsa₂ fariseos ca₂jme₃quiáin₃ con₂ Jesús a₂jñia'₅₄ con'₂ cáun₂ táu₂. Jaun₂ ca₂ñag₃:

—č'I₄ 'éi'₃ a₂tén₂ dsa₂ dsi₂i₂gu₂ ne₄ 'uig₅₄ ně₁'e₂ caun₂ a₂lě₃?

⁴ Jaun₂ ca₂ñag₃ Jesús:

—čTsa₁ ma₂ca₂'í'₂ 'nia'₂ ne₄ Si₂, ja₁juá'₂ i₂ca₂jmo'₂ dsa₂ mi₂güig₃ le₂ne₁: “Ca₂jmoí'₂ dsa₂ ñe'₂ dsa₂ mí₂ ně₃”?*

⁵ Ca₂juá'₂ ně₃: “Uig₅₄ jaun₂ ca₂tín₂ dsa₂ ñe'₂ téin₂ chog₅₄-jmei₂ jaun₂ con'₂ tiain'₃ quiain'₅₄ dsi₂i₂gu₂, jaun₂ jě₁le₃oin₃ lén₂ caun₂ bá₄ ni₁ñí₅.”†

⁶ Jaun₂ dsióg₄ lén₂ jan₂ bá₄, tsá₃ ma₃lě₂ oin₃. Jaun₂ tsá₃ 'i₄ 'éi'₃ jua'₅₄ jmo₃ dsa₂ mi₂güig₃ jma₃quén₅ a₂ma₂ca₂dsia₃ Diú₄ rě₂.

⁷ Jaun₂ ca₂ñag₃ táng₃ dsa₂ fariseos:

—č'E₂ guě'₂ lě₃ ně₃ ca₂jmo₃ Moisés 'éi'₃ a₂lé₂ le₃jmo₃ dsa₂ ñe'₂ caun₂ si₂ tě₃ron₅₄ cuě'₃ 'io₅₄ ja₁juá'₂ a₂tén₂ riin'₅₄, jaun₂ guě₄ ma₂lé₂ dsei₁₂₃?

⁸ Jaun₂ ca₂juá'₂ Jesús:

* **19:4** Génesis 1:27; 5:2. † **19:5** Génesis 2:24.

—'Uig⁵⁴ ia₁ a₂ŋí⁴ tsá₃ nág'₁ 'nia'₂ guiong'⁵⁴ bá₄ jaun₂ ca₂cuë₃ 'éi₂ jmig₄ a₂tén₂ dsa₂ dsi₂i₂gu₂; la₁ lia'₂ con'₂ le₂'uig⁵⁴ tsá₃ le₂në₅ jme₁lë₄.

⁹ La₁ jniá₂ juá'₅, jui'₁ein₂ guë₃ i₂lë₁tén₂ dsi₂i₂gu₂, on₃jua'⁵⁴ a₂cha₂ lë₃, në₁jua'₂ on₃ guë'₂ jua'⁵⁴ ia₁ a₂nió'₅ jág₁ quian'⁵⁴ i₂sián'₂; në₁jua'₂ jë₁ma₂ca₂lë₃ jaun₂, cáin₂ táng₃ 'io⁵⁴ sián'₂, 'no₂₃ dso₄ ne₄ Diú₄; ján₃ bá₄ le₂në₅ quian'⁵⁴ dsa₂ ŋe'₂ i₂jén'₂ gu₂ quian'⁵⁴ jan₂ 'io⁵⁴ i₂ma₂téi₂ dsa₂ ně₃, ján₃ bá₄ le₂jaun₂ 'no₂₃ dso₄ ne₄ Diú₄.

¹⁰ Jaun₂ lë₃, ca₂juá'₂ chi'₂ dsi₂guia₃-tín₂ quiáin₅:

—Në₁jua'₂ le₂në₅ cha₂ o₂me'⁵⁴ dsi₅ quió'₅ dsa₂ ŋe'₂ dsa₂ mí₂, ¿tsa₁ dse₃ jua'⁵⁴ a₂tsá₃ jéin'₂ co₂ŋei'⁵⁴ gu₂?

¹¹ Jaun₂ ca₂juá'₂ táng₃ Jesús:

—Tsá₃ ca₂le₃jín₃ lé₂ le₃ŋí'₂ dsi₅ jua'⁵⁴ lé₂ le₃jmo₃ le₂në₅; jŋia'⁵⁴ lia'₂ i₂ma₂cuë₃ Diú₄ bí₂ a₂le₃ŋí'₂.

¹² 'Lióng₂ bá₄ 'uig⁵⁴ cha₂ a₂tsá₃ le₃jén'₂ dsa₂ ŋe'₂ i₂lín⁵⁴ gu₂; ia₁ i₂lín⁵⁴ le₂jaun₂ ma₂lín⁵ lia'₂ con'₂ jme₁ca₂rë₃cháin₃ a₂tsá₃ lé₂ le₃jéin'₂ gu₂; i₂lín⁵⁴ guë'₂ ně₃, ia₁ a₂ma₂ca₂jmo₃g'₂ dsa₂ mi₂güig₃ riin'⁵⁴ té'₃; i₂lín⁵⁴ guë'₂ ně₃, ia₁ a₂co₂ŋei'⁵⁴ ma₂quí'₃ dsi₅ a₂tsá₃ jéin'₂ gu₂ ne₄ o₄quió'₄ ja₁gon₂ Diú₄. Jui₁lia'₂ i₂tió'₅ jme₃ti₃ jág₁ la₂, jui₁jmo₁₂.

*Ca₂jme₃gon'⁵⁴ Jesús chi'₂-guein₂
(Marcos 10:13-16; Lucas 18:15-17)*

¹³ Jaun₂ ca₂o₃jŋia₃ i₂lín⁵⁴ dsa₂ ca₂o₃jŋiai₃ guein₂ quiáin₅ ne₄ Jesús ia₁jaun₂ qui₃níi'₂ gu₂, tsí'₃ Diú₄ o₄quió'₄ ně₃. La₁ chi'₂ dsi₂guia₃-tín₂ ně₃ ca₂jéin₂ dsa₂.

¹⁴ La₁ Jesús ně₃, ca₂juá'₂:

—Cuë₄ 'nia'₂ jmig₄ jui₁ja₂lén₂ chi'₂-guein₂ cong₂;
tsá₃ lë₁jmo₂ 'nia'₂ le₂në₅ jua'₅₄ jnig'₅₄, ia₁ jui₁lia'₂
i₂le₂në₅ bá₄ guë'₂ i₂ca₂tín₂ ja₁gon₂ Diú₄.

¹⁵ Jme₁ca₂lë₃ chi₂lái_n'₂ le₂jan₂ le₂jan₂ guein₂
a₂jme₂gu'₅₄, ca₂ñái'₃ bá₄ jaun₂.

*Jan₂ dsó₂ chi'₂ cha₂ cu, ca₂dsia₃ jág₁ quiain'₅₄ Jesús
(Marcos 10:17-31; Lucas 18:18-30)*

¹⁶ Jan₂ dsó₂ chi'₂ ca₂jme₃quián₃ con₂ Jesús, jaun₂
ca₂ñag₃:

—Të₅ dsen₃, ¿'e₂ jmo₅₄ jniá₂‡ ia₁jaun₂ léi₂
ja₁le₃chang₂ co₂tan₅₄?

¹⁷ Jaun₂ ca₂juá'₂ Jesús:

—¿'E₂ lë₃ té'₅ jniá₂ dsen₃?§ Jñia'₅₄ lia'₂ jan₂ bá₄
i₂chan₂ i₂lín₅ i₂dsen₃, i₂'éi₂ lín₅ Diú₄. La₁ në₁jua'₂
'niog'₂ 'ú'₄ ja₁le₃chang'₂ co₂tan₅₄, jme₁ti₁ 'éi'₃ quió'₅
Diú₄.

¹⁸ Jaun₂ ca₂ñag₃ táng₃ dsó₂ 'éi₂:

—¿'E₂ 'éi'₃?

Jaun₂ ca₂ñag₃ táng₃ Jesús:

—Tsá₃ jñig'₄ dsa₂ mi₂güig₃ ríng'₂; tsá₃ nióg'₄ jág₁
quian'₅₄ dsa₂ i₂tsá₃ lín₅ dsi₂i₂gog'₂; tsá₃ 'áng'₁ a₂cha₂
quió'₅ ríng'₂; tsá₃ jmó'₂ jua'₅₄ jang'₅₄ jág₁ të₂jág₁
a₂jmag'₅₄ ríng'₂;

¹⁹ a₂jme₁gang'₃ chog'₂-ñéi'₅;* a₂jme₁'nióg'₄ dsa₂
mi₂güig₃ ríng'₂ jui₁lia'₂ 'nióg'₃ 'ñiag'₂ në₃.†

²⁰ Jaun₂ ca₂ñag₃ táng₃ dsó₂ 'éi₂ ca₂tsí'₃ Jesús:

—Ca₂le₃jë₃ a₂në₅ ma₂guio₃ jme₂tí₂. ¿'E₂ guë'₄ a₂siá'₂
'nió'₅ jmo₅₄?

‡ 19:16 o₃, “Të₅, ¿'e₂ a₂dse₃ a₂jmo₅₄ jniá₂...” § 19:17 o₃, “¿'E₂ lë₃
ñag'₅₄ jniá₂ jui₁lia'₂ a₂dse₃?” * 19:19 Éxodo 20:12-16; Deuteronomio
5:16-20. † 19:19 Levítico 19:18.

21 Jaun₂ ca₂ŋag₃ táng₃ Jesús:

—Në₁jua'₂ 'niog'₂ léng'₂ jan₂ dsa₂ i₂rë'₂ŋia₅ të₂le₃ quió'₅ jme₂dsí₂, guan'₂ o₂'nag₄ ca₂le₃jě₃ a₂cha₂ quiáng'₂, jaun₂ o₂dsio'₅₄ ja₁con₂ dsa₂ te₂ŋé₂, jaun₂ le₂ně₅ le₃cha₂ a₂jlá'₁ quiáng'₂ guei'₅₄ i₂juíg₃; jaun₂ guě₄ ŋe'₅₄ quian'₅₄ jniá₂.

22 La₁ jme₁ca₂nág₂ dsó₂ jág₁ ně₅, ca₂ŋái'₃ 'lia'₂ dsí₅, ia₁ 'ŋio₅ lín₃ jme₁cha₂ cu₄.

23 Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—A₂dsi₂jó'₃ juíg₂ jniá₂ 'nia'₂, 'e₂ guě₄ quian₅ ta₁ quió'₅ jan₂ dsa₂ cha₂ cu₄ a₂'í₂ guei'₅₄ i₂juíg₃ ja₁gon₂ Diú₄.

24 Juá'₅ jniá₂, tsá₃ guě₄ 'e₂ ta₁ quian₅ a₂lé₂ le₃ŋí₃ jan₂ já'₂ camello jui₅ tau₂ mi₂cu₄, lia'₂ con'₂ guě₄ jan₂ dsa₂ cha₂ cu₄ a₂'í₂ ja₁gon₂ Diú₄.

25 Jme₁ca₂nág₂ chi'₂ dsi₂guia₃-tín₂ quiáin₅ jág₁ ně₅, 'ŋio₅ lín₃ ca₂i₃gó'₃ dsí₅, jaun₂ qui₂ca₂ŋí'₃ ríin'₅₄ con'₂ guioin₅₄:

—ǀI₂'ein₂ bá₄ guě'₂ jaun₂ ně₃ i₂lé₂ le₃tín'₄?

26 Jaun₂ ca₂jág₃ Jesús ca₂jíin₂ 'éi₂, jaun₂ ca₂juá'₂:

—Dsón'₂ bá₄ jaun₂, të₂le₃ quió'₅ dsa₂ mi₂güíg₃ o₁líg'₂ tsá₃ lé₂ le₃lé₂. La₁ të₂le₃ quió'₅ Diú₄, ca₂le₃jě₃ bá₄ lé₂ le₃lé₂.

27 Jaun₂ ca₂juá'₂ Pe₄ ně₃:

—Te₁gui'₅₄, ca₂le₃jě₃ 'e₂ a₂jme₁cha₂ quián₂ jnia'₅₄ ma₂ca₂tén'₃ dsí₅ jnia'₅₄ ma₂qui₂ca₂tí₄ ia₁ a₂'én₅ jnia'₅₄ 'ne₂. ǀ'E₂ a₂tag₃ jnia'₅₄ ně₃?

28 Jaun₂ ca₂ŋag₃ Jesús ca₂juá'₂:

—A₂dsi₂jó'₃ juá'₅ jniá₂ juíg₂ 'nia'₂, jě₁ma₂ca₂tě₂ jmíg₄ i₁le₃'mag'₂ ca₂le₃jě₃ 'a₂ lia'₂ niog₅ lě₅ mi₂güíg₃,

jë₁ma₂ca₂të₂ rë₁guá₃ Jaun₅ dsa₂ mi₂güig₃ ne₄ta₁ jlá'₁
 quió'₅, jaun₂ 'nia'₂ ně₃ i₂ma₂ja₂nóg'₅ quiong'₅₄ jniá'₂,
 nio₃ gog'₂ 'nia'₂ jma₃caun₃ ta₁ a₂tiáng'₄ jmó'₂ gong'₂
 qui₁dsí'₂ 'éi'₃ ta₁guia₃-tín₂ nió'₃ dsa₂ juig₂ tsi₁jon₂
 Israel.

²⁹ Ján₃ bá₄ le₂jaun₂ ján₃, ca₂le₃jín₃ i₂ma₂ca₂tén'₃
 dsí₅ dsi₂néi₂ quió'₅, i₂ma₂ca₂tén'₃ dsí₅ chi'₂ rin'₅₄, o₃
 chog₅₄-jmei₂, o₃ dsa₂ m'í₂ quiáin₅, o₃ chi'₂ quiáin₅,
 i₂ca₂tén'₃ dsí₅ ca₂tí₂ ja₁nau₂ quió'₅ ně₃, 'uig₅₄ quió'₃
 jniá'₂, ia₁ gue₃ caun₂ 'ñiá₂-láu₂ ñag₅₄ guě₄ lia'₂ con'₂
 guě₄ a₂ma₂ca₂tí₂, ton'₂ gue₃ ján₃ a₂le₃chain₂ co₂tan₅₄.

³⁰ La₁ rë₂ně₃ juin₅ lín₃ i₂lín₅ i₂quen₅, la₁ jmi₂g₄
 jaun₂ léin₂ dsa₂ të₂le₃ jë₁ca₂tó'₂; le₂jaun₂ bá₄ ján₃
 ju₁lia'₂ i₂tsá₃ 'e₂ quen₅ rë₂ně₃ lia'₂ con'₂ niog₅ lín₂
 dsa₂ mi₂güig₃, léin₂ i₂le₂'uig₅₄.

20

Jág₁ jáng'₅ léi₄ ju₁lia'₂ dsa₂ i₂jmo₅ ta₁ caun₂ ja₁nau₂

¹ 'Lě₅ guei'₅₄ i₂juig₃ ja₁gon₂ Diú₄ ju₁lia'₂ jan₂ dsa₂
 juig₅₄ ja₁nau₂ i₂o₂'in₅ të₃ o₃'iog₂, ca₂i₁tioin₁₂ dsa₂
 i₂jmo₃ ta₁ ja₁nau₂ quió'₅ ja₁jnia₄ cho'₅₄ uing₂ uvas.

² Ca₂lí'₃ bá₄ jág₁ quian'₅₄ dsa₂ i₂jmo₃ ta₁ a₂'liain'₅₄
 jma₃ca₂'éi'₃ cu₄ denario lia'₂ co₂jmi₂g₄, jaun₂
 ca₂chein₃ dsa₂ 'éi₂ ju₁ ja₁nau₂ quió'₅.

³ Jme₁co₂lág₂ jaun₂ o₂'íin₃ táng₃ con'₂ hora ñí₁ ñi₃
 të₂le₃ o₃'iog₂, * jaun₂ ca₂jín₂ dsa₂ sián'₂ i₂tión₂ jin₅₄ jë₄
 'ma'₅₄.

⁴ Jaun₂ ca₂tsí'₃ dsa₂ 'éi₂: “O₂nó'₅ 'nia'₂ ján₃ o₂jmo₄
 ta₁ ja₁nau₂ quió'₃, qui₄ bá₄ jniá'₂ 'liang'₅₄ 'nia'₂ con'₂
 dsi₂ten₅₄.” Jaun₂ i₃lén₂ bá₄ dsa₂ 'éi₂.

* 20:3 lit. “hora 'ni₅.”

5 Jaun₂ o₂ íin₃ táng₃ con'₂ dsi₂ní'₃,† con'₂ siá'₂ hora ní'₁ ní₅ të₂le₃ ca₂láu₂ ně₃;‡ le₂jaun₂ bá₄ ca₂jmo₃ ján₃.

6 Con'₂ siá'₂ o₂ íin₃ bá₄ guě₄ con'₂ hora ní'₁ 'ñiá₂ të₂le₃ ca₂láu₂,§ ñó₃ jui₅ jě₄ 'ma'₅₄, jaun₂ ca₂dsáin'₂ táng₃ dsa₂ i₂jín₅₄ tíón₂. Jaun₂ ca₂tsí'₃ 'éi₂: “¿'E₂ lě₃ tíón'₂ 'nia'₂ ja₁lá₃ ta₁ne₁jmi₄ tsá₃ 'e₂ ta₁ jmo'₂?”

7 Jaun₂ ca₂ñag₃ dsa₂ 'éi₂ ca₂juá'₂: “Ia₁ 'i₁jan₂ tsá₃ 'ein₂ tio₅.” Jaun₂ ca₂ñag₃ dsa₂ juig₅₄ ja₁nau₂ ca₂juá'₂: “O₂no'₅ 'nia'₂ ján₃, o₂jmo₄ ta₁ ja₁nau₂ quió₃; qui₄ bá jniá'₂ 'lian'₅₄ 'nia'₂ con'₂ dsi₂ten₅₄.”

8 'Jme₁ca₂nei₂ jmi₄ jaun₂, ca₂juá'₂ juig₅₄ ja₁nau₂ ca₂tsí'₃ dsa₂ i₂niog₅ ne₄ i₂te₂né'₂ dsa₂ ta₁: “Te'₂ dsa₂ i₂ma₂ně₂jmo₃ ta₁, jaun₂ qui'₅₄ 'liain'₅₄. Jme₁lióg₄ de'₂ jniá'₅ quian'₅₄ dsa₂ i₂ně₂tíón'₂ jě₁ca₂tó'₂, jaun₂ dsian₅ quian'₅₄ i₂ně₂tíón'₂ le₂'uig₅₄.”

9 Jaun₂ dsi₂lén₂ dsa₂ i₂ca₂tón'₂ ca₂jmo₃ ta₁ hora ní'₁ 'ñiá₂ të₂le₃ ca₂láu₂, jaun₂ le₂jain₂ le₂jain₂ ca₂gue₃ 'liain'₅₄ jma₃ca₂'éi'₃ cu₄ denario.

10 Jme₁co₂lág₂ jaun₂, ca₂tín₂ dsa₂ i₂ca₂i₃ton'₅₄ le₂'uig₅₄, i₃jio₅ dsí₅ a₂jme₁gue₃ guě₄ ñag₅₄ 'liain'₅₄; la₁ co₂rě₂ bá₄ 'liain'₅₄ ca₂gue₃ jma₃ca₂'éi'₃ cu₄ denario le₂jain₂ le₂jain₂.

11 La₁ jme₁ma₂ně₂gue₃ 'liain'₅₄, i₃lén₂ i₃chog'₄ dso₄ ne₄ juig₅₄,

12 jaun₂ ca₂juá'₂: “Dsa₂ i₂o₃lén₂ jě₁ca₂tó'₂, caun₂ hora bá₄ ně₂tíón'₂ ně₂jmo₃ ta₁; co₂jaun₂ bá₄ 'liain'₅₄ ně₂gue₃ ján₃ con'₂ 'liog'₅₄ jnia'₅₄ i₂ně₂tíó'₄ ně₂jmo₁ ta₁ ta₁ne₁jmi₄ ně₂ñag₅₄ 'iog₂ dséi₂ 'ño₅ lin₃.”

13 La₁ ca₂ñag₃ juig₅₄ ca₂tsí'₃ jan₂: “A₂mei₅₄ quiáng₃,

† 20:5 lit. “hora jñéi₂.” ‡ 20:5 lit. “hora ñi₅.” § 20:6 lit. “hora guia₃-cáun₃.”

tsá₃ 'e₂ jua'₅₄ a₂tsá₃ dsi₁ten'₅₄ jmo₅ jniá'₂ ja₁cong'₂.
 ¿Tsa₁ ca₂lě₃ jág₁ a₂'liang'₅₄ ca₂'éi'₃ cu₄ denario guè'₂?

14 Jui₁le₂'ŋio₂ 'au'₂ con'₂ ma₂'liang'₅₄ nē₅, guan'₂
 quiáng'₂. Nē₁jua'₂ jniá'₂ le₂nē₅ ca₂lě₃ dsi₃ quiá'₄ 'lian'₅₄
 dsa₂ i₂nē₂tong₅₄ jē₁ca₂tó'₂ con'₂ 'lian'₅₄ 'ne₂,

15 ¿O₃ tsa₁ ca₂tín₂ jniá'₂ jmo₅₄ quian'₅₄ cu₄ quió'₃ 'a₂
 lia'₂ ŋjia'₅₄ 'nio₃ jmo₅₄? ¿O₃ ja₂ uig₅ 'au'₂ 'e₂, ia₁ a₂'ua₁
 dsi₃?"

16 'Jaun₂ nē₃ jui₁lia'₂ dsa₂ i₂lín₅ tē₂le₃ jē₁ca₂tó'₂
 rē₂nē₃, léin₂ i₂le₂'uig₅₄ jmig₄ jaun₂; le₂nē₅ bá₄ ján₃,
 jui₁lia'₂ i₂lín₅ i₂le₂'uig₅₄ rē₂nē₃, léin₂ dsa₂ tē₂le₃
 jē₁ca₂tó'₂.

Con'₂ siá'₂ táng₃ ca₂'ě₂ Jesús jág₁ a₂jóin₂
(Marcos 10:32-34; Lucas 18:31-34)

17 Jme₁ma₂'en₅₄ Jesús jui₅ uig₂ tso₄ a₂dsióg₄
 Jerusalén, jaun₂ ca₂tě'₃ cau₅ chi'₂ dsi₂guia₃-tín₂
 quiáin₅, jaun₂ ca₂juá'₂:

18 —Jui₁lia'₂ jág'₂ 'nia'₂, tio'₅₄ jniog₄ jui₅ tso₄ la₂
 a₂dsi₁náu₅ Jerusalén. Ja₁jaun₂ jáng'₂ dsa₂ jíin'₂ Jaun₅
 dsa₂ mi₂güig₃ o₄gú₃ jui₅g₅₄ jme₂dsa₂, ne₄ tē₅juá'₅ nē₃;
 'éi₂ gué₄ nē₃ cuē₃ 'éi'₃ a₂ŋag'₃ dsa₂.

19 Jáng'₂ dsa₂ nē₃ o₄gú₃ dsi₂nau₂ ia₁jaun₂ jmóg'₂
 burlas, qui₃bóg₂ dsa₂, jaun₂ gué₄ tioen₃ cróg₄ ŋag'₃;
 la₁ a₂'ni₅ jmig₄ jaun₂, jein'₅₄ le₃chain₂ bá₄ táng₃.

Jui₁lia'₂ a₂ca₂mi₃ chog₅₄ Jacobo quian'₅₄ Juan₅₄
(Marcos 10:35-45)

20 Jaun₂ ca₂jme₃quián₃ chog₅₄ Jacobo quian'₅₄
 Juan₅₄, ja₁ŋi'₅₄ Zebedeo, ja₁'en₅₄ Jesús. Jaun₂
 ca₂chi₃jnë₃ ca₂mi₃ a₂jmo₃ 'éi₂ dse₃ dsí₅.

21 Jaun₂ ca₂ŋag₃ Jesús:
 —¿'E₂ 'niog'₂ 'ne₂?

Jaun₂ ca₂ŋag₃ chog₅₄ chi'₂ 'éi₂:

—¿Tsa₁ cué'₁ jmíg₄ a₂tian'₃ jma₃jan₂ chi'₂ quiáng₃ cong'₂, jë₁ma₂tě₂ rë₁ne'₅₄ gong'₂ ne₄ta₁ quiáng'₂, jan₂ tē₂le₃ gog'₂ ne₁, jan₂ guë'₂ tē₂le₃ gog'₂ jen₅?

²² La₁ Jesús ně₃ ca₂ŋag₃:

—Tsá₃ ŋi'₅₄ 'nia'₂ 'e₂ a₂mi'₂. ¿Tian'₃ 'nia'₂ dsi₃ŋíg'₂ ca₂le₃jě₃ ju₁lia'₂ a₂dsi₃ŋí₂ jniá₂ guë'₂?*

Jaun₂ ca₂ŋag₃ 'éi₂:

—Tián₂ bá₄ jnia'₅₄.

²³ Jaun₂ ca₂juá'₂ táng₃ Jesús:

—Dsón'₂ bá₄ jaun₂ dsi₃ŋí'₂ 'nia'₂ ju₁lia'₂ 'a₂ lia'₂ niog₅ dsi₃ŋí₂ jniá₂,† la₁ ju₁lia'₂ a₂juá'₂ 'nia'₂ ně₅ a₂tiáng'₄ jma₃ca₂ton₂ cau₅ quió₃, on₃juá'₅₄ jniá₂ ca₂tíng₂ cuë'₅₄ a₂jaun₂. Ja₁jaun₂ ma₂jmo₃ Ŋe'₃ jniá₂ co₂ŋia₅₄ a₂tian'₃ con'₂ i₂ca₂tín₂ bá₄.

²⁴ Rñin'₅₄ i₂guian₃ guë'₄ 'éi₂ ně₃ ca₂rë₃ 'néi₃ quian'₅₄ i₂on₃ 'éi₂ jme₁ca₂nág₂ jág₁ jaun₂.

²⁵ La₁ ca₂tě₃ Jesús, jaun₂ ca₂juá'₂:

—Ŋi'₅₄ bá₄ 'nia'₂, ju₁lia'₂ dsi₂tan₅₄ dsa₂ can'₅₄ i₂tián'₅ gon₂ ca₂le₃jě₃ juig₂,‡ qui₂toin'₂ dsa₂ 'éi'₃ bën₂. Le₂jaun₂ bá₄ jmo₅ ju₁lia'₂ dsi₂tan₅₄ i₂sion₅ guë'₄, tián'₅ goin₂ jmo₂₃ 'éi'₃.

²⁶ La₁ jin'₄ 'nia'₂, tsá₃ le₂jaun₂ lé₂. Chi₂juá'₂ 'ein₂ 'nio₃ jmo₃ juin'₂, ca₂tín₂ jme₃ti₃ ta₁ ne₄ rñin'₅₄;

²⁷ chi₂juá'₂ 'ein₂ 'nia'₂ 'nio₃ cán₂ ne₄ ju₁ñ₅, 'nió'₅ jme₃ti₃ ne₄ ca₂le₃jin₃ dsa₂.

* **20:22** A₂lin₅₄ chog₅₄ si₂ juá'₂ le₂la₂ ján₃: “¿Tian'₃ 'nia'₂ cán'₁ o₂i₁ dsi₅ ju₁lia'₂ o₂i₁ dsi₅ a₂can₅₄ jniá₂?” † **20:23** A₂lin₅₄ chog₅₄ si₂ juá'₂ le₂la₂ ján₃: “ján₃ bá₄ cán'₁ 'nia'₂ o₂i₁ dsi₅ ju₁lia'₂ o₂i₁ dsi₅ can₅₄ jniá₂.”

‡ **20:25** o₃, “i₂tián'₅ gon₂ jin₄ dsi₂nau₂.”

28 Ia₁ le₂në₅ bá₄ Jaun₅ dsa₂ mi₂güí₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ co₂'nió'₄ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús on₃ dsa₂ ten₄
(*Marcos 10:46-52; Lucas 18:35-43*)

29 Jme₁ma₂tioin'₅₄ juí₅ 'uín₂ juig₂ Jericó, juin₅ dsa₂ ja₁jaun₂ ca₂jme₃quian'₅₄ Jesús.

30 Jui₅ ja₁ñó₄ jaun₂, jme₁tián'₄ on₃ dsa₂ ten₄ cau₅ juí₅. Dsa₂ 'éi₂ ně₃ jme₁ca₂nág₂ a₂ñó₅ Jesús cau₅ jaun₂, ca₂juá'₂ tiá₂:

—iTe₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

31 Jaun₂ ca₂jí₂ bá₄ dsa₂ ia₁jaun₂ dsi₃lén₂ tei₄. La₁ tē₂le₃ i₂juí'₂ guē₄ co₂mí'₅₄ ca₂tóin'₂ bá₄, ca₂juá'₂:

—iTe₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

32 Jme₁ca₂nág₂ Jesús, jaun₂ ca₂nau₂, jaun₂ ca₂tě'₃ le₃on₃ dsa₂ 'éi₂, jaun₂ ca₂ñag₃:

—¿'E₂ 'niog'₂ 'nia'₂ jmo₅₄ jniá₂ o₄quían'₂ 'nia'₂?

33 Jaun₂ ca₂ñag₃ dsa₂ 'éi₂:

—Te₁gui'₅₄, a₂jnia₅₄ mi₂ne₄ bá₄ jnia'₅₄ 'niog₂.

34 Jaun₂ ca₂dsia₃ bá₄ Jesús ñéi₂ dsi₅, jaun₂ ca₂tí₂ gu₂ jme₁ne₁ dsa₂ 'éi₂. Jaun₂ dsi₂juí₅ le₂jaun₂ ca₂jnia₃ jme₁ne₁ dsa₂, jaun₂ i₃lén₂ bá₄ jaun₂ ca₂jme₃quian'₅₄ Jesús.

21

Ca₂'í₃ Jesús jē₄ juig₂ Jerusalén
(*Marcos 11:1-11; Lucas 19:28-40; Juan 12:12-19*)

1 Jme₁ma₂quían₅ dsi₁lén₂ Jerusalén, dsi₃lén₂ quían₅ juig₂ Betfagé a₂niog₅ cau₅ Má'₂ Olivos,

ja₁jaun₂ ca₂chen₃ Jesús on₃ chi'₂ dsi₂guia₃-tín₂
quiáin₅,

² ca₂juá'₂:

—O₂nó'₅ 'nia'₂ juig₂ pí'₁ niog₅ tē₂le₃ ne₄ jui₅
ja₁dsau₅₄ nē₅. Ja₁jaun₂ dsian'₂ 'nia'₂ jan₂ i₂bú'₄ mí'₂
rē₂'ñe'₅₄, chéin'₅ quian'₅₄ guein₂ quiáin₅. O₂chein'₅₄
'nia'₂ jaun₂ tē'₅₄ ja₁lá₃.

³ Nē₁juá'₂ 'ein₂ ñag₅ 'e₂ lē₃ tsin'₅₄, jaun₂ juig'₅₄
'nia'₂: “Te₁gui'₅₄ bá₄ 'nio₃ ca₂tiá'₂.” Jaun₂ nē₃ cón'₅ bá₄
cuag₃.

⁴ Ca₂lē₃ le₂nē₅ ia₁jaun₂ le₃ti₃ jág₁ a₂ca₂tó'₂ ne₄ si₂
dsa₂ i₂jme'₁ 'ē₂ jág₁ quián₅ Diú₄ ma₂líg'₂, jme'₁ca₂juá'₂:

⁵ Chei'₅₄ dsa₂ juig₂ i₂tián'₅ Sión:

“Jag₄, nē₅ jón'₅ Rag₅₄ quián'₂ 'nia'₂ ja₁cong'₂,

a₂lín₅ jan₂ dsa₂ me'₂, tsá₃ jláin'₁,

jóin'₅ co₂dsiin₅₄ jan₂ bú'₄,

jóin'₅ quian'₅₄ jaun₅ já'₂ i₂cán₂ lio₅₄ bá₄”.*

⁶ Jaun₂ ca₂i₃lén₂ bá₄ i₂on₃ 'éi₂, ca₂jmo₃ bá₄ con'₂ lē₅
jág₁ a₂ca₂cuē₃ Jesús.

⁷ Jaun₂ ca₂i₁te₂ bú'₄ lia'₂ jma₃quian'₅₄ guein₂
quiáin₅, ca₂i₁jio₃ ja₁'en₅₄ Jesús. Jaun₂ ca₂jlág₂
ni₁tsin'₅₄ mi₂ca'₄ já'₂, jaun₂ guē₄ ca₂co₃dsag₅₄ Jesús.

⁸ Jaun₂ dsa₂ juin₅ i₂quian'₅₄ nē₃ i₂ñiá'₅ le₃ne₄ jui₅
qui₂ca₂néi'₃ 'mi'₂ le₂'i₄ jui₅ ja₁ñí'₃ Jesús; i₂lín₅₄ guē'₂
qui₂ca₂'nia₃ mog'₅₄ 'ma₂tsín₅, qui₂ca₂jó₃ dsi₂jui₅.

⁹ Dsa₂ i₂i₃lén₂ le₃ne₄ jui₅, quian'₅₄ i₂ja₂lén₂
le₃chi₁co'₅₄ nē₃, qui₂ca₂tóin'₂ co₂mi'₅₄ ca₂juá'₂:
jui₁le₂juin'₂† bá₄ tsi₁jón₂ David!

* **21:5** Zacarías 9:9. † **21:9** lit. “Hosana”, a₂jein₅ jág₁ quian'₅₄ jág₁
jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jiá'₃
l₂rē₂'ín₁ quiáin₅; la, cang₂ jaun₂ táng₃ ca₂jein₃ jág₁ a₂jme₂juin'₂ dsa₂
jan₂ dsa₂. Ján₃ bá₄ le₂nē₅

¡Jui₁le₂jñi₃ó₃ bá₄ i₂në₅ i₂já₅ o₄qui₁ó'₄ Te₁gui'₅₄!‡

¡Jui₁le₂juin'₂ bá₄ i₂guá₅ guei'₅₄ i₂juí₃g!₃

10 Jme₁ca₂'í₃ Jesús jë₄ juig₂ Jerusalén, jaun₂ qui₂ca₂tón'₂ go₂'i₃ dsa₂ juig₂, juin₅ i₂qui₂ca₂ñag₃:

—¿'Ein₂ bá₄ në₅?

11 Jaun₂ qui₂ca₂ñag₃ dsa₂ juin₅ i₂quian'₅₄ Jesús, ca₂juá'₂:

—Jesús bá₄ la₂, dsa₂ i₂'ě₂ já₁ quián₅ Diú₄, i₂chan₂ juig₂ Nazaret ja₁tén₄ Galilea.

Ca₂'uí₂n'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(Marcos 11:15-19; Lucas 19:45-48; Juan 2:13-22)

12 Ca₂dsi₃óg₃ Jesús jme₁ca₂dsi₃óg₃ i₁dsi₅ guá'₅ templo, jaun₂ qui₂ca₂'uí₂n'₂ ca₂le₃jín₃ dsa₂ i₂jme₁ma₂tion'₅₄ dsia₅ 'ma'₅₄ i₁dsi₅ guá'₅, dsa₂ i₂'nag₅, i₂qui₂lá₅ në₃, qui₂ca₂jéin'₃ ni₁mesa ja₁jme₁jmo'₂ dsa₂ ta₁ jme₂tsi₃in₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂;

13 jaun₂ ca₂juá'₂:

—Ne₄ Si₂ juá'₂: “‘Né₅ qui₃ó₃ lë₅ ca₂ne₅₄ 'né₅ ja₁të₁ja₂lén₂ dsa₂ ja₂chi'₅₄ Diú₄”;§ la₁ 'nia'₂ në₃ ma₂jmo'₅₄ në₂jag₄ bá₄ të₂'lau₂ qui₁ó'₅ dsa₂ 'ang₂.*

14 Jaun₂ ca₂jme₃quián₃ i₂lin₅₄ dsa₂ ten₄ quian'₅₄ dsa₂ guian'₅₄ në₃ con₂ Jesús i₁dsi₅ guá'₅, jaun₂ ca₂jme₃'lión₂ bá₄ dsa₂ 'éi₂.

15 La₁ jme₁ca₂jág₃ juig₅₄ jme₂dsa₂ quian'₅₄ të₅juá'₅ léi₄ jlá'₁ a₂ca₂jmo₃ Jesús jaun₂, ton'₂ ia₁ ca₂nág₂ në₃ tion'₅₄ chi'₂ co₂mi'₅₄ qui₂guió'₅ i₁dsi₅ guá'₅, a₂juá'₂: “¡Jui₁le₂juin'₂ tsi₁jón₂ David!”, jaun₂ ca₂rë₃'néi₃.

‡ 21:9 Salmo 118:26. § 21:13 Isaías 56:7. * 21:13 Jeremías 7:11.

16 Jaun₂ ca₂juá'₂ ca₂tsí'₃ Jesús:

—¿Tsa₁ nag'₂ 'e₂ juá'₂ chí'₂?

Jaun₂ ca₂ŋag₃ Jesús:

—Ján₅, nag₅ bá₄ jniá₂. Ia₁, ¿tsa₁ ma₂'í'₂ 'nia'₂ ne₄ Si₂ ja₁juá'₂:

Te₁gui'₅₄, 'ne₂ bá₄ ma₂ca₂jmo'₅₄

'e₂ a₂'uë₂ mi₂'o₄ chí'₂ bë'₅₄
quian'₅₄ mi₂'o₄ guein₂ tei₄ i₂guén'₅ dsi'₅₄,

'uë₂ jág₁ a₂jme₂juin'₂ 'ne₂?†

17 Jaun₂ ca₂o₃'ín₃ bá₄ ja₁tion'₅₄ 'éi₂, jaun₂ ca₂ŋái'₃
táng₃ juig₂ Betania. Ja₁jaun₂ ca₂ŋia₂ caun₂ nei₅.

*Ca₂juá'₂ Jesús caun₂ jág₁ a₂ca₂cuë'₃ uig₅ caun₂
ni₁'ma₂ higuera a₂tsá₃ míg₂ cha₂
(Marcos 11:12-14, 20—26)*

18 Jme₁jnia₃ jaun₂, jme₁ma₂tioin'₅₄ jui₅ a₂i₂lein₃
táng₃ jui₅ jë₄ juig₂ Jerusalén. Jesús ně₃ ca₂tá'₂ i₁cón'₅.

19 Jaun₂ ca₂jág₃ caun₂ ni₁'ma₂ higuera a₂dsi₅₄ cau₅
jui₅, jaun₂ ca₂jme₃quiáin₃ 'uig₅₄, la₁ tsá₃ 'e₂ míg₂
ca₂dsó'₂ guë'₂ guei'₅₄ ni₁'ma₂; jnia'₅₄ lia'₂ jmá'₃ mog'₅₄
bá₄ cha₂. Jaun₂ ně₃ ca₂juá'₂ Jesús ca₂tsí'₃ ni₁'ma₂:

—jLia'₂ o₁líg'₂ jmig₄, tsá₃ ma₃jui₁'ag₅₄ míg₂
quiáng'₂!

Dsi₂jui₅ jaun₂ bá₄ ca₂rë₃quéin₃ ni₁'ma₂ jaun₂.

20 Jme₁ca₂të₂ ne₄ chí'₂ dsi₂guia₃-tín₂ a₂ca₂lë₃ jaun₂,
ca₂i₃gó'₃ dsi₅, jaun₂ ca₂ŋí'₃ Jesús:

—¿'A₂ bá₄ lia'₂ con'₂ tan₅₄ lia'₂ dsi₂jui₅ ca₂rë₃quéin₃
ni₁'ma₂ ně₅?

21 Jaun₂ ca₂ŋag₃ Jesús:

—A₂dsi₂jó'₃ juig₂ jniá₂ 'nia'₂, ně₁jua'₂ tsá₃ ca₂'éi'₂
'nia'₂ caun₂-tín₃ 'au'₂ lia'₂ 'éng'₂, on₃jua'₅₄ jmá'₃

† 21:16 Salmo 8:2.

ju₁lia'₂ a₂nē₂jmo₃ jniá₂ quian'₅₄ ni'₁ma₂ higuera nē₅,
lé₂ le₃jmo'₂ 'nia'₂, ia₁ lé₂ le₃jua'₅₄ 'nia'₂ ján₃ juig'₅₄
ni₁ma'₂ ó₃: “Jniag'₃ ja₁nē₅, o₃ o₂'ú₅ jmi₁ñí'₄”, le₂jaun₂
dsón'₂ lé₂ bá₄.

²² Le₂jaun₂ bá₄ ján₃ ca₂le₃jě₃ 'e₂ a₂mi'₂ 'nia'₂
jme₁mi'₂ ne₄ Diú₄, nē₁jua'₂ 'én'₂ tē₃dsón'₂ 'nia'₂, guéi'₁
bá₄ 'nia'₂.

Jesús bá₄ i₂'io₅ 'éi'₃

(Marcos 11:27-33; Lucas 20:1-8)

²³ Jaun₂ ca₂'í₃ táng₃ Jesús i₁dsi₅ guá'₅ templo, jaun₂
tē₁lia'₂ 'ein₅₄ jme₂tñ₂₃ dsa₂, jaun₂ ca₂jme₃quían₃
juig'₅₄ jme₂dsa₂ quian'₅₄ i₂lín₅ dsa₂ can'₅₄ quían₅ dsa₂
juig₂, con₂ Jesús, jaun₂ ca₂ñag₃:

—¿'E₂ ta₁ lín'₅ 'ne₂, 'e₂ lē₃ jmo'₂ ca₂le₃jě₃ 'e₂ a₂jmo'₂
ñí'₂? ¿'Ein₂ ca₂cuē₃ bí₂ 'éi'₃ nē₅?

²⁴ Jaun₂ ca₂ñag₃ Jesús:

—Ján₃ bá₄ ñag₄ jniá₂ caun₂ 'nia'₂: nē₁jua'₂ ca₂ñag'₅₄
'nia'₂ lia'₂ tí₅, jaun₂ guē₄ juá'₄ jniá₂ 'ein₂ cuē₅ bí₂ 'éi'₃
a₂jmo₂₃ ca₂le₃jě₃ a₂jmo₂₃.

²⁵ Ju₁lia'₂ a₂ca₂chon₃ Juan₅₄ jmi₂g₂ dsa₂, ¿'ein₂
quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂
mi₂güí₃ 'e₂?

Jaun₂ ca₂dsia₃ dsa₂ can'₅₄ jág₁ con'₂ guoin₅₄,
ca₂juá'₂:

—Nē₁jua'₂ ca₂chei₅₄ jniog₄ 'éi'₃ quió'₅ Diú₄ bá₄
jaun₂, nē₃ cón'₅ bá₄ ñag₃: “¿'E₂ lē₃ tsá₃ ca₂rē₃ 'én'₂
'nia'₂ jág₁ quió'₅ 'éi'₂?”

²⁶ La₁ nē₁jua'₂ ca₂ñag₄ guē'₂ jniog₄ 'éi'₃ quió'₅ dsa₂
mi₂güí₃ nē₃, le₃'ne₂ dsa₂ juig₂ quian'₅₄ jniog₄, ia₁
ca₂le₃jín₃ bá₄ dsa₂ jmo₂₃ dsí₅ a₂jme₁lín₄ Juan₅₄ jan₂
dsa₂ i₂ca₂'ě₂ jág₁ quían₅ Diú₄.

²⁷ Jaun₂ nē₃, ca₂ñag₃ dsa₂ can'₅₄ 'éi₂ ca₂tsí'₃ Jesús:

—Tsá₃ a₂jaun₂ ne₄ jnia'₅₄ 'ein₂ ca₂chen₃ 'éi₂.

Jaun₂ ně₃, ca₂ŋag₃ Jesús:

—Ján₃ bá₄ le₂ně₅ tsá₃ juá'₄ jniá'₂ 'ein₂ cuē₅ bí₂
a₂jmo₂₃ ca₂le₃jě₃ a₂jmo₂₃ ŋi₂₃.

Jág₁ jáng'₅ léi₄ ju₁lia'₂ on₃ ja₁ŋi'₅₄ jan₂ dsa₂

²⁸ Jaun₂ ca₂juá'₂ Jesús ca₂tsí'₃ dsa₂ 'éi₂:

—ǎ'A₂ lia'₂ lín'₂ 'nia'₂ ju₁lia'₂ jág₁ la₂? Jan₂ dsa₂
jme₁chan₂ on₃ ja₁ŋi'₅₄. Jaun₂ ca₂tsí'₃ chi'₂ quiáin₅
i₂lín₅ i₂juin'₂ guě₄: “Jón₃, gua₂ o₂jmo₄ ta₁ ja₁nau₂
quián₂ jmig₄ ně₃.”

²⁹ Jaun₂ ca₂ŋag₃ chi'₂ quiáin₅: “ǎTsá₃ nei₅₄!” La₁
jme₁co₂lág₂ jaun₂ ca₂jme₃tsiin₃ 'a₂ lia'₂ dsi₂jio₅ dsi₅,
jaun₂ ŋó₃ bá₄ i₁jmo₅₄ ta₁.

³⁰ Jaun₂ ca₂ŋe₄ táng₃ jmei₂ i₁chi'₄ chi'₂ jan₂ quiáin₅.
Ján₃ bá₄ le₂jaun₂ ca₂tsí'₃ 'éi₂. I₂'éi₂ ně₃ ca₂ŋag₃: “Nei₅₄
bá₄ jniá'₂, tia₅₄, i₁jmo₃ ta₁.” La₁ tsá₃ ŋei₅₄ guě'₂ jaun₂
ně₃.

³¹ Jě₄ le₃oin₃ le₂jaun₂, ǎ'ein₂ ca₂jmo₃ a₂'ŋio₂ dsi₅
jmei₂?

Jaun₂ ca₂ŋag₃:

—Chi'₂ i₂le₂'uig₅₄ bá₄.

Jaun₂ ca₂juá'₂ Jesús:

—A₂dsi₂jó'₃ juig₂ jniá'₂ 'nia'₂, dsa₂ i₂cán₂ 'lia'₅₄
quián₅ dsi₂tan₅₄, o₃ ju₁lia'₂ 'io₅₄ i₂'nag₅ quió'₅ ně₃,
i₂le₂'éi₂ bá₄ tiá'₂ le₂'uig₅₄ dsi₃ton'₅₄ ja₁gon₂ Diú₄ lia'₂
con'₂ guě'₄ 'nia'₂.

³² Ia₁ lia'₂ con'₂ jme₁guan₃ Juan₅₄ i₂chon₅ dsa₂
jmig₂, ca₂jme₃jniai₂₃ ja₁con'₂ 'nia'₂ 'a₂ lia'₂ dsón'₂
ca₂tíng'₂ 'nia'₂ tiáng'₄. La₁ tsá₃ a₂jaun₂ ca₂rě₃'én'₂
'nia'₂. Ia₁ a₂dsau₅ bá₄ ju₁lia'₂ dsa₂ i₂cán₂ 'lia'₅₄ quián₅
dsi₂tan₅₄, quian'₅₄ 'io₅₄ i₂'nag₅ quió'₅ ně₃, ca₂rě₃'éin₂

jág₁ quió'₅ Juan₅₄. La₁ a₂dsau₅ bá₄ o₁jñia'₅₄ a₂ca₂tě₂
ne'₅₄ 'nia'₂ jaun₂, tsá₃ ca₂tá'₂ jén₂ 'au'₂ 'nia'₂, on₃ guě'₂
ca₂rě₃'éng'₂.

*Jág₁ jáng'₅ léi₄ jui₁lia'₂ co₂nió'₃ dsa₂ 'lin'₅₄ i₂jmó'₂ ta₁
ja₁nau₂*

(Marcos 12:1-12; Lucas 20:9-19)

³³ 'Nei₂ 'nia'₂ jág₁ a₂jáng'₅ léi₄ siá'₂ la₂: Jan₂ dsa₂
ca₂chéin'₃ cho'₅₄ uing₂ uvas ja₁nau₂ quió'₅. Jaun₂
ca₂jmo₃ jní₁ le₃lág'₃; ca₂jmo₃ co₂jñia₅₄ ja₁jlein'₃ míg₂
ně₃; caun₂ guě'₂ tsi₁'né₅ ñei₅ ca₂chi'₃ ja₁guá₃ jmo₃
'í. Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄
ja₁nau₂, jaun₂ ca₂ñó₃ bá₄ 'ñiog₅ i₁ñi₂ juig₂ siá'₂.

³⁴ Jme₁ca₂tě₂ jein₂ a₂ca₂rau₂ míg₂, jaun₂ dsa₂
juig₅₄ ja₁nau₂ ca₂chein₃ co₂nió'₃ dsa₂ mozo quián₅,
a₂jme₁i₂mí₃ a₂jáng'₃ dsa₂ i₂niog₅ gu₂ ja₁nau₂ ca₂dsio₄
míg₂ con'₂ a₂ca₂tín₂ juig₅₄.

³⁵ La₁ dsa₂ i₂tion'₅₄ jmó'₂ ta₁ ja₁nau₂ ně₃, ca₂jñai'₃
bá₄ dsa₂ mozo i₂chen₄ quián₅ juig₅₄. Ca₂cuě'₃ bá₄
jan₂ tioen'₅₄; jan₂ guě'₂ ca₂jñi'₃; jan₂ guě'₂ ca₂cuě'₃
quian'₅₄ ni₁cang₁.

³⁶ La₁ juig₅₄ ja₁nau₂ ně₃, juin₅ guě₄ i₂ca₂chein₃
cang₂ jaun₂ con'₂ guě₄ le₂'uig₅₄; la₁ dsa₂ 'lin'₅₄ i₂tion'₅₄
jmo₅ ta₁ ja₁nau₂ ně₃, le₂jaun₂ bá₄ qui₂ca₂jmái'₂
ca₂le₃jín₃ dsa₂ mozo i₂chen₄ 'éi₂.

³⁷ 'La₁ jě₁ca₂tó'₂ ně₃, dsa₂ juig₅₄ ja₁nau₂ ca₂chein₃
ja₁ñi'₅₄, ia₁ lín₂: “Jme₃go₃ dsa₂ jme₃gain₃ chi'₂
quiáng₃.”

³⁸ La₁ jme₁ca₂jág₃ dsa₂ i₂jmo₅ ta₁ ja₁nau₂ ca₂jín₂
ja₁ñi'₅₄ dsa₂ juig₅₄ ca₂dsió₃, jaun₂ ca₂dsia₃ jág₁
tioen'₅₄: “I₂ně₅ bá₄ tin₃ ja₁nau₂ la₂ cang₂; ně₃ o₁jñi'₄
jniog₄ ia₁jaun₂ jniog₄ bá₄ lé₂ quián₂.”

39 Le₂jaun₂ bá₄ ca₂jmo₃. Ca₂jñai'₃ bá₄ 'éi₂ tioin'₅₄,
jaun₂ ca₂dsei₂₃ le₃co'₅₄ jñí₁; ja₁jaun₂ ca₂jñag'₃.

40 'Jaun₂ ně₃, jë₁ma₂tě₂ jmig₄ rë₁jñi'ó'₂ dsa₂ juig₅₄
ja₁nau₂, ħ'e₂ lín'₂ 'nia'₂ jmo₃ quian'₅₄ dsa₂ i₂jmó'₂ ta₁
ja₁nau₂ 'éi₂?

41 Jaun₂ ca₂ñag₃ dsa₂ 'éi₂:

—A₂jme₃dsiain₂₃ dsa₂ 'lín'₅₄ 'éi₂ ca₂lia'₂ tsá₃ ñéi₂
dsí₅, jaun₂ cué'₃ dsa₂ sián'₂ ja₁nau₂ con'₂ i₂léi₄ jáng'₃
ca₂dsio₄ con'₂ ca₂tíin₂ jë₁ma₂tě₂ jein₂ a₂ráu₃.

42 Jaun₂ ně₃, ca₂juá'₂ Jesús ca₂tsí'₃ dsa₂:

—ĤTsa₁ ma₂'í'₂ 'nia'₂ ne₄ Si₂ ja₁juá'₂:

Ni₁cang₁ a₂tsá₃ ca₂rë₃ji'₅₄ tē₅'ia'₂,
ca₂dsióg₃ ca₂lë₃ ni₁cang₁ a₂dsen₅₄ guě₄
të₁ron₅₄ qui'₅₄ 'ia'₂;
a₂ca₂jmo₃ Te₁gui'₅₄ bá₄ jaun₂,
jaun₂ 'ñio₅ lín₃ bá₄ jlá'₁, lág₂ jniog₄?‡

43 "Uig₅₄ jaun₂ juíg₂ jniá'₂ 'nia'₂, co₂dsia₅ jñiá'₂ Diú₄
o₄gog'₂ 'nia'₂ 'éi'₃ quió'₅, o₄gú₃ i₂sián'₂ bá₄ dsia₃ con'₂
i₂léi₄ jáng'₃ a₂ráu₃.

44 La₁ jui₁lia'₂ ni₁cang₁ la₂ ně₃, jui₁'ein₂ guě₃
i₂ca₂tán'₂ ne₄, lé₂ le₁juig₁ le₁dsog'₅₄ quió'₅; o₃ ně₁jua'₂
ca₂jlíin₃, lé₂ ti₁'liog₂ quió'₅.§

45 Jme₁ca₂nág₂ juig₅₄ jme₂dsa₂ quian'₅₄ dsa₂
fariseos jág₁ a₂jáng'₅ léi₄ ně₅, ca₂rë₃lí'₄ bá₄ guoin₅₄
a₂'in₅ 'éi₂ bá₄ Jesús.

46 Jaun₂ jme₁'nio₃ jme₁tsáun'₂, la₁ ca₂rë₃gain₃ bá₄
dsa₂ juin₅ i₂quian'₅₄ Jesús, ia₁ ca₂le₃jín₃ bá₄ dsa₂
jmo₂₃ dsí₅ a₂lín₅ 'éi₂ jan₂ i₂'ě₂ jág₁ quián₅ Diú₄ bá₄.

‡ 21:42 Salmo 118:22-23. § 21:44 A₂lín₅₄ chog₅₄ si₂ tsá₃ rë₂ton₅
versículo 44.

22

*Jág₁ jáng'₅ léi₄ jui₁lia'₂ ja₁nio₅ jmig₄ a₂ca₂jen'₂ gu₂
dsa₂*
(Lucas 14:15-24)

1 Ca₂jme₃lió₃g₃ táng₃ Jesús ca₂tsí'₃ dsa₂ tē₂le₃
quian'₅₄ jág₁ a₂jáng'₅ léi₄, le₂la₂:

2 —Lě₅ guei'₅₄ i₂juí₃g₃ ja₁gon₂ Diú₄ jui₁lia'₂ jan₂
rag₅₄ i₂ca₂jmo₃ co₂ŋia₅₄ caun₂ má₃ a₂ca₂jmo₃ jmig₄
ja₁jen'₂ gu₂ chi'₂ ja₁ŋi'₅₄.

3 Jaun₂ ca₂chein₃ dsa₂ i₂jme₂ti₃ ta₁ ne₅₄
a₂dsi₃quiáin₂ dsa₂ i₂ma₂lě₅ jág₁ ja₃lén₂ ja₃guě'₃.
La₁ dsa₂ 'éi₂ ně₃ tsá₃ ma₃ca₂gue₃ ja₃lén₂.

4 Jaun₂ ca₂chein₃ táng₃ i₂sián'₂, jaun₂ ca₂tsí'₃ 'éi₂:
“Chei'₅₄ 'nia'₂ dsa₂ i₂ma₂lě₅ jág₁ ja₃lén₂ jmig₄, ma₂lě₅
bá₄ co₂ŋia₅₄ má₃. Ca₂jme₁dsiang₂₃ bá₄ ca₁jui₅
'on'₅₄ quiáng₃; ma₂lě₅ bá₄ co₂ŋia₅₄ ca₂le₃jě₃. Jaun₂
jui₁ja₂lén₂ bá₄ jmig₄ quió'₅ chi'₂ quiáng₃.”

5 La₁ tsá₃ jui₅ ca₂tón'₃ dsa₂ i₂jme₁ma₂lě₅ jág₁ rē₂té₄
'éi₂. Jui₅ siá'₂ bá₄ i₃lén₂: jan₂ ŋó₃ jui₅ ja₁nau₂ quió'₅
bá₄; jan₂ guě'₂ ŋó₃ i₃dsiá₃ 'ma'₅₄.

6 Rin'₅₄ dsa₂ 'éi₂ ně₃, ca₂ŋai'₃ bá₄ dsa₂ i₂jme₂ti₃ ta₁
ne₄ rag₅₄ 'éi₂, ca₂cuě₃, ca₂jme₃dsiog₂₃ bá₄.

7 Jaun₂ ně₃, ca₂rě₃'né₃ rag₅₄ 'ŋio₅ lin₃, jaun₂
ca₂chein₃ 'lió₂g₂ quiáin₅ ca₂i₁jme₁dsiain₂₃ dsa₂ 'éi₂
qui₂ca₂i₁dsí'₄ 'lió₂g₂ 'né₅, co₂dsia₅ ca₂'éin₂ go₄ dsa₂ 'éi₂.

8 Jaun₂ ca₂juá'₂ rag₅₄ ca₂tsí'₃ dsa₂ i₂jme₂ti₃ ne₅₄:
“Ca₂le₃jě₃ ma₂lě₅ co₂ŋia₅₄ a₂jen'₂ gu₂ chi'₂ quiáng₃
a₂nio₃ jmig₄, la₁ dsa₂ i₂jme₁lě₄ jág₁ rē₂té₄ 'éi₂, tsá₃
ma₃ca₂tíin₂ ja₃lén₂.”

9 O₂nó'₅ 'nia'₂ ně₃, o₂nau₂ jë₄ calle juë'₂ ja₁i₂nio₄ guë'₄ dsa₂ juin₅, o₂chei'₅₄ ca₂le₃jín₃ dsa₂ i₂jeng'₂ jui₁ja₂lén₂ jmig₄ jë₁jen'₂ gu₂ chi'₂ quiáng₃.”

10 Jaun₂ ca₂'uin₂ bá₄ dsa₂ 'éi₂ ně₃ ca₂i₁lein₅₄ jë₄ calle, jaun₂ chi₂ca₂liain'₃ ca₂le₃jín₃ dsa₂ i₂ca₂jein'₂ lia'₂ dsa₂ dsen₃ lia'₂ dsa₂ 'lín'₅₄ ně₃; jaun₂ ca₂can'₂ bá₄ dsi₂néi₂ ca₂lë₃, quian'₅₄ dsa₂ 'éi₂.

11 'Jaun₂ guë'₄ ca₂'í₃ rag₅₄ dsi₂néi₂ ca₂i₁jín₁₂ dsa₂ i₂tion'₅₄ 'éi₂, jaun₂ ca₂jín₂ jan₂ i₂'en₅₄ jë₄ jaun₂, tsá₃ jme₁rë₂lín₅₄ jua'₅₄ a₂qui'₂ 'mi'₂ a₂quí'₅ dsa₂ dsi₂lén₂ ja₁nio₅ jmig₄ jen'₂ gu₂ dsa₂.

12 Jaun₂ ca₂tsí'₃ dsa₂ 'éi₂, ca₂juá'₂: “A₂mei₅₄, ¿'a₂ bá₄ lia'₂ në₂ 'ú'₃ 'ne₂ ja₁lá₃ të₃ tsá₃ rë₂ling'₅₄ con'₂ dsi₂ten₅₄ a₂gog'₅₄ ja₁nio₅ jmig₄ jen'₂ gu₂ dsa₂?” Jaun₂ tei₄ bá₄ ca₂nau₂ dsa₂ 'éi₂, tsá₃ 'e₂ ŋi₅ ŋag₃.

13 Jaun₂ bá₄ ca₂juá'₂ rag₅₄ ca₂tsí'₃ dsa₂ i₂tion'₅₄ jme₂ti₃ ne₄ mesa: “Quén₂ 'nia'₂ gu₂-tag₄ i₂në₅, dsein₅₄ ca₁'né₄, qui₂dsiin₅ 'nia'₂ güig₂, 'liain'₅₄ jë₄ qui₁né'₃ ja₁qui'₂-o₃, qui₃quí'₃ jan₅₄.”

14 Ia₁ juin₅ lín₃ dsa₂ i₂rë₂té₄, la₁ me'₂ bá₄ i₂rë₂quion'₅₄.

*Jág₁ ju₁lia'₂ 'lia'₅₄ a₂ca₂tín₂ dsi₂tan₅₄
(Marcos 12:13-17; Lucas 20:20-26)*

15 Jme₁co₂lág₂ jaun₂ ca₂i₃len₃ dsa₂ fariseos ca₂i₁jmo₅₄ jág₁ 'a₂ lia'₂ join₅₄ Jesús jui₁lia'₂ bá₄ 'ñiái₃ ca₂jón₄ jág₁ 'lia'₂, ia₁jaun₂ cuin₃ jmig₄ a₂bóg'₂ dso₄.

16 Jaun₂ ca₂chein₃ táng₃ i₂lín₅₄ dsa₂ quiáin₅ quian'₅₄ i₂lín₅₄ dsa₂ i₂quian'₅₄ Herodes, a₂ca₂i₁chi'₄ Jesús:

—Të₅, ne₄ bá₄ jnia'₅₄, a₂dsón'₂ bá₄ juá'₂ 'ne₂ lia'₂ tí₅ jág₁, qui₂jme₂tíng'₁ dsa₂ jui₅ dse₃ quió'₅ Diú₄, jaun₂

tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi'₅ 'e₂ a₂'ag₅
dsa₂, ia₁ tsá₃ gang'₃ jmag'₅₄ jui₁lia'₂ dsa₂ dsen₅₄ ně₃.

17 Jaun₂ 'niog₂ jnia'₅₄ jua'₅₄ 'ne₂ 'a₂ lia'₂ dsi₂jio₅
'au'₂: ¿Dsió₅ guë'₂ jua'₅₄ a₂caun₂ qui₅₄ 'lia'₅₄ a₂ca₂tín₂
dsi₂tan₅₄ César? ¿'Nió'₅ qui₅₄, o₃ tsá₃ qui₅₄ 'e₂?

18 La₁ ca₂rë₃lí'₄ bá₄ Jesús a₂dsi₂jio₅ dsí₅ dsa₂ 'éi₂
'lig'₅₄, jaun₂ ca₂juá'₂:

—i'₁Nia'₂ dsa₂ i₂lë₁co₂jmo₅ o₁ne₁! ¿'E₂ lë₃ 'niog'₂
'nia'₂ jo'₅₄ jniá₂ jui₁lia'₂ tsán'₂ dsa₂ jan₂ já'₂ quian'₅₄
liá'₂?

19 Ę₄ de'₂ 'nia'₂ caun₂ cu₄ 'ua'₂ jui₁lia'₂ a₂quí₅ dsa₂
'lia'₅₄ a₂ca₂tín₂ dsi₂tan₅₄.

Jaun₂ ca₂o₃can₅ dsa₂ caun₂ cu₄ denario.

20 Jme₁ma₂në₂jág₃ Jesús, jaun₂ ca₂ñí'₃ dsa₂ 'éi₂:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ guë'₂ quió'₅
letra ně₃?

21 Jaun₂ ca₂ñag₃:

—Quió'₅ gui'₅₄ emperador César.

Jaun₂ ca₂juá'₂ táng₃ Jesús:

—Jang'₅₄ guë'₂ 'nia'₂ jaun₂ ne₄ César con'₂ a₂ca₂tín₂
César; ne₄ Diú₄ ně₃ jang'₅₄ 'nia'₂ con'₂ a₂ca₂tín₂ Diú₄.

22 Dsa₂ 'éi₂ ně₃, jme₁ca₂nág₂ jág₁ ně₅, ca₂i₃gó'₃ dsí₅.
Ca₂téin₂ bá₄ ca₂juë'₂ Jesús, ca₂i₃lein₃ bá₄.

Ca₂ñag₃ dsa₂ saduceos jui₁lia'₂ a₂jen'₅₄ 'lag₄

(Marcos 12:18-27; Lucas 20:27-40)

23 Jmí₄ jaun₂ ca₂o₃lén₂ i₂lin₅₄ dsa₂ saduceos
ca₂o₃jñin₅₄ Jesús. Ia₁ tsá₃ 'én₂ dsa₂ 'éi₂ a₂jen'₅₄ táng₃
dsa₂ jë₁ma₂dsain₃. Jaun₂ jág₁ ně₅ ca₂ñí'₃ Jesús
ca₂juá'₂:

24 —Të₅, le₂la₂ ca₂juá'₂ Moisés: ně₁jua'₂ ca₂jon₃
jan₂ dsa₂ ñe'₂ të₃ tsá₃ ca₂can₃ 'io₅₄ quiáin₅ guein₂,

tion⁵⁴ 'nió'⁵ jén'² gu² dsó² rɪn'⁵⁴ dsa² ɲe'² i²ca²jon³
 quian'⁵⁴ 'io⁵⁴ 'nág² 'éi², ia¹jaun² guein² i²le³chan²
 quiáin⁵, lé² co²'nió'⁴ tsɪ¹jon² 'lag⁴ rɪn'⁵⁴.

²⁵ Dse³ jaun². Jë⁴ quián² jnia'⁵⁴ la², jme¹chan²
 guion³ dsa² ɲe'² i²lín⁵ rɪn'⁵⁴. Ca²jen'² gu² i²le²'uig⁵⁴,
 la¹ ca²join³ bá⁴, tē³ tsá³ guein² ca²can³ 'io⁵⁴ quiáin⁵.
 Jaun² ca²tē¹'ɲiá⁴ bá⁴ 'io⁵⁴ 'nág² 'éi² o⁴gú³ dsó² rɪn'⁵⁴
 i²jë¹ca²tē² on³.

²⁶ La¹ ján³ bá⁴ le²jaun² ca²i³ɲí², ca²join³ bá⁴ ján³.
 Jaun² ca²guá² táng³ 'io⁵⁴ 'éi² quian'⁵⁴ i²jë¹ca²tē² ún²
 dsó²; ján³ bá⁴ le²jaun² ca²lë³ quian'⁵⁴ 'éi². Jaun²
 le²në⁵ bá⁴ ca²lë³ quian'⁵⁴ ta¹guion³ dsó² 'éi² con'²
 i²jme¹lë⁴ rɪn'⁵⁴, ca²dsain³ bá⁴ tē³ tsá³ guein² ca²can³
 'io⁵⁴.

²⁷ Jaun² ca²jon³ bá⁴ 'io⁵⁴ jme¹ca²jon³ ně³.

²⁸ Jaun² ně³, jmig⁴ jë¹ma²tē² rë¹jen'⁵⁴ 'lag⁴, ç¹ein²
 bá⁴ quián⁵ lé² 'io⁵⁴ 'éi²? Ia¹ ta¹guion³ bá⁴ guë'² dsa²
 ɲe'² ca²guá² quiain'⁵⁴.

²⁹ Jaun² ca²ɲag³ Jesús:

—Tsá³ le²jaun² lia'² ɲí'² 'au'² 'nia'², ia¹ tsá³ cuiñ'²
 'nia'² 'a² lia'² juá'² Si², on³ guë'² cuiñ'² 'nia'² 'a² lia'²
 lé⁵ jui⁵bí² quió'⁵ Diú⁴ ně³.

³⁰ Jë¹ma²tē² jmig⁴ a²jen'⁵⁴ 'lag⁴, on³jua'⁵⁴
 a²le³chain² jua'⁵⁴ a²qui³jéin'² guë⁴ gu², on³ guë'² ně⁵
 tóin'³ guë⁴ jua'⁵⁴ a²qui³cuiñ³ chí'² quiáin⁵ a²jéin'²
 gu², ia¹ i²lén² jui¹lia'² lín⁵ ángeles i²tion'⁵⁴ guei'⁵⁴
 i²juí³ bá⁴ 'éi² jmig⁴ jaun².

³¹ La¹ jui¹lia'² a²jen'⁵⁴ táng³ 'lag⁴, ç¹tsa¹ ma²'í'² 'nia'²
 ne⁴ Si² jui¹lia'² a²ca²juá'² 'ɲiog⁵ Diú⁴ jme¹ca²juá'²:

³² “Jniá² bá⁴ líng⁵ Diú⁴ quián⁵ Abraham, quián⁵
 Isaac, quián⁵ Jacob ně³?”* A²lín⁵ Diú⁴ quián⁵ dsa²

* 22:32 Éxodo 3:6.

jén'₃ bá₄, on₃jua'₅₄ rē'₂ Diú₄ quián₅ 'lag₄.

33 Jme₁ca₂nág₂ dsa₂ jág₁ nē₅, ca₂i₃gó'₃ dsí₅ 'a₂ lia'₂
jme₂tag₅ Jesús.

*'Éi'₃ Juá'₅ a₂dsen₅₄ guě₄ quió'₅ Diú₄
(Marcos 12:28-34; Lucas 10:25-28)*

34 Jme₁ca₂rē₃ñi₅ dsa₂ fariseos ca₂lí'₃ bá₄ táng₃
Jesús jág₁ a₂ca₂tsín₂ quian'₅₄ dsa₂ saduceos, jaun₂
ca₂ñi'₂ ca₂jmo₃ jág₁.

35 Jaun₂ jan₂ rin'₅₄ i₂lín₅ tē₃juá'₅, jme₁'nio₃
jme₁jo₅₄ quian'₅₄ jág₁, jaun₂ ca₂ñi'₃ Jesús:

36 —Tē₅, ¿'e₂ 'Éi'₃ Juá'₅ a₂dsen₅₄ guě₄ con'₂ guě₄
ca₂le₃jě₃ Si₂ 'Éi'₃ quió'₅ Diú₄?

37 Jaun₂ ca₂ñag₃ Jesús:

—“Jme₁'nió₄ Te₁gui'₅₄ Diú₄ quiáng'₂, ca₂le₃jě₃ 'au'₂,
ca₂le₃jě₃ jme₂dsí₂ quiáng'₂, ca₂le₃jě₃ 'a₂ lia'₂ niog₅ñí'₂
dsei'₂.”†

38 A₂nē₅ bá₄ 'Éi'₃ Juá'₅ a₂le₂'uig₅₄ a₂dsen₅₄ guě₄
con'₂ guě₄ ca₂le₃jě₃.

39 Jē₁ca₂tē₂ tin₃ 'Éi'₃ nē₃, mei'₂ tsá₃ co₂rē₂ quian'₅₄
a₂le₂'uig₅₄: “Jme₁'nió₄ dsa₂ mi₂güig₃ ríng'₂ ju₁lia'₂
'nióg'₃ 'ñiag'₂.”‡

40 Tin₃ 'éi'₃ nē₅ bá₄ lē₅ 'uig₅₄ cho'₅₄ ca₂le₃jě₃ 'Éi'₃
quió'₅ Moisés quian'₅₄ ca₂le₃jě₃ jág₁ a₂ca₂'ē₂ dsa₂
i₂chen₄ quián₅ Diú₄ ma₂líg'₂.

*¿'Ein₂ tsi₁jon₂ quián₅ lín₅ I₂rē₂'ñ₁ quián₅ Diú₄?
(Marcos 12:35-37; Lucas 20:41-44)*

41 Tē₃ tion'₅₄ dsa₂ fariseos le₁ñi'₂,

42 jaun₂ ca₂ñag₃ Jesús ca₂juá'₂:

† 22:37 Deuteronomio 6:5. ‡ 22:39 Levítico 19:18.

—ǂ'A₂ lia'₂ lín'₂ 'nia'₂? ǂ'Eín₂ tsi₁jon₂ quián₅ lín₅
I₂rë₂'ín₁ quián₅ Diú₄?

—Tsi₁jon₂ David —ca₂ḡag₃ dsa₂'éi₂.

⁴³ Jaun₂ ca₂juá'₂ táng₃ Jesús:

—ǂ'A₂ lia'₂ jaun₂? Ia₁ 'ḡiog₅ bá₄ guë'₂ David
ca₂juá'₂ lia'₂ con'₂ jme₁ca₂'í₃ Jme₂dsí₂ Jḡió₅ tē₂dsí₅,
ca₂tē₃ “Te₁gui'₅₄.” ǂ'A₂ lia'₂ lě₅ jaun₂? Ia₁ 'ḡiog₅ bá₄
guë'₂ David ca₂juá'₂:

⁴⁴ Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá'₂ tē₂le₃ gu₃ ne₁,

ca₂lia'₂ ca₂tē₂ jmiḡ₄

a₂tón'₁ jniá'₂ dsa₂ i₂'iog₅₄ o₄tag'₄.”§

⁴⁵ ǂ'A₂ bá₄ lia'₂ lě₅ a₂lín₅ tsi₁jon₂ David, ton'₂ 'ḡiog₅
bá₄ guë'₂ David ca₂tē₃ “Te₁gui'₅₄ quiáng₃?”

⁴⁶ Jaun₂ tē₂le₃ ne₄ jui₅ guë'₄ jaun₂, tsá₃ ma₃'ein₂
ca₂tiá'₂ dsí₅ jua'₅₄ a₂ḡag₃ guë'₄ e₂ ḡag₃.

23

*Chóg'₅ Jesús dso₄ juá'₂ 'a₂ lia'₂ niog₅ lín₅ dsa₂
fariseos quian'₅₄ tē₅juá'₅ ně₃*

(Marcos 12:38-40; Lucas 11:37-54; 20:45-47)

¹ Jaun₂ ně₃ ca₂ton₃ Jesús jág₁ ca₂tsí'₃ dsa₂ juin₅
i₂quaiin'₅₄, ca₂tsí'₃ chi'₂ dsí₂guia₃-tín₂ quiáin₅ ně₃,
ca₂juá'₂:

² —Dsa₂ fariseos quian'₅₄ tē₅juá'₅ ně₃, tiáin'₅ ta₁
a₂jme₁lín₄ Moisés.

³ Jaun₂ lě₃ ca₂tín'₂ 'nia'₂ nág'₁ gau₂ jág₁ quió'₅,
jme₁ti'₄ 'nia'₂ 'e₂ a₂te₂néi'₂. La₁ tsá₃ can₂ 'nia'₂ jui₅
jua'₅₄ a₂jmo'₂ ju₁lia'₂ a₂jmo₂₃ guioin₅₄, ia₁ ju₁lia'₂

§ 22:44 Salmo 110:1.

jme₂tag₂₃, tsá₃ jme₂ti₃ guioin₅₄; tē₂le₃ siá'₂ bá₄ jmo₂₃ dsó₅.

⁴ Qui₂'nei₂₃ lio₅₄ guei₂ 'nio₅ lin₃ qui₂dsi₂₃ mi₂ca'₄ dsa₂, la₁ guioin₅₄ ně₃ ca₂lia'₂ jnia'₅₄ caun₂ chi₁gú₃ bá₄ tsá₃ 'nio₃ tí₂ jua'₅₄ a₂jme₃'o₅₄ cán₂.

⁵ Ca₂le₃jě₃ 'e₂ a₂jmo₂₃, jmo₂₃ a₂jnia'₅₄ con'₂ 'nio₃ já₂g₂ dsa₂ bá₄. Ia₁ tin₂ dsí₅ i₃quian₅₄ le₁ton₅ jma₃ca₂tsín'₅ tsi₁'mi'₂ 'í₂ le₂con₂ chi₁quí₃ quian'₅₄ mi₂cu₅ ně₃ qui₂le₁ton₅ 'éi'₃ quió'₅ Diú₄;^{*} a₂ta₁ dsí₅ i₂nioi₅₄ le₁qui'₂ tsi₁'mi'₂ chen'₅₄ jang₄ qui₂le₁'ág₄ a₂lě₅ lí₁ ca'₅₄ a₃tag₄.

⁶ 'Nio₅ tē₅ dsí₅ qui₂dsi₂toin'₅₄ jmá'₃ lia'₂ ja₁jlá'₁ bá₄ ja₁qui₂dsi₂guě'₃, qui₂dsi₂tiaín'₂ ja₁dsen₅₄ guě₄ ju₁lia'₂ dsi₂néi₂ guá'₅ sinagoga ně₃.

⁷ Ton'₂ 'nio₅ tē₅ dsí₅ qui₃cuag₃ dsa₂ Diú₄ jě₄ 'ma'₅₄, qui₃tě₂ dsa₂ “tē₅”† ně₃.

⁸ 'La₁ 'nia'₂ ně₃, tsá₃ ca₂tíng'₂ jua'₅₄ tē₂ dsa₂ “tē₅”, ia₁ ca₂le₃jín'₃ bá₄ 'nia'₂ lě₅ ríng'₂; ia₁ jan₂ bá₄ Tě₅ quián'₂ 'nia'₂ chan₂.

⁹ Tsá₃ tē'₅₄ 'nia'₂ “tia₅₄” 'i₁jan₂ dsa₂ mi₂güí₃, ia₁ jan₂ bá₄ Néi'₅ 'nia'₂ i₂chan₂, i₂guá₅ guei'₅₄ i₂juí₃.

¹⁰ Tsá₃ cuě'₁ 'nia'₂ jmíg₄ a₂tě₂ dsa₂ 'nia'₂ guiong'₅₄ a₂líng'₅ juig₅₄ dsa₂, ia₁ jan₂ I₂rě₂'ín₁ quián₅ Diú₄ bá₄ i₂lín₅ juig'₂ 'nia'₂.

¹¹ Ju₁lia'₂ i₂jme₃ti₃ ta₁ ne₄ rin'₅₄, i₂'éi₂ bá₄ i₂juín'₂ guě₄.

¹² Ia₁ ju₁lia'₂ i₂jme₂can'₅₄ guion₅₄ jin₄ rin'₅₄, tē₂le₃ sióin₂, lě₂mei'₂; la₁ ju₁lia'₂ i₂jmo₅ me'₂ jin₄ rin'₅₄, i₂'éi₂ bá₄ lén₂ i₂juín'₂ guě₄ con'₂ guě₄ ca₂le₃jín₃.

* **23:5** 'Nio'₂ ja₁ton₅ Deuteronomio 6:4-9. † **23:7** o₃, Rabbí.

13 'i'E₂ gué₄ juíg'₂ 'nia'₂ tēs₅juá'₅, 'nia'₂ dsa₂ fariseos nē₃, i₂lē₁jmo₅-dsáu₅ o₁ne₁! Ia₁ jnág'₂ 'nia'₂ o₄'né₄ guei'₅₄ i₂juíg'₃ ja₁gon₂ Diú₄, tsá₃ cuē'₂ 'nia'₂ jmig'₄ tón'₃ i₂sián'₂. Ia₁ on₃ guē'₂ tón'₂ 'nia'₂ guiong'₅₄, on₃ guē'₂ cuē'₂ 'nia'₂ ju₅tón'₃ ju₁lia'₂ i₂'nio₃ tón'₃,‡

15 'i'E₂ gué₄ juíg'₂ 'nia'₂ tēs₅juá'₅, 'nia'₂ dsa₂ fariseos nē₃, i₂lē₁jmo₅-dsáu₅ o₁ne₁! Ia₁ qui₂i₂'nio'₄ 'nia'₂ ca₂le₂con₂ mi₂güí'₃ qui₁'ang'₄ jm₁ñí'₄, a₂qui₂jme₂tíng'₁ dsa₂ lia'₂ lē₅ 'én'₂ 'nia'₂ guiong'₅₄. Jē₁ma₂ca₂jón'₃ 'nia'₂ dsa₂ a₂dsi₃lén₂ ju₅ quiáng'₂, qui₂jme₂tíin'₁ 'nia'₂ a₂jñia'₅₄ con'₂ a₂jme₃'lín'₅₄ gué₄ lia'₂ con'₂ gué₄ guion'₅₄ 'nia'₂.

16 'i'E₂ gué₄ juíg'₂ 'nia'₂, dsa₂ ten₄ i₂quian₅ ne₄ ju₅! Ia₁ juá'₂ 'nia'₂ jme₂tíng'₁ dsa₂: “Nē₁juá'₂ 'ein₂ ca₂cuē₃ jág₁ quió'₅ 'ē₂₃ guá'₅, tsá₃ 'e₂ quen₅ jág₁ jaun₂; la₁ nē₁juá'₂ ca₂'ē₃ cu₄nióg₄ a₂te₁'i₁ guá'₅, a₂jaun₂ gué₄ dsón'₂ quen₅ jág₁ quió'₅”, tion₅₄ 'nió'₅ jme₃ti₃ jág₁ a₂nē₂cuē₃.

17 'i'Nia'₂ dsa₂ ten₄, dsa₂ co₄! ¿'E₂ a₂quen₅ gué₄ 'ñio₅ lín₃? ¿Cu₄nióg₄, o₃ guá'₅ ja₁rē₂jñió₃ cu₄nióg₄ jaun₂ 'e₂?

18 Juá'₂ 'nia'₂ ján₃: “Nē₁juá'₂ 'ein₂ cuē₅ jág₁ quió'₅ a₂'ē₂₃ ne₄chei₂, ján₃ bá₄ tsá₃ 'e₂ quen₅ jág₁ jaun₂; la₁ nē₁juá'₂ ca₂'lín₃ já'₂ i₂rē₂jén'₅₄ ne₄ ne₄chei₂, jaun₂ gué₄ dsón'₂ tion₅₄ 'nió'₅ jme₃ti₃ jág₁ quió'₅.”

19 'i'Nia'₂ dsa₂ ten₄! ¿'E₂ jaun₂ a₂lēs₅ a₂dsen₅₄ gué₄? ¿já'₂ i₂rē₂jén'₅₄ ne₄ Diú₄, o₃ ne₄chei₂ a₂rē₂jñió₃ já'₂ 'éi₂

‡ 23:13 A₂lín₅₄ chog₅₄ si₂ chi₁,ton₅ versículo 14 ján₃, a₂juá'₂ le₂la₂: “'i'E₂ gué₄ juíg'₂ 'nia'₂ tēs₅juá'₅, 'nia'₂ dsa₂ fariseos nē₃, i₂lē₁jmo₅-dsáu₅ o₁ne₁! Ia₁ ja₂nó'₅ 'nia'₂ qui₂jñiá'₂ 'ne₄ 'io₅₄ 'nág₂, jaun₂ jmo'₂ 'nia'₂ chi₂leng'₅₄ Diú₄, uē₂ lín₃, ia₁ jaun₂ tsá₃ 'ein₂ le₃lí₄. 'Uig₅₄ jaun₂ ja₂lín₃ gué₄ 'ñio₅ uig₅ gué₄ 'nia'₂.

'e₂?

20 Jaun₂ lë₃, ju₁lia'₂ jme₁cuë₅ dsa₂ jág₁ quió'₅ a₂ë₂₃ ne₄chei₂, on₃jua'₅₄ jmá'₃ ne₄chei₂ 'ë₂₃; a₂ë₂₃ ca₂le₃jě₃ 'e₂ a₂te₁'₁ ne₄chei₂ bá₄ jaun₂.

21 Le₂në₅ bá₄ ján₃, ju₁lia'₂ i₂ë₅ guá'₅, on₃jua'₅₄ jmá'₃ ca₂ne₅₄ guá'₅ 'ë₂₃, a₂'in₂₃ le₂jio₅ Diú₄ i₂guá'₅ dsi₂néi₂ jaun₂ bá₄.

22 Ján₃ bá₄ le₂në₅ ju₁lia'₂ i₂ë₅ guei'₅₄ i₂juíg₃, a₂ma₂në₂'ë₃ le₂jio₅ ne₄ta₁ quió'₅ Diú₄, ton'₂ a₂ma₂në₂'i_{in}₃ le₂jio₅ 'ŋio₅ Diú₄ i₂guá'₅ ne₄ta₁ jaun₂ bá₄ ján₃.

23 'i'E₂ guë₄ juíg'₂ 'nia'₂ tē₅juá'₅, 'nia'₂ dsa₂ fariseos në₃, i₂lë₃jmo₅-dsá_u₅ o₁ne₁! Ia₁ qui₂jáng'₂ 'nia'₂ caun₂ qui'₅₄ a₂guia₃ quió'₅ mi₁'au₂ mi₂juíg₂, ju₁lia'₂ menta, anís, quian'₅₄ qui₂má'₃ në₃. La₁ tsá₃ tón'₂ guë'₂ 'nia'₂ ju₁'Éi'₃ Juá'₅ a₂dsen₅₄ guë₄ quió'₅ Diú₄ ron₅, ju₁lia'₂ ja₁juá'₂ a₂'nió'₅ jmo₃ dsa₂ a₂dse₃, a₂dsia₃ dsa₂ ŋéi₂ dsí₅ dsa₂ mi₂güíg₃ riin'₅₄, a₂jmo₃ dsa₂ tí₅ jág₁ quió'₅ quian'₅₄ riin'₅₄. A₂në₅ bá₄ a₂dsen₅₄ guë₄ a₂ca₂tín'₂ 'nia'₂ jmó'₂, la₁ on₃jua'₅₄ a₂tsá₃ ma₃jme₁ti'₄ 'nia'₂ 'Éi'₃.

24 'i'Nia'₂ dsa₂ ten₄ i₂quian₅ ne₄ ju₁5! Qui₁ŋi'₄ 'nia'₂ quió'₅ i₁lu₂ pí'₁, la₁ ní'₅ bá₄ guë'₂ 'nia'₂ guiong'₅₄ ju₁lia'₂ já'₂ camello.

25 'i'E₂ guë₄ juíg'₂ 'nia'₂ tē₅juá'₅, 'nia'₂ dsa₂ fariseos në₃, i₂lë₃jmo₅-dsá_u₅ o₁ne₁! Ia₁ lín'₅ 'nia'₂ ju₁lia'₂ lë₅ ni₁vaso, ni₁u_{ing}₅ në₃, qui₁rin'₄ 'nia'₂ jmá'₃ lia'₂ le₃co'₅₄. La₁ tē₂le₃ ju₁5 tē₂'au'₂ 'nia'₂, qui₂rē₂can'₂ ca₂le₃jě₃ ne₅₄ a₂'lig'₅₄ a₂qui₂dsi₂ŋia₅ 'au'₂ 'nia'₂, 'niog'₂ 'nia'₂ jua'₅₄ jmá'₃ lia'₂ guiong'₅₄ bá₄ qui₂le₃cha₂ quiáng'₂; qui₂ja₂nó'₅ 'nia'₂ 'ang'₂ quió'₅ dsa₂.

26 'i'Nia'₂ dsa₂ fariseos ten₄! Rang₂ 'nia'₂ de'₂ jniá'₅ le₃'ñio'₂ ni₁vaso quian'₅₄ ni₁uing₅, jaun₂ gué₄ lé₂ le₁jé₃ le₂tan₅₄ le₃co'₅₄ ně₃.

27 'i'E₂ gué₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lë₁jmo₅-dsáu₅ o₁ne₁! Ia₁ lín'₅ 'nia'₂ ju₁lia'₂ lë₅ tau₂ 'ñio₅ a₂jñia'₅₄ con'₂ jniá'₂ tiog₂, jniá'₂ jlá'₁ jmá'₃ lia'₂ le₃co'₅₄ bá₄, la₁ le₃'ñio'₂ qui₂rë₂can'₂ ni₁mu₅, chí'₅ ma₂'lig'₅₄.

28 Le₂ně₅ bá₄ lín'₅ 'nia'₂; 'e₂ gué₄ dsen'₃ 'nia'₂ jniág'₂ jmá'₃ lia'₂ le₃co'₅₄ tē₃jë₄ jág₅ dsa₂, la₁ tē₂'au'₂ guë'₂ 'nia'₂ qui₂rë₂can'₂ ca₂le₃jë₃ ne₅₄ a₂'lig'₅₄, a₂jmo'₂ dsáu'₂ 'nia'₂ o₁ne₁ 'e₂ a₂jmo'₂.

29 'i'E₂ gué₄ juíg'₂ 'nia'₂ tē₅juá'₅, 'nia'₂ dsa₂ fariseos ně₃, i₂lë₁jmo₅-dsáu₅ o₁ne₁! Ia₁ qui₂jmóg'₂ 'nia'₂ tau₂ 'ñio₅ quió'₅ dsa₂ i₂ca₂'ë₂ jág₁ quián₅ Diú₄ ma₂líg'₂, qui₂jmóg'₂ 'nia'₂ jlá'₁ qui₂rë₂lag₄ ju₁lia'₂ ja₁le₁'on₅ dsa₂ dsen₃ i₂ma₂dsan₃.

30 Jaun₂ jag'₅₄ 'nia'₂: “Jua'₅₄ mei'₂ bá₄ ca₂rë₃chóng₃ jniog₄ jmig₄ jaun₂ lia'₂ con'₂ jme₁chan₂ dsa₂ can'₅₄ quián₂ ma₂líg'₂, tsá₃ jme₁jme₁quiain'₅₄ jniog₄ lia'₂ con'₂ jme₁ca₂jmo₃ a₂ca₂i₃'o₅₄ jmí₂ 'an₅₄ dsa₂ i₂chen₄ 'éi₂ quián₅ Diú₄.”

31 Jaun₂ le₂ně₅, quian'₅₄ jág₁ quián'₂ 'nia'₂ guiong'₅₄, jáng'₂ 'nia'₂ jág₁ dsau₅ a₂lín'₅ tsi₁jon₂ dsa₂ i₂ca₂jme₃dsian₅ dsa₂ i₂ma₂chen₃ Diú₄.

32 Jaun₂ ně₃, jme₁'ñia₅ 'nia'₂ dso₄ a₂ca₂jme₃lióg₃ dsa₂ can'₅₄ quián'₂ 'nia'₂.

33 'i'já'₂ 'lín'₅₄! ¡Tsi₁jon₂ dsi₂mi'₂! ¿'A₂ bá₄ lia'₂ le₃lon'₅₄ 'nia'₂ 'éi'₃ uig₅ a₂já₅ ja₁con'₂ 'nia'₂ a₂dsi₁nog'₃ guio₃-juíg₃?

34 'Uig₅₄ jaun₂, tsin₅₄ jniá₂ ja₁con'₂ 'nia'₂ dsa₂ i₂'ě₂ jág₁ o₄quió₃, dsa₂ i₂ñí'₂ niog₅ dsi₄, i₂lín₅ të₅ ně₃. I₂lin₅₄ 'éi₂ jme₁dsiain'₂ bá₄ 'nia'₂, i₂lin₅₄ guè'₂ qui₁tóin'₄ 'nia'₂ cróg₄. I₂sián'₂ guè'₂ ně₃ qui₁cuë'₅₄ 'nia'₂ dsi₂néi₂ guá'₅ sinagogas quiáng'₂, qui₂co₁'éin'₄ 'nia'₂ ně₃ le₂'í₁ juig₂.

35 Jaun₂ lě₃, 'nia'₂ bá₄ le₁cáng'₄ jmi₄ ca₂le₃jín₃ dsa₂ dsen₃ i₂qui₂ma₂dsan₃ mi₂güig₃, ca₂tě₂ jmi₄ Abel i₂jme₁lín₄ dsa₂ dsen₃, ca₂tě₂ jmi₄ Zacarías ja₁ñi'₅₄ Berequías, i₂ca₂jñí'₃ 'nia'₂ i₁dsi₅ guá'₅ jě₄ ja₁lě₄ ja₁jñió₅ quian'₅₄ ja₁chí'₄ ne₄chei₂.

36 A₂dsi₂jó'₃ juig₂ jniá₂ 'nia'₂, dsa₂ chan₂ jmig₄ ně₃ bá₄ rě₂cán'₄ ca₂le₃jě₃ dso₄ jaun₂.

*'O₅ Jesús o₄quió'₄ juig₂ Jerusalén
(Lucas 13:34-35)*

37 'i'Nia'₂ dsa₂ juig₂ Jerusalén! 'i'Nia'₂ dsa₂ juig₂ Jerusalén, 'nia'₂ i₂jme₂dsiáng'₁ dsa₂ i₂'ě₂ jág₁ quián₅ Diú₄, 'nia'₂ i₂qui₂jnag'₅₄ cang₄ dsa₂ i₂chen₅ Diú₄ jín'₄ 'nia'₂! 'i'Lióng₂ ráun₂ jme₁'ín₅ dsi₃ jme₁chi₁liang'₂ guein₂ dsa₂ juig₂ quiáng'₂, ju₁lia'₂ jmo₅ i₁tsín'₃ a₂chi₂lain'₂ guein₂ quiáin₅ to'₂ né'₃ tsi₁rě₂cu₅, la₁ guion'₅₄ 'nia'₂ tsá₃ ca₂gue'₅₄!

38 Jag₄ jaun₂, dsi₂néi₂ quiáng'₂ ně₃ të₃'ñiá₄, të₃tsi'₅₄ tei₄, tsá₃ 'ein₂ chan₂ lě₂.

39 Ia₁ juá'₅ jniá₂, tsá₃ ma₃la₂ jag'₅₄ 'nia'₂ jniá₂, ca₂lia'₂ ca₂tě₂ jmig₄ jě₁ma₂tě₂ rě₁jua'₅₄ 'nia'₂: "Ju₁le₂jñió₃ bá₄ i₂ně₅ i₂jón'₅ o₄quió'₄ Te₁gui'₅₄."§

§ 23:39 Salmo 118:26.

24

*Ca₂'ě₂ Jesús jág₁ a₂dsi₃'én₂ bá₄ guá'₅ templo
(Marcos 13:1-2; Lucas 21:5-6)*

¹ Jaun₂ ca₂o₃'ín₃ Jesús i₁dsi₅ guá'₅ templo ja₁jme₁'ein₅₄. Jme₁ma₂'ein₅₄ juí₅ ñái'₅, ca₂jme₃quián₃ chi'₂ dsi₂guia₃-tín₂ quiáin₅ tě₂, ca₂juá'₂:

—Jag₄ 'a₂ lia'₂ lě₅ guá'₅.

² La₁ jaun₂ ca₂ñag₃ Jesús:

—¿Jág'₂ 'nia'₂ ca₂le₃jě₃ a₂ně₅? A₂dsi₂jó'₃ juíg₂ jniá'₂ 'nia'₂, já₅ jmíg₄ lia'₂ 'i₁ca₂míg₂ ñi₁cang₁ tsá₃ ma₃'e₂ jua'₅₄ a₂le₁juí₄ guě₄ lé₂ quian'₅₄ rin'₅₄. Ca₂le₃jě₃ bá₄ 'én₂.

*Léi₄ a₂lé₂ jmíg₄ jě₁ca₂tó'₂
(Marcos 13:3-23; Lucas 21:7-24; 17:22-24)*

³ Jme₁ca₂dsióg₃ Jesús Má'₂ Olivos; ja₁jaun₂ ca₂guá'₂. Jaun₂ ca₂i₁len₅₄ chi'₂ dsi₂guia₃-tín₂ con'₂ jě₄ jmá'₃ guoin₅₄, ca₂ní'₃ Jesús:

—'Niog₂ jnia'₅₄ le₃ne₄ líg'₂ lé₂ a₂juá'₂ 'ne₂ ně₅. ¿'E₂ léi₄ lé₂ jě₁ma₂tě₂ rě₁ñeg'₅₄ táng₃? ¿'E₂ bá₄ léi₄ lé₂ jě₁ma₂tě₂ rě₁tě₅₄ jmíg₄ jaun₂?

⁴ Jaun₂ ca₂ñag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅.

⁵ Ia₁ juín₅ i₂tě₁nió₄ a₂juá'₂ i₂niói₅₄ o₄quió₃ jniá'₂, juá'₂: “Jniá'₂ bá₄ líng₅ I₂rě₂'ín₁ quián₅ Diú₄”; jaun₂ juín₅ dsa₂ i₂qui₂jme₃gain₂₃.

⁶ Jě₁ma₂nei'₂ 'nia'₂ 'ei₅ jág₁ a₂nió₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó'₂ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ 'nió'₅ bá₄ guě₄ a₂ñí₂ jein₂ jaun₂.

7 Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ guë'₂ ně₃ qui₃tóin'₃ mi'₅₄ quín'₂ quian'₅₄ dsi₂tan₅₄ riin'₅₄ i₂chan₂ juig₂ siá'₂. Jaun₂ guë'₄ ně₃ 'lióng₂ ja₁qui₂i₂nio₄ dsa₂ 'oin₅₄ lé₂, ton'₂ 'lióng₂ ja₁qui₂dsi₃bi₅₄ 'uë'₃ ně₃.

8 Ca₂le₃jě'₃ a₂ně₅ lé₂ a₂le₂'uig₅₄ jmi₁uig₅ ju₁lia'₂ jan₂ 'io₅₄ i₂rě₂chan₂ guein₂ quián₅.

9 'Jaun₂ guë'₄ ně₃, qui₃jín'₂ dsa₂ 'nia'₂ ne₄ dsi₂tan₅₄ ia₁jaun₂ cuë'₃ dsa₂ uig₅, jaun₂ guë'₄ jme₃dsian₅ dsa₂ 'nia'₂. Le₂con₂ mi₂güig₃ bá₄ jme₃'ñia₅₄ dsa₂ 'nia'₂ 'uig₅₄ quió'₃ jniá'₂.

10 Jmig₄ jaun₂, juin₅ dsa₂ i₂tí₂ ju₁ quió'₅ Diú₄ a₂jme₁'éin₂, qui₂jme₃'ñia₅₄ bá₄ riin'₅₄, qui₃jang'₂ ně₃.

11 Juin₅ dsa₂ le₃chan₂ i₂'ě₂ jág₁ i₂ju₁gan₂, jaun₂ juin₅ dsa₂ i₂jme₃gain₂₃.

12 'Uig₅₄ ia₁ a₂ñí₄ lě₃ ju₁si ñag₅₄ le₃'lin'₅₄ dsa₂, co₂dsia₅ le₃güig'₂ bá₄ 'a₂ lia'₂ jme₁'nio₃ dsa₂ riin'₅₄ le₂jain₂ le₂jain₂.

13 La₁ ju₁lia'₂ i₂náu₃ tiá₂ tē₂ jē₁ca₂tó'₂, 'éi₂ bá₄ lión₂.

14 Jág₁ dse₃ la₂ ju₁lia'₂ 'a₂ lia'₂ lě₅ ja₁gon₂ Diú₄ qui₂dsi₃'ag₅ ta₁caun₂ mi₂güig₃, ia₁jaun₂ le₃ñi₅ ca₂le₃jě'₃ juig₂ te₁'i₁ gua'₅₄ 'uë'₃ jág₁ dse₃ jaun₂; jaun₂ guë'₄ ně₃ tē₅₄ jmi₄ jē₁ca₂tó'₂.

15 'Jaun₂ ně₃, já₅ jmi₄ a₂tē₅₄ ne'₅₄ 'nia'₂ a₂náu₃ jan₂ dsa₂ i₂'lin'₅₄ guë'₄ lin₃, a₂jme₃'ióg₃ ja₁ñi₅, a₂le₃ti₃ jág₁ a₂ca₂'ě₂ Daniel i₂jme₁'ě₂ jág₁ quián₅ Diú₄,* (jaun₂ ju₁le₂ñí'₂ bá₄ i₂'i₅ si₂ la₂),

16 jaun₂ ně₃, dsa₂ i₂tián'₅ le₂tan₅₄ 'uë'₃ Judea, ju₁cuing₁₂ ju₁ má'₂.

* 24:15 Í₂ Daniel 9:27; 11:31; 12:11.

17 ju₁lia'₂ i₂'en₅₄ guei'₅₄ 'ne₄, tsá₃ ma₃ju₁sióin₄
jua'₅₄ a₂'uě'₃ 'e₂'uě'₃ dsi₂néi₂ quió'₅;

18 ju₁lia'₂ i₂'en₅₄ ja₁nau₂ quió'₅ táng₃, tsá₃
ma₃ju₁jñioi'₅₄ jua'₅₄ a₂ja₃quián₂ tsi₁'mi'₂ dsiog₂
quió'₅.

19 ¡ju₁íg₂ bá₄ ju₁lia'₂ dsa₂ mí₂ i₂le₁quian₅ guein₂,
ju₁lia'₂ i₂le₁jñia₅ guein₂ i₂'ín'₂ dsi'₅₄ ně₃, jmig₄ jaun₂!

20 Mi₄ 'nia'₂ ne₄ Diú₄ ia₁jaun₂ tsá₃ o₁le₅₄ jua'₅₄
a₂cuíng'₂ 'nia'₂ jein₂ güíng₂, on₃ guě'₂ jmig₄ sa₅₄ ně₃.

21 Ia₁ juá'₅ jniá₂, caun₂ o₂i₁ dsi₅ lin₃ a₂le₃chan₂ dsa₂
jmig₄ jaun₂, caun₂ jm₁ui₅ a₂tsá₃ ma₂ca₂rě₃chá₃
ca₂le₃ ca₂nio₃ mi₂güíng₃, on₃ guě'₂ ma₃niog₅ jmig₄
jua'₅₄ a₂le₃cha₂ guě₄ cang₂.

22 Jua'₅₄ mei'₂ guě₃ Diú₄ tsá₃ ma₂ca₂jme₃tě₃ jmig₄
jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ guě₃ tsá₃
le₂jaun₂. La₁ o₄quió'₄ i₂rě₂quion'₅₄ quián₅, jme₃tě₃
bá₄ jmig₄ jaun₂.

23 'Ně₁jua'₂ chan₂ i₂ca₂juá'₂ tsí'₅ 'nia'₂ jmig₄ jaun₂.
“¡Jag₄ 'nia'₂! ¡La₂ bá₄ chén'₅ I₂rě₂'ín₁ quián₅ Diú₄!” o₃
ně₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en₅₄ 'nia'₂
jág₁ jaun₂.

24 Ia₁ ju₁n₅ dsa₂ i₂ju₁gan₂ ja₃lén₂ a₂juá'₂ a₂lín₅
I₂rě₂'ín₁ quián₅ Diú₄, a₂juá'₂ ně₃ a₂lín₅ dsa₂ i₂'ě₂
jág₁ quián₅ Diú₄; 'lióng₂ léi₄ juě'₂ a₂o₂dsain₂ jmo₃
a₂jme₃gain₂₃ dsa₂. Jua'₅₄ mei'₂ guě₃ lé₂, ca₂tě₂ dsa₂
i₂quion'₅₄ quián₅ Diú₄ jme₃gain₂₃.

25 Jaun₂ ně₅ ma₂ně₂juíng₂ jniá₂ 'nia'₂ tě₃jñiá₅.

26 Jaun₂ ně₃, ně₁jua'₂ 'ein₂ ca₂tsí'₃ 'nia'₂: “Ní₂ 'nia'₂,
jó₄ 'ein₅₄ ja₁lě₄ 'uě₃ quein₂ co₂'ñiog₅”, tsá₃ lě₁o₂nó'₅
'nia'₂ ja₁jaun₂; o₃ ně₁jua'₂ 'ein₂ ca₂juá'₂: “Ní₂ 'nia'₂,
ja₁lá₃ rě₂'mai₅₄ dsi₂néi₂”, tsá₃ ju₁le₂'én'₂ 'nia'₂.

27 Ia₁ ju₁lia'₂ jme₁lě₂ si₁ŋí'₃ ca₂taun₂ ca₂taun₂,
le₂jaun₂ bá₄ lé₂ jě₁ma₂tě₂ rě₁guan'₂ Jaun₅ dsa₂
mi₂güig'₃.

28 Ia₁ ju₁lia'₂ ja₁ron₅ 'lag₄, ja₁jaun₂ bá₄ ŋi'₂ i₁tú₃
tsin'₅₄.

A₂ lia'₂ guan'₂ Jaun₅ dsa₂ mi₂güig'₃
(Marcos 13:24-37; Lucas 21:25-33; 17:26-30,
34–36)

29 'Dsi₂ju₁i₅ jě₁ma₂ca₂ŋag₅ jmi₃g₄ o₂i₁ dsi₅ jaun₂,
'iog₂ ně₃ co₂dsia₅ le₃lia'₂,
tsi'₂ ně₃ tsá₃ ma₃tág₅ jnia₅₄;
nei₅ guě'₂ ně₃ qui₂tsi₃séi'₂,
ca₂le₃jě₃ guě'₄ 'e₂ bí₂ cha₂ guei'₅₄ mi₂güig'₃
qui₃guan'₃.†

30 'Tě₃jě₄ jaun₂ guě'₄ ně₃, le₃jniá₂ guei'₅₄ dsi₂güig₂
léi₄ quió'₅ Jaun₅ dsa₂ mi₂güig'₃, ca₂le₃jě₃ juig₂ te₁'i₁
le₂con₂ mi₂güig'₃ tóin'₃ qui'₃-o₃. Jín₂ Jaun₅ dsa₂
mi₂güig'₃, guain'₂ guei'₅₄ jě₄ jnei₅ quian'₅₄ ca₂le₃jě₃
jui₅bí₂ a₂'io₂₃ jláin'₁.

31 Jaun₂ qui₃chein₃ ángeles quiáin₅ jéi₂ ŋí₂
trompeta tiá₂ lín₃ a₂tě₂ dsa₂ i₂quion'₅₄ quiáin₅
i₂chan₂ ca₂le₃jě₃ juig₂ te₁'i₁ ta₁caun₂ mi₂güig'₃.

32 'Jme₁tin₅ 'nia'₂, ju₁le₂ŋí'₂ 'au'₂ jág₁ a₂jáng'₅ léi₄
ju₁lia'₂ ni₁'ma₂ a₂'ag₅ míg₂ higos: jme₁chéi'₂ gu'₂
nei'₅₄, a₂ja₂'ŋio₃ mog'₅₄, ŋi'₅₄ 'nia'₂ a₂ma₂ja₂quián₃
jein₂ 'iog₂ bá₄ jaun₂.

33 Le₂ně₅ bá₄ 'nia'₂ jaun₂ ně₃, jě₁ma₂tě₅ ne'₅₄ a₂lě₂
ca₂le₃jě₃ a₂ně₅, ju₁le₂ŋi'₅₄ bá₄ 'nia'₂ a₂ma₂ja₂quián₃,
ně₂ja₄ bá₄ i₂ma₂chén'₅ o₄'né₄ bá₄ 'éi₂.

† 24:29 Isaiás 13:10; 34:4.

34 A₂dsi₂jó'₃ juá'₅ jniá₂ juíg₂ 'nia'₂, tsá₃ dsi₃ñí₂ tsi₁jon₂ la₂, † ca₂lia'₂ ca₂lë₃ ca₂le₃jë₃ a₂në₅.

35 Já₅ jmig₄, guei'₅₄ dsi₂güig₂ quian'₅₄ mi₂güig₃ la₂ ñag₅, la₁ jág₁ quió₃ o₁líg'₂ tsá₃ ñag₅ jua'₅₄ a₂tsá₃ le₃ti₃.

36 'La₁ 'i₁jan₂ tsá₃ 'ein₂ ñi₅ 'e₂ 'i₁ó'₄, 'e₂ hora lé₂ a₂jaun₂, on₃ guë'₂ ángeles i₂tion'₅₄ guei'₅₄ i₂juíg₃, on₃ guë'₂ 'ñiog₅ Ja₁ñi'₅₄ Diú₄. § Jñia'₅₄ lia'₂ 'ñiog₅ bá₄ Diú₄ Jmei₂ ñi₅.

37 'Ia₁ jui₁lia'₂ ca₂lë₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ ján₃ jë₁ma₂të₂ rë₁guan'₂ Jaun₅ dsa₂ mi₂güig₃.

38 Ia₁ jmig₄ jaun₂, né'₃ a₂can'₂ mi₂güig₃ quian'₅₄ jmig₂, jme₁chan₂ dsa₂ qui₂guë'₅, qui₂'ín'₂, qui₂jéin'₂ gu₂, qui₂cu₁in₂₃ ja₁míg₄ jme₁jéin'₂ gu₂ në₃, ca₂lia'₂ ca₂të₂ jmig₄ jme₁ca₂'í₃ Noé 'ñi₁ó'₃ ñi₁barco;

39 la₁ con'₂ tsá₃ 'ein₂ rë₁ján₁ jme₁ca₂dság'₃ jmig₂ ca₂jio₃ quió'₅ ca₂le₃jíin₃. Le₂jaun₂ bá₄ lé₂ táng₃ jë₁ma₂të₂ rë₁guan'₂ Jaun₅ dsa₂ mi₂güig₃.

40 Jmig₄ jaun₂, on₃ dsa₂ ñe'₂ tion'₅₄ ja₁nau₂; jan₂ i₂dsán'₃, jan₂ guë'₂ i₂të₃'ñiá₄.

41 On₃ guë'₂ dsa₂ m₁í₂ ti₁oin'₅₄ éi'₅ ne₄ ñi₁to₂; jan₂ i₂dsán'₃, jan₂ guë'₂ i₂të₃'ñiá₄.

42 'Jme₁ñio₂ 'nia'₂ ne'₅₄ jaun₂, ia₁ tsá₃ ñi'₅₄ 'nia'₂ 'e₂ hora jñi₁ó'₂ juig'₂.

43 La₁ jui₁le₂ñí'₂ 'au'₂ 'nia'₂ a₂la₂: jua'₅₄ mei'₂ guë'₃ ñi₅ dsa₂ juig₅₄ caun₂ dsi₂néi₂ 'e₂ hora jiá₃ dsa₂ 'ang₂ të₂le₃ ca₂nei₂, jme₁ñio₅₄ ne₅₄, tsá₃ cuë'₃ jmig₄ a₂'í₂ dsa₂, 'ang₃ dsi₂néi₂ quió'₅.

† 24:34 o₃, “né'₃ a₂dsián₃ dsa₂ i₂lín₅ raza la₂.”

§ 24:36 A₂lin₅₄ chog₅₄ si₂ tsá₃ chi₁ton₅ “on₃ guë'₂ 'ñiog₅ Ja₁ñi'₅₄ Diú₄.”

44 Le₂ně₅ bá₄ 'nia'₂, rě₂ján'₁ 'nia'₂ chang'₂; ia₁ con'₂ tsá₃ ŋi'₅₄ bá₄ 'nia'₂ guan'₂ Jaun₅ dsa₂ mi₂güig₃.

Dsa₂ dsen₃ i₂jme₂ti₃, quian'₅₄ dsa₂ i₂tsá₃ jme₂ti₃
(Lucas 12:41-48)

45 'ĉEin₂ dsa₂ i₂ŋí'₂ dsí₅ jme₂ti₃ con'₂ dsi₂ten₅₄ ne₄ juig₅₄? Juig₅₄ ně₃ ca₂dsia₃ o₄gú₃ 'éi₂ dsi₂néi₂ quió'₅ lia'₂ jma₃quian'₅₄ ca₂le₃jín₃ riin'₅₄ i₂jme₂ti₃, a₂ŋii'₃ riin'₅₄ jě₁ma₂tě₂ hora a₂guě'₃.

46 'E₂ guě₄ dsen₃ 'éi₂ jě₁ma₂tě₂ rě₁jo₅₄ juig₅₄ jě₁ma₂guáin'₅ jme₂ti₃ bá₄ ta₁ a₂chéin'₅.

47 A₂dsi₂jó'₃ juá'₅ jniá₂, cuě₃ juig₅₄ ta₁ a₂nio₃ ne₅₄ ca₂le₃jě₃ 'e₂ a₂cha₂ quió'₅.

48 La₁ jua'₅₄ mei'₂ guě₃ dsa₂ i₂jme₂ti₃ líin₅ jan₂ dsa₂ 'lin'₅₄ i₂tsá₃ tón'₂ jui₅ ta₁ a₂chéin'₅, ia₁ líin₂, “i₂le₃'in₄ bá₄ juig₃”,

49 jaun₂ jme₂lióg₃ qui₂cuě'₅ bá₄ riin'₅₄, dsó₂ qui₂dsi₂guě'₃ qui₂dsi₂'én'₃ quian'₅₄ dsa₂ 'en₅ ně₃.

50 La₁ caun₂ jmig₄ con'₂ tsá₃ rě₂jáin₁, caun₂ hora con'₂ tsá₃ lí'₄ bá₄, dsián'₄ juig₅₄.

51 Juig₅₄ ně₃ cuě₃ uig₅, * 'liog'₃ ja₁jaun₂ bá₄ ján₃, ja₁ca₂tín₂ dsi₁len₅ i₂lě₁jmo₅-dsáu₅ o₁ne₁, ja₁qui'₂'o₃, qui₃quí'₃ jan₅₄.

25

Jág₁ jáng'₅ léi₄ ju₁lia'₂ guian₃ chi'₂ dsa₂ mi₄

1 'Jm₁g₄ jaun₂ ju₁lia'₂ ja₁gon₂ Diú₄, lé₂ ju₁lia'₂ ca₂jmo₃ guian₃ chi'₂ dsa₂ mi₄ jme₁ca₂can₃ ni₁tsí₅ le₁guí'₂ si₂ quió'₅. Ca₂i₃lěin₂ ca₂i₁jme₁jein'₂ dsa₂ ŋe'₂ i₂jen'₂ gu₂.

* 24:51 lit. “dsia₃ juig₅₄ le₁juig₁ le₁dsog'₅₄ quió'₅.”

2 'Njá₂ chi'₂ dsa₂ mi₄ 'éi₂ jme₁coin₅₄; 'ñiá₂ guë'₂ i₂'ñio₄, i₂dse₃ niog₅ dsi₄.

3 Dsa₂ mi₄ i₂co₄ 'éi₂ ně₃, jmá'₃ ni₁tsí₅ chi₁guí'₂ si₂ bá₄ ca₂can₃; tsá₃ ca₂can₃ guë'₂ ni₁dsig₁ a₂'a₄ aceite.

4 La₁ dsa₂ mi₄ i₂niog₅ dse₃ dsi₄ ně₃ ca₂jmo₃ co₂ñia₅₄ quió'₅, jme₁le₁quian₅ ni₁tsí₅ le₁guí'₂ si₂, ton'₂ jme₁le₁quian₅ rë₂tsón₂ aceite 'a₄ ni₁dsig₁.

5 La₁ ca₂rë₃ 'in₄ bá₄ guë'₂ dsa₂ ñe'₂ i₂lë₅ jág₁ jen'₂ gu₂, jaun₂ le₃ñin₃ bá₄ dsa₂ mí₂ 'éi₂ ně₃ ca₂tá'₂ i₁güin₃, jaun₂ ca₂güin₂ bá₄.

6 Jaun₂ jme₁ca₂të₂ dsi₃nei₅, ca₂né'₂ tiá₂ i₁juá'₄ dsa₂: “i₁Në₅ jón'₅ dsa₂ ñe'₂ i₂jen'₂ gu₂! i₁'Uin'₂ 'nia'₂ o₂jme₁jein'₂!”

7 Jaun₂ qui₂ca₂nau₂ ca₂le₃ñin₃, ca₂jmo₃ dse₃ mecha tsí₅ quió'₅.

8 Jaun₂ ca₂juá'₂ dsa₂ mí₂ i₂'ñiá₂ i₂co₄ 'éi₂ ca₂tsí'₃ riin'₅₄ i₂'ñio₄: “Cué'₁ 'nia'₂ ca₂juig₄ aceite quiáng'₂, ia₁ ma₂i₁ei₃ si₂ tsí₅ quián₂ jnia'₅₄.”

9 La₁ ca₂ñag₃ dsa₂ mí₂ i₂'ñio₄: “Jan₂'ón₄. Ia₁ con'₂ tsá₃ ñó₅ në₁jua'₂ tsá₃ ca₂tín'₂ quián₂ jnia'₅₄ guio₅₄, on₃ guë'₂ quián'₂ 'nia'₂ tín'₂ ně₃. Co₂ñei'₅₄ guë'₄ dse₃ o₂no'₅ 'nia'₂ guiong'₅₄ o₂liá₃ quiáng'₂ ja₁'nag₅ dsa₂.”

10 La₁ të₁lia'₂ i₂lén₂ 'éi₂ i₂lia₅ aceite, të₃jë₄ jaun₂ ca₂guán'₃ dsa₂ ñe'₂ i₂lë₅ jág₁ jen'₂ gu₂. Dsa₂ mí₂ i₂tián'₅ lë₅ co₂ñia₅₄ ca₂i₃toin'₅₄ bá₄ co₂lë₅ quiong'₅₄ i₁guë'₂ ja₁niog₅ jmig₄ a₂jen'₂ gu₂ dsa₂. Jaun₂ ca₂ñág₃ o₄'né₄ jme₁ca₂ñág₃.

11 Jme₁co₂lág₂ jaun₂, o₃len₅ i₂'ñiá₂ 'éi₂, jaun₂ ca₂tóin'₂ ca₂të₃, ca₂juá'₂: “i₁Te₁gui'₅₄, Te₁gui'₅₄! i₁Nia₄ o₄'né₄ jaun₂ tió'₄ jnia'₅₄!”

12 La₁ jaun₂ ca₂ñag₃ dsa₂ ñe'₂: “A₂dsi₂jó'₃ juá'₅, tsá₃

cuíng₅ 'ein₂ 'nia₂.'”

13 'Jaun₂ le₂ně₅, chan₂ 'nia₂ co₂jñiag₅₄, ia₁ tsá₃ ñi₅₄ 'nia₂ 'e₂ 'ió₄, 'e₂ hora guan₂ Jaun₅ dsa₂ mi₂güí₃.

Jág₁ jáng₅ léi₄ jui₁lia₂ 'a₂ lia₂ lě₅ ca₂jmo₃ ún₂ dsa₂ quian₅₄ a₂ca₂dsia₃ juig₅₄ o₄gú₃

(Lucas 19:11-27)

14 'Con₂ siá₂ lě₅ ja₁gon₂ Diú₄ jui₁lia₂ jan₂ dsa₂ i₂'en₅₄ jui₅ dsó₃ dsí₃ñí₃ uíng₂ juig₂ siá₂. Jaun₂ ca₂tě₃ dsa₂ i₂jme₁jme₂ti₃ ta₁ ne₅₄, jaun₂ o₄gú₃ 'éi₂ ca₂dsia₃ cu₄.

15 Jan₂ i₂ca₂cuě₃ 'ñiá₂ mei₅ 'éi₃ cu₄ talentos; jan₂ guě₂ i₂ca₂cuě₃ tin₃ mei₅, jan₂ guě₂ caun₂ mei₅. Ca₂cuě₃ le₂jan₂ dsa₂ 'éi₂ 'a₂ con₂ jñia₅₄ qui₅₄ jmig₄. Jaun₂ guě₄ ñó₃ i₁ñí₃.

16 Dsa₂ i₂ca₂gue₃ 'ñiá₂ mei₅ 'éi₃ cu₄ ně₃, ca₂j mói₂ ta₁ cu₄ jaun₂, jaun₂ ca₂lí₃ con₂ guě₄ 'ñiá₂ mei₅ jmá₃ a₂dsí₂.

17 Ján₃ bá₄ le₂jaun₂ ca₂jmo₃ i₂ca₂gue₃ tin₃ mei₅, ca₂lí₃ con₂ guě₄ tin₃ mei₅ táng₃ a₂tě₁dsi₅₄.

18 La₁ dsa₂ i₂ca₂gue₃ caun₂ mei₅ ně₃, ca₂'ma₃ bá₄ a₂caun₂ mei₅ a₂ca₂cuě₃ juig₅₄, ca₂i₁'ó₄ né₃ 'uě₃.

19 'Uě₂ lín₃ bá₄ i₁ñí₂ juig₅₄ ně₃; la₁ ca₂guáin₃ jme₁ca₂guáin₃ cang₂. Jaun₂ ca₂caún₃ 'í₁ ca₂chein₃ cuentas quió₅ dsa₂ i₂jme₂ti₃ i₂ca₂cuě₃ cu₄.

20 Jaun₂ ca₂dsió₃ i₂le₂'uig₅₄ i₂ca₂gue₃ 'ñiá₂ mei₅, jaun₂ ca₂jín₂ juig₅₄ con₂ guě₄ 'ñiá₂ mei₅ a₂tě₁dsi₅₄ a₂ca₂lí₃, jaun₂ juá₂ tsí₃ juig₅₄: “Te₁gui₅₄, ca₂cuě₅₄ 'ne₂ 'ñiá₂ mei₅; jag₄, la₂ ron₅ con₂ guě₄ 'ñiá₂ mei₅ táng₃ a₂ca₂lág₃.”

21 Jaun₂ ca₂juá₂ juig₅₄: “Ñio₅ dse₃ ca₂jmo₅₄. Líng₅ bá₄ jan₂ dsa₂ dsen₃ i₂ca₂rě₃ti₅₄; ca₂rě₃teng₅₄ bá₄

quian'⁵⁴ a₂ca₂juig₄ a₂ca₂dsia₃ jniá₂ gog'², nē₃ nē₃
'lióng₂ guě₄ a₂dsia₅₄ jniá₂ gog'². 'Ú₅ dsi₂néi₂, o₁quián₁
o₂'ñi₃ dsi₅ co₂dsia₅.”

22 Jme₁co₂lág₂ jaun₂ ca₂dsióg₃ i₂ca₂gue₃ tin₃ mei₅,
jaun₂ ca₂juá'²: “Te₁gui'⁵⁴, ca₂cuē'⁵⁴ 'ne₂ tin₃ mei₅;
jag₄, la₂ ron₅ con'² guě₄ tin₃ mei₅ táng₃ a₂ca₂lág₃.”

23 Jaun₂ ca₂juá'² juig₅₄, “'Ni₅ dse₃ ca₂jmo'⁵⁴. Líng'⁵
bá₄ jan₂ dsa₂ dsen₃ i₂ca₂rě₃ti'⁵⁴; ca₂rě₃teng'⁵⁴ bá₄
quian'⁵⁴ a₂ca₂juig₄ a₂ca₂dsia₃ jniá₂ gog'², nē₃ nē₃
'lióng₂ guě₄ a₂dsia₅₄ jniá₂ gog'². 'Ú₅ dsi₂néi₂, o₁quián₁
o₂'ñi₃ dsi₅ co₂dsia₅.”

24 'La₁ jme₁ca₂dsióg₃ i₂ca₂gue₃ caun₂ mei₅,
ca₂juá'² tsí'⁵ juig₅₄: “Te₁gui'⁵⁴, guion₄ jniá₂ a₂líng'⁵
jan₂ dsa₂ i₂tsá₃ 'e₂ ñéi₂ dsi'⁵, 'aun'² ja₁tsá₃ 'e₂ ca₂jñi'²,
ton'² cag'⁵⁴ ja₁tsá₃ 'e₂ ca₂séi'³.”

25 'Uig₅₄ jaun₂ ca₂rě₃gó₅ jniá₂, ca₂i₁'ó₄ bá₄ jniá₂ cu₄
quiáng'² né'³ 'uě₃. La₁, la₂ bá₄ ron₅ quiáng'².”

26 Jaun₂ ca₂ñag₃ juig₅₄: “i₂Dsa₂ 'lin'⁵⁴ juí'⁵! 'An₁, ñi'⁵⁴
bá₄ jaun₂ nē₃ a₂'on₂₃ ja₁tsá₃ 'e₂ ca₂jan₃, ton'² cag'⁵⁴
ja₁tsá₃ 'e₂ ca₂séi'³.”

27 'Uig₅₄ jaun₂, jua'⁵⁴ banco bá₄ co₂ñei'⁵⁴
ca₂i₁tio'² cu₄ quió₃, ia₁jaun₂ jme₁guéi'⁴ cu₄ quió₃
jë₁ma₂guáng'³ lia'² jma₃quian'⁵⁴ a₂tě₁dsi₅₄.”

28 Jñiá'³ 'nia'² a₂caun₂ mei₅ chan'² i₂ně₅ jaun₂ nē₃,
o₂cuē'⁵⁴ i₂chan'² guia₃ mei₅.”

29 Ia₁ ju₁lia'² i₂ma₂le₁'io₅ 'lióng₂, tē₂le₃ 'lióng₂ guě₄
ñei₂ bá₄, ia₁jaun₂ le₃cha₂ quió'⁵ lia'² qui₂rě₂tsón₂;
la₁ ju₁lia'² i₂tsá₃ 'e₂ le₁'io₅, le₂jio₅ a₂ca₂juig₄
a₂ma₂le₁'io₂₃, co₂dsia₅ jñia'³ bá₄.”

30 Jaun₂ dsa₂ i₂tsá₃ ta₁ tén₄ la₂, dsein₅₄ ca₁'né₄
tioin'² 'nia'² jě₄ qui₁né'³, ja₁qui'²-o₃ qui₃'jan₅₄ nē₃.”

Jë₁ma₂tě₂ rë₁tě₃dsi₅₄ 'éi'₃ ja₁con₂ dsa₂ mi₂güig₃.

31 'Jë₁ma₂tě₂ rë₁guan'₂ Jaun₅ dsa₂ mi₂güig₃ a₂lín₅ rag₅₄ jlán'₁ lín₃, a₂qui₂le₁lio₃ ángeles quián₅, jaun₂ gué₄ guá₃ ne₄ta₁ quió'₅ a₂'uain'₂ lín₃,

32 jaun₂ ŋi'₂ ne₅₄ ca₂le₃jín₃ dsa₂ chan₂ juig₂ ca₂le₂con₂ mi₂güig₃. Jaun₂ gué₄ ně₃ jmo₃ jma₃quén₅ con'₂ ca₂tín₂ le₂jan₂ le₂jan₂ dsa₂ quian'₅₄ riin'₅₄, juilia'₂ jmo₅ dsa₂ i₂jmo₅ 'í₁ já'₂ cha'₂, jmo₂₃ jma₃quén₅ já'₂ cha'₂ quian'₅₄ chein₄ lau₂.

33 Tě₂le₃ gu₂ ne₁ quió'₅, chein'₃ já'₂ cha'₂; chein₄ lau₂ guë'₂ tě₂le₃ gu₂ jen₅.

34 Jaun₂ ně₃, juá'₂ Rag₅₄ tsí'₅ i₂tión₂ tě₂le₃ gu₂ ne₁: "I₂no'₄ 'nia'₂ i₂ma₂rě₂gon'₅₄ quián₅ Ne'₃; gue₄ 'nia'₂ a₂ca₂tíng'₂ ja₁gon₂ Diú₄, ja₁ma₂lě₅ co₂jñia₅₄ quián'₂ 'nia'₂ ca₂le₃ ca₂nio₃ mi₂güig₃.

35 Ia₁ ca₂ŋi₃ jniá'₂ 'ong₅₄, 'nia'₂ bá₄ i₂ca₂cuë'₅₄ a₂ca₂guë'₃; ca₂ŋi₃ a₂rě₂quein₂ dsi₃ i₁gui'₄ jmig₂, 'nia'₂ bá₄ i₂ca₂cuë'₅₄ jmig₂ ca₂gui'₃; ca₂ŋi₃ jniá'₂ 'no₂₃ ja₁jan₁₂, 'nia'₂ bá₄ i₂ca₂cuë'₅₄ dsi₂néi₂ quiáng'₂ ca₂jan₅₄.

36 Ca₂ŋi₃ jniá'₂ 'in₂ tsín'₅, 'nia'₂ bá₄ i₂ca₂cuë'₅₄ tsín'₅ ca₂quí'₃; ca₂tsán₂ dsong₅₄, 'nia'₂ bá₄ i₂ca₂jmo'₅₄ 'í₁; ca₂l₁'ú₄ né'₃ 'má₃, ca₂l₁jag'₄ bá₄ 'nia'₂."

37 Jaun₂ ně₃, ŋag₃ dsa₂ dsen₃ 'éi₂: "Te₁gui'₅₄, ¿líg'₂ bá₄ jaun₂ ca₂né₄ jnia'₅₄ 'ne₂ a₂ŋi'₂ i₁cuang'₃ jaun₂ ca₂cuë'₁ jnia'₅₄ a₂ca₂qué'₂? ¿O₃ líg'₂ jaun₂ ca₂né₄ jnia'₅₄ 'ne₂ a₂ŋi'₂ rě₂quein₂ 'au'₂, jaun₂ ca₂cuë'₁ jnia'₅₄ jmig₂ ca₂'én'₂?"

38 ¿O₃ líg'₂ jaun₂ ca₂né₄ jnia'₅₄ 'ne₂ a₂ŋi'₂ 'náu'₂ ja₁jan'₄, jaun₂ jnia'₅₄ bá₄ ca₂cuë'₁ dsi₂néi₂ ca₂jñia'₅₄, o₃ ca₂ŋi'₅₄ 'in₂ tsín'₂, jaun₂ jnia'₅₄ bá₄ ca₂cuë'₁?"

39 ʔO₃ líg'₂ jaun₂ ca₂né₄ jnia'₅₄ 'ne₂ a₂rong'₂ dsong'₅₄
o₃ lia'₂ con'₂ ca₂'ú'₃ né'₃ 'má₃, jaun₂ ca₂i₁jag'₅₄ jnia'₅₄?"

40 Jaun₂ ně₃, ɲag₃ Rag₅₄: “A₂dsi₂jó'₃ juá'₅ jniá₂,
ca₂le₃jě₃ a₂dse₃ a₂'ua₁ 'au'₂ 'nia'₂ ca₂jmo'₅₄ ja₁con₂
le₂jan₂ le₂jan₂ ríng'₃ la₂ i₂jín₂ dsa₂ mi₂güí₃g₃ 'uín₃,
o₄quió₃ jniá₂ bá₄ a₂ca₂jmo'₅₄ 'nia'₂.”

41 'Jaun₂ juá'₂ táng₃ Rag₅₄ tsí'₃ i₂tión₂ tē₂le₃ gu₂ jen₅:
“Jnia'₃ 'nia'₂ ja₁con₂ jniá₂, 'nia'₂ i₂tiong'₅₄ 'éi'₃ o₁nóg'₅
dsi₂si₂ ja₁tsá₃ ton₅ jmíg₄ 'éi₃, ja₁lě₄ co₂jnia₅₄ quió'₅
i₂sě₃dsen₃ quian'₅₄ ángeles quiáin₅.”

42 Ia₁ ca₂ɲi₃ jniá₂ i₁cón₅, 'nia'₂ ně₃ tsá₃ 'e₂ ca₂cuē'₅₄
a₂guē'₅₄; ca₂ɲi₃ rē₂quein₂ dsi₃ i₁gui'₄ jmíg₂, tsá₃ 'e₂
jmíg₂ ca₂cuē'₅₄ 'nia'₂.”

43 Ca₂ɲi₃ jniá₂ 'no₂₃ ja₁jan₁₂, tsá₃ ja₁ca₂cuē'₅₄ 'nia'₂
jan₅₄. Ca₂ɲi₃ 'in₂ tsín'₅, tsá₃ 'e₂ tsín'₅ ca₂cuē'₅₄ 'nia'₂.
Ca₂tsán₂ dsong₅₄, jme₁ca₂'ú₃ né'₃ 'má₃ ně₃, tsá₃
ca₂i₁jag'₄ 'nia'₂.”

44 Jaun₂ ně₃, ɲag₃ dsa₂ 'éi₂: “Te₁gui'₅₄, ʔlíg'₂ bá₄
jaun₂ ca₂né₄ jnia'₅₄ 'ne₂ a₂ɲi'₂ i₁cuang'₃, o₃ rē₂quein₂
'au'₂ o₃ ca₂ɲi'₅₄ 'náu'₂ ja₁jan'₄, o₃ ca₂ɲi'₅₄ tsá₃ tsín'₂
cha₂qui'₅₄, o₃ jme₁ca₂rē₃dsong'₅₄, o₃ lia'₂ con'₂ ca₂'ú'₃
né'₃ 'má₃, tsá₃ ca₂jme₁'o₁ jnia'₅₄?”

45 Jaun₂ ɲag₃ Rag₅₄: “A₂dsi₂jó'₃ juá'₅ jniá₂, ca₂le₃jě₃
a₂dse₃ a₂tsá₃ ca₂jmo'₅₄ 'nia'₂ ja₁con₂ le₂jan₂ le₂jan₂
ríng'₃ la₂ i₂jín₂ dsa₂ mi₂güí₃g₃ 'uín₃, o₄quió₃ jniá₂ bá₄
tsá₃ 'e₂ ca₂jmo'₅₄ 'nia'₂.”

46 Jaun₂ dsa₂ 'éi₂ dsi₃léin₂ ja₁dsi₃ɲag₅₄ uig₅ co₂tan₅₄,
la₁ dsa₂ dsen₃ ně₃, dsi₃lein₅ ja₁le₃chain₂ co₂tan₅₄.”

*Ca₂quin'₃ dsa₂ jág₁ a₂tsáin'₂ Jesús
(Marcos 14:1-2; Lucas 22:1-2; Juan 11:45-53)*

¹ Jme₁ca₂dsan₃ juá'₂ Jesús ca₂le₃jě₃ jág₁ nē₅, jaun₂ ca₂tsí'₃ chi'₂ dsi₂guia₃-tín₂:

² —Ma₂ŋi'₅₄ 'nia'₂ jaun₂, a₂tin₃ jmig₄ nē₃ te₅₄ Jmig₄ Tē₂'in₅₄, ja₁jáng'₂ dsa₂ jíin'₂ Jaun₅ dsa₂ mi₂güig₃ a₂tion₃ ne₄ cróg₄.

³ Jaun₂ nē₃, juig₅₄ jme₂dsa₂, quian'₅₄ tē₅juá'₅, dsa₂ can'₅₄ quián₅ dsa₂ judíos nē₃, ca₂ŋi'₂ i₁dsi₅ ne₄ta₁ quió'₅ i₂lín₅ jme₂dsa₂ dsen₅₄, i₂chen₂ Caifás.

⁴ Ja₁jaun₂ ca₂quin₃ jág₁ quió'₅ a₂jmo₃ tē₂le₃ quian'₅₄ caun₂ mai₅₄ ia₁jaun₂ cuin₃ jmig₄ tsáun'₂, jaun₂ jŋang'₃.

⁵ Jaun₂ tioen'₅₄ ca₂dsia₃ jág₁ ca₂juá'₂:

—La₁ tsá₃ 'nió'₅ jmó₁ jniog₄ tē₃ niog₅ jmig₄, jme₁né₄, ia₁ con'₂ tsá₃ ŋó₅ nē₁juá'₂ ca₂tó'₂ dsa₂ juig₂ mi'₅₄.

*Jan₂ 'io₅₄ ca₂tsíin'₂ Jesús no'₅₄ mi₂juig₂
(Marcos 14:3-9; Juan 12:1-8)*

⁶ Lia'₂ con'₂ 'en₅₄ guě₄ Jesús juig₂ Betania ja₁quió'₄ i₂tě'₂ dsa₂ Si₂mu₅₄ 'mé'₅ 'iog₅,

⁷ jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄. Jme₁ma₂guá₅ Jesús ne₄ mesa guě'₅, jaun₂ ca₂'ág₂ 'io₅₄ 'éi₂ no'₅₄ mi₂juig₂ mi₂dsi₄ Jesús.

⁸ Jme₁ca₂jág₃ chi'₂ dsi₂guia₃-tín₂ a₂jaun₂, tsá₃ dse₃ ca₂tín₂, jaun₂ ca₂tsí'₃ ríin'₅₄ tioen'₅₄:

—Tsá₃ ne₄ 'e₂ lē₃ nē₂ 'éin₂ a₂nē₅.

⁹ Jua'₅₄ co₂ŋei'₅₄ bá₄ nē₂'nag₃ ia₁jaun₂ jme₁jme₂'oin₅₄ dsa₂ te₂ŋé₂.

10 Jme₁ca₂nág₂ Jesús jág₁ a₂dsia₂₃ tioin'₅₄, jaun₂ ca₂juá'₂:

—¿'E₂ lë₃ cuë'₂ 'nia'₂ o₂me'₅₄ dsi₅ 'io₅₄ la₂? A₂në₂jmóg'₂ la₂ caun₂ a₂dse₃ bá₄.

11 Ca₂le₃jě₃ jmig₄ bá₄ i₂nio₄ dsa₂ te₂ņé₂ jin'₄ 'nia'₂, la₁ jniá'₂ ně₃ tsá₃ ma₃uě₂ 'en₅₄ jniá₂ quian'₅₄ 'nia'₂.

12 Ju₁lia'₂ no'₅₄ mi₂juig₂ a₂në₂tsáng₂ ni₁ņi₃, jua'₂ a₂ma₂në₂jmóg'₂ co₂ņia₅₄ jë₁ma₂tě₂ rë₁'ong₃ bá₄.

13 A₂dsi₂jó'₃ juíg₂ jniá'₂ 'nia'₂, ca₂le₂con₂ mi₂güig₃ ja₁'ě₂ dsa₂ jág₁ dse₃ quió₃, ján₃ bá₄ le₂jaun₂ dsiog'₂ dsí₅ dsa₂ 'iin₃ 'io₅₄ ně₅.

*Jmo₅ Judas caun₂ jág₁ a₂'ni₂₃ Jesús
(Marcos 14:10-11; Lucas 22:3-6)*

14 Jaun₂ ně₃, jan₂ i₂lín₅ dsa₂ guia₃-tín₂, i₂chen₂ Judas Iscariote, ňei₅₄ i₁dsia₂ jág₁ quian'₅₄ juig₅₄ jme₂dsa₂,

15 jaun₂ ca₂i₁jua'₄:

—¿Je₂liá'₂ cuë'₁ 'nia'₂ ně₁jua'₂ jin'₄ jniá₂ Jesús o₄gog'₂?

Jaun₂ ně₃, ca₂quí₃ juig₅₄ jme₂dsa₂ guióg₂-guiá'₂ 'éi'₃ cu₄tiog₂.

16 Jaun₂ ně₃ tě₃ne₄ ju₁ ja₁ņó₄ jaun₂, ca₂'náu'₃ Judas dsí₅ 'a₂ lia'₂ cui₃ jmig₄ jjin'₂ Jesús.

*Má₃ jë₁ca₂tó'₂ quió'₅ Te₁gui'₅₄
(Marcos 14:12-25; Lucas 22:7-23; Juan 13:21-30;
1 Corintios 11:23—26)*

17 Jmig₄ le₂'uig₅₄ a₂niog₅ Jmig₄ Të₂'in₅₄ a₂guě'₅ dsa₂ i₁ņí'₄ a₂tsá₃ quian'₅₄ levadura, chi'₂ dsi₂guia₃-tín₂ ně₃ ca₂jme₃quiáin₃ ja₁con₂ Jesús ca₂ņag₃:

—¿A₂já'₄ 'niog'₂ dsi₁jmó₁ jnia'₅₄ co₂ņia₅₄ má₃ Jmig₄ Të₂'in₅₄ quiáng'₂?

18 Jaun₂ ca₂juá'₂ Jesús:

—O₂nó'₅ 'nia'₂ jè₄ juig₂, ja₁quió'₄ jan₂ dsa₂, jaun₂ juig'₅₄ 'nia'₂: “Le₂la₂ juá'₂ të₅: Ma₂ja₂quián₃ hora quió'₃, jaun₂ ja₁quiáng'₂ i₁guë'₃ Jmíg₄ Të₂'in₅₄ co₂lë₅ quian'₅₄ chi'₂ dsi₂guia₃-tín₂ quiáng₃.”

19 Jaun₂ ně₃ i₃lén₂ bá₄ chi'₂ dsi₂guia₃-tín₂, jaun₂ ca₂jmo₃ con'₂ lë₅ jág₁ ca₂juá'₂ Jesús. Jaun₂ ca₂tóin'₂ ca₂jmo₃ co₂ñja₅₄ a₂guë'₃ Jmíg₄ Të₂'in₅₄ ja₁jaun₂.

20 Jme₁ca₂nei₂ jaun₂, jme₁ma₂guá₅ Jesús ne₄ mesa co₂lë₅ quian'₅₄ ta₁guia₃-tín₂ chi'₂ dsi₂guia₃-tín₂ quián₅.

21 Të₃jë₄ tián'₄ guë'₅ jaun₂, ca₂juá'₂ Jesús:

—A₂dsi₂jó'₃ juá'₅ jniá₂, jan'₂ 'nia'₂ i₂'en₅₄ jë₄ la₂ bá₄ i₂jáng'₂ jniá₂.

22 Jaun₂ ně₃ ca₂tá'₂ 'lia'₂ dsí₅ 'ñio₅ lin₃ bá₄ tián'₅, jaun₂ ca₂jme₃lióg₃ ca₂ñí'₃ Jesús le₂jain₂ le₂jain₂ ca₂juá'₂:

—Te₁gui'₅₄, ¿On₁jua'₅₄ jniá₂ 'ág'₅?

23 Jaun₂ ca₂ñag₃ Jesús:

—I₂tiá₂ gu₂ co₂lë₅ 'ñió'₃ uing₅ quian'₅₄ jniá₂, i₂'éi₂ bá₄ i₂jáng'₂.

24 Dsón'₂ bá₄ dsau₅ Jaun₅ dsa₂ mi₂güí'₃ 'ein₅₄ juí₅ lia'₂ con'₂ lë₅ juá'₂ ne₄ Si₂; la₁ j'e₂ guë'₄ juig₂ dsa₂ i₂jáng'₂! Dse₃ quió'₅ jua'₅₄ co₂ñei'₅₄ bá₄ tsá₃ ca₂rë₃chán₃.

25 Jaun₂ ně₃ Judas, dsa₂ i₂ma₂lë₂ dsí₅ jáng'₂, ca₂juá'₂:

—Të₅, ¿On₁ jniá₂ bá₄ 'ág'₅ 'ne₂?

Jaun₂ ca₂ñag₃ Jesús:

—'Ñiag'₂ bá₄ ma₂në₂jua'₅₄.

26 Të₁lia'₂ tiáin'₅ guě'₅, ca₂jña'₃ Jesús i₁ñí'₄, ca₂cuě'₃ ti₁'mag'₄ Diú₄, jaun₂ guě₄ ca₂dsioin₃, ca₂cuě'₃ chi'₂ dsí₂guia₃-tín₂ quiáin₅, jaun₂ ca₂juá'₂:

—Qué'₂ 'nia'₂, ia₁ ñí₃ bá₄ jniá₂ i₁ñí'₄ la₂.

27 Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cuě'₃ ti₁'mag'₄ Diú₄, jaun₂ guě₄ ca₂cuě'₃ chi'₂ dsí₂guia₃-tín₂, jaun₂ ca₂juá'₂:

—Én'₂ 'nia'₂ ca₂le₃jín'₃ a₂la₂,

28 ia₁ jmí₃ bá₄ jniá₂ la₂, a₂lí'₅₄ jág₁ 'mí₂ a₂të₃ron₅₄, * a₂niog₅ dsí₃'o₅₄ o₄quió'₄ juin₅ dsa₂, ia₁jaun₂ 'én₂ dsáu₁.

29 Dsón'₂ juá'₅ jniá₂, tsá₃ ma₃líg'₂ jmíg₄ jua'₅₄ a₂gui'₅₄ guě₄ táng₃ vino ca₂lia'₂ ca₂të₂ jmíg₄ i₁gui'₄ táng₃ caun₂ vino 'mí₂ co₂lë₅ quian'₅₄ 'nia'₂ ja₁gon₂ Ne'₃.

Ca₂juá'₂ Jesús a₂tsá₃ tion₃ Pe₄ a₂cuíg₂₃

(Marcos 14:26-31; Lucas 22:31-34; Juan 13:36-38)

30 Jme₁ca₂lë₃ 'ë₂₃ jme₂juin'₂ Diú₄, jaun₂ guě₄ i₃lén₂ juí₅ Má'₂ Olivos.

31 Jaun₂ ca₂juá'₂ Jesús ca₂tsí'₃ chi'₂ dsí₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂ o₄quió₃ jniá₂ a₂'uë₂ në₃, 'ág'₁ 'nia'₂ caun₂-tín₃ 'au'₂; ia₁ rë₂ton₅ ne₄ Si₂, juá'₂: “Jñí'₄ jniá₂ dsa₂ i₂jñia₅ já'₂ cha'₂, jaun₂ já'₂ cha'₂ në₃ dsí₃lén₂ tsí₁rë₂jain₅₄.”†

32 La₁ cang₂ jë₁ma₂ca₂jeng'₅₄ táng₃, nei₅₄ jniá₂ jñiág₅ juí₅ Galilea lia'₂ con'₂ guě₄ 'nia'₂.

33 Jaun₂ në₃ ca₂ñag₃ Pe₄:

* 26:28 'Nio'₂ ja₁ton₅ Éxodo 24:8; Hebreos 10:29; 13:20. † 26:31 Zacarías 13:7.

—O₁jnia'₅₄ la₂ ca₂'ág₂ caun₂-tin₃ dsí'₅ ca₂le₃jín₃
rín₃'g'₃, la₁jniá'₂, o₁líg'₂ jmig'₄ tsá'₃ 'ag₅₄ caun₂-tin₃ dsí'₃.

³⁴ Jaun₂ ca₂juá'₂ Jesús:

—A₂dsi₂jó'₃ juá'₅ jniá'₂, a₂'uë₂ nē₃, né'₃ a₂'o₃ tē₁guí'₄
dsó'₂, hora jaun₂ dé'₄ dsón'₂ chéng'₅ tsá'₃ tóng'₄ ta₁'ni₅
ráun₂ a₂cui₂'g'₂ jniá'₂.

³⁵ Jaun₂ ca₂ḡag₃ táng₃ Pe₄:

—O₁jnia'₅₄ la₂ ca₂dsau₃ jniog₄ co₂lë₅, o₁líg'₂ jmig'₄
jua'₅₄ a₂tsá'₃ 'ín₄ jniá'₂ 'ne₂.

Le₂jaun₂ bá₄ ca₂juá'₂ ca₂le₃jín₃ riin'₅₄ ján₃.

*Ca₂chi₃lén'₂ Jesús Diú'₄ caun₂ ja₁chei₂ Getsemaní
(Marcos 14:32-42; Lucas 22:39-46)*

³⁶ Jaun₂ ca₂dsióg₃ Jesús jme₁ca₂dsióg₃ quiain'₅₄
chi'₂ dsí₂guia₃-tín₂ quiáin₅ caun₂ ja₁chei₂ Getse-
maní, jaun₂ ca₂juá'₂:

—Ja₁lá₃ tián'₂ 'nia'₂ tē₁lia'₂ nei₅₄ jó₄ i₁chi₁leng'₄
Diú'₄.

³⁷ Jaun₂ ca₂jñiai₃ Pe₄, quian'₅₄ le₃on₃ ja₁ñi'₅₄ Zebe-
deo, jaun₂ Jesús nē₃ ca₂tá'₂ quian₅ o₂i₁ dsí₅ 'ñio₅ lín₃.

³⁸ Jaun₂ ca₂juá'₂ ca₂tsí'₃ i₂ún₂ i₂quiain'₅₄:

—'Ñio₅ lín₃ quian₅₄ o₂i₁ dsí₅, ca₂lia'₂ jmá'₃ le₃jóng₂
tē₂nē₃. Ja₁lá₃ tián'₂ 'nia'₂, jme₁jnio₂ 'nia'₂ ne'₅₄,
jme₁quiong'₅₄ jniá'₂.

³⁹ Ca₂juig₄ bá₄ ca₂ḡó₃ guë₄ ne₄ juí₅. Ja₁jaun₂
ca₂lia'₂ ca₂i₃'ín₃ chi₁'ín₅ ne₅₄ ca₂tē₂ 'uë₃, ca₂mi₃
ca₂tsí'₃ Diú'₄, ca₂juá'₂:

—Tia₅₄ quiáng₃, jua'₅₄ mei'₂ bá₄ lé₂ le₃lé₂, lio₄ jniá'₂
jmi₁uig₅ la₂. La₁ tsá'₃ juí₁le₅₄ con'₂ 'nio₃ jniá'₂, juí₁le₅₄
bá₄ a₂'ñio₂ 'au'₂ 'ne₂.

40 Jaun₂ ně₃, ca₂nau₂ Jesús, jaun₂ ca₂ŋái'₃ ja₁tián'₄ i₂ún₂ i₂quain'₅₄, la₁ ma₂le₁güín'₃ bá₄ guè'₂ 'éi₂ tián'₅; jaun₂ ca₂tě'₃ Pe₄, ca₂juá'₂:

—¿Tsa₁ ma₃tian'₃ guě'₄ 'nia'₂ jua'₅₄ caun₂ hora bá₄ jme₁jnio'₂ guě'₄ 'nia'₂ ne'₅₄ quian'₅₄ jniá'₂?

41 Jme₁jnio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsí₃sén'₂ 'nia'₂. Dsón'₂ bá₄ jaun₂ 'ŋio₂ bá₄ dsí₅ jme₂dsí₂ quián'₂ 'nia'₂, la₁ ni₁ŋi'₁ guion'₅₄ bá₄ 'nia'₂ 'uan₅₄.

42 A₂ca₂tě'₂ tin₃ ráun₂ ŋó₃ táng₃ i₁chi'₄ Diú₄ le₂la₂:

—Tia₅₄ quiáng₃, chi₂jua'₂ tsá₃ lé₂ jua'₅₄ a₂tsá₃ jme₁ŋag₅₄ jniá'₂ uig₅ la₂, ju₁le₅₄ bá₄ a₂'ŋio₂ 'au'₂ 'ne₂.

43 Jaun₂ ca₂guáin'₃ táng₃ ja₁tián'₄ chi'₂ dsí₂guia₃-tín₂, la₁ le₁güín'₃ bá₄ táng₃ 'éi₂ tián'₅, ia₁ a₂ŋí₄ lě₃ ma₂i₁güín₃.

44 Jaun₂ ŋó₃ bá₄ táng₃ jě₁ca₂tě'₂ 'ni₅ ráun₂, a₂chi₂i₁lein'₄ Diú₄; ján₃ bá₄ le₂jaun₂ ca₂juá'₂ tsí'₅ Diú₄.

45 Jaun₂ guáin'₃ ně₃ ja₁tián'₄ chi'₂ dsí₂guia₃-tín₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güíng'₃? Ní₂ 'nia'₂, ca₂tě'₂ bá₄ hora ně₃. Ma₂rě₂jín'₅₄ bá₄ Jaun₅ dsa₂ mi₂güíng₃ o₄gú₃ dsa₂ i₂le₁cán'₄ dso₄.

46 Nau₂ 'nia'₂ ně₃, ma₃; ia₁ ně₅ ma₂já₅ i₂jáng'₂.

Ma₂le₁te₂ dsa₂ Jesús

(Marcos 14:43-50; Lucas 22:47-53; Juan 18:2-11)

47 Tě₃jě₄ dsia₂₃ jág₁ jaun₂, jme₁ca₂dsióg₃ Judas, i₂lín₅ jan₂ dsa₂ i₂guia₃-tín₂. Ju₁n₅ lín₃ dsa₂ i₂ja₂lén₂ quiong'₅₄ qui₂le₁quian₅ ŋi₁tág₂, i₂le₁quian₅ ni₁'ma₂ ně₃, i₂chen₄ quián₅ juig₅₄ jme₂dsa₂ quian'₅₄ dsí₂gui'₅₄ can'₅₄ quián₅ dsa₂ juig₂.

48 Jaun₂ Judas ně₃, ia₁ ma₂ca₂jmo₃ bá₄ jág₁ le₂jniá₅
'e₂ léi₄ jmo₃ jě₁ma₂tě₂ rě₁jáng'₂, jme₁ma₂juá'₂:

—I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂.

49 Jaun₂ dsi₂jui₅ jme₁dsi₃óg₃ Judas, ca₂jme₃quiáin₃
con₂ Jesús, jaun₂ ca₂juá'₂:

—iSiang'₃, tě₅!

Jaun₂ ca₂chen'₃ rě₂jú'₅ Jesús.

50 Jaun₂ ca₂jéin'₃ Jesús jág₁ quió'₅, ca₂juá'₂:

—A₂mei₅₄, ě'E₂ ta₁ ňi'₂?

Jaun₂ guě₄ ca₂jme₃quiáin₃ ca₂le₃jín₃ dsa₂ ca₂jŋai'₃
Jesús, jaun₂ ca₂tág₃.

51 Tě₃jě₄ jaun₂, jan₂ dsa₂ i₂jme₁quian'₅₄ Jesús
ca₂dsi₂ ňi₁tág₂, ca₂ti₃ caun₂ rě₂gua₄ dsa₂ i₂jme₂ti₃
quián₅ jme₂dsa₂ dsen₅₄.

52 Jaun₂ ca₂juá'₂ Jesús:

—Tiá₃ táng₃ ňi₁tág₂ quiáng'₂ ja₁jme₁'i₄. Ia₁
ca₂le₃jín₃ i₂quín'₂ quian'₅₄ ňi₁tág₂, ján₃ bá₄ quian'₅₄
ňi₁tág₂ dsiáin₃.

53 ě'E₂ líng'₂? ěA₁tsá₃ lé₂ le₃jme₁mi₁₂ ne₄ Ňe'₃,
a₂chein₃ ja₁cong₂ guia₃-tín₂ mei₅ ángeles quiáin₅?

54 La₁ jua'₅₄ mei'₂ guě₃ le₂jaun₂, ě'A₂ bá₄ lia'₂ le₃ti₃
jág₁ a₂tio'₅₄ ne₄ Si₂ ja₁juá'₂ a₂dsi₃ňíg₂ le₂la₂?

55 Jaun₂ juá'₂ Jesús tsí'₅ dsa₂:

—ě'E₂? ěJa₁nó'₅ 'nia'₂ le₁quian'₅₄ ňi₁tág₂, ni₁'ma₂,
ja₂chong'₂ jniá₂, ně₂jag₄ bá₄ líng₅ dsa₂ 'ang₂? Jua'₂
ca₂le₃jě₃ jmíg₄ bá₄ 'eng₅₄ jme₁tíng₂ dsa₂ jín'₄ 'nia'₂
i₁dsi₅ guá'₅ templo, tsá₃ ma₂chong'₂ guě'₂ 'nia'₂
ja₁jaun₂.

56 La₁ ca₂le₃jě₃ a₂lě₂ la₂ rě₂ti₃ jág₁ quió'₅ dsa₂
i₂jme₁'ě₂ jág₁ quián₅ Diú₄ ma₂líg'₂.

Jaun₂ gué₄ qui₂ca₂cuing₃ ca₂le₃jín₃ chi'₂ dsi₂guia₃-
tín₂, ca₂téin₂ bá₄ Jesús.

Dsián'₃ Jesús ne₄ dsi₂tan₅₄ quián₅ guá'₅

(Marcos 14:53-65; Lucas 22:54-71; Juan 18:12-24)

57 Jaun₂ dsa₂ i₂ca₂i₁chan'₅₄ Jesús ca₂i₁jo₅₄ ne₄
Caifás, i₂lín₅ jme₂dsa₂ dsen₅₄. Ja₁jaun₂ ma₂le₁ñi'₂
të₅juá'₅ quian'₅₄ gué₄ dsa₂ can'₅₄.

58 Pe₄ ně₃ ca₂ñó₃ uíng₂ të₂quíin₃ 'ein₂₃ Jesús ca₂të₂
i₁dsi₅ quió'₅ jme₂dsa₂ dsen₅₄. Ja₁jaun₂ ca₂'í₃ ca₂guá₂
quian'₅₄ 'lióg₂, ia₁ 'nio₃ të₅ ne₅₄ 'a₂ lia'₂ jñia'₅₄ dsióg₄
quian'₅₄ Jesús.

59 Jaun₂ juig₅₄ jme₂dsa₂, quian'₅₄ ca₂le₃jín₃
dsi₂tan₅₄ quián₅ guá'₅ ně₃, qui₂ca₂'náu'₃ juí₅ 'a₂ lia'₂
jme₃cáin'₂ Jesús dso₄ quian'₅₄ jág₁ të₂jág₁ ia₁jaun₂
jñag'₃.

60 La₁ tsá₃ dso'₂ gué'₂ 'a₂ lia'₂ jme₃cáu'₂, o₁jñia'₅₄
juin₅ i₂qui₂ca₂nau₂ jmo₂₃ jág₁ të₂jág₁. Dsi₃lén₂
jme₁dsi₃lén₂ on₃ dsa₂,

61 jaun₂ ca₂juá'₂:

—I₂ně₅ ma₂ca₂juá'₂, “Qui'₅₄ jniá₂ jmig₄ lé₂ le₃'éng₄
guá'₅ templo quió'₅ Diú₄, quian'₅₄ 'ni₅ jmig₄ bá₄ lé₂
le₃jmóg'₄ táng₃.”

62 Jaun₂ ca₂nau₂ jme₂dsa₂ dsen₅₄, jaun₂ ca₂tsí'₃
Jesús:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅
a₂jáng'₅ dsa₂ a₂rë₂cáng'₄?

63 La₁ tei₄ bá₄ ca₂nau₂ Jesús. Jaun₂ ca₂ñag₃ táng₃
jme₂dsa₂ dsen₅₄, ca₂juá'₂:

—Dsi₅₄ jniá₂ 'éi'₃ a₂jua'₅₄ 'íng'₅ Diú₄ jén'₃ ne₄ jnia'₅₄, chi₂jua'₂ tē₃dsón'₂ líng'₅ Ja₁ŋi'₅₄ Diú₄, I₂rē₂'ín₁ quiáin₅.

⁶⁴Jaun₂ ca₂ŋag₃ Jesús:

—Ján₅, jniá₂ bá₄ 'éi'₂, jui₁lia'₂ i₁juá'₂ 'ne₂ nē₅. La₁ juá'₅ jniá₂ juíg₂ 'nia'₂ ján₃, ca₂le₃jíng'₃, a₂já₅ jmig₄ a₂jag'₅₄ 'nia'₂ jing'₅₄ Jaun₅ dsa₂ mi₂güig₃ guá₃ tē₂le₃ gu₂ne₁ Diú₄ i₂'uan'₂ guē₄ lín₃, a₂ŋi₁óí'₂ jē₄ jnei₅ guei'₅₄ dsi₂güig₂ nē₃.

⁶⁵Jme₂dsa₂ dsen₅₄ nē₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ŋiog₅, † jaun₂ ca₂juá'₂:

—j'E₂ guē₄ 'ŋio₅ 'lig'₅₄ juá'₂ i₂nē₅ 'iin₂₃ Diú₄ quian'₅₄ jág₁ nē₅ quió'₅! ¿E₂ guē₄ jmá'₃ jág₁ 'líong₂ 'niog₂ jniog₄ jua'₅₄ a₂jáng'₅ guē₄ dsa₂ sián'₂ jág₁ dsau₅? Ma₂nē₂nei'₂ bá₄ 'nia'₂ guiong'₅₄ jág₁ 'lig'₅₄ a₂ma₂nē₂juá'₂ i₂nē₅ 'iin₂₃ Diú₄.

⁶⁶¿'A₂ lia'₂ lín'₂ 'nia'₂?

Jaun₂ ca₂juá'₂ ca₂le₃jín₃ tioin'₅₄:

—I₂ca₂tín₂ jón₂ bá₄ nē₅.

⁶⁷Jaun₂ qui₂ca₂'ŋéi₃ dsa₂ dsi₂ne₄ Jesús tioin'₅₄, tsá₃ caun₂ a₂qui₂ca₂jmóg'₂. I₂lín₅₄ guē'₂ qui₂ca₂quein₃ tioin'₅₄,

⁶⁸jaun₂ ca₂juá'₂:

—'Ne₂ guē'₂ i₂juá'₂ líng'₅ I₂rē₂'ín₁ quián₅ Diú₄: ¡Dsi₄ jág₁ jua'₅₄ 'ein₂ nē₂quein₃ quiáng'₂!

Tsá₃ ca₂tion₃ Pe₄ a₂cu₁in₂₃ Jesús

(Marcos 14:66-72; Lucas 22:56-62; Juan 18:15-27)

† **26:65** Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuē₂₃ léi₄ jē₁ma₂'í₅ 'nei₂ dsí₅, o₃ jme₁'i₄ qui'₂ dsí₅.

69 Të₃jë₄ jaun₂ jme₁guá₄ Pe₄ i₁dsi₅; jaun₂ ca₂dsióg₃ jan₂ 'io₅₄ i₂jme₂ti₃ ta₁ ja₁jaun₂, jaun₂ ca₂tsí₃ Pe₄:

—¿Ján₃ guë'₂ jme₁quian'₄ 'ne₂ Jesús i₂chan₂ Galilea?

70 La₁ jin₄ dsa₂ ja₁guá₄ jaun₂ tsá₃ ca₂tioin₃, jaun₂ ca₂juá'₂:

—Tsá₃ guion₅₄ 'e₂ a₂juá'₂ 'ne₂ në₅.

71 Ca₂nau₂ Pe₄ ηó₅ të₂le₃ o₄'né₄, jaun₂ ca₂jág₂ táng₃ jan₂ 'io₅₄ sián'₂. 'Éi₂ në₃ ca₂tsí₃ dsa₂ i₂tion'₅₄:

—I₂jme₁quian'₅₄ Jesús Nazareno bá₄ në₅.

72 La₁ jme₁ca₂nág₂ Pe₄, tsá₃ ca₂tioin₃ táng₃ jë₃ 'iin₂₃ Diú₄, ca₂juá'₂:

—¡Tsá₃ dsa₂ 'éi₂ cuín₅ jniá₂!

73 Jme₁co₂lág₂ jaun₂, ca₂jme₃quían₃ dsa₂ i₂tion'₅₄ con₂ Pe₄, jaun₂ ca₂juá'₂:

—Të₃dsón'₂ bá₄ líng'₅ jan₂ rin'₅₄ 'éi₂, ia₁ në₅ rë₂jniág'₂ 'a₂ lia'₂ né'₂ jag'₅₄.

74 Jaun₂ në₃, Pe₄ ca₂'iin₃ Diú₄ ca₂mi₃ a₂dsi₃ηí₂ 'e₂ dsí₃ηí₂, ca₂juá'₂:

—¡Tsá₃ dsa₂ 'éi₂ cuín₅ jniá₂!

Të₃jë₄ jaun₂ ca₂'o₃ jan₂ të₁guí₄ dsó₂.

75 Jaun₂ guë'₄ në₃ ca₂dsáu'₃ dsí₅ Pe₄ a₂ca₂juá'₂ Jesús le₂jniá₂: “Né'₃ a₂'o₃ të₁guí₄ dsó₂; hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jaun₂ guë'₄ o₂'ín₃ Pe₄ të₂le₃ ca₁'né₄, ca₂tá'₂ qui'₂ dsí₅, ca₂'o₃ 'ηio₅ lin₃.

27

*Ca₂jin'₂ dsa₂ Jesús o₄gú₃ Pilato
(Marcos 15:1; Lucas 23:1-2; Juan 18:28-32)*

1 Jme₁jnia₃ jaun₂, ca₂le₃jín₃ juig₅₄ jme₂dsa₂ quian'₅₄ gui'₅₄ can'₅₄ quián₅ dsa₂ juig₂ ca₂jmo₃ caun₂ jág₁ a₂ŋjĩ'₃ Jesús.

2 Qui₂ca₂'néi₂ tioin'₅₄, jaun₂ ca₂tág₃ ca₂i₁jang'₂ ne₄ Dsi₄má'₂ Poncio Pilato.

*Ca₂jon₃ Judas
(Hechos 1:18-19)*

3 Jme₁ma₂të₅ ne₄ Judas i₂ca₂'nag₃, a₂ma₂në₂dsí₃ dsa₂ 'éi'₃ a₂ŋjĩ'₃ Jesús, jaun₂ ca₂tá'₂ qui'₂ dsí₅. Jaun₂ ca₂i₁con₂ táng₃ ta₁guiog₃-guiá'₂ 'éi'₃ cu₄tiog₂ jaun₂, ca₂jĩn'₃ juig₅₄ jme₂dsa₂ quian'₅₄ gui'₅₄ can'₅₄.

4 Jaun₂ ca₂juá'₂:

—Ma₂në₂'no₃ jniá₂ dso₄, ia₁ në₂jing'₅₄ ne₄ 'mú₃ jan₂ i₂tsá₃ dso₄ rin₂.

La₁ ca₂ŋag₃ dsa₂ 'éi₂:

—Tsá₃ 'e₂ a₂jaun₂ dsan₂ dsi₅ jnia'₅₄. A₂ca₂tín'₂ 'ne₂ bá₄ jaun₂.

5 Con'₂ ca₂i₁guia'₂ jaun₂ bá₄ Judas cu₄ jaun₂ dsi₂'néi₂ ja₁ŋjó₅ guá'₅ templo, jaun₂ ca₂o₃'ĩn₃ ca₂i₁tiá₄ ché₂ dsi₂lag₅₄ ca₂ŋjĩ'₃ 'ŋiog₅.

6 Juig₅₄ jme₂dsa₂ ně₃ ca₂i₁cag'₂ cu₄ jaun₂, jaun₂ ca₂juá'₂:

—Tsá₃ 'i₄ 'éi'₃ dsi₃to'₅₄ cu₄ la₂ 'ŋjó₃ gu₅ ja₁tio'₅₄ cu₄ quió'₅ guá'₅, ia₁ cu₄ a₂ca₂quín₂ jmi₂ bá₄ la₂.

7 Jaun₂ ca₂jmo₃ caun₂ jág₁ a₂lá₃ caun₂ 'uë₃ quian'₅₄ cu₄ jaun₂ quió'₅ jan₂ dsa₂ i₂jme₁jmo₅ ni₁ dsi₁g₁ gua'₅₄, ja₁jmo₃ 'uë₃ ja₁'óin₂ jmá'₃ lia'₂ dsi₂nau₂.

8 'Uig₅₄ jaun₂ chei₂ ja₁jaun₂ ca₂të₂ jmig₄ ně₃, 'Uë₃ Jmi₂.

9 Le₂në₅ ca₂rë₃ti₃ jág₁ a₂ca₂juá'₂ Jeremías, dsa₂ i₂jme₁'ë₂ jág₁ quián₅ Diú₄ ma₂líg'₂, jme₁ca₂juá'₂:

“Ca₂can₃ dsa₂ guióg₂-guiá₂ cu₄tiog₂, con' ₂ 'ma'₅₄
a₂ca₂dsi₂ dsa₂ juig₂ Israel quió'₅ 'éi₂.

¹⁰ Quian'₅₄ cu₄ jaun₂ ca₂lá₃ caun₂ 'uë₃ quió'₅ dsa₂
i₂jmo₅ ni₁dsig₁, lia'₂ con' ₂ lë₅ 'éi'₃ quió'₅ Te₁gui'₅₄.”*

Chén'₅ Jesús ne₄ Pilato

(Marcos 15:2-5; Lucas 23:3-5; Juan 18:33-38)

¹¹ Të₁lia'₂ jaun₂, chén'₅ Jesús ne₄ dsi₄má'₂, jaun₂
'éi₂ në₃ ca₂ηag₃:

—¿Dson'₂ líng'₅ Rag₅₄ quián₅ dsa₂ judíos?

Jaun₂ ca₂ηag₃ Jesús:

—Le₂në₅ bá₄, jui₁lia'₂ juá'₂ 'ne₂ në₅.

¹² Jaun₂ caun₂ qui₂ca₂'nag₃ bá₄ juig₅₄ jme₂dsa₂
quian'₅₄ gui'₅₄ can'₅₄ tioin'₅₄. La₁ tsá₃ ma₃'e₂ ca₂ηag₃
Jesús.

¹³ Jaun₂ ca₂juá'₂ Pilato:

—¿Tsa₁ nag'₂ ca₂le₃jë₃ 'e₂ i₁juá'₄ dsa₂ në₅ 'ni₂₃ 'ne₂?

¹⁴ La₁ tsá₃ ma₃'e₂ ca₂ηag₃ Jesús 'i₁caun₂; jaun₂
ca₂i₃gó'₃ dsí₅ Pilato.

Ca₂o₃'ág₃ 'éi'₃ a₂jón₂ Jesús

*(Marcos 15:6-20; Lucas 23:13-25; Juan 18:38 —
19:16)*

¹⁵ Jmig₄ jaun₂ jme₁chí'₄ tag₄ quió'₅ dsi₄má'₂
a₂lión₂ ca₂le₃jë₃ ηi₂, jan₂ dsa₂ i₂'en₅₄ né'₃ 'má₃,
jme₁të₅ Jmig₄ Të₂'in₅₄, 'ein₂ ca₂'in₃ dsa₂ juig₂ i₂lión₂.

¹⁶ Jmig₄ jaun₂ jme₁rë₂jní₅ jan₂ dsa₂ i₂chen₂
Barrabás, ca₂le₂con₂ bá₄ 'ei₅ jág₁ quió'₅ a₂'liin'₅₄.

¹⁷ Të₃jë₄ le₁ηi'₂ dsa₂ jaun₂, ca₂ηag₃ Pilato ca₂ηii'₃
dsa₂ juig₂:

* **27:10** Jeremías 32:6-9; Zacarías 11:12-13.

—¿I₂'ein₂ 'niog'₂ 'nia'₂ lon₄ jniá₂ quián'₂ 'nia'₂?
¿Barrabás, o₃ Jesús i₂tě'₂ dsa₂ I₂rě'₂ín₁ quián₅ Diú₄ 'e₂?

18 Ia₁ ca₂rě₃lí'₄ bá₄ Pilato 'ñiog₅, a₂'iog₅₄ uig₅ dsí₅
bá₄ dsa₂ ca₂jín'₂ Jesús ne₅₄.

19 Tě₁lia'₂ guá₅ Pilato ne₄ta₁ quió'₅, ja₁qui₂dsi₂₃
'éi'₃, tě₃jě₄ jaun₂ ca₂chen₃ 'io₅₄ quián₅ jág₁ ne₅₄
a₂ca₂juá'₂: “Tsá₃ lě₁tián₅ 'ne₂ cuenta quió'₅ dsa₂
i₂tsá'₃ 'e₂ rín₂ ně₅. Ia₁ 'ñio₅ gau₂ qui₂chóg₂ i₃ñig₂
ca₂néi'₃ o₄quió'₄.”

20 La₁ juig₅₄ jme₂dsa₂ quian'₅₄ gui'₅₄ can'₅₄ ně₃,
ca₂toin'₂ jág₁ dsa₂ juig₂ ia₁jaun₂ mi₃ dsa₂ tsí'₃ Pilato
a₂lióin₂ Barrabás bá₄, jaun₂ jñi'₃ bá₄ Jesús.

21 Jaun₂ ca₂juá'₂ Pilato ca₂tsí'₃ dsa₂:

—¿I₂'ein₂ dsa₂ on₃ la₂ 'niog'₂ 'nia'₂ lon₄ jniá₂?

Jaun₂ ca₂ñag₃ dsa₂ juig₂ tioin'₅₄:

—Barrabás bá₄.

22 Jaun₂ ca₂ñag₃ táng₃ Pilato ca₂ñí'₃ dsa₂ juig₂:

—¿'E₂ guě'₂ 'niog'₂ 'nia'₂ jmo₅₄ jniá₂ quian'₅₄ Jesús
i₂tě'₂ dsa₂ I₂rě'₂ín₁ quián₅ Diú₄?

Jaun₂ ca₂ñag₃ co₂dsia₅ ca₂le₃jín₃ tioin'₅₄:

—¡Tióin₃ cróg₄!

23 Jaun₂ ca₂ñag₃ táng₃ Pilato:

—¿'E₂ 'uig₅₄ ně₃? ¿'E₂ guě'₂ dso₄ ma₂'náu₂?

La₁ tě₂le₃ i₂jui'₂ guě₄ co₂mi'₅₄ ca₂tóin'₂, ca₂juá'₂:

—¡Tióin₃ cróg₄!

24 La₁ ca₂rě₃lí'₄ bá₄ Pilato tsá₃ 'e₂ ta₁ jmo₃ jág₁
quió'₅, ia₁ tě₂le₃ 'ñio₅ lín₃ guě₄ jui₁si co₂mi'₅₄ ca₂tóin'₂.
Jaun₂ lě₃, ca₂chein₃ jan₂ dsa₂ i₁quian₅₄ jmig₂, jaun₂
ca₂rang₃ gu₂ tě₃ne₄ dsa₂ juig₂, jaun₂ ca₂juá'₂:

—Tsá₃ 'e₂ rě₃cán'₄ jniá₂ jmi₄ dsa₂ ně₅; guion'₅₄ bá₄
'nia'₂ rě₂cáng'₄ ně₁'e₂ ca₂jmai'₅₄.

25 Jaun₂ ca₂ŋag₃ ca₂le₃jín₃ dsa₂ juig₂ tioin'₅₄:

—i₁mi₄ 'mú₃ quió'₅ i₂ně₅, ju₁dsi₂ŋag₂ jnia'₅₄ 'e₂ dsi₃ŋág₂, quian'₅₄ tsi₁jon₂ quián₂ jnia'₅₄ i₂ně₃ guě₄ tē₁ja₃lén₂!

26 Jaun₂ ca₂lión₂ bá₄ Pilato Barrabás i₂mi₅ dsa₂ lión₂; jaun₂ ca₂jmo₃ 'éi'₃ a₂bán₂ dsa₂ Jesús, jaun₂ guě₄ ca₂jáng'₂ o₄gú₃ dsa₂ juig₂ jaun₂ tion₃ cróg₄.

27 Jme₁co₂lág₂ jaun₂, 'lióg₂ quián₅ dsi₄má'₂ ca₂ŋiai₃ Jesús ju₁i₅ i₁dsi₅ ne₄ta₁ jaun₂. Jaun₂ ca₂ŋi'₂ ca₂le₃jín₃ 'lióg₂ le₃lág'₃ quió'₅ Jesús.

28 Jaun₂ guě₄ ca₂dsi₂ tsin'₅₄ Jesús, ca₂quei'₃ caun₂ tsi₁'mi'₂ guéin₂ 'ui'₃,†

29 jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús. Ca₂chong'₂ ca₂'nau₅₄ guě'₂ ni₁'ma₂ ta₅ gu₂ ne₁. Jaun₂ guě₄ ca₂chi₃jnë₃ ne₄ Jesús tioin'₅₄, a₂lë₁qui₂co₂jmóg'₂, ca₂juá'₂:

—i₁Sian'₃ 'ne₂, Rag₅₄ quián₅ dsa₂ judíos!

30 Ján₃ qui₂ca₂'ŋéi₂ dsa₂, qui₂ca₂bá₂ dsa₂ mi₂dsi₅₄ quian'₅₄ ni₁'ma₂ a₂ca₂chong'₃ jaun₂.

31 Jme₁ca₂lë₃ a₂lë₁co₂jmóg'₂ jaun₂, ca₂dsei₂₃ táng₃ tsi₁'mi'₂ 'ui'₃ a₂jme₁ca₂quei'₃, jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guě₄ ca₂jiog₃ ca₂të₂ ja₁të₃toin₅₄ cróg₄.

Ca₂tion₃ dsa₂ cróg₄ Jesús

(Marcos 15:21-32; Lucas 23:26-43; Juan 19:17-27)

32 A₂ca₂'uiin₂ jaun₂, ca₂jein'₂ jan₂ dsa₂ i₂chan₂ Cirene, i₂chen₂ Si₂mu₅₄. Jaun₂ ca₂chi₃quián₂ jmig₄ 'éi₂ a₂cán₂ cróg₄.

† 27:28 Guéin₂ 'ui'₃ jme₁jniá₂ tsin'₅₄ rag₅₄ jme₁quí'₅ jmig₄ jaun₂.

33 Jaun₂ ca₂dsi₃léin₂ jme₁dsi₃léin₂ caun₂ ja₁chei₂
Gólgota, co₂'nió'₄ ja₁té'₂ dsa₂ Dsi₂con'₂ Ni₁mu₅
Mi₂dsi₄ 'Lag₄.

34 Ja₁jaun₂ ca₂jén'₃ dsa₂ ne₄ Jesús vino a₂rë₃cón'₅
quian'₅₄ dsí'₁ já'₂;‡ la₁ dsi₂jui₅ jme₁ca₂tí₂ Jesús 'o₅₄,
tsá₃ ma₃ca₂'in'₃.

35 Jme₁ca₂lë₃ tion₂₃ cróg₄, 'lióg₂ ně₃ ca₂jmo₃ dsióg₁
tsin'₅₄ Jesús, ca₂co₃ o₁ne₄ 'ein₂ lí'₂. Š

36 Ja₁jaun₂ ca₂tián'₂ jmo₂₃ 'í₁.

37 Dsi₄ cróg₄ ca₂tióng₃ dsa₂ letra ja₁juá'₂ 'e₂ dso₄
a₂bóin'₂ Jesús, a₂juá'₂ le₂la₂: “I₂LA₂ BÁ₄ JESÚS, I₂LIN₅
RAG₅₄ QUIÁN₅ DSA₂ JUDÍOS”.

38 Ján₃ bá₄ ca₂tioin₃ guë'₄ on₃ dsa₂ 'ang₂ co₂lë₅
quiong'₅₄, jan₂ tē₂le₃ gu₂ ne₁, jan₂ guë'₂ tē₂le₃ gu₂
jen₅.

39 Jaun₂ ca₂le₃jín₃ dsa₂ i₂qui₂ca₂ñí₃ jui₅ jaun₂
qui₂ca₂jnëá'₂ jág₁ uig₅, qui₂bí₂ dsi₅₄,

40 ca₂juá'₂:

—'Ne₂ guë'₂ i₂juá'₂ a₂'éng'₄ guá'₅, con'₂ siá'₂ ting'₂
jmog'₅₄ táng₃ quian'₅₄ 'ni₅ jmig₄, ně₃ ně₃, lion₄ 'ñiag'₂.
Sió₅ ja₁tong'₂ ně₅, chi₂jua'₂ dsón'₂ 'ne₂ líng'₅ Ja₁ñi'₅₄
Diú₄.

41 Ján₃ bá₄ le₂jaun₂ a₂lë₁qui₂co₂jmóg'₂ juig₅₄
jme₂dsa₂ quian'₅₄ tē₅juá'₅, gui'₅₄ can'₅₄ ně₃, dsia₂₃
jág₁ qui₂tsí'₅ riin'₅₄, juá'₂:

42 —Ca₂lióin₂ bá₄ i₂sián'₂, la₁ 'ñiog₅ bá₄ tsá₃ lé₂
le₃lióin₂. Chi₂jua'₂ i₂ně₅ lín₅ Rag₅₄ quián₅ dsa₂ juig₂

‡ 27:34 co₂'nió'₄ caun₂ mí₅ a₂ñia'₃ uig₅ quió'₅ dsa₂. Š 27:35 A₂lin₅₄
chog₅₄ si₂ a₂ca₂lë₃ guë', cang₂ juá'₂ le₂la₂ ján₃: “Le₂ně₅ ca₂lë₃ ca₂rë₃tí₃
jág₁ a₂ca₂juá'₂ dsa₂ i₂'ë₂ jág₁ quián₅ Diú₄ ma₂líg'₂, ja₁juá'₂: ‘Ca₂dsi₂ón'₂
dsa₂ ni₁tsín'₅; ca₂co₃ dsa₂ o₁ne₄ 'ein₂ lí'₂ 'mi'₂ quió'.” Salmo 22:18.

Israel, ju₁sióin₄ cróg₄ ia₁jaun₂ bá₄ le₃'éin₂ jniog₄ le₃quió'₅.

⁴³ I₂ně₅ guě'₂ juá'₂ 'ei₅ caun₂ dsí₅ ne₄ Diú₄; ně₃ ně₃ 'éi₂ ju₁lio₅₄ chi₂jua'₂ tē₃dsón'₂ bá₄ 'nioi₃ i₂ně₅; ia₁ 'ŋiog₅ guě'₂ ma₂juá'₂ lín₅ Ja₁ŋi'₅₄ Diú₄.

⁴⁴ Le₂jio₅ dsa₂ 'ang₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Marcos 15:33-41; Lucas 23:44-49; Juan 19:28-30)

⁴⁵ Jme₁ca₂tě₂ dsi₂ŋí'₃, * ca₂'ág₂ nei₂ le₂tan₅₄ le₂con₂ 'uě₃ jaun₂ ca₂lia'₂ ca₂tě₂ hora ŋí₁ 'ni₅† tē₂le₃ ca₂'láu₂.

⁴⁶ Hora jaun₂, ca₂'ŋia₂ guě₄ Jesús, jág₁ ca₂juá'₂ tiá₂: —Elí, Elí, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lě₃ ma₂ně₂téi'₃ jniá₂?‡

⁴⁷ I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—Nei₂ 'nia'₂. Elías, i₂jme₁'ě₂ jág₁ quián₅ Diú₄ ma₂líg'₂, tē'₂.

⁴⁸ Jaun₂ dsí₂ju₁i₅ le₂jaun₂ ŋó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂. Jaun₂ ca₂guioin₃ vino dsi'₃, jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín'₂.

⁴⁹ La₁ ca₂juá'₂ riin'₅₄:

—Tsá₃ lein'₅₄; o₁ne₄ chi₂jua'₂ jiá₃ Elías ja₃lio₅₄ quió'₅.

⁵⁰ Con'₂ bá₄ ca₂'ŋióg₂ guě₄ Jesús tiá₂ lín₃, jaun₂ guě₄ ca₂jáng'₃ jme₂dsí₂ quió'₅.

* 27:45 lit. “hora jŋéi₂.” † 27:45 lit. “hora ŋi₃.” ‡ 27:46 Salmo 22:1.

51 Hora jaun₂ dé₄ dsón'₂ co₂dsia₅ ca₂chen₃ ca₂të₂ guei'₅₄ ca₂të₂ 'uë₃ ca₂lë₃ tin₃ tsín'₅ tsi'₁mi'₂ pa₁ a₂jme'₁ei₅ dsi₂néi₂ guá'₅ templo. 'Uë₃ guë'₂ ně₃ ca₂i₁bi₅₄, ni₁'lau₂ a₂te'₁i₁ ja₁jaun₂ qui₂ca₂dsón₂;

52 tau₂ 'ŋio₅ ně₃ qui₂ca₂niá₃ ca₂lë₃; ján₃ bá₄ qui₂ca₂jen'₅₄ juin₅ 'lag₄ ŋjó₅ quián₅ Diú₄ i₂ma₂dsan₃ le₂ŋjá₅.

53 Qui₂ca₂'uiin₂ tau₂ 'ŋio₅; ca₂i₃toin'₅₄ Jerusalén ciudad ŋjó₅ jme'₁ca₂jen'₅₄ Jesús, ton'₂ ca₂jme₃ŋniai₂₃ ně₃ ne₄ juin₅ dsa₂.

54 Jaun₂ juig₅₄ 'lióg₂ quian'₅₄ guë₄ dsa₂ i₂jme,quian'₅₄ jmo₂₃ 'í₁ Jesús, jme'₁ma₂të₅ ne₅₄ dsi₂bi₅₄ 'uë₃ ma₂lë₂ ca₂le₃jë₃ guë₄ 'e₂ a₂ca₂lë₃ jaun₂, jaun₂ guë₄ ca₂rë₃gó'₅ 'ŋio₅ lin₃; jaun₂ guë₄ ca₂juá'₂:

—Të₃dsón'₂ bá₄ jme'₁lín₄ i₂në₅ Ja₁ŋi'₅₄ Diú₄.

55 Jme'₁tion'₅₄ juin₅ 'io₅₄ ja₁jaun₂ jág₅, tióin₂ uing₂. 'Éi₂ ma₂ja₂lén₂ jme'₂ti₃ ne₄ Jesús le₂tan₅₄ 'uë₃ Galilea.

56 Jín₄ 'io₅₄ 'éi₂ jme'₁en₅₄ María i₂chan₂ Magdala, quian'₅₄ María chog₅₄ Jacobo quian'₅₄ Së₄; quian'₅₄ chog₅₄ chi'₂ quián₅ Zebedeo.

Ca₂'on₃ Jesús

(Marcos 15:42-47; Lucas 23:50-56; Juan 19:38-42)

57 Jme'₁ca₂tó'₂ nei₂ jmig₄ jaun₂, guan₃ jan₂ dsa₂ cha₂ cu₄ i₂chen₂ José, i₂chan₂ juig₂ Arimatea, ia₁ ján₃ bá₄ ca₂rë₃ 'éin₂ le₃quió'₅ Jesús.

58 'Éi₂ ně₃, ŋei₅₄ i₂jiin₁₂ Pilato, ca₂i₁mi'₄ 'lag₄ Jesús. Jaun₂ ca₂jmo₃ Pilato 'éi'₃ a₂jáng'₂ dsa₂.

59 Jaun₂ ně₃ ca₂tág₃ Së₄, ca₂lio₃ rë₂ quian'₅₄ caun₂ tsi'₁mi'₂ le₁jë₃.

60 Jaun₂ ca₂i₁tio'₂ 'ŋio'₃ caun₂ tau₂ 'ŋio₅ 'mí₂ quió'₅ 'ŋiog₅, a₂jme₁ma₂guéi₃ dso'₂ ni₁'lau₂. Jaun₂ ca₂jŋio'₃ ca₂míg₂ ni₁cang₁ li'₂ pa₁, ca₂jlě₂ 'o₄ tau₂ 'ŋio₅, jaun₂ guě₄ ca₂ŋái'₃.

61 La₁ María i₂chan₂ Magdala quiain'₅₄ María jan₂ 'éi₂, jaun₂ bá₄ jme₁tiain'₄ tē₂le₃ ja₁jniá₂ o₄'né₄ tau₂ 'ŋio₅.

Jmo₅ 'lióg₂ 'í₁ tau₂ 'ŋio₅

62 Jme₁jnia₃ táng₃ jaun₂, co₂'nió'₄ jme₁ca₂dsan₃ tion'₅₄ dsa₂ jmo₂₃ co₂jŋia₅₄ a₂'nió'₅ quió'₅ jmíg₄, jaun₂ ca₂i₁len₅₄ juig₅₄ jme₂dsa₂ quian'₅₄ dsa₂ fariseos ně₃ ca₂ŋii'₂ ne₄ Pilato,

63 ca₂i₁jua'₄:

—Gui'₅₄, dsáu'₅ dsi₅ jnia'₅₄, a₂ca₂juá'₂ tē₂jág₁ 'éi₂ lia'₂ con'₂ jme₁chain₂ guě₄, a₂jein'₅₄ táng₃ a₂'ni₅ jmíg₄.

64 'Uig₅₄ jaun₂, chen₅ 'lióg₂ jui₁dsi₂j mó'₂ 'í₁ tau₂ 'ŋio₅ ca₂lia'₂ ca₂tē₂ jmíg₄ 'ni₅, ia₁ con'₂ tsá₃ ŋó₅ ně₁jua'₂ ja₂lén₂ dsa₂ i₂jme₁quiain'₅₄ tē₂, jaun₂ táun₂ jág₁ cang₂, lé₂ le₃juá'₂: “Ma₂ca₂jein'₅₄ bá₄ táng₃.” Ia₁ ně₁jua'₂ ca₂lě₃ le₂jaun₂, ja₂lin₃ guě₄ juě'₂ lé₂ jág₁ tē₂jág₁ jē₁ca₂tó'₂ ně₅, con'₂ guě₄ jág₁ tē₂jág₁ le₂'uig₅₄.

65 Jaun₂ ca₂juá'₂ Pilato:

—Ně₅ tión₂ co₂nió'₃ i₂ně₅. O₂nó'₅ 'nia'₂ quiain'₅₄, o₂jmo₄ 'nia'₂ 'í₁ 'a₂ con'₂ jnia'₅₄ tian'₃ 'nia'₂ jmó'₂.

66 Jaun₂ ca₂i₃lén₂ jaun₂ ně₃, i₁jmo₅₄ 'í₁ dse₃ lin₃ tau₂ 'ŋio₅, ca₂tióng₃ caun₂ sello dso'₂ ni₁cang₁ a₂chi₁jni₅, jaun₂ ca₂chein'₃ co₂nió'₃ 'lióg₂ i₂jmo₃ 'í₁.

28

Jmíg₄ a₂ca₂jen'₅₄ Jesús

(Marcos 16:1-8; Lucas 24:1-12; Juan 20:1-10)

1 Ca₂ŋí₂ bá₄ jmí₄ sa₅₄. Jaun₂ ně₃, tē₂le₃ ca₂jnia₃ jmí₄ le'ui₅₄ semana, ca₂ŋe₄ María i₂chan₂ Magdala quiain'₅₄ María jan₂; ca₂i₁lein'₅₄ i₁jag₅₄ tau₂'ŋio₅ quió'₅ Jesús.

2 Con'₂ tsá₃ rē₂jáin₁ dsi₂jui₅ le₂jaun₂ ca₂i₁bi₅₄ 'uē₃ tiá₂ lin₃ ia₁ a₂ca₂sión₃ guei'₅₄ i₂juí₃ jan₂ ángel quián₅ Te₁gui'₅₄. Ca₂tē₁tsin'₅₄ o₄'né₄ tau₂ 'ŋio₅, ca₂mói₂ ni₁cang₁ a₂jme₁chi₁jni₅, jaun₂ ca₂guá₂ ne₄ jaun₂.

3 Ca₂lia'₂ tá₅ŋ'ŋio₅ lin₃ jniái₂ ju₁lia'₂ tá₅ si₁ŋí'₃. Tsin'₅₄ a₂qui'₂ guē'₂ tiog₂ jau₂ lin₃.

4 Jme₁ca₂jág₂ 'lióg₂ i₂tion'₅₄ jmo₅ 'í₁, ca₂rē₃gó'₅ 'ŋio₅ lin₃ ca₂jlein₃ ně₂jag₄ bá₄ tsá₃ dsí₅ chan₂ ca₂jén'₃.

5 Jaun₂ ca₂juá'₂ ángel ca₂tsí'₃ 'io₅₄:

—Tsá₃ jmo₂ 'nia'₂ gang'₃. Ia₁ guion₄ jniái₂ a₂'na'₂ Jesús i₂ca₂tion₃ dsa₂ cróg₄ bá₄ 'nia'₂ i₂niog'₅₄.

6 Tsá₃ 'éi₂ ma₃chan₂ ja₁lá₃; ma₂ca₂jein'₅₄ bá₄ tá₅ŋ₃ ju₁lia'₂ lē₅ ca₂juá'₂ 'ŋiog₅. La₂ i₂jag₄ de'₂ 'nia'₂ ja₁jme₁rē₂quiain₂₃.

7 O₂nó'₅ 'nia'₂ i₂ŋáu'₂ o₂chei'₅₄ chi'₂ dsi₂guia₃-tín₂ quiáin₅ a₂ma₂ca₂jein'₅₄ tá₅ŋ₃ ne₄ 'mú₃; ma₂'ein₅₄ ju₁ŋó₅ ŋŋiái₅ lia'₂ con'₂ guē'₄ 'nia'₂ ju₁ Galilea. Ja₁jaun₂ o₁jŋin'₄ 'nia'₂. Jág₁ ně₅ ma₂nē₂juí₂ 'nia'₂.

8 Jaun₂ ně₃ ca₂'uin₂ 'io₅₄ i₂ŋáu'₂, tē₃ ma₂gó'₅, ton'₂ jén'₅ rē'₂ 'io'₂ ján₃. Jaun₂ ca₂i₃lein₃ co₂chi'₅₄ i₁con₂ jág₁ ne₄ dsa₂ guia₃-tín₂.

9 Tē₃jē₄ i₂lein₃ jaun₂, con'₂ tsá₃ jáin₅ ca₂jme₃jnia₅ Jesús ne₅₄, ca₂juá'₂:

—¡Siang'₃!

Jaun₂ ně₃ ca₂jme₃quiáin₃ con₂ Jesús, ca₂chi₃jné₃ ca₂jmo₃ i₁'áin₃ ca₂tē₂ 'uē₃, ca₂quí'₃ cu₅ tag₄ Jesús.

10 Jesús ně₃ ca₂juá'₂:

—Tsá₃ lē₁jmo₂ 'nia'₂ gang'₃. O₂nó'₅ 'nia'₂ o₂con₄
jág₁ ne₄ ríng'₃ o₂chei'₅₄ 'nia'₂ ju₁dsi₂lein₅ jui₅
Galilea, jaun₂ ja₁jaun₂ jág₂ jniá₂.

Jág₁ a₂ca₂dsia₃ 'lióg₂

¹¹ Tē₁lia'₂ i₃len₃ 'io₅₄ 'éi₂ i₂con₃ jág₁, i₂lín₅₄ 'lióg₂
i₂jme₁jmo₅ 'í₁ i₃lein₃ jē₄ juig₂ i₁con₂ jág₁ ne₄ juig₅₄
jme₂dsa₂ ca₂i₁jua'₄ ca₂le₃jē₃ 'a₂ lia'₂ niog₅ ca₂lē₃.

¹² Juig₅₄ jme₂dsa₂ ně₃ ca₂ñi'₂ quian'₅₄ gui'₅₄ can'₅₄
ca₂jmo₃ jág₁, jaun₂ ca₂cuē'₃ 'lióng₂ cu₄ 'lióg₂ 'éi₂,

¹³ ca₂juá'₂:

—Le₂la₂ dsiá'₁ 'nia'₂ juig'₅₄ dsa₂: tē₁lia'₂
jme₁rē₂güin'₃ 'nia'₂ a₂'uē₂ ca₂dsi₃lén₂ dsa₂
i₂jme₁quian'₅₄, jaun₂ ca₂tág₃ 'lag₄.

¹⁴ Nē₁jua'₂ ca₂rē₃ñi₅ dsi₄má'₂ jág₁ ně₅, la₂ bá₄ ne₄
jniá'₅₄ 'a₂ lia'₂ jme₁'uan₅₄ dsí₅ ia₁jaun₂ tsá₃ cán'₁ 'nia'₂
O₂i₁ dsi₅.

¹⁵ Jaun₂ ca₂gue₃ bá₄ 'lióg₂ cu₄, jaun₂ le₂jaun₂ bá₄
ca₂jmo₃ con'₂ lē₅ jág₁ ca₂to'₂ dsa₂ 'éi₂. Jaun₂ le₂nē₅ bá₄
jág₁ 'ei₅ ca₂le₂con₂ le₁ñi₅ dsa₂ judíos ca₂tē₂ jmig₄ ně₃.

*Ca₂chen₃ Jesús chi'₂ dsi₂guia₃-tín₂ a₂dsi₃ 'ě₃ jág₁
(Marcos 16:14-18; Lucas 24:36-49; Juan 20:19-
23; Hechos 1:6-8)*

¹⁶ Jaun₂ ně₃ i₃len₃ bá₄ ta₁guia₃-ján₃ chi'₂ dsi₂guia₃-
tín₂ jui₅ Galilea, ca₂i₃lén₂ ja₁lě₄ caun₂ má'₂, lia'₂ con'₂
lē₅ ma₂ca₂juá'₂ Jesús le₂jñiá₅.

¹⁷ Jaun₂ dsi₂jui₅ jme₁ca₂jín₂ Jesús, ca₂chi₃jnë₃
ca₂jmo₃ i₁'áin₃, la₁ i₂lín₅₄ ně₃ tsá₃ caun₂
jme₁ma₂le₁'ág₄ dsí₅.

¹⁸ Jaun₂ ca₂jme₃quían₂ Jesús ja₁tióin₂, jaun₂
ca₂juá'₂:

—Ca₂le₃jě₃ bí₂ 'éi'₃ lia'₂ guei'₅₄ i₂juíg₃ lia'₂ ne₄ gua'₅₄
'uě₃ ně₃ ma₂ca₂ŋig₂.

19 Jaun₂ lě₃, o₂nó'₅ 'nia'₂ ně₃ ca₂le₂con₂ mi₂güíg₃,
o₂jme₁tin₅ 'nia'₂ dsa₂ a₂lén₂ dsa₂ quiáng₃,
o₂qui₂o₂chon₄ 'nia'₂ dsa₂ jmig₂, lia'₂ con'₂ lě₅ 'éi'₃
quió'₅ Ŋe'₃, quian'₅₄ lia'₂ con'₂ lě₅ 'éi'₃ quió'₅ Ja₁ŋi'₅₄,*
quian'₅₄ lia'₂ con'₂ lě₅ 'éi'₃ quió'₅ Jme₂dsí₂ Ŋŋió₅,

20 o₂jme₁tin₅ 'nia'₂ a₂nag₃ gau₂ ca₂le₃jě₃ 'éi'₃
a₂ma₂cuě₃ jniá₂ 'nia'₂. Jaun₂ ŋi'₅₄ 'nia'₂ ně₃, la₂ bá₄
'eng₅₄ quian'₅₄ 'nia'₂ ca₂le₃jě₃ jmig₄, ca₂lia'₂ ca₂'ŋia₅
jmig₄ jě₁ca₂tó'₂.

Co₂ně₅.

* 28:19 'Nio'₂ ja₁ton₅ Romanos 6:3; 1 Corintios 1:13; Gálatas 3:27.

Jag₁ 'mí₂ a₂ma₂li'₅₄ quian'₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 30 Dec 2021

5c52af9e-3086-5d57-9b7e-2e495fea8899